

C. CRISPI SALLVSTII

O P E R A

E X C E P T I S F R A G M E N T I S

O M N I A

E D I D I T

E T

PROOEMIO QVADRIPARTITO, ARGVMENTISQVE
CAPITVM PRAEMISSIS, EAM, QVAE IN SCHOLIS
LEGI SOLET, PARTEM

NOTIS ILLVSTRAVIT

M. HENR. KVNHARDT

GYMN. LVB. PROF.

P A R S P O S T E R I O R
CONTINENS BELLVM IVGVRTINVM.

L I P S I A E
IMPENSIS JOA. AMER. BARTHII
CICIDCCCXII.

C. CHRISTY SALLISTH

O. P. H. A.

EXCERPTS FROM HIS

REMARKS

EDDIT

THEO. G. QUADRIPARTO. ARGUMENTS

IN FAVOR OF THE

LEGAL SYSTEM

NOTICE TO THE

THE H. A. S. T.

THE H. A. S. T.

THE H. A. S. T.

THE H. A. S. T.

THE H. A. S. T.

THE H. A. S. T.

THE H. A. S. T.

CAII CRISPI SALLUSTII
BELLVM IVGVRTHINVM.

BELLI IVGVRTHINI EXPOSITIO.

Singulis historiae partibus Noster universa quaedam praemittere solet, quae nec prorsus ab ipso libri cujusque fine aliena, nec vero etiam necessaria mihi videntur. Haec autem tum ad omne genus humanum, tum ad corruptos populi Romani mores, denique ad ipsum libri auctorem, ejusque consilium pertinent. Mihi quidem, nisi omnis me pulchri sensus deficit, et justos in hoc exordio limites transgressus, et plura, quae minus cum primario praefationis fine cohaerent, eidem intexuisse videtur; quod eo magis reprehendendum censeo, quo similior quibusdam in locis huic praefationi est illa, quam bello Catilinario dixit. Pleraque tamen ad probandum auctoris consilium pertinere videntur, quod ex notionum serie, singulis capitibus a nobis praemissa, patebit.

C A P V T I.

[Vanae sunt hominum de imbecillitate virium querelae; humana enim natura nihil neque per se nobilius, nec

PARS II.

A

ad fortunae vim infringendam efficacius est, dummodo suis viribus recte utantur mortales.]

Falso queritur de natura sua genus humanum, quod imbecilla atque aevi brevis forte potius, quam virtute regatur. Nam contra, reputando, neque majus aliud, neque praestabilius invenias, magisque naturae industriam hominum, quam vim, aut tempus deesse. Sed dux atque imperator vitae mortalium animus est: qui ubi ad gloriam virtutis via grassatur, abunde pollens potensque et clarus est, neque fortunae eget: quippe probitatem, industriam, alias artis bonas neque dare, neque eripere potest. Sin

CAP. I. *Quod imbellica, atque aevi brevis forte potius, quam virtute regatur. Vox imbecilla ad naturam referenda est, non ad sextum casum sequentem, quia fors (h. e. fortuitas rerum atque eventuum nexus) imbecilla videri nequit iis, quorum querelam auctor refutat. Omissum est verbum sit.*

reputando. Jungenda est haec vox verbo sequenti *invenias*, ut sensus sit: contra, siquidem tecum rem considerare, naturamque humanam penitus per-vestigare volueris, invenias.

industriam hominum — diligentem ingenii culturam.

quam vim aut tempus. Opponuntur *vis* et *tempus* imbe-

cillitati et *vitae brevitati*, quas a plerisque accusari dixerat.

Sed dux atque imperator. Ducem atque imperatorem propterea vocat animum, quod libertatem absolutam ei tribuit. Lectissimis autem hisce vocibus eorum, qui fortuna vitam regi queruntur, sententiam refutat. Seneca *rectorem regemque* animum adpellat. Vterque Graecorum philosophorum loquendi rationem sequutus est, a quibus animus adfectuum gubernator, τὸ ἡγεμονικόν dictus est.

artis bonas virtutes animi bonis disciplinis eruditi artium nomine significantur.

artis bonas neque dare, neque eripere potest. Ad Stoi-

captus pravis cupidinibus ad inertiam et voluptatis corporis pessum datus est: pernicioſa libidine paullisper uſus; ubi per ſecordiam vires, tempus, ingenium defluxere, naturae infirmitas accuſatur: ſuam quiſque culpam auctores ad negotia transferunt. Quod ſi hominibus bonarum rerum tanta cura eſſet, quanto ſtudio aliena ac nihil profutura, multumque etiam periculofa

A 2

corum ſententiam hic locus accedit, quam paulo durius dictam invenimus apud Tullium: „Virtutem nemo unquam Deo acceptam retulit.“ Quatenus vera ſit, a docentibus coram exponatur. Plurimi olim codices habebant: *neque dare, neque eripere cuiquam poteſt*. Interpoſitam hanc vocem, ſimilium locorum paucorumque Mſſ. auctoritati nimium forſan concedens, Cortius delevit.

pessum datus est. Vocem *pessum* Cortius pro Supino antiqui verbi *petior* (h. e. *subigor, pedibus calcor*), Schellerus pro nomine, *fundum* denotante, habet, quod cum veri ſimilitudine colligitur ex hoc Plauti loco: Rud. „Nunc eam cum navi ſcilicet abiviffe peſſum in altum.“

perniciosa — uſus. Graecorum hic loquendi uſum imitatur Noſter, Nominativum ponens abſolutum, ut ſenſus ſit: et

poſtquam pernicioſa libidine p. uſus eſt.

tempus non aetatem, ſive omnem hominum vitam, ſed rerum gerendarum opportunitatem ſignificare videtur. In quibusdam loc. a Cort. citat. addita invenitur vox *aetas*, quae gloſſae ſuſpicionem habet *defluxere*. Defluere dicuntur res de ſuperiori loco labentes; figurato autem loquendi modo ad res praetereuntes atque evaneſcentes ſignificandas hiſce verbis utuntur Latini: *fluere, defluere, decurrere.*

ſuam — transferunt. Ipſa negotia difficultatem nimiam habere cauſantur, ſuam vero ſecordiam non accuſant.

aliena ac nihil profutura. Iterum Stoicae philoſophiae conſultum haec verba produnt. Illius enim ſectatoribus omnia fortunae bona, quae τὰ ἄγαθὰ ἢ μὴν adpellabant, ſapientis viri voto indigna videbantur. Verum *futilia* quoque,

petunt; neque regerentur magis, quam regerent casus, et eo magnitudinis procederent, ubi pro mortalibus gloria aeterni fierent.

C A P V T II.

[Duplex autem est virium humanarum genus; animae scilicet atque corporis. Et illa quidem immortalis est, hoc morti obnoxium; quo fit, ut ingenii facinora, siquidem egregia sint, aeternam gloriam comparent, contra, quae ad corpus solummodo spectant, vana merito habeantur. Reprehendendi ergo sunt, qui corpori servire, quam ingenio virtuteque excellere malunt.]

Nam uti genus hominum compositum ex anima et corpore: ita res cunctae studiaque omnia nostra corporis alia, alia animi naturam sequun-

ad primarium hominis finem non pertinentia, hoc vocabulo significantur.

neque regerentur etc. Haec verba, sicut nunc sunt, a plerisque antecedentibus subiungi, conclusionemque continere putantur, quia τὸ et referendum est ad particulam *neque*. Attamen ego scribentium mendam in textum irrepsisse, et omissa conjunctione altera, quae propter sequens eo facile adjici potuit, ita legendum suspicor: *neque regerentur magis, quam regerent casus: eo magnitudinis* etc. ut apodosis voce eo incipiat.

eo magnitudinis ad eum magnitudinis gradum.

ubi in quo collocati. Nihil

sane est, quod hisce in verbis legentem offendere possit, nec opus videtur ulla particulae *ubi* emendatione, pro qua *uti* legere maluerunt nonnulli.

CAP. II. *Res cunctae studiaque omnia nostra corporis alia, alia animi naturam sequuntur.*

— Distinguit h. l. Sallustius res, quae non sitae sunt in hominum potestate, a studiis, quae ab eorum arbitrio pendent. — Sequi autem naturam animi dicitur id, quod ad indolem ejus adcommodatum est, sive ad excolendum animum pertinet. — Denique nullam inter animum et animam a Nostro differentiam statui ex hoc loco intelligitur.

tur. Igitur praeclara facies, magnae divitiae, ad hoc vis corporis, alia hujusmodi omnia brevi dilabuntur; at ingenii egregia facinora, sicuti anima, immortalia sunt. Postremo corporis et fortunae bonorum, ut initium, finis est: omnia orta occidunt et aucta senescunt; animus incorruptus, aeternus, rector humani generis,

Igitur etc. Hac voce utuntur Latini, cum ad illustrandam uberiusque tractandam rem sese accingunt. Ergo verba: *igitur praeclara facies etc.* nihil aliud sibi volunt, quam: Quod igitur ad praeclaram faciem, magnas divitias etc. attinet.

Facies non oris tantum lineamenta, sed omnem externum corporis habitum atque formam significat.

at ingenii egregia facinora, sicuti anima, immortalia sunt. Quae a plerisque scriptoribus *opera* vel *ingenii*, vel *artis* vocantur, qualia sunt scripta praeclara, poemata, tabulae pictae, signa atque similia, iis facinorum nomen h. l. tribuit. Confer. locum *Lactantii* VII. II., qui *animi* immortalitatem ex immortali, quam *opera* ejus nanciscantur, gloria colligere audet. — Noster autem locus pro ratiocinio non est habendus.

Vt initium, finis est: Non comparatur initio finis, sed utrumque (ortus nempe et in-

teritus) tribuitur corporis fortunaeque bonis; ac si diceres: et oriuntur et occidunt. Prioris autem particulae (*ut*), cui τὸ sic opponi solet, *causalis* interdum est significatio. Itaque *Cortius* sic interpretatur: „quia initium, etiam finis est.“

omnia — senescunt. Hisce verbis priorem explanat sententiam. Intell. Omnia, quae orta sunt, posteaquam, incremento capto, ad summum quodque fastigium pervenerunt, dilabuntur atque intereunt.

animus incorruptus. Plerumque Sallustius, gravitatis brevitatque dicendi amans, usitatas illas, quibus singula orationis membra inter se conjungi solent particulas, quales sunt *autem, sic, tum etc.* omittit, quod semel hic doceantur juvenes. — *Incorruptus* autem animus h. l. non propterea, quod *integer, scelerisque purus*, sed quod morti obnoxius non sit, adpellatur.

agit atque habet cuncta, neque ipse habetur. Quo magis pravitas eorum admiranda est, qui, dediti corporis gaudiis, per luxum atque ignaviam aetatem agunt: ceterum ingenium, quo neque melius, neque amplius aliud in natura mortalium est, incultu atque secordia torpescere sinunt: cum praesertim tam multae variaequae sint artes animi, quibus summa claritudo paratur.

CAPV T III.

[Nemini tamen suadendum videtur, ut hisce temporibus ad remp. administrandam accedat.]

Verum ex his magistratus et imperia, postremo omnis cura rerum publicarum, minime mihi

agit atque habet cuncta. Habere dicimur ea, quae in nostra sunt potestate, ut pro lubitu arbitrioque iis uti possimus. Sic Ovid. I. Metam. 197:

„Cum mihi, qui fulmen, qui vos habeoque, regoque.“

Propterea homines ipsi haberi dicuntur, si, libertate arbitrii minus utentes, vel voluptatibus, vel omnino rebus externis resistere non valent, neque amplius imperium in eas exercent. Et Aristippus quondam: ἔχω... Λαίδα, inquit, ἔχωμαι — habeo Laidem, non habeor; i. e. consuetudine Laidis fruor,

non autem pro ejus lubitu, sed mea sponte.

„Quo neque melius neque amplius aliud in natura mortalium est.“ — Similiter Cicero, sed brevius: quo nihil est praestantius, neque divinius.

incultu h. e. neglectu culturae. Sic *injussu*, *intactu*, *inconsultu* dicitur. Et Plautus: Ego sum *inusu* factus nimio nequior. — Animi autem et agri cultura comparantur a Quintil. II. 20. Cfr. Epictet. Cap. LXIII.

CAP. III. *Ex his* — sc. variis animi artibus.

hac tempestate cupiunda videntur: quoniam neque virtuti honos datur; neque illi, quibus per fraudem jus fuit, tuti, aut eo magis honesti sunt. Nam vi quidem regere patriam, aut parentes, quamquam et possis, et delicta corrigas, tamen importunum est: cum praesertim omnes rerum mutationes caedem, fugam, aliaque hostilia portendant; Frustra autem niti, neque

Hac tempestate. — Ipsi enim Stoici, quos potissimum sequi videtur Noster, non omni tempore a publicorum munerum administratione sapientibus viris abstinendum arbitrati sunt. Nam Epicurus: non accedat, inquit, ad remp. sapiens, nisi si quid intervenerit.

quibus per fraudem jus fuit. Miretur forsan juvenis, legens, per fraudem jus adquiri potuisse. Sed juris eadem hic est, quae potestatis atque honoris, notio. Eodem sensu, ut vulgare proverbium adferam, penes usum loquendi jus esse dicitur atque potestas.

aut eo magis honesti sunt. Honesti plerumque dicuntur homines probi, quoniam virtus sola verum nobis tribuit honorem; verum h. l. honoratos intelligi putant plerique, et hanc interpretationem exemplis probabilem reddunt. Sic Cicero: Nos, inquit, in hac sententia sumus, ut te cupiamus in libera rep. magnum et honestum esse. Negari tamen

nequit, alteram quoque significationem a loci sententia non esse alienam.

parentes. Si eos, quibus nati sumus, intellexisset, male opposita esset h. l. patria parentibus. Igitur a verbo parere derivanda est vox parentes, ut patria Romam ipsam, parentes reliquos Romani imperii cives ac subditos significet.

Cum — portendant. Importunam, h. e. tam ipsi reip., quam imperanti, incommodam esse violentiam probat, eamque caedem, fugam, et reliqua mala non aliter sequi, ac si portento quodam sint indicata.

Frustra niti sc. ut perversi civium mores corrigantur. Supervacaneum hoc emendandi studium disuadet etiam Seneca de otio Sap. Cap. XXX. „Non nitetur, inquit, sapiens in supervacuum, nec se nihil profuturus impendet, si parum habebit auctoritatis et virium.

aliud fatigando, nisi odium, quaerere, extremae dementiae est: nisi forte quem inhonesta et pernicioſa lubido tenet, potentiae paucorum decus atque libertatem ſuam gratificari.

C A P V T IV.

[Res a maioribus geſtas memoriae tradere ſe velle proſitetur, idque inſtitutum nec civibus inutile, nec infra ſuam dignitatem fore ſibi perſuadet. Illos enim, maioribus admodum diſſimiles, rerum geſtarum interna dignitate ad virtutis ſtudium excitari poſſe. Sibi vero in tam corrupta civitate otium magis, quam honores, optabile videri. Refutat etiam obſectatorum, ſi qui forte exiſtant, convicia.]

Ceterum ex aliis negotiis, quae ingenio exercentur, in primis magno uſui eſt memoria rerum geſtarum: cujus de virtute, quia multi dixere, praetereundum puto; ſimul, ne per inſolentiam quis exiſtumet, memet, ſtudium laudando, extollere. Atque ego credo fore, qui,

odium quaerere — ſibi parere, contrahere.

Decus — omnem vitae honeſtae ornatum atque honorem ſignificat.

Gratificari — uſitatius foret *gratificandi*. Sic infra Cap. LXXXIX. „majora et aſpera aggredi tempus“ pro, *aggrediendi* dixit. Sed alii centies eodem modo. Cfr. Cortius ad loc. citat. *Gratificari* eſt

noſtrum auſopfern — devovere.

CAP. IV. *Memoria* h. l. idem eſt, quod *narratio*, *descriptio*, cum ingenii negotium dicatur.

Virtus eſt genuina, ſeu peculiaris rei praetantia.

praetereundum puto — ſc. historiae praetantiam pluribus deſcribere.

Atque. Haec particula, qua Latini objectioni ſaepe occur-

quia decrevi procul a republica aetatem agere, tanto tamque utili labori meo nomen inertiae imponant: certe, quibus maxuma industria videtur, salutare plebem, et conviviiis gratiam quaerere. Qui si reputaverint, et quibus ego temporibus magistratus adeptus sum, et quales viri idem adsequi nequiverint, et postea quae genera hominum in senatum pervenerint; profecto existumabunt, me magis merito, quam ignavia, iudicium animi mutavisse, majusque commodum ex otio meo, quam ex aliorum negotiis reipublicae venturum. Nam saepe audivi, Q. Maximum, P. Scipionem, praeterea civita-

runt, eandem, quam *tametsi*, *quamvis*, *attamen*, habet notionem.

Certe quibus etc. ii certe, quibus etc. Pessimum ac levissimum genus hominum hisce verbis denotat, suumque simul istius levitatis contemptum declarat. Omnem vero civitatem una quasi contagio corrumperat, nec meritis virtutibusque, sed blanditiis, largitionibus, salutando, epulisque gratiam sibi ac honores quaerebant.

adeptus sum et quales — nequiverint. Non modo propter antecedens verbum, quod primumque Coniunctiv. sequitur, sed propter membrorum etiam similitudinem *adeptus sum* scribere debuisse videtur. Sed

placet sibi Noster in liberiore quadam constructione; neque tamen imitanda est haec licentia.

magis merito, quam ignavia, h. l. iudicio arbitrataque magis, et serio perpensa reip. conditione (*aus guten Gründen*), quam laboris taedio.

iudicium — animi propositum, sententiam, consilium. Antea magistratus ac honores quaesiverat, nunc otium praeferebat — non inertia socordiaque, sed quod otiosum se magis profuturum civibus sperabat.

praeterea civitatis etc. Scribere debuisset, sicuti fecit aliis in locis: *multos* — sive: *alios* praeterea.

tis nostrae praeclaros viros solitos ita dicere, CVM MAIORVM IMAGINES INTVERENTVR, VEHEMENTISSVME SIBI ANIMVM AD VIRTVTEM ACCENDI. Scilicet non ceram illam, neque figuram tantam vim in sese habere; sed memoria rerum gestarum eam flammam egregiis viris in pectore crescere, neque prius sedari, quam virtus eorum famam atque gloriam adaequaverit. At contra, quis est omnium his moribus, quin

Imagines majorum. Quas in atriis collocare solebant, ut et majorum memoriam celebrarent, et generis nobilitatem conspicuam redderent. Hinc fumosae quorundam imagines propter vetustatem a poëtis dictae sunt. Nonnulli autem Romanorum ista generis antiquitate, sicut recentissimi aevi homines gloriari, et novos cives, eos nempe, qui vel peregrinis, vel obscuris parentibus nati essent, prae se contemnere solebant. Hinc Seneca: non facit nobilem, inquit, atrium plenum fumosis imaginibus. Multos vero etiam majorum recordatio ad egregia facinora excitabat. Eundemque effectum hanc suam rerum gestarum narrationem habituram esse confidit Sallustius.

non ceram — illam scil. e qua majorum imagines erant fictae.

Scilicet — habere. Propter

Infinitivum legentes putabunt, Fabiorum Scipiorumque orationem continuari, donec ad periodi medium pervenerint, ubi de *egregiis* viris sermo est. Sallustius enim, interpretans illorum dicta, eos quasi loquentes inducit. Supple nostrum: „*dachten sie.*“

Egregiis viris in pectore; usitata veteribus constructio. Nam saepissime Dativo pro secundo casu utuntur. E. g. *Illis* terror, *Romanis* animus crevit. Liv. XL, 32. Quantam autem vim in hominum animos exerceat ista magnorum virorum recordatio, docet Caesaris exemplum, ingemiscens, cum Alexandri imaginem adspiceret. V. Sueton. Caes. Cap. VI.

famam atque gloriam — sc. majorum.

his moribus — hac morum pravitate; hisce temporibus, ubi tanta est morum corruptela. Nam pronomini demonstrativo hanc saepissime vim

divitiis et sumtibus, non probitate neque industria cum majoribus suis contendat? etiam homines novi, qui antea per virtutem soliti erant nobilitatem antevenire, furtim et per latrocinia potius (quam bonis artibus) ad imperia et honores nituntur. Proinde quasi praetura et consulatus, atque alia omnia hujusmodi per se ipsa clara, magnifica sint; ac non perinde habeantur, ut eorum, qui sustinent, virtus est. Verum ego liberius altiusque processi dum me civitatis morum piget taedetque. Nunc ad inceptum redeo.

tribuunt, ut praesentem rerum conditionem significet. Interdum adeo absolute ponunt. Sic epistola quaedam Ciceronis hisce incipit verbis: Quomodo *haec* se habeant — i. e. qualis sit hodierna rerum — reipublicae — conditio etc.

homines novi. Καλῶσι δ' ἑαυτῶν, inquit Appianus, τὰς ἀφ' ἑαυτῶν, ἀλλ' ἔ τῶν προγόνων γνῶριμους. Silius vero hominem novum ita describit: Atque illi sine luce genus, surdumque parentum Nomen.

Proinde quasi etc. non aliter ac si summi in rep. honores, quorum praecipui sunt consulatus atque praetura, per se possint hominem ornare, quamvis ipse virtute bonisque artibus, quibus solis istorum munerum dignitas atque majestas

conspicua redditur, prorsus careat.

sustinent — administrant. Sustineri autem illi magistratus propterea dicuntur, quod oneriferendo possunt comparari.

Perinde — ut eorum virtus est. H. e. quo major virorum munera illa sustinentium virtus, eo clariora sunt munera ipsa.

Verum — processu. Ipse jam fatetur, quod in exordio comment. nos quidem reprehendendum esse censuimus.

dum me civitatis morum piget — h. e. quia me piget. Tam vehementer enim oderat civitatis corruptos degeneratosque mores, ut justo longiorem interdum eorum mentionem faceret.

redeo. Redire nonnunquam

CAPUT V.

[Belli, quod scripturus sit, naturam magnitudinemque paucis lineis adumbrat; tum, quae ad cognoscendas ejusdem causas atque progressus praemittenda sunt, exponit.]

Bellum scripturus sum, quod populus Romanus cum Iugurtha, rege Numidarum gessit: primum quia magnum et atrox, variaque victoria fuit; dein quia tum primum superbiae nobilitatis obviam itum est. Quae contentio divina et humana cuncta permiscuit, eoque vecordiae processit, uti studiis civilibus bellum atque vastitas Italiae

dicitur ad rem, quā, quod nondum inceperat, aggreditur. Et omnino, Donato teste, syllaba *re* in quibusdam verbis abundat; ut *renuntio* saepissime nihil aliud sit, quam *nuntio*.

CAP. V. *Varia victoria, Romanis modo vincentibus, modo victis.*

superbiae nobilitatis obviam itum est. Nam et tribuni plebis, et Marius, aliique, patriciorum potentiam fregere. *Obviam ire* h. l. idem est, quod *resistere, frangere, deminuere* — *Einhalt thun*. Sic Iugurtha Cap. XXIII. dicit: se Adherbalis sceleri obviam ivisse, ubi est nostrum: *zuvorgekommen seyn*.

quae contentio — Contentio-

nis autem notio latet in verbo antecedenti.

divina et humana cuncta permiscuit — idem quod Catil. XI, 7. *sacra profanaque omnia polluere*. His enim verbis *jurium*, tam divinorum quam humanorum, violationem, totiusque reipublicae perniciosam conturbationem describere solent. Violantur autem Deorum *jura* templorum direptione — sacris neglectis — pietatisque legibus contemptis. Quare Florus in simili rerum perturbatarum descriptione Cap. V. n. 7. „tum quidem, inquit, domus, templa et arae, humana omnia, atque divina jura violata sunt.

studiis civilibus — factionibus civium seditiosorum.

finem faceret. Sed priusquam hujusmodi rei initium expedio, pauca supra repetam; quo ad cognoscendum omnia illustra magis, magisque in aperto sint. Bello Punico secundo, quo dux Carthaginensium Hannibal, post magnitudinem nominis Romani, Italiae opes maxime adtriverat; Masinissa rex Numidarum, in amicitia receptus a P. Scipione, cui postea Africano cognomen ex virtute fuit, multa et praeclara rei

omnia illustra magis, mag. in aperto sint — in ein helles Licht gesetzt werde. Nam vox *illustris* h. l. non habet gloriae laudisque significationem. Ne quis credat posteriora verba ab interprete aliquo adjecta esse, atque superflua, repeto Taciti locum huic simillimum, (a Cortio citatum) qui Agric. C. I. „apud priores, inquit, agere memoratu digna primum, magisque in aperto erat.“

post magnitudinem nom. Rom. Cortius et alii haec ita intelligunt, ut sit: postquam ad altiore magnitudinis virtutisque bellicae gradum provecta erat resp. Aliter Tellerus in indice Latin. dicens: postquam eam attriverat, etiam maxime Italiae opes attriverat.

Masinissa, Massylorum, gentis Africanae, rex, Carthagine educatus, Micipsae pater, avus Jugurthae. De quo — longe maximo omnium aetatis suae

regum — scripsit Livius XXIX. 29. Cfr. Justin. XXXVIII. 6,

in amicitia receptus. Hanc vetustissimorum codd. lectionem recepit atque tuetur Cortius. Plura etenim exempla ex optimorum scriptorum libris ad eandem probandam allegavit; qualia sunt: *in senatu* perduxit, et *in aede* Concordiae venire jubet. Catil. XLVI. 6. et: Quinam Cinaedus ille *in conspectu meo* audet venire. Saepius tamen suspicor lineolam — qua *to u in um* mutari poterat, a librariis omissam esse.

Cui postea Africano cognomen ex virtute fuit. De quo Horatius Od. IV. 8. 17: Non incendia Carthaginiis impiae — Ejus qui domita nomen ab Africa — *lucratus* rediit etc. Memorabile est, hunc primum fuisse, qui a terra, non ab urbe devicta nomen retulerit.

militaris facinora fecerat: ob quae, victis Carthaginiensibus et capto Syphace, cuius in Africa magnum atque late imperium valuit, populus Romanus quascumque urbis et agros manu ceperat, regi dono dedit. Igitur amicitia Masinissae bona atque honesta nobis permanfit: imperii vitaeque eius finis idem fuit. Dein Micipsa filius regnum solus obtinuit, Mastanabale

Syphace — rege Massaesylorum, in Numidia versus occidentem habitantium. Contra hunc Gala, Masinissae pater, facta cum Carthaginiensibus societate, filium miserat, qui Syphacem, Romanorum socium, atroci proelio vicit, et postea cum eodem varia fortuna bellavit. Hujus fata narrat Livius XXIV. Cap. 48.

bona atque honesta. Si quis praeceptorum de hac Rom. cum Masin., Numidarum rege, amicitia uberius differere cupit, consulat Livii lib. XXV. Cap. XXXV. *bona* autem dicitur, quod fidelis, *honest*a, quod honorata esset.

permanfit — semper fuit — nunquam interrupta est.

imperii vitaeque eius finis idem fuit. Non ita absurda mihi videtur eorum interpretatio, qui *usque ad mortem eum imperium retinuisse* intelligunt, quamvis Cortius, graviter reprehensus illis, doctiorem adjungat verborum explicationem. „Nam qui vitam amit-

tit, inquit, eum inter vivos imperium tenere nemo facile credit. Sed hic sensus est: imperium in donatas urbes atque agros non translatum esse ad filios, sed cum vita Masinissae defuisse.“ In quo mihi quidem falli videtur. — Si enim Masinissa vel victus ab aliquo hoste regno expulsus, vel a Romanis iterum eodem privatus fuisset, imperii vitaeque non eundem habuisset finem. Forfan autem expulissent eum Romani, si ejus amicitia „minus bona“ ac honesta fuisset. Sallustius igitur, perpetua, usque ad mortem, dominatione, tanquam fidelis amicitiae praemio, Masinissam gavisum esse, testatur.

Micipsa solus. Numerosam enim e concubinis subolem reliquerat Masinissa, tres tantum legitimos ex conjuge filios — *Micipsam, Gulussam, Mastanabalem.* „De XL regis filiis vid. Eutrop. IV. Cap. 5. n. 5. Cfr. Appian. Pun. pag. 63.“ Cort.

et Gulussa fratribus morbo absumtis. Is Adherbalem et Hiempsalem ex sese genuit; Iugurthamque, Mastanabalis fratris filium, quem Masinissa, quod ortus ex concubina erat, privatum reliquerat, eodem cultu, quo liberos suos, domi habuit.

CAPUT VI.

[Iugurtha strenuis assiduisque corporis exercitationibus ad belli molestias perferendas, et quaevis negotia gerenda idoneum se reddit, ac primum et universi populi gratiam et Micipsae amorem sibi conciliat; mox tamen huic suspicionem ciet.]

Qui ubi primum adolevit, pollens viribus, decora facie, sed multo maxime ingenio validus, non se luxu, neque inertiae corrumpendum dedit; sed, uti mos gentis illius est, equitare, iaculari, cursu cum aequalibus certare:

quem Mas. quod etc. sc. Iugurtham. Nam ad Manastabalem quominus referatur, et historiae veritas et verborum ordo impedit. Manastabalem disertis verbis legitimum Masinissae filium fuisse adfirmat Appianus.

eodem cultu habere — eodem modo educare, ac eundem victum cultumque praebere.

CAP. VI. *Vbi primum* — Simulac — posteaquam.

multo maxime ingenio vali-

dus, ganz vorzüglich stark am Geiste. Sic enim Latini saepissime superlativo utuntur. Cfr. Catil. XXXVI. „imperium populi R. *multo maxime* miserabile visum.

gentis illius. Numidas enim istiusmodi certamina amasse, praeter Livium et Appianum, docent Cic. in orat. pro rege Dejotaro Cap. X. et Herod. VII. 9. De artibus autem, quibus reliquos anteisse dicitur Iugurtha, conf. Terent. A. I. Sc. I. v. 35.

et cum omnis gloria anteiret, omnibus tamen carus esse: ad hoc pleraque tempora in venando agere, leonem atque alias feras primus, aut in primis ferire: plurimum facere, minum ipse de se loqui. Quibus rebus Micipsa tametsi initio laetus fuerat, existumans virtutem Iugurthae regno suo gloriae fore: tamen, postquam hominem adolescentem, exacta sua aetate, parvis liberis, magis magisque crescere intellegit, vehementer negotio permotus, multa cum animo suo volvebat. Terrebat natura mortalium, avi-

gloria anteiret, laude celeritatis, agilitatisque praestaret. „Dubito valde, inquit Cortius, an vox *gloria*, quae a recenti manu adpicta erat, a Sallustio sit perscripta.“ Nec injuria mihi quidem dubitare videtur. Nam a) vox gloria nimis splendida h. l. esset; b) hiatus vehementer auribus displicet: *gloria anteiret*; c) verisimile est, adjecta voce gloria sciolum quendam quartum, qui antecedit, casum „omnis“ explicare, seu a Nominativo distinguere voluisse.

plurimum facere, minum ipse de se loqui. Certissimum profecto verae magnitudinis indicium. Pauca enim de se loquentis, ac plurimum facientis animus ipsis rebus tam vehementer occupatus est, ut gloriolae inde nascentis imme-

mor sit, eamque nihili ducere videatur.

exacta sua aetate, parvis liberis, h. e. quum ipse jam grandaevus, liberorum vero aetas tenera esset — se jam grandaevo, teneris adhuc liberis.

negotio — nihil aliud est quam *re* — *eo*. Sicut enim, cum de hominibus sermo est, pronominum loco *hominem*, seu *virum*, ita, ubi de rebus — difficilibus praesertim ac molestis — loquuntur, *negotium* (πράγμα) dicunt.

Terrebat natura mortalium — metuebat suis liberis a crescente adoptati filii magnitudine, non ignorans mortalium indolem, atque innatam imperandi cupiditatem.

da imperii et praeceps ad explendam animi cupidinem: praeterea opportunitas suaeque et liberorum aetatis, quae etiam mediocri viros spe praedae transvorsos agit: ad hoc studia Numidarum in Iugurtham accensa; ex quibus, si talem virum interfecisset, ne qua seditio, aut bellum oriretur, anxius erat.

CAPVT VII.

[Igitur Micipsa, quo facilius et absque suo ipsius periculo, juvenem perderet, Numidis eum, quos in Hispaniam Romanis auxilio mittebat, praefecit. Sed Iugurtha egregiis factis, quibus prospera semper arridebat fortuna, et modestia singulari P. Scipionis totiusque exercitus summum sibi conciliavit amorem.]

His difficultatibus circumventus ubi videt, neque per vim, neque insidiis opprimi posse hominem tam acceptum popularibus, quod erat Iugurtha manu promptus et adpetens gloriae militaris, statuit eum objectare periculis et eo mo-

praeceps — vehemens, nimium ardens, *voreilig*, *unbesonnen*, *allzurasch*.

suaeque et liberorum — et suae et liberorum. Suspicebatur enim senex, fore, ut se decrepitum et aetate infirmum, Numidarum studiis adjutus, op-

primeret, suisque liberis — nondum adultis, regnum eriperet; vel etiam, quod magis probo, ut, mortuo se, filios patrimonio privaret.

transvorsos agit — a recta iustitiae probitatisque via seducit.

do fortunam tentare. Igitur, bello Numantino, Micipsa cum populo Romano equitum atque pedatum auxilia mitteret, sperans, vel ostentando virtutem, vel hostium saevitia facile occasurum, praefecit Numidis, quos in Hispaniam mittebat. Sed ea res longe aliter, ac ratus erat, evenit. Nam Iugurtha, ut erat impigro atque acri ingenio, ubi naturam P. Scipionis, qui tum Romanis imperator, et morem hostium cognovit; multo labore multaque cura, praeterea modestissime parendo et saepe obviam eundo periculis in tantam claritudinem brevi pervenerat, ut nostris vehementer carus, Numantinis maximo terrori esset. Ac sane, quod difficillimum in primis est, et praelio strenuus erat, et bonus consilio: quorum alterum ex providentia timorem, alterum ex audacia temeritatem adferre plerumque

CAP. VII. *fortunam tentare*, experiri, an forte in proelio occideret.

bello Numantino. Cujus narrationem vid. apud Florum II, 17. 18.

Micipsa. Repetit hoc nomine subjectum narrationis, quod secundum nostrae linguae indolem praemittendum fuisset — more Latinis solemni.

qui tum Romanis imperator. Similes verbi sunt intermissiones sequentibus in locis de-

prehendes: Catilin. VI. 6. XX. 11.

bonus — non probitatem h. l. sed in consulendo dexteritatem significat. Saepe enim haec vox respondet nostris: brauchbar, geschickt, graecoque ἀγαθός τε. Sic infra Cap. XIII. n. 1. *bello meliores*.

quorum alterum — sc. consilio bonum esse.

ex providentia etc. nemo enim, nisi qui providens sit, bene consulere potest.

solet. Igitur imperator omnis fere res asperas per Iugurtham agere, in amicis habere, magis magisque in dies amplecti: quippe cuius neque consilium, neque inceptum ullum frustra erat. Huc accedebat munificentia animi et ingenii solertia, quis rebus sibi multos ex Romanis familiari amicitia conjunxerat.

CAP V T VIII.

[Imperii Numidarum olim potiundi spem et perditum quidam in exercitu Romano homines, et ipse Scipio, sed diversa quisque ratione, in animo Iugurthae excitant. Corrupti vero militum illorum mores paucis iisque gravibus et aptissimis verbis reprehenduntur.]

Ea tempestate in exercitu nostro fuere complures novi atque nobiles, quibus divitiae bono honestoque potiores erant, factiosi, domi potentes, apud socios clari magis, quam honesti: qui Iugurthae non mediocrem animum pollicitando accendebant, *SI MICIPSA REX OCCIDISSET, FORE, VTI SOLVS IMPERII NVMIDIAE*

B 2

CAP. VIII. Novi atque nobiles — Tam ignobilium, sive obscurorum hominum filii, quam nobilium. Quales enim sint novi, supra exposuimus.

quibus — potiores erant — qui pecuniam primum, vir-

tutem post nummos quaerendam censebant.

Clari magis, quam honesti. Nam fortiter factis, audacia, generisque nobilitate inclarescere quis potest, quamvis non sit vere honestus, et a suis contemnatur.

POTIRETUR: IN IPSO MAXVMAM VIRTVTEM, ROMAE OMNIA VENALIA ESSE. Sed postquam, Numantia deleta, P. Scipio dimittere auxilia, ipse revorti domum decrevit: donatum atque laudatum magnifice pro concione Jugurtham in praetorium abduxit: ibique secreto monuit, *uti potius publice, quam privatim amicitiam populi R. coleret; neu quibus largiri infuesceret: periculose a paucis emi, quod multorum esset. Si permanere vellet in suis artibus, ultro illi et gloriam, et regnum venturum:*

Romae omnia venalia esse. Summus (quod juvenes nostri praesertim seculi observent) hisce verbis significatur nequitiae turpitudinisque gradus. Nam absoluta quaedam, nec ullo pretio venalis inest virtuti dignitas, quae simulac minoris, quam divitiae, penditur, certissimum est summae morum corruptelae indicium. — Conf. Cat. XXX. 4.

donatum atque laudatum magnifice pro concione. Nihil profecto gloriosius excellentiusque hac Jugurthae militia cogitari potest, cujus prosper exitus ejusdem viri, quem Micipsae perfidia in summum vitae periculum adducere voluerat, auctoritatem, gloriam, bellicae gerendi scientiam mirifice augeret.

in praetorium abduxit. Cortius ad hunc locum notat: *prae-*

torium; tabernaculum imperatoris, nomen duxisse a praetore, qui titulus omnibus olim belli ducibus fuerit communis. Scilicet a praeundo derivabatur.

potius publice, quam privatim — i. e. cum universa potius civitate, quam cum singulis civibus ageret — sive, quod idem est, uti muneribus singulos corrumpere, et factionis illis, qui pollicitando animum accendere conati essent, aurem praebere desineret; quod quidem apertius dicit in sequentibus.

neu quibus largiri infuesceret. Neu quibus idem est, quod *neve aliquibus*, seu: et ne aliquibus, ut ita dicam.

periculose — *casurum.* Non sine suo periculo a paucis Romanorum, largitione corruptis, illud Numidiae regnum

sin properantius pergeret, suamet ipsum pecunia praecipitem casurum.

CAPVT IX.

[Iugurtha, publice laudatus, cum litteris admodum honorificis ad regem dimittitur, quibus tantopere commovetur Micipsae animus, ut suspectum antea virum beneficiis cumlaret, adoptatumque institueret heredem. — Non sine purissima animi voluptate legentes et virtutem optimi juvenis praemio donatam, et anxium senis animum honestis, quae ille reportaverat, testimoniis victum intelligent. Quanta porro narrationis simplicitas, quanta vis!]

Sic locutus, cum litteris, quas Micipsae redderet, dimisit: earum sententia haec erat. *Iugurthae tui bello Numantino longe maxuma virtus fuit: quam rem tibi certo scio gaudio esse. Nobis ob merita carus est: uti idem senatui sit et populo Romano, summa ope nitentur. Tibi quidem pro nostra amicitia gratulor: en habes virum dignum te atque avo suo Masinissa.* Igitur rex, ubi, quae fama acceperat, ex litteris imperatoris ita esse cognovit, cum virtute viri, tum gratia permotus, flexit

emi, quod multorum — totius nimirum reip. — consensu ad eum deferri posset, siquidem „in suis artibus permanere vellet,“ h. e. eadem dexteritate et modestia insignem se reddere pergeret.

CAP. IX. Cum virtute viri, tum gratia. Vocem viri nihil aliud, quam ejus — sc. Iugurthae — significare, supra demonstratum est. Cfr. Virg. Aen. IV. 3. Gratia viri h. l. non ad decoram juvenis fa-

animum suum, et Iugurtham beneficiis vincere adgressus est: statimque adoptavit, et testamento pariter cum filiis heredem instituit. Sed ipse paucos post annos, morbo atque aetate confectus, cum sibi finem vitae adesse intellegeret, coram amicis et cognatis, item Adherbale et Hiempsale filiis, dicitur hujusmodi verba cum Iugurtha habuisse.

CAPUT X.

[Sequitur praestantissima Micipsae moribundi oratio, qua filios ad pacem concordiamque hortatur, qua nihil gravius, nihil ad commovendum animum efficacius cogitari potest. Vt enim moribundorum omnino orationes per se graviores esse solent, ita maximi praesertim sunt ponderis, ubi de virtute commendanda, tenerisque animis inculcanda agitur. In ejusmodi igitur orationes elaborandas omnem ingenii vim, diligentiamque singularem contulit eloquentissimus noster Sallustius. Itaque et in exor-

ciem, venustamque agendi ac dicendi rationem, pertinet, ut sit nostrum: *Anmuth, Annehmlichkeit, Grazie*, sed ad favorem, quo, ut supra scriptum legimus, Scipio hominem amplectebatur. Haec autem vox, sicut aliae complures, e. g. *amor*, secundum requirunt casum ejus, qui amatur, vel cui favemus.

Verba cum Iugurtha habuisse. Suspiciari quis posset, mendam in hunc locum irrepsisse, propterea quod praepositio *cum*

colloquium mutuum significare videatur. Hinc diversae forsan lectiones exstiterunt. Sic in Fabric. cod. legitur: hujusmodi habuisse orationem. Sed *cum Iugurtha* nihil aliud sibi vult, quam *praesente Iugurtha*. Sic apud Ter. Hecyr. A. III. Sc. III. 21. „hanc habere orationem *mecum* principio institit. Cort.“ — Verumtamen e Cap. undecimi initio patet mutuum hoc fuisse colloquium; „benigne enim Iugurtham respondisse.“

dio et in fine juvenis benevolentiam captat; tum, quam firmum regni praesidium sit concordia, docet, majoremque natu filium, ut paci provideat, minores, ut observent illum, enixe hortatur.]

Paruum ego, Iugurtha, te, amisso patre, sine spe, sine opibus, in meum regnum accepi; existumans non minus me tibi, quam liberis, si genuissem, ob beneficia carum fore: neque ea res falsum habuit. Nam ut alia magna et egregia tua omittam, novissime rediens Numantia meque regnumque meum gloria honoravisti: tua virtute nobis Romanos ex amicis amicissimos fecisti: in Hispania nomen familiae renovatum: postremo, quod difficillimum inter mortalis, gloria invidiam vicisti. Nunc, quoniam mihi natura vitae finem facit, per hanc dextram, per regni fidem moneo obtestorque, uti hos, qui tibi

CAP. X. *si genuissem.* Tum enim, quum Iugurtha recipe-
retur, ipse M. liberos nondum
genuerat. Speraverat autem,
fore, ut Iugurtha se suosque,
si quos olim habiturus esset,
liberos pari amore complecte-
retur.

neque ea res falsum, sc.
me, habuit. Falsum aliquem
habere, et frustra habere idem
est, quod fallere, frustrari.

nomen familiae renovatum.

Masinissae gloria bellica redi-
viva facta est.

per hanc dextram. Vsitatissima prae-
cis gentibus obtestan-
di obsecrandique consuetudo.
Cfr. Freinsheim. ad Curt. VI
Cap. IV. n. 14.

per regni fidem. A quibus-
dam haec ita accipiuntur, ut
intelligent per fidem, quam
regno, cujus civis es, prae-
stare debes. Bey Deiner Bür-
gerpflicht; bey der Pflicht eines

genere propinqui, beneficio meo fratres sunt, caros habeas: neu malis alienos adungere, quam sanguine conjunctos retinere. Non exercitus, neque thesauri praesidia regni sunt, verum amici, quos neque armis cogere, neque auro parare queas: officio et fide pariuntur. Quis autem amicior, quam frater fratri? aut quem alienum fidum invenies, si tuis hostis fueris? Equidem ego vobis regnum trado firmum, si boni eritis; sin mali, imbe-

Mitgliedes unserer Monarchie! Sed rectius ambiguam *fidei* vocem sic interpretari nobis videmur: Bey dem Schutze unserer Monarchie! ut sit regis jurantis formula. Valde efficax ad commovendum fortiter juvenis animum esse debuit dextra fenis e vita egressuri porrecta, et seria, quae huic obtestationi adjuncta erat, de officiis, regno, in quod acceptus esset, praestandis admonitio.

praesidia regni — quibus ab externorum invasionibus defendi possit — *Sicherungsmittel, Schutzwehren, Hülfquellen* fiberhaupt. Quaecunque enim vel ad defendendum, vel ad augendum imperium pertinent — *praesidia* vocantur.

quos neque armis cogere, i. e. vi comparare, erzwingen. Nam cogere nihil aliud sibi vult, quam coagere, colligere.

Haec est prima verbi notio. Et quoniam, quae diversis locis dispersa colliguntur, coarctantur simul, nec amplius libere vagari queunt, secunda inde vocis significatio (zwingen) derivatur.

Equidem ego. Non delendum est alterum, quod putarunt nonnulli, qui priorem harum vocum ex *ego* et *quidem* compositam esse temere sibi persuaderent. Nam recte opponit doctiss. Cortius, eam ex *et quidem* aliisque particulis conflare potuisse. Quid plura? Saepissime conjunctim utrumque pronomen scriptum invenimus. Cfr. Catil. LI. 15. „*Equidem ego sic aestumo.* Plura exempla, apud Cortium obvia, praetereo. Sed quomodo Noster Cap. LII. scribere potuisset: „*Vanum equidem hoc consilium est, si equidem esset ego quidem?*“

cillum. Nam concordia parvae res crescunt, discordia maxumae dilabuntur. Ceterum ante hos te, Iugurtha, qui aetate et sapientia prior es, ne aliter quid eveniat, providere decet. Nam in omni certamine, qui opulentior est, etiam si accipit iniuriam, quia plus potest, facere videtur. Vos autem, Adherbal et Hiempsal, colite, observate talem hunc virum, imitamini virtutem et enitimini, ne ego meliores liberos sumsisse videar, quam genuisse.

C A P V T XI.

[Iugurtha benignum in fratres animum simulat; rex paulo post moritur; conveniunt fratres, de regno deliberaturi, quorum unus, Hiempsal, Iugurtham, quem propter generis ignobilitatem contemnebat, graviter offendit.]

Ad ea Iugurtha, tametsi regem ficta locutum

Nam concordia etc. Aurearum sententiarum, ut reliquae fere omnes, sic haec oratio, quam *divinam* adpellat Spartianus, plena est.

facere — inferre injuriam.
sumsisse — adoptasse. Magnam profecto vim habet istiusmodi orationis exitus, non modo ad aemulationem minorum natu filiorum excitandam, sed etiam ad Iugurthae animum in officio retinendum.

CAP. XI. *tametsi regem ficta locutum intell.* Equidem, unde colligi possit, regem ficta locutum esse, prorsus non intelligo, nisi forte Iugurtha certis indicibus cognovit, se a Micipsa, quo maturius occideretur, in Hispaniam missum fuisse. Nam neque in adoptione, heredisque institutione, nec in ipsis moribundi verbis quidquam doli latere video. Sed verisimile est, patrem ve-

intellegebat, et ipse longe aliter animo agitabat: tamen pro tempore benigne respondit. Micipsa paucis diebus moritur. Postquam illi, more regio, iusta magnifice fecerant, reguli in unum convenere, uti inter se de cunctis negotiis disceptarent. Sed Hiempsal, qui minumus ex illis, natura ferox, etiam antea ignobilitatem Iugurthae (quia materno genere impar erat) despicens, dextera Adherbalem adfedit: ne medius ex tribus, quod apud Numidas honori ducitur, Iugurtha foret. Dein tamen, uti aetati conce-

rorum liberorum amore ductum, quo facilius incolumitatem illis regnique partem procuraret, Iugurthae laudes paululum exaggerasse. Nollem tamen fictam simulatamque boni senis orationem judicare.

et ipse longe aliter animo agitabat, quod intelligi potest ex iis, quae paulo post in conventu regulum disseruit.

iusta magnifice fecerant — magnifice combustum regem mortuum sepeliverant. *Iusta*, Graecis τὰ νομιζόμενα, propterea dicta sunt funeralia, quod relictam familiam huncce honorem mortuis debere opinabantur, defunctumque *jure suo* sepulturam postulare.

reguli. Adherbal, Hiempsal et Iugurtha: reguli vel ob ju-

venilem aetatem, vel propterea vocantur, quod, distributo inter triumviros regno, mediocri quisque gaudebat imperio.

materno genere impar. Recte observat Cortius, haec verba omitti potuisse, cum antea jam dictum sit, Iugurtham concubinae filium fuisse. Sed legentibus haec in mentem revocare voluit vel auctor ipse (nam incertum est) vel aliquis interpretum.

dextera Adherbalem adfedit. Ne quis legentium miretur, verbum adfidere cum quarto casu junctum esse, similes quosdam locos subjungemus, a Cortio collectos: Sil. IX. 623. *adsidet arces*; et Apulej. Metam. I. p. 112. *Adsidebat pedes uxor et mensa etc.*

deret, fatigatus a fratre, vix in partem alteram transductus est. Ibi cum multa de administrando imperio dissererent, Iugurtha inter alias res jactit: OPORTERE QVINQVENNII CONSVLTA OMNIA ET DECRETA RESCINDI. NAM PER EA TEMPORA CONFECTVM ANNIS MICIPSAM PARVM ANIMO VALVISSE. Tum IDEM, Hiempsal, PLACERE SIBI, respondit: NAM IPSVM ILLVM TRIBVS HIS PROXVMIS (ANNIS) ADOPTATIONE IN REGNVM PERVENISSE. Quod verbum in pectus Iugurthae altius, quam quisquam ratus, descendit. Itaque ex eo tempore ira et metu anxius moliri, parare, atque ea modo animo habere, quibus Hiempsal per dolum caperetur. Quae ubi tardius procedunt, neque lenitur ani-

fatigatus — enixe rogatus.

in partem alteram, ad laevum Iugurthae latus.

jacere, respondet nostro: ein Wort fallen lassen, hinwerfen — addita quadam jactationis et arrogantiae notione.

oportere — *rescindi* i. e. aboleri. Quae ultimis quinque ante obitum annis rex defunctus statuerit, decreveritque, ea, tanquam parum sana infirmi, menteque capti, senis consilia rejicienda censet.

ipsum illum — Iugurtham, qui haec censeat.

ira et metu anxius. Ex hac verborum copulatione patet, non timidum modo, sed quolibet, qui vehementi quodam adfectu perturbatur, sive ira sive metu oppressus sit animus, *anxium* dici, *gefolttert*. Incertum quoque animi dubitantis ac veluti fluctuantis sensum indicat. Sic apud Justin. III. 2. „cum eum nunc lineamentorum filiae similitudo, nunc aetas expositionis temporibus congruens *anxium* tenerent;“ i. e. haesitantem.

tardius, sc. quam voluerat.

mus ferox, statuit quovis modo inceptum perficere.

CAPV T XII.

[Hiempsal, adjuvante proximo Iugurthae lictore, cujus domo in oppido Thirmida utebatur, ab intromissis militibus regiis interficitur, ejusque caput ad Iugurtham refertur.]

Primo conventu, quem ab regulis factum supra memoravi, propter disensionem placuerat dividi thesauros, finisque imperii singulis constitui. Itaque tempus ad utramque rem decernitur, sed maturius ad pecuniam distribuendam. Reguli interea in loca propinqua thesauris alius

inceptum — non rem, quae fieri jam coepta est, sed, uti hic locus probat, animi consilium — nostrum *Plan, Vorhaben*, significat; quod in eorum gratiam notamus, qui genuinam vocum significationem ex ipsis auctoribus cognoscere student.

CAP. XII. *Quem* — memoravi. Haec verba, quorum partem cod. Eccard. omisit, a Sallustio scripta esse nemo facile credet. Quomodo egregius ille scriptor, qui doctam brevitatem, si quis alius, amat, tot languidis verbis rem paulo ante memoratam repetere potuisset. Saltem praeter voces: *quem supra memoravi*, reliqua falsa esse nullus dubito.

finisque — finesque.

Reguli — concessere. Hic locus, uti quidem nunc est, spissa mihi videtur involutus obscuritate. Quid? Reguli, constituto jam tempore ad pecuniam distribuendam, alius alio concedunt? In loca thesauris propinqua? Quaenam sunt haec loca? Quinam isti thesauri? Nonne de pecunia distribuenda convenerant? Num igitur diversis in locis aeraria fuere, in quibus pecunia — sive argentum, sive alia fortunae bona intelligantur, condita esset? Et, quod magis mirum est, Hiempsal, Iugurthae inimicissimus, ejus hominis domo utitur, qui exoso fratri est amicissimus? Quid? regius princeps divertitur apud lictorem? Idemque

alio concessere. Sed Hiempfal in oppido Thirmida forte ejus domo utebatur, qui proximus lictor Iugurthae, carus acceptusque semper fuerat; quem ille casu ministrum oblatum promissis onerat, uti tamquam suam visens domum eat, portarum clavis adulterinas paret: nam verae ad Hiempfalem referebantur. Ceterum, ubi res postularet, se ipsum cum magna manu venturum.

hic lictor — Iugurthae proximus, in alia habitat urbe —? Sin autem in uno eodemque oppido erant Iugurtha et lictor: cur diserte oppidum *Thirmida* nominatur? Equidem suspicor, *loca* esse diversas urbis capitalis partes, aerario vicinas, *Thirmidam* vero, non urbis (nam talem urbem ne Cortius quidem novit) sed viri ipsius, lictoris nempe — nomen fuisse, qui illam domum possideret, ipse autem cum Iugurtha habitaret. Tum vero legendum esset: *Thirmidae* forte *civis* domo utebatur. Miror autem, Cortio doctissimo ne ullam quidem corruptelae suspicionem in mentem venisse.

proximus lictor etc. Magistratum in Numidia comites vel Romanorum loquendi more *lictors* a Nostro adpellantur, quamvis non eadem, quae illi, justitiae imperiique signa anteferrent, vel ex illo tempore, quo Iugurtha apud Numantiam Romanos lictores, eorumque habitum cognoverat,

horum mores vestitumque imitabantur. Mihi quidem prior illa sententia verisimilior videtur; saepissime enim Romani scriptores suorum magistratuum nomina transferunt ad peregrinos; neque ex hoc loco aliud quidquam colligi potest, nisi quod plures ministri summos magistratus comitarentur, quorum famulorum unus in serie antecedentium proximus esset regi.

promissis onerat — multa splendidaque dona pollicetur. Cfr. Liv. XXIV. 13. „Annibal collaudatos eos, *oneratosque* ingentibus *promissis*, domum — redire jubet.“

adulterinas — „Adulterinum opponitur vero.“ Sic litterae, nummi, testimonia, verba, cum opponuntur veris, adulterina vocantur — *unächt, verfälscht, nicht authentisch*; h. l. nachgemacht.

ubi res postularet — *necessitate postulante*. Sed cur magna manu ad opprimendum nocturno tempore fratrem opus fue-

Numida mandata brevi confecit: atque, ut doctus erat, noctu Iugurthae milites introducit. Qui postquam in aedis irrupere, diversi regem quaerere: dormientis alios, alios occurrentis interficere: scrutari loca abdita; clausa effringere: strepitu et tumultu omnia miscere: cum Hiempsal interim reperitur, occultans sese tugurio mulieris ancillae, quo initio pavidus et ignarus loci perfugerat. Numidae caput ejus, ut jussi erant, ad Iugurtham referunt.

C A P V T XIII.

[Divulgato caedis rumore, populus in partes discedit, quarum altera Iugurtham, Adherbalem altera, sed

rit, mihi quidem non liquet. Et quamvis cogitari possit, lictoris domum Hiempsali vel locatam, vel aliquamdiu concessam fuisse, tamen, fateor, omnis hic locus obscuritate laborat, nec ullam habet internam verisimilitudinem. Igitur aut vanus aliquis imperitorum hominum rumor a Sallustio temere repetitus, aut ipsa narratio valde corrupta est.

Iugurthae milites introducit. His igitur opus fuit. Sed nihil antea de militibus eo consilio datis legimus, neque satis liquet, utrum magna illa, quam, re postulante, Iugurtha promiserat, an parva quaedam armatorum manus intelligatur. Cum paucis tamen praemissus esse videtur, quibus, si forsan

vel populi tumultus existeret, vel Hiempsalis famuli nimis fortiter resisterent, per nuntium certior factus, ipse Iugurtha auxilio veniret. — Sed ex hoc iterum recte colligitur, fratris caedem in eadem, quam I. incoluerit, urbe factam esse.

diversi — quaerere etc. Haec, et quae sequuntur, verba tanti, tamque ampli domicilii notionem involvunt, ut lictorem harum aedium possessorem fuisse vix credibile sit. Sed, „quia carus acceptusque semper fuerat regi,“ dono forsan ei datae erant.

tugurio — h. e. interprete Cortio, cella, quae servis fere propria. In talem cellam Vitellius quoque apud Sueton. Cap. XVI. Confugisse dicitur.

infirmior, sequitur. Adherbal proelio victus Romam profugit, ubi victor, qui Romanorum avaritiam probe cognovisset, missis cum auro multo legatis, veteres amicos muneribus retinere, novos adquirere studet. Legatis utrisque deinceps ipsique Adherbali datur Senatus.]

Ceterum fama tanti facinoris per omnem Africam brevi divulgatur; Adherbalem omnisque, qui sub imperio Micipsae fuerant, metus invadit. In duas partis discedunt: plures Adherbalem sequuntur, sed illum alterum bello meliores. Igitur Iugurtha quam maxumas potest copias armat: urbis partim vi, alias voluntate imperio suo adjungit: omni Numidia imperare parat. Adherbal, tamen etsi Romam legatos miserat, qui Senatum docerent de caede fratris et fortunis suis, tamen fretus multitudine militum, parabat armis contendere. Sed ubi res ad certamen venit, victus ex praelio profugit in provinciam, ac deinde Romam contendit. Tum

CAP. XIII. *bello meliores.* Phrasin hanc supra obviam fuisse meminerint lectores. Vnum addam. Quippe non tertium, sed sextum casum adjectivo conjunctum esse, probat Taciti locus, qui Annal. I. Cap. 3. Agrippam adpellat „*bonum militia.*“

tamen etsi. Sic centies prisci, pro: tametsi,

docerent de caede, narrare necem — indicare de nece.

Fratrem enim *esse occisum*, non fecisse caedem, e narrationis serie tam dilucide patet, ut nulla existat ambiguitas.

fortunis suis; de sua ipsius (Adherbalis) calamitate.

in provinciam, puta Romanorum. Africanam scilicet. Carthaginensium ditionem victores Romani in provinciae formam redegerant. Quid autem sit illud, coram exponat magister.

Iugurtha, patratis consiliis, in otio facinus suum cum animo reputans, timere populum Romanum, neque adversus iram ejus usquam, nisi in avaritia nobilitatis et pecunia sua, spem habere. Itaque paucis diebus cum auro et argento multo Romam mittit, quis praecepit, uti primum veteres amicos muneribus expleant: deinde novos adquirant: postremo quaecumque possint largiundo parare, ne cunctentur. Sed ubi Romam legati venerunt, et, ex praecepto regis, hospitibus aliisque, quorum ea tempestate auctoritas pollebat, magna misere; tanta commutatio incessit, uti ex maxuma invidia in gratiam et favorem nobilitatis Iugurtha veniret. Quorum pars

patratis consiliis — peractis consiliis, occiso nempe Hiempsale, victoque fratre altero.

timere pop. Rom. Notissima res est, infinitivum historicum quem dicunt — perfecti locum saepe tenere.

mittit, quis — mittit quosdam legatos, quibus. Nonnunquam enim, praesertim apud nostrum, ea pronomina, ad quae sequentia referenda sunt, omittuntur. E. g. Cat. Cap. XXXII. Cajus Manlius ex suo numero ad Marcium regem mittit, cum mandatis hujusmodi.

magna misere. Non opus est, ut addas *dona*, vel munera. Saepissime enim adjectiva, quo-

rum facilis est ad substantiva omissa relatio, absolute posita reperimus.

tanta commutatio incessit, tanta repente facta est animorum commutatio. Sed quomodo antea fuerint adfecti, quamvis disertis verbis non dixerit, facile suspicabuntur legentes, praesertim cum addat: *ex maxuma invidia. Incedere est nostrum: erfolgen.*

nobilitatis etc. quorum — civium genere, honoribusque nobilium, quorum. Nobilitas enim est vox collectiva, quae cum plurali numero potest coniungi. Itaque in eadem periodo legimus: *pars nitebantur.*

spe, alii praemio inducti, singulos ex Senatu ambiundo, nitebantur, ne gravius in eum consulere-
tetur. Igitur, legati ubi satis confidunt, die constituto, Senatus utrisque datur. Tum Adherbalem hoc modo locutum accepimus.

CAPVT XIV.

[Sequitur Adherbalis coram Senatu oratio perfectissime elaborata, et ad Romanorum benevolentiam captandam, movendamque commiserationem aptissime composita.]

Patres conscripti. Micipsa pater meus moriens praecepit, uti regnum Numidiae tantummodo procuratione existumarem meum; ceterum jus et imperium penes vos esse: simul eniterer domi militiaeque quam maximo usui

*nitebantur, ne — consulere-
tur, operam dabant, ne vindicta
nimis acerba in eum senatus-
consulto constitueretur.*

*leg. ubi satis confidunt — ubi
satis confirmata est legatorum
fiducia.*

*utrisque, tam Adherbali,
quam illis, quos Iugurtha mi-
serat, legatis.*

Observandum h. l. videtur
Nominativum praecedentem
plerumque sequi aliquod ver-
bum, quod, post interpositas
enunciationes, ad illum refe-
ratur, hic autem vocem *legati*,

quamvis, praepositionem an-
tecedens, attentum reddat le-
ctorem, nulli verbo conjun-
ctam esse. Juvenes igitur mo-
nendi sunt, ne hunc verbo-
rum ordinem imitentur, nisi
forte emphasin quandam inesse
velint nominativo.

CAP. XIV. *procuratione —*
quatenus procurandum a Vobis
mihi traditum sit. Similiter
Cicero: *usu meus* dixit, ut de-
notaret, quatenus aliquis ipsi
fuerit traditus. — Distinguitur
autem *jus et imperium*, höchste
Gerichtsbarkeit und Oberherr-
schaft, a *procuracione*.

esse populo Romano. Vos mihi cognatorum, vos in adfinium locum ducerem: si ea fecissem, in vestra amicitia exercitum, divitias, munimenta regni habere. Quae cum (praecepta parentis mei) agitarem, Iugurtha, homo omnium, quos terra sustinet, sceleratissimus, contempto imperio vestro, Masinissae me nepotem, et jam ab stirpe socium et amicum populo Romano regno fortunisque omnibus expulit. Atque ego, Patres conscripti, quoniam eo miseriarum venturus eram, vellem, potius ob mea, quam ob majorum beneficia posse auxilium petere; ac maxume deberi mihi a populo Romano, quibus non egerem; secundum ea, si desideranda erant, uti debitis uterer. Sed quoniam parum tuta per se

vos mihi cognatorum, sup-
plenda hic est praepositio *sequens in*, quae ad utrumque adjectivum pertinet.

habere pro: habiturum esse. Nam praesenti interdum pro futuro utuntur scriptores, ubi rem certo eventuram pronuntiant. Exordium summam fiduciam modestiamque prodit, quo facilius animos Romanorum ad opitulandum proclives reddat.

Masinissae — Romano, me, cum sim Masinissae nepos, eam-

que ob rem iustissimus heres, et praeterea non factus, sed natus P. R. socius.

ac maxume deberi. Opponitur tò maxime vocibus *secundum ea*. Nam plerumque praepositionis locum tenet vox *secundum*, et cum aliquo casu conjungitur. Alio modo interpungenda essent verba, si absolute poneretur. Tum enim legeremus: *secundum*, (h. e. deinceps) ea si desideranda erant (h. e. si ea desideranda essent) uti debitis uterer.

ipsa probitas, neque mihi in manu fuit, Iugurtha qualis foret: ad vos confugi, Patres conscripti, quibus, quod miserrimum, cogor prius oneri, quam usui esse. Ceteri reges, aut bello victi in amicitiam a vobis recepti, aut in suis dubiis rebus societatem vestram adpetiuerunt. Familia nostra cum populo Romano bello Carthaginensi amicitiam instituit: quo tempore magis fides eius, quam fortuna petenda erat. Quorum progeniem vos, Patres conscripti, nolite pati frustra a vobis auxilium petere. Si ad impetrandum nihil caussae haberem, praeter miserandam fortunam; quod paullo ante rex, genere, fama atque copiis potens, nunc deformatus aerumnis, inops, alienas opes exspecto: tamen erat majestatis Romani populi, prohibere iniu-

C 2

neque — foret, und ich nicht für Iugurtha's ferneres Betragen entstehen könnte.

Ceteri — erat. Sensus est: Quum familia nostra, neque belli cladibus, nec domesticis miseriis coacta, sed sponte sua vestram adpetiverit societatem, equidem auxilio vestro non indignus videri debebo.

Quorum — Cujus sc. familiae.

Si — cresceret. Hisce verbis

gravissimum addit orationi momentum. Provocat enim ad Romanos, tamquam ad judices totius terrarum orbis, qui et commiseratione tristissimi fati, et contumeliae, qua sit affectus, indignitate commoti, injuriam prohibere debeant. Quod quo facilius in se recipiant, suam rem cum Romanorum causa arctissime conjunctam esse indigitat verbis sequentibus.

riam, neque cujusquam regnum per scelus cresceret. Verum ego his finibus ejectus sum, quos maioribus meis populus Romanus dedit: unde pater et avus una vobiscum expulere Syphacem et Carthaginienses. Vestra beneficia erepta sunt, Patres conscripti: vos in mea injuria despecti estis. Eheu me miserum! Huccine, Micipsa pater, beneficia evasere, uti quem tu parem cum liberis, regnique participem fecisti, is potissimum stirpis tuae extinctor sit? Numquamne ergo familia nostra quieta erit? semperne in sanguine, ferro, fuga versabimur? Dum Carthaginienses incolumes fuere, jure omnia saeva patiebamur: hostes ab latere, vos amici procul, spes omnis in armis erat. Postquam illa pestis ejecta, laeti pacem agitabamus: quippe quis hostis nullus, nisi forte quem iussissetis. Ecce autem ex improvviso Iugurtha, intoleranda audacia,

neque — cresceret. Suppl. prohibere.

Dum — patiebamur. Scite Noster initum cum Romanis contra Carthaginienses foedus in memoriam audientium revocat. Nam quo invisius fuisset aemulae Carthaginis nomen, eo paratiores ad ferendum auxilium iis, qui a suis

partibus in bello Punico steterant, reddebantur Romani.

nisi — iussissetis. Semper se ad bellandum pro sociis proclives fuisse, atque ex nutu Romanorum pependisse cum abjecta quadam humilitate animi testatur. Noverat enim Sallustius, qui regem haec verba facientem inducit, animos suorum.

scelere atque superbia sese ecferens, fratre meo, atque eodem propinquo suo interfecto, primum regnum ejus sceleris sui praedam fecit: post, ubi me isdem dolis nequit capere, nihil minus, quam vim, aut bellum expectantem, in imperio vestro, sicuti videtis, extorrem patria, domo, inopem et coopertum miseriis effecit, ut ubivis tutius, quam in meo regno essem. Ego sic existumabam, Patres conscripti, ut praedicantem audiveram patrem meum; qui vestram amicitiam colerent, eos multum laborem suscipere: ceterum ex omnibus maxime tutos esse. Quod in familia nostra fuit, praestitit, uti in omnibus bellis vobis adessent. Nos uti per otium tuti simus, in manu vestra est, Patres conscripti. Pater nos duos fratres reliquit: tertium, Jugurtham, beneficiis suis ratus nobis conjunctum fore. Alter eorum necatus, alterius ipse ego manus impias vix effugi. Quid agam? quo potissimum infelix accedam? generis praesidia omnia extincta sunt: pater, uti necesse

Ego — maxime tutos esse. Ne tamen vacuum aerumnis ac laboribus fuisse foedus a Numidis initum sibi persuadeant, multis se patremque laboribus functos esse pro illorum salute ostendit, pro quibus se-

curitatem, tanquam mercedem, suo jure expectent.

per otium, „ab hostibus et bellis.“

uti — concessit — ex immutabili naturae lege mortuus est.

erat, naturae concessit; fratri, quem minime decuit, propinquus, per scelus vitam eripuit; adfines, amicos, propinquos ceteros, alium alia clades oppressit: capti ab Iugurtha, pars in crucem acti, pars bestiis objecti; pauci, quibus relictæ anima, clausi in tenebris, cum moerore et luctu, morte graviores vitam exigunt. Si omnia, quæ aut amisi, aut ex necessariis adversa facta sunt, incolumia manerent, tamen, si quid ex improvise accidisset, vos implorarem, Patres conscripti; quibus, pro magnitudine imperii, jus et injurias omnis curæ esse decet. Nunc vero exsul

quem — decuit — is, qui eum colere atque amare debuisset; a quò talia nunquam timenda videbantur.

pars — acti. Sic Cicero: Polycrates in crucem actus est; usitatius tamen est: *figi, suffigi, tolli, suspendi.*

quibus relictæ anima — vita supplicio non est adempta.

exigunt. Eodem verbo utitur in fin. Cap. 85, aliis etiam scriptoribus usitato pro: *degere.*

Si omnia — — Egregiam et invictam hoc loco fiduciam prodit, adfirmans, in quacunque causa, *etiamsi* manserit in regno, Romanorum auxilium se imploraturum fuisse.

ex necessariis adversa facta sunt. Quum adfines atque propinqui necessario quodam naturæ vinculo nobiscum sint conjuncti, recte auxilium ab illis sperandum *necessarium* dicitur; nobis enim, præ reliquis omnibus, *necessario* debetur. „Etiam si igitur, inquit, nec regnum mihi ademptum, nec illa fratrum necessitudo, quam utilissimam mihi fore confidebam, sublata esset etc.

si quid ex improvise accidisset — si quæ calamitas præter opinionem metuenda fuisset.

jus et injurias omnis etc. jura cujusque defendere, injurias vero ulcisci.

patria, domo, solus et omnium honestarum rerum egens, quo accedam, aut quos adpellem? nationesne, an reges, qui omnes familiae nostrae ob vestram amicitiam infesti sunt? an quoquam adire licet, ubi non majorum meorum hostilia monumenta plurima? aut quisquam nostri misereri potest, qui aliquando vobis hostis fuit? Postremo Masinissa nos ita instituit, Patres conscripti, ne quem coleremus, nisi populum Romanum, ne societates, ne foedera nova acciperemus: abunde magna praesidia nobis in vestra amicitia fore: si huic imperio fortuna mutaretur, una nobis occidendum esse. Virtute ac dis volentibus magni estis et opulenti; omnia secunda et obedientia sunt: quo facilius sociorum injurias curare licet. Tantum illud vereor, ne quos privata amicitia Iugurthae, parum cognita, transvorsos agat: quos ego audio maxuma ope niti, ambire, fatigare vos sin-

omnium honestarum rerum egens, omnibus iis vitae bonis, quae ad honeste et cum regia dignitate vivendum pertinent, privatus.

ob vestram amicitiam — sc. quam nobis invident.

acciperemus — etiam si ab aliis gentibus offerrentur. Tantum igitur abest, ut ad novum

ipsi foedus alios invitemus, ut ne oblatum quidem accipere licitum putemus.

parum cognita — cujus inconstantiam atque mutabilitatem parum (zu wenig) cognoverunt.

transvorsos agat — a recto iusti tramite abducat.

gulos, ne quid de absente, incognita causa, statuatis: fingere me verba, fugam simulare, cui licuerit in regno manere. Quod utinam illum, cuius impio facinore in has miseras projectus sum, eadem haec simulantem videam: et aliquando aut apud vos, aut apud deos immortalis rerum humanarum cura oriatur: nae ille, qui nunc sceleribus suis ferox atque praeclarus est, omnibus malis excruciat, impietatis in parentem nostrum, fratris mei necis, mearumque miseriarum gravis poenas reddet. Iam jam frater, animo meo carissime, quamquam immaturo, et unde minime decuit, vita erepta est: tamen laetandum magis, quam dolendum puto casum tuum. Non enim regnum, sed fugam, exilium, egestatem et omnis has, quae me pre-

cui licuerit — cum tamen mihi licuerit.

eadem haec simulantem — aequae ac me in fugam, quam illi simulatam esse opinantur, adaectam.

apud deos immortalis rerum humanarum cura oriatur etc. Est enim imbecillitatis humanae, deorum opem tum sibi ademptam putare, quum calamitatibus premitur. „Vt cuiusque calamitas maxima erat, ita minimum de illorum cura sentiebant,“

nae ille — reddet. Tum enim profecto (nempe, si huius voti compos factus essem) ille — — poenas redderet.

Iam, jam frater etc. Quo vehementior est fraterni amoris, quem vel simulat, vel revera sentit, adfectus, et quo facilius interemtorum cognatorum pia recordatio misericordiam excitare poterat, eo magis egregiam scribentis artem laudo, qui huiusmodi apostrophem aptissimo loco orationi inseruit.

munt, aerumnas cum] anima simul amisisti. At ego infelix, in tanta mala praecipitatus ex patrio regno, rerum humanarum spectaculum praebeo: incertus quid agam, tuasne injurias persequar, ipse auxilii egens; an regno consulam, cujus vitae necisque potestas ex opibus alienis pendet. Utinam emori fortunis meis honestus exitus esset, neu vivere contemptus viderer, si defessus malis injuriae concessissem. Nunc neque vivere lubet, neque mori licet sine dedecore. Patres conscripti, per vos liberos atque parentes, per majestatem populi R. subvenite misero mihi: ite obviam injuriae: nolite pati, regnum Numidiae, quod vestrum est, per scelus et sanguinem familiae nostrae tabescere.

rerum humanarum, inconstantis hominum fortunae.

Utinam emori f. m. honestus exitus esset — — Emori h. l. substantivi habet notionem; verbis enim saepissime pro subst. utitur Noster: Sic infra Cap. XXXI. „Caedem fecisse pro munimento habent.“ Et ibidem: „eadem cupere, eadem odisse, eadem metuere in unum coëgit.“

neu vivere contemptus viderer, Veretur enim, ne, si vivat di-

utius, ab omnibus contemnatur, quum regno expulsus princeps ignaviae suspicionem haud facile vitare queat, ipseque calamitatum suarum auctor, et indignus commiseratione habeatur.

n. mori licet sine dedecore, Nam quum armis Iugurthae resistere nequeam, nec occidere in proelio, quae sola mors viro honesta est, non nisi laqueo vel gladio vitam cum dedecore finire licet.

CAPUT XV.

[Continet legatorum Iugurthae breve responsum, et diversas senatorum sententias.]

Postquam rex finem loquendi fecit, legati Iugurthae largitione magis, quam caussa freti, paucis respondent: *Hiempsalem ob saevitiam suam ab Numidis interfectum: Adherbalem ultro bellum inferentem, postquam superatus sit, queri, quod injuriam facere nequivisset. Iugurtham ab Senatu petere, ne alium putarent, ac Numantiae cognitus esset, neu verba inimici ante facta sua ponerent.* Deinde utrique curia egrediuntur. Senatus statim consulitur: Fautores legatorum, praeterea magna pars gratia depravati Adherbalis dicta contemnere, Iugurthae virtutem extollere laudibus; gratia, voce, denique omnibus modis pro alieno scelere et flagitio, sua quasi pro gloria, nitebantur. At contra pauci, quibus bonum et aequum

CAP. XV. *ne aliam putarent, ac N. cognitus esset* — ne illam indolem, quam ad Numantiam olim Romanis probasset, mutatam esse; nec de justis rectique via se decessisse putarent. Eundem se esse, qualem ibi cognovissent.

neu — *ponerent*, ne magis ad verba (calumnias) inimici,

quam ad sua facta attenderent.

praeterea magna pars gratia depravati — et praeter illos multi, qui verborum lenociniis atque promissis corrupti erant.

gratia, voce — Favore, quo alios in suam partem trahere poterant, atque dicendi facultate utebantur.

divitiis carius, subveniundum Adherbali et Hiempsalis mortem severe vindicandam censebant. Sed ex omnibus maxime Aemilius Scaurus, homo nobilis, impiger, factiosus, avidus potentiae, honoris, divitiarum; ceterum vitia sua callide occultans. Is postquam videt regis largitionem famosam impudentemque, veritus, quod in tali re solet, ne polluta licentia invidiam accenderet, animum a consueta lubricine continuit.

CAPVT XVI.

[Habendi cupido vincit justam Adherbalis causam. — Reliqua facile patebunt legentibus.]

Vicit tamen in Senatu pars illa, qui vero pretium aut gratiam anteferebant. Decretum fit, VTI DECEM LEGATI REGNUM, QVOD MICIPSA OBTINERAT, INTER IVGVRTHAM ET ADHERBALEM DIVIDERENT. Cujus legationis princeps fuit L. Opimius, homo clarus, et tum in Senatu potens: quia consul, C. Gracco et M. Fulvio

Aemilius Scaurus — de quo vid. Ciceronis pro Murena Cap. VIII.

licentia polluta etc. h. e. si tam impudenter abuterentur licentia, ut propter accepta munera aliorum in se invidiam excitarent.

CAP. XVI. *L. Opimius*. Qui acerrime C. Gracchum oppu-

gnaverat, plebisque a Gracchis defensionis viribus fractis, eo insolentiae progressus, ut *concordiae* templum consecraret, quod rectius nonnulli a *vecordia* constructum esse dicebant, ipse postea, quum corrumpi se passus esset, damnatus atque in exilium ejectus in dedecore consenuit. Vide Plutarchum in vita C. Gracchi in fine.

Flacco interfectis, acerrume victoriam nobilitatis in plebem exercuerat. Eum Iugurtha tametsi Romae in amicis habuerat, tamen accuratissime recepit: dando et pollicitando perfecit, uti fama, fide, postremo omnibus suis rebus commodum regis anteferret. Reliquos legatos eadem via adgressus, plerosque capit: paucis carior fides, quam pecunia fuit. In divisione, quae pars Numidiae Mauretanium attingit, agro,

acerrume victoriam nobilitatis in plebem exercuerat. Exercere victoriam dicuntur, qui non parcent victis; qui nihil de suo jure humanitati remittunt, sed prospero rerum successu ad suas tantum opes augendas utuntur.

tametsi Romae in amicis habuerat, tamen accuratissime recepit. Amicos enim, familiares praesertim, paulo negligentius recipere licet, quum neutiquam timendum sit, ne grata ejusmodi negligentia in malam partem accipiatur. *Accuratissime recipere* est nostrum: mit *peinlicher Aengstlichkeit aufnehmen.*

uti fama, fide, postremo omnibus suis rebus etc. Quum genuinam hanc, optimorumque codicum auctoritate defensam lectionem jure receperit praestant. Cortius: ne falsam eam temere suspicentur legentes, locum Ciceronis huic simillimum ex orat. pro Balbo Cap.

VIII. adjungimus: „Cum magna pars in iis civitatibus foederis sui libertatem *civitate* anteferrent.“ Sic Tacitus in Annal. lib. III. Cap. 19: Is finis, inquit, fuit *ulciscenda Germanici morte.*“ E quibus locis colligere licet: non *Dativum antiquum*, eumque ex *fama* decurtatum, nec *fide* pro *fidei* scriptum, sed sextum casum hic cum verbo *anteferre* conjunctum esse.

Fama (hanc enim honestissimus quisque civis integram servat) *fide*, quam, quum legationis princeps esset, civitati praestare debuisset.

eadem via adgressus, plerosque capit — Translatio elegantissima optimeque continuata. Illum enim, qui legatos corrumpere studebat, cum inimico comparat, integritatem virorum pecunia tentante.

In divisione — possedit. Sic Adherbali quodammodo satisfacere videbantur astuti ho-

viris opulentior, Iugurthae traditur: illam alteram specie, quam usu, potiore, quae portuosior et aedificiis magis exornata erat, Adherbal possedit.

CAPUT XVII.

[*Summa Capitulorum XVII et XVIII.* Brevis Africae, ac nationum ibi habitantium, quae partim foedus cum Romanis fecerant, partim bella adversus eosdem gesserant, descriptio.

Res postulare videtur Africae situm paucis exponere, et eas gentis, quibuscum nobis bellum, aut amicitia fuit, adtingere. Sed quae loca et nationes ob calorem, aut asperitatem, item solitudines minus frequentata sunt, de is haud facile compertum narraverim: cetera quam paucissimis absolvam.

In divisione orbis terrae plerique in partem tertiam Africam posuere: pauci tantummodo Asiam et Europam esse; sed Africam in Europa.

mines, quum speciosiores illi regionis partem traderent. Sed veris Iugurthae commodis, tradita illi ditiori provinciarum parte, consulebant.

portuosior — pluribus portibus exornata.

CAP. XVII. *Res postulare videtur etc. exponere.* — ut exponam est usitatus. Sed similium connexionum exempla passim inveniuntur. Et tamen exponere

substantivi locum hic tenet, quasi scriptum esset: *Res postulare videtur expositionem.*

compertum — certo cognitum.

in partem tertiam ponere —

h. e. in describendis terrae partibus Africam tertio loco numerare: als dritten Welttheil angeben, quod Strabo, Plinius, alii fecere.

pauci tantummodo Asiam et Europam esse; sed Africam in

Ea finis habet ab Occidente fretum nostri maris et Oceani: ab ortu solis declivem latitudinem: quem locum Catabathmon incolae adpellant. Mare saevum, importuosum. Ager frugum fertilis, bonus pecori, arbori infecundus: coelo, terra penuria aquarum. Genus hominum salubri corpore, velox, patiens laborum: plerosque senectus dissolvit, nisi qui ferro, aut bestiis in-

Europa. In his, qui duastantum orbis partes faciunt, et inter Europae partes Africam numerant, est Varro, qui in l. IV. de ling. lat. „Vt omnis natura, inquit, in coelum et terram divisa est, sic coelum in regiones, terra in *Asiam* et *Europam*.

fretum nostri maris et Oceani. Per nostrum mare intelligit mediterraneum: *Oceanus* est mare Atlanticum, quae ambo interfuit fretum Gaditanum. Discant h. l. juvenes, vocem *Oceanum* pro adjectivo nonnumquam usurpari, ita ut, deleta conjunctione *et*, mare *Oceanum* nihil aliud quam mare mediterraneum, quatenus Oceani pars est, significare possit. Nam Caesar B. Gall. III. Cap. 7. „P. Crassus, inquit, proximus mare *Oceanum* Andibus hiemabat.

ab ortu solis — ab oriente.

Catabathmon incolae adpellant. Audiverant nempe graecum illud vocabulum, quod,

a verbo καταβαίνω derivatum, locum declivem significat.

Mare saevum, importuosum dicitur, quod procellis agitatum vel nullos omnino, vel parum commodos habet portus. Sic et Caspium mare a Pompon. Mela III. 5. atrox dicitur, saevum, sine portibus, procellis undique expositum.

arbori infecundus. Singularem a Nostro saepissime numero plurali praelatum esse recordabuntur legentes. Sic in historicorum libris centies: *militem legere*, pro *milites* dicitur.

coelo, terra penuria aquarum. Nec pluvia, nec fluviali irrigatur aqua. Eodem fere modo Curtius IV. 7. terra coeloque aquarum penuria est.

Plerosque senectus dissolvit — Neque sacris literis, neque germanae linguae inusitata mortis naturalis significatio. Et somno et morte solvi dicuntur mortales. Ad eandem notionem significandam utuntur

teriere: nam morbus haud saepe quemquam superat. Ad hoc malefici generis plurima animalia. Sed qui mortales initio Africam habuerint, quique postea accesserint, aut quomodo inter se permixti sint; quamquam ab ea fama, quae plerosque obtinet, diversum est: tamen uti ex libris Punicis, qui regis Hiempsalis dicebantur, interpretatum nobis est; utique rem sese habere cultores ejus terrae putant, quam paucissimis dicam. Ceterum fides ejus rei penes auctores erit.

CAPVT XVIII.

Africam initio habuere Gaetuli et Libyes, asperi, inculti; quis cibus erat caro ferina atque humi pabulum, uti pecoribus. Hi neque moribus, neque lege, neque imperio cujusquam re-

verbis: *obire, occumbere, exanimari, exspirare, defungi, diem obire supremum.*

Sed qui mortales initio Africam habuerint — qui primi fuerint Afr. incolae. Nam habere idem h. l. est, quod possidere, obtinere, incolere, occupavisse. Sic etiam Cap. XVIII. 1.

quae plerosque obtinet — quae pervulgatissima est; a plerisque pro vera habetur. Nam fama obtinet homines, si valet apud eos. Sic Livius I. 4. tenet fama.

*interpretatum nobis est: Passive, ut supra Cat. VII. 3. ad-
epta libertate; et Ingurth. CI. „prope jam adeptam victoriam, et sic apud Plautum et Cicero-
nem saepius.*

*utique — et ita uti — sic ut.
fides e. r. penes auct. erit.
Veritatem narrationis ipsi prae-
stent auctores.*

CAP. XVIII. *Moribus regi dicuntur gentes, apud quas majorum vetustate sancitae consuetudines legum auctoritatem habent, quamvis literarum*

gebantur: vagi, palantes, qua nox coegerat, sedes habebant. Sed postquam in Hispania Hercules, sicuti Afri putant, interiit; exercitus ejus, compositus ex variis gentibus, amisso duce, ac passim multis, sibi quique, imperium petentibus, brevi dilabitur. Ex eo numero Medi, Persae et Armeni, navibus in Africam transvecti, proximos nostro mari locos occupavere. Sed Persae intra Oceanum magis; iique alveos navium inversos pro tuguriis habuere; quia neque materia in agris, neque ab Hispanis emundi, aut mutandi copia erat. Mare magnum et ignara lingua commercia prohibebant. Hi paullatim per connubia Gaetulos miscuere: Et quia saepe

monumenta desint. Sic apud Germanos, Tacito teste, plus olim valere boni mores, quam alibi bonae leges.

qua nox coegerat — qua locorum parte, inclinata die, congregati forte erant, ibi, quum nec domicilia, nec sedem certam haberent, pernoctabant.

postquam in Hispania Hercules interiit, quem nonnulli incolumem in Italiam reversum esse tradunt. Plures autem virtute ac robore insignes antiquitatis viros *Hercules* nominatos esse constat. *Cicero* enim *sex*, *Varro* quadraginta quatuor hujus nominis heroas numerat,

ignara lingua recte a Nonio per *incognitam* describitur. Non enim homines tantum, qui res ignorant, dicuntur *ignari*, sed ipsa etiam res ignorata hoc adjectivo significatur. Sic Ovidius: proles *ignara* parenti. Et Noster Cap. XCIII. more humani ingenii *ignara* visundi.

Gaetulos miscuere. Et auctoritate membranarum, et exemplorum copia fretus τὸ *secum* expulit praest. Cortius. Nam et *adjungere*, et *miscere*, ac similia verba, nullo addito casu, inveniuntur. Est enim *miscere Gaetulos* — adsciscere eos in gentem.

tentantes agros, alia, deinde alia loca petiverant, semet ipsi Numidas adpellavere. Ceterum adhuc aedificia Numidarum agrestium, quae mapalia illi vocant, oblonga, incurvis lateribus tecta, quasi navium carinae sunt. Medis autem et Armenis accessere Libyes (nam hi propius mare Africum agitabant; Gaetuli sub sole magis, haud procul ab ardoribus) hique mature oppida

tentantes agros, agrorum naturam pervestigantes.

f. i. Numidas adpellavere. Ut omnis haec Africanarum gentium descriptio fabulosa magis, et conjecturis parum probabilibus nixa esse, quam certam veritatem habere videatur: sic mihi quidem verisimile non est, gentes illas a græco verbo *νᾱμειν* (*pascere, colere*) nomen sibi dedisse. Quid? quod iisdem navibus, quibus in Africam erant transvecti, in Hispaniam reverti potuissent. Quomodo autem linguae inscitia commercium prohibere potuerit, non facile intelligitur, si verum est, Herculem in Hispania mortuum esse, ubi vel incolarum sermonem addiscere, vel captivos quosdam secum in Africam deducere potuissent. Sed quantis nubibus involuta sit Herculis historia, tironibus etiam notissimum est. Qui quum natione Graecus fuisse credatur, quomodo *Medos, Persas et Ar-*

menos in exercitu suo habere potuerit, parum liquet.

Gaetuli sub sole magis etc. Spissa obscuritatis nube hic etiam locus premitur. Nam 1) si Gaetuli sub sole magis, haud procul ab ardoribus, habitaverunt, quomodo Persae, quos „proximos supra mari mediterraneo locos“ occupasse narravit, „per connubia Gaetulos miscere potuerunt? Nonne eandem, in qua *Medi* habitasse dicuntur, sedem Persae quoque obtinuerunt? Illos enim propius mare Africum agitasse (h. e. vixisse) narrat. 2) Si nullam Persae habebant in agro materiam, neque ab Hispanis emundi copiam:“ quomodo *Medi*, qui eandem fere Africae partem incoluisse dicuntur, oppida mature habere potuerunt?

hique mature oppida habere. Pronomen *hi*, tam prius quam posterius, quamvis primo intuitu ad nomen *Libyes* referendum videatur, tamen ad *Medos* sine dubio respicit,

habuere. Nam freto divisi ab Hispania mutare res inter se instituerant. Nomen eorum paulatim Libyes corrumpere, barbara lingua Mauros, pro Medis, adpellantes. Sed res Persarum brevi adolevit: ac postea nomine Numidae, propter multitudinem a parentibus digressi, possidere ea loca, quae proxume Carthaginem Numidia adpellatur. Dein utrique alteris freti finitimos armis aut metu sub imperium cogere, nomen gloriamque sibi addidere; magis hi, qui ad no-

quia mox additur: *Nomen eorum paulatim Libyes corrumpere*, barbara lingua (h. e. sua lingua) *Mauros* pro *Medis* adpellantes. Quae nominis mutatio quomodo fieri potuerit, docte explicat Cortius. Statuit enim ex Graeco scribendi more *Μαῖδοι* — *Maedos* scribendum esse, additque, et exemplo confirmat, literas I et V, D et R saepissime commutari; e. g. *arversarius* pro *adversarius* veteribus in usu fuisse.

mutare res inter se instituerant. Quum enim neque nummi excusi essent, nec certum quoddam lapidibus, metallis aliisque rebus pretium constitutum esset, *mutatio peculii, frugum, pecudum, lanae* etc. unicum erat commercii genus. Hinc etiam post inventum metalli nummorumque usum *mutare* pro *emere* et *vendere* dictum est.

Sed res Persarum brevi adolevit. Respublica quasi cum juvene comparatur, cujus paulatim vires crescunt atque corroborantur. — Sed qui Persarum historiam ex hoc loco discere vellet, pro Junone nubeculam amplecteretur.

locas, quae proxume Carthaginem Numidia adpellatur. Similiter pluribus in locis verbum, quod referri debuisset ad subjectum ejusque numerum, conjungitur cum praedicato. E. g. Terent. Andr. Act. III. Sc. III. 23. „amantium irae amoris integratio est.“ Et noster Cat. LV. 3. „Est locus in carcere, quod Tullianum adpellatur.“

Dein utrique — Et illi, qui, cum Gaetulis mixti, propter multitudinem a liberis relictii erant, et eorum liberi, qui ad mare mediterraneum processerant.

strum mare procellerant: quia Libyes, quam Gaetuli, minus bellicosi: Denique Africae pars inferior pleraque ab Numidis possessa est; victi omnes in gentem nomenque imperantium concessere.

CAPVT XIX.

[Continuata Africae, urbiumque ibi conditarum descriptio.]

Postea Phoenices alii multitudinis domi minuendae gratia, pars imperii cupidine, sollicitata plebe et aliis novarum rerum avidis, Hipponem, Hadrumetum, Leptim aliasque urbis in

D 2

Africae pars inferior — quae ad maritimam oram vergit. *Interiorem* contra adpellant eam, quae a sinibus est remotior.

victi omnes in gentem nomenque imperantium concessere — Concedere dicuntur gentes in nomen victorum, si, amisso suo, nomen illorum adsumunt.

CAP. XIX. *Postea Phoenices* — *condidere*. Vel fontium penuria, vel incuria quadam, nec priscorum Phoenicum historiam paucis enarrat, nec fines, quibus circumscripti fuerint, delineat, eoque modo parum prodest legentibus. Nec omnino inserta haec Africae descriptio ad illustrandam Iu-

gurthae historiam multum conferre videtur. Nam neque peritioribus, nec imperitis facile sufficiet.

Hipponem. Duo hujus nominis oppida celebrantur, de quibus vide Strabonem l. XVII. Hoc autem loco illam regni Tunetani urbem, quam *Biser-tam* hodie dicunt, intelligendam esse censent interpp.

Hadrumetum oppidum maritimum, in Africa propria situm, hodie vel *Tulba*, vel *Sissa Nigra* dictum. Fuere qui scriberent: *Adrimetum*. Sed doctiss. Cortius illud ad numorum et lapidum scripturam proxime accedere observat.

Leptim puta minorem, inter *Adrumetum* et *Thapsum* sitam,

ora maritima condidere: Haeque brevi multum auctae, pars originibus praesidio, aliae decori fuere. Nam de Carthagine silere melius puto, quam parum dicere: quoniam alio properare tempus monet. Igitur ad Catabathmon, qui locus Aegyptum ab Africa dividit, secundo mari, prima Cyrene est, colonia Thereon, ac deinceps duae Syrtes, interque eas Leptis: dein Philenon arae, quem, Aegyptum versus, finem imperii habuere Carthaginienſes: post aliae Punicae urbes. Cetera loca usque ad Maureta-

quae a *majori*, inter Syrtes sita, distinguenda est.

pars — fuere. Aliae iis urbibus, e quibus deductae erant coloniae, opem in bello tulerunt, aliae, quarum auxilio *μητροπολεις* supersedere poterant, debitum certe illis, tamquam matribus, honorem praestitere. — Hujusmodi *metro-poles originēs* h. l. vocantur. Vid. Liv. XXXVIII. Cap. 39. Sic Tacitus de Germ. Cap. II: „Celebrant carminibus antiquis *Tuistonem* Deum, terra editum, et Mannum *originem* gentis conditoresque.

Ad Catabathmon — — prima Cyrene est — prope Catabathmon, *secundo mari*, Cyrene sita est. Secundo mari, h. e. ita, ut, post Cyrenen, mare ad Catabathmon proxime, tanquam secundo loco, accedat.

Cyrene in Pentapoli, seu Cy-

renaica, sita, ubi nunc temporis *Karvan* in tabulis geographicis invenitur. De Cyrenensium imperio vid. infra LXXIX. Confer. Strabo XVII, p. 575.

Colonia Thereon. Sic, Graecorum *Θηραιων* imitatus, pro *Theraeorum*, et mox *Philenon* scripsit pro: *Philenorum*. — Aristaeus quidam, sive Aristoteles, cognomine *Battus*, ab insula *Thera* profectus, urbem illam, vel a monte *Cyra*, vel a puella *Cyrene* nominatam condidit. Vid. Justin. XIII, 7.

duae Syrtes, quarum descriptionem lege infra Cap. LXXVIII, ubi Lepitanorum etiam mentionem fecit.

Philenon arae. Vid. locus modo citatus, ubi res omnis exposita est. Erant enim *Phileni* duo fratres, in quorum sempiternam memoriam arae ibi exstruebantur.

niam Numida tenent: proxume Hispaniam Mauri sunt: super Numidiam Gaetulos accepimus partim in tuguriis, alios incultius vagos agitare: post eos Aethiopas esse: dein loca exusta solis ardoribus. Igitur bello Iugurthino pleraque ex Punicis oppida et finis Carthaginiensium, quos novissime habuerant, populus Romanus per magistratus administrabat: Gaetulorum magna pars et Numidia usque ad flumen Mulucham sub Iugurtha erant: Mauris omnibus rex Bocchus imperitabat, praeter nomen, cetera ignarus populi Romani; itemque nobis neque bello, neque pace antea cognitus. De Africa et ejus incolis ad necessitudinem rei satis dictum.

CAP V T . XX.

[Iugurtha, cui per legatos populi Romani melior Africae pars adtributa erat, ne his quidem imperii finibus contentus, Adherbalis quoque provinciam armatus invadit, praedaeque multa in suum regnum abacta, timidum et quietum Adherbalem laceffit.]

Postquam, regno diviso, legati Africa discessere, et Iugurtha contra timorem animi praemia sceleris adeptum sese videt; certum ratus, quod ex amicis apud Numantiam acceperat, omnia

CAP. XX. *praemia sceleris,* pro tertia, melioremque simul,
„impunitatem, et dimidiam, Africae partem.“

Romae venalia esse; simul et illorum pollicitationibus accensus, quos paullo ante muneribus expleverat, in regnum Adherbalis animum intendit. Ipse acer, bellicosus: at is, quem petebat, quietus, imbellis, placido ingenio, opportunus injuriae, metuens magis, quam metuendus. Igitur ex improvviso finis ejus cum magna manu invasit: multos mortalis cum pecore atque alia praeda capit, aedificia incendit, pleraque loca hostiliter cum equitatu accedit. Dein cum omni multitudine in regnum suum convertit, existumans dolore permotum Adherbalem injurias suas manu vindicaturum, eamque rem belli causam fore. At ille quod neque se parem armis existumabat, et amicitia populi Romani magis, quam Numidis fretus erat; legatos ad Iugurtham de injuriis questum misit: qui tametsi contumeliosa dicta retulerant, prius tamen omnia pati decre-

in regnum A. animum intendit — cupiditate illud complexus est. Intenditur enim animus in rem optatam, qua omni virium contentione potiri studemus.

quem petebat — Adherbal. Petimus hostem telis, regnum impetu violento, dolo etc. locum, urbem eundo. Est igitur verbum violentum, aut omnino quaerentis actionem significans.

Opportunus injuriae dicitur, qui ei vel resistere non audet propter animi timiditatem, vel viribus ad propulsandam injuriam destitutus est, vel ad suffectus perferendae injuriae defensionem negligit. Ex adjectis vocibus: *metuens magis quam metuendus* patet, hoc loco primam significationem simul cum secunda intelligendam esse. Cfr. Seneca de Clement. Cap. VIII.

vit, quam bellum sumere: quia tentatum antea secus cesserat. Neque tamen eo magis cupido Iugurthae minuebatur: quippe qui totum ejus regnum animo jam invaserat. Itaque non, ut antea, cum praedatoria manu, sed magno exercitu comparato bellum gerere coepit, et aperte totius Numidiaei imperium petere. Ceterum, qua pergebat, urbis, agros vastare, praedas agere; suis animum, terrorem hostibus augere.

CAPUT XXI.

[Adherbal, vicini injuriis ad bellum coactus, Iugurthae cum exercitu obviam profectus, haud procul ab urbe Cirta noctu e castris pellitur, et, parva equitum manu comitante, Cirtam petit, quae statim a Iugurtha oppugnatur. Senatus autem legatos in Africam mittit, qui reges ab armis discedere jubent.]

Adherbal ubi intellegit, eo processum, uti regnum aut relinquendum esset, aut armis reti-

bellum sumere, i. q. arma sumere, ut infra LXXXIII. 1. „Omne bellum *sumi* facile, ceterum aegerrime *desinere*.“

tentatum, sc. bellum, *secus*, sc. ac voluerat, h. e. male cesserat. Sic Plin. Panegy. XLIV, „bone aut *secus*.“

animo jam invaserat. Quaecunque enim cum vehementiore quodam animi impetu

facturus est homo, ea praecipere *animo* potest. Sicuti nostrates: *im Geiste, in Gedanken bekriegen*, ita Noster, et Corn. Nepos Hannib. I, „qui quidem, cum patria pulsus esset, — nunquam destiterit *animo bellare* cum Romanis.“

praedas agere. Aguntur et *incedunt* pecora, *mancipia*, *servi* — reliqua feruntur. Hinc dicitur: *agere et ferre hostilia*.

nendum, necessario copias parat et Iugurthae obvius procedit. Interim haud longe a mari, prope Cirtam oppidum utriusque confedit exercitus: et quia die extremum erat, praelium non inceptum. Vbi plerumque noctis processit, obscuro etiam tum lumine, milites Iugurthini, signo dato, castra hostium invadunt; semisomnos partim, alios arma sumentes fugant funduntque: Adherbal cum paucis equitibus Cirtam profugit, et ni multitudo togatorum fuisset, quae Numidas insequentes moenibus prohibuit, uno die inter duos reges coeptum atque patratum bellum

CAP. XXI, *necessario* — contactus. Abesse quidem posset adverbium istud, quum ex antecedentibus pateat, Adherbalem invitum arma sumsisse. Sed praeferendum sine dubio videbitur voci *necessarias*.

haud longe a mari, prope Cirtam oppidum etc. Haec repugnare videntur descriptioni Strabonis et Melae, qui Cirtam *procul a mari* sitam esse referunt. Cortius autem ita putat conciliari posse locorum differentiam, ut statuatur, exercitus inter mare et Cirtam confedis-
disse, nec ab utroque longe abfuisse.

die extremum pro: *diei extremum* (sc. tempus) uti supra Cap. XVI. *fide* pro *fidei*. Sic e codd. mss. *fide* dignissimis exhibuit diligentissimus Cor-

tius, eumque loquendi usum pluribus exemplis confirmavit.

fugant funduntque. Sic infra Cap. LVIII. „eos maxuma vi caedere, *fundere* atque *fugare*.“ E quibus exemplis patet diversam esse horum verborum significationem. Et secundum Cortium quidem *fugare* est: *in fugam pellere omnino*, *fundere* autem: *ferire atque projicere*.

togatorum — Romani omnino, propterea quod veste ad pedes usque pertingente, quam togam vocabant, utebantur, *togati* sive *gens togata* dicuntur. Hic autem *mercatores* et *peregrinantes* intelligendi sunt. Nam in pace *toga*, in bello induti erant *sago*.

uno die coeptum atque patratum bellum foret. Dissentit a Nostro Florus I. Cap. XI, qui

foret. Igitur Iugurtha oppidum circumfedit, vineis turribusque et machinis omnium generum expugnare adgreditur: maxume festinans tempus legatorum antecapere, quos, ante praelium factum, Romam Adherbale missos audierat. Sed postquam Senatus de bello eorum accepit, (tres adolescentes) in Africam legantur, qui ambo reges adeant, Senatus populiue Romani verbis nuncient, *Velle et censere, eos ab armis discedere: de controversiis suis jure potius, quam bello disceptare: ita seque illisque dignum fore.*

„bellum intra quindecim dies coeptum peractumque esse narrat.“ Cfr. Tacit. Annal. XII. Cap. XVI. extrem. Ac ni proelium, inquit, nox diremisset, coepta patratque *expugnatio* eundem intra diem foret.

Patrare bellum i. q. conficere, seu perficere.

vineis turribusque et machinis omnium generum. His et similibus instrumentis, qualia fuere *ballistae, musculi, arietes, catapultae, scorpiones*, partim ad tuendos milites urbem oppugnaturus, partim ad ipsam expugnationem, subruendosque muros, utebantur, quae *Vegetius de re militari veterum* latius descripsit. „Con-

stabat autem *vineae* lignis, tecto quodam inter se junctis, quorum latera vimine munita erant. Ligna priora viri staturam et dimidiam longa; posteriora definebant in viri tantum staturam.“ *Turres* vero ex trabibus et tabulis (frontibus ferro, aut contonibus et coriis circumdatis) exstructae murorum altitudinem aequabant aut excedebant; ambulatoriae interdum, saepe fixae. — Haec in tironum gratiam ad verbum fere descripsimus.

Velle et censere. Verba solennia, quibus et populi voluntas et senatus auctoritas declaratur. Nam quae *voluerat* populus, ea senatus *facienda censuerat*.

CAPUT XXII.

[Legati, audito proelii facti rumore, festinanter ad Iugurtham proficiscuntur, qui Adherbalem sibi insidiatum esse mentitur, seque legatos brevi Romam missurum pollicetur.]

Legati in Africam maturantes veniunt, eo magis, quod Romae, dum proficisci parant, de praelio facto et oppugnatione Cirtae audiebatur. Sed is rumor clemens erat. Quorum Iugurtha accepta oratione respondit: *Sibi neque majus quidquam, neque carius auctoritate Senati: ab adolescentia ita enisum, uti ab optumo quoque probaretur: virtute, non malitia P. Scipioni, summo viro, placuisse: ob easdem artis ab Micipsa, non penuria liberorum, in regnum adoptatum: Ceterum quo plura bene atque strenue fecisset, eo animum suum injuriam minus tolerare: Adherbalem dolis vitae suae insidiatum; quod ubi comperisset, sceleri obviam isse: populum Romanum neque recte, neque pro bono facturum, si ab jure gentium sese prohibuerint: postremo de om-*

CAP. XXII. rumor clemens erat: non valde atrox fuisse proelium narrabatur.

ob easdem artis — ob hanc animi indolem; saepissime enim virtutes, in quibus nemo, nisi qui eas diligenter exerceat, proficere poterat, artes dicuntur.

sceleri obviam isse, idem est, quod apud Iustinum occupare insidias h. e. adgredi nociturum, priusquam damnum adferre possit.

pro bono — bene. Sic pro vero constat; pro comperto fuit.

nibus rebus legatos Romam brevi missurum. Ita utrique digrediuntur. Adherbalis adpellandi copia non fuit.

CAPUT XXIII.

[Iugurtha, legatis Romam regressis, Cirtam oppugnare pergit, e qua duo iterum legati noctu evadunt, Adherbalis causam apud Quirites acturi.]

Iugurtha ubi eos Africa decessisse ratus est, neque propter loci naturam Cirtam armis expugnare potest; vallo atque fossa moenia circumdat, turris exstruit, easque praesidiis firmat, praeterea dies, noctes aut per vim, aut dolis tentare, defensoribus moenium praemia modo, modo formidinem ostentare, suos hortando ad virtutem erigere: prorsus intentus cuncta parare. Adherbal ubi intellegit, omnis suas fortunas in extremo sitas, hostem infestum, auxilii spem nullam, penuria rerum necessariarum bellum trahi non posse; ex his, qui una Cirtam profugerant, duo maxime impigros delegit, eos multa pollicendo, ac miserando casum suum confir-

Adherbalis adpellandi copia non fuit — cum Adherbale colloquendi occasio non est data.

CAP. XXIII. *Aut per vim, aut dolis tentare.* — Verbum ten-

tare sine adjecto casu interdum ponitur; potest tamen suppleri vel *urbs*, vel *expugnatio*.

Formidinem ostentare. Acerbissimos cruciatus minitando formidinem iis incutiebat.

mat, uti per hostium munitiones noctu ad proximum mare, dein Romam pergerent.

C A P V T XXIV.

[Adherbalis litterae, per legatos Romam allatae, in senatu recitantur.]

Numidae paucis diebus iussa efficiunt: litterae Adherbalis in senatu recitatae, quarum sententia haec fuit.

Non mea culpa saepe ad vos oratum mitto, Patres conscripti, sed vis Iugurthae subigit: quem tanta lubido exstinguendi me invasit, uti neque vos, neque deos immortalis in animo habeat, sanguinem meum, quam omnia, malit. Itaque quintum jam mensem socius et amicus populi Romani armis obsessus

CAP. XXIV. *Quem tanta lubido exstinguendi me invasit, uti neque Vos, neque deos immortalis in animo habeat etc.* Attendant juvenes ad eximiam vel Adherbalis, vel Crispi artem, qua Romanorum iram et indignationem excitare, simulque benevolentiam eorum, quibus secundum a Diis immortalibus locum tribuit, lenociniis captare studet. Quum enim illa ipsa vicini regis exstinguendi lubido invisum reddere posset Iugurtham, tum vero contemptus Romanorum non

potuit ambitioso senatui non displicere.

socius et amicus populi Romani — quamvis socius sim et amicus populi Romani, quem nemo laedere posse videtur, nisi qui Vestram simul majestatem contemnere audeat. Et quo turpiorem veluti notam Iugurthae inurat, ingratum ejus animum verbis sequentibus reprehendit:

„Neque mihi *Micipsae patris beneficia*, neque *Vestra decreta* auxiliantur.

teneor; neque mihi Micipsae patris beneficia, neque vestra decreta auxiliantur, ferro, an fame acrius urguear, incertus sum. Plura de Iugurtha scribere, dehortatur fortuna mea: etiam antea expertus sum, parum fidei miseris esse. Nisi tamen intellego, illum supra, quam ego sum, petere, neque simul amicitiam vestram, et regnum meum sperare: utrum gravius existimet, nemini occultum est. Nam initio occidit Hiempsalem fratrem meum: dein patrio regno me expulit.

dehortatur fortuna mea — disuadet praesens rerum mearum conditio.

Etiam antea expertus sum, parum fidei miseris esse. — Quae hisce verbis, per se quidem verissimis, inest acerbitas, etsi Romanos offendere potuisset, ob eamque rem melius abesse videatur, tamen in misera viri oppressi conditione non mirum est, quod in litteras irrepsit istiusmodi sententia.

Nisi tamen intellego, illum etc. Quo suspectiorem Romanis reddat Iugurtham, ipsis quoque hunc regem infestum fore innuit. — Haec autem verba in quibusdam codd. (ab interprete explanata) sic inveniuntur: *nisi tamen quod intellego*. Quum enim antea negasset, plura in praesenti rerum

statu scribere se posse, nunc addit: nisi tamen (hoc unum) quod intellego. Haec autem adversativae particulae cum exceptiva conjunctio nemini a linguae latinae ingenio abhorroere videbitur, qui meminerit conjunctionum: *at enim, at enimvero*, et similium.

supra, quam ego sum, petere, non mei regni finibus fore contentum, sed amplius imperium hostiliter invasurum esse.

neque — sperare: et persuasum sibi jam habere, regno meo hostiliter occupato, in vestra amicitia se permanere non posse.

utrum gravius existimet, nemini occultum est. Regnum meum amittere gravius (detrimendum) existumat, quam vestram amicitiam deferere.

Quae sane fuerint nostrae injuriae, nihil ad vos. Verum nunc vestrum regnum armis tenet: me, quem imperatorem Numidis posuistis, clausum obsidet: legatorum verba quanti fecerit, pericula mea declarant. Quid reliquum, nisi vis vestra, quo moveri possit? Nam ego quidem vellem, et haec, quae scribo, et quae antea in Senatu questus sum, vana forent potius, quam miseria mea fidem verbis faceret. Sed quoniam eo natus sum, ut Iugurthae scelerum ostentui essem, non jam mortem neque aerumnas, tantummodo inimici imperium et cruciatus corporis deprecor.

Quae sane fuerint nostrae injuriae, nihil ad vos. Sed has injurias nobis (mihi) illatas esse, nec ad Vos pertinere concedo.

Nam — faceret. Latini saepissime particulis causalibus — nam, enim — ita utuntur, ut ad omissam aliquam enunciationem, a nobis pro linguae nostrae natura supplendam, respiciant. Sic etiam hoc loco supplemus:

Equidem vim vestram invictus, et necessitate coactus, imploro. Nam etc.

ut Iugurthae scelerum ostentui essem; ut, tamquam opportunus Iugurthae sceleribus, ab eo peterer. — Nam ostentus scelerum est homo, in quo alii scelera ostendunt.

non jam mortem, neque aerumnas, tantummodo inimici imperium et cruciatus corporis deprecor. Mihi quidem haec verba cum moribus ac tota viri timidi indole, qui „prius omnia pati decreverat, quam bellum sumere“ (vid. Cap. XX.) parum convenire videntur. Sed omni ratione, qua misericordiam Romanorum excitare poterat, satis callide utitur.

inimici imperium et cruciatus corporis deprecor. Ambiguitate quadam hic locus laborat. Potest enim vel ita intelligi: nolite concedere, ut, me interfecto, inimicus imperio Numidiae potiatur; vel etiam: ne patiamini, me inimici imperio (jussu) cruciatibus corporis affligi.

Regno Numidiaë, quod vestrum est, uti lubet, consulite: me ex manibus impiis eripite, per majestatem imperii, per amicitiae fidem, si ulla apud vos memoria avi mei Masinissae.

C A P V T XXV.

[Diverſa Romanorum et Iugurthae legatorum conſilia. Mittuntur in Africam viri genere, ætate, dignitate nobiles, in his M. Scaurus, vir conſularis, princeps ſenatus, qui, litteris ad Iugurtham miſſis, animum ejus aliquamdiu perturbant, ad poſtremum tamen fruſtra diſcedunt.]

His litteris recitatis, fuere, qui exercitum in Africam mittendum cenſerent, et quamprimum Adherbali ſubveniundum: de Iugurtha interim uti conſuleretur, quoniam non paruiſſet legatis. Sed ab iſdem regis fautoribus ſumma ope eniſum, ne decretum fieret. Ita bonum publicum, ut in plerisque negotiis ſolet, privata gratia devictum. Legantur tamen in Africam majores natu, nobiles, amplis honoribus: in quibus M. Scaurus, de quo ſupra memoravimus, conſularis, et

CAP. XXV. de Iugurtha interim uti conſuleretur — ſc. quali poena eſſet adficiendus.

Legantur tamen in Africam majores natu etc. Quamvis fautores regis, ne quid omni-

no decerneretur, enixi erant, eamque ob cauſam exercitus non mittebatur, tamen majores natu, quippe qui corruptelae non tam facile obnoxii putarentur, in Africam miſſi ſunt.

tum Senati princeps. Hi, quod in invidia res erat simul, et ab Numidis obsecrati, triduo navim escendere: dein brevi Vticam adpulsi litteras ad Iugurtham mittunt, QVAM OCISSEVME AD PROVINCIAM ACCEDAT; SEQVE AD EVM AB SENATV MISSOS. Ille ubi accepit, homines claros, quorum auctoritatem Romae pollere audiverat, contra inceptum suum venisse: primo commotus, metu atque lubidine divorfus agitabatur. Timebat iram Senati, (ni paruisset legatis:) porro animus cupidine caecus ad inceptum scelus rapiebat. Vicit tamen in avido ingenio pravum consilium. Igitur, exercitu circumdato,

quod in invidia res erat simul, et ab Numidis obsecrati etc. quod non modo omne negotium, iis demandatum, si quidquam peccarent, invidiam excitare poterat, sed quod a Numidis etiam, calamitate pressis, invitati erant.

escendere. Verbum Sallustio valde usitatum, quod etiam occurrit apud Corn. Nepotem in Themist. VIII. 6.

Vticam adpulsi. De cuius urbis origine vid. Iustinus XVIII. 4.

quam ocissime ad provinciam accedat: Ocissime, superl. adverbii ociter, ab *ὀκνῶ* derivari putant. *Ad* dicitur interdum pro: in; *ad portum, ad villam* pro: in portum etc.

divorfus agitabatur — modo in hanc, modo in illam sententiam trahebatur; diversa agitabat consilia. Observent juvenes, adjectivum illud, quod ad mentis consilia pertineat, hoc loco ad ipsum hominem referri.

porro animus cupidine caecus ad inceptum scelus rapiebat. Porro h. l. est nostrum: *von der andern Seite*. Hac enim particula vicissitudinem diversorum, sibi repugnantium consiliorum et factorum significant. Conf. Iustin. II. 10.

rapiebat — cum vehementia stimulabat.

exercitu circumdato — circum moenia ducto. Nam utrumque dicitur: *exercitu circumdare*

summa vi Cirtam irrumpere nititur, maxume sperans, diducta manu hostium, aut vi, aut dolis sese casum victoriae inventurum. Quod ubi secus procedit, neque, quod intenderat, efficere potest, uti prius, quam legatos conveniret, Adherbalis potiretur; ne amplius morando Scaurum, quem plurimum metuebat, incenderet, cum paucis equitibus in provinciam venit. Ac tamen etsi Senati verbis minae graves nunciabantur, quod oppugnatione non desisteret; multa tamen oratione consumpta, legati frustra discessere.

CAPVT XXVI.

[Audito legatorum abitu, Adherbal, suadentibus Italici, qui urbem defenderant, quamquam invitus, Iugurthae se tradit, a quo et ipse postea et pars juventutis interficitur.]

Ea postquam Cirtae audita sunt, Italici, quorum virtute moenia defendebantur, confisi, de-

moenia, vid. Cap. XXIII. et circumdare exercitum Liv. XXII. cap. 42.

sese casum victoriae inventurum — h. e. opportunam victoriae de hostibus reportandae occasionem. Sed quamvis eadem similiter voce Livius IV. 27. usus est, tamen ipsa *fortuiti casus* notio mihi quidem reliquis adjectis vocibus repugnare videtur. Non enim intelligo, quomodo quis dolo

casum invenire possit. Expediatur autem haec difficultas, si *casum victoriae* nihil aliud quam *victoriam ipsam*, quae semper aliquo modo fortuita est, significare statuimus. Sed cur non potius simplicem hanc vocem posuit Noster?

Quod ubi secus procedit, sc. ac speraverat.

CAP. XXVI. *Italici* — quos supra nominavit *legatos*, erant

ditione facta, propter magnitudinem populi Romani inviolatos sese fore, Adherbali suadent, uti seque, et oppidum Iugurthae tradat: tantum ab eo vitam paciscatur, de ceteris Senatui curae fore. At ille, tametsi omnia potiora fide Iugurthae rebatur; quia penes eosdem, si advorsaretur, cogendi potestas erat, ita, uti censuerant Italici, deditionem facit. Iugurtha in primis Adherbalem excruciatum necat: dein omnis puberes Numidas et negotiatores promiscue, uti quisque armatis obviis, interfecit.

CAPUT XXVII.

[Amici Iugurthae, tempus trahendo, poenam ab eo-

illi negotiatores, qui tum forte in Africa versabantur.

tametsi omnia potiora fide Iugurthae rebatur. Potiora h. l. est nostrum *zuverlässiger*. Nam quaecunque aliis rebus praestant, ea vocantur *potiora*; sed, quomodo verti debeant huiusmodi vocabula, ex toto orationis contextu certissime intelligitur. Hoc autem loco, quum de remediis salutis sermo sit, *potiora* sunt *certiora*, quibus maxime confidere possumus. Sensus igitur est: quum nulli rei minus, quam Iugurthae fidei crederet.

quia penes eosdem, si advorsaretur, cogendi potestas erat:

quia negotiatores illi, si ipse resisteret, nec Iugurthae urbem tradere vellet, cogendi potestatem habebant.

Ita, uti censuerant Italici etc. Mihi quidem haec verba, nisi omnes omnino Codd. ea defenderent, spuria viderentur. Sunt enim superflua et prorsus otiosa. Quod ad vocem *Italici* attinet, habeo certe consentientem Cortium, virum omni mea laude maiorem, qui „*illam*, inquit, *et putidam esse, et Glossatorum, quovis pignore contenderem.*“ — Neque minus mirum videbitur legentibus, quod illi negotiatores tantam vim potuerint in Adherbalem exercere.

dem avertere student, quod procul dubio perfecissent, nisi Memmius, trib. pl. designatus, sollicitata plebe, metum iniecisset Senatui. Itaque provinciae futuris Coss. decernuntur; Calpurnio Numidia, Scipioni Italia.]

Quod postquam Romae cognitum, et res in Senatu agitari coepta, idem illi ministri regis interpellando ac saepe gratia, interdum jurgiis trahendo tempus, atrocitatem facti leniebant. Ac ni C. Memmius, tribunus plebis designatus, vir acer et infestus potentiae nobilitatis, populum Romanum edocuisset, ID AGI, VTI PER PAUCOS FACTIOSOS IVGVRTHAE SCELVS CONDONARETVR, profecto omnis invidia prolatandis consultationibus dilapsa erat. Tanta vis gratiae, atque pecuniae regis. Sed ubi Senatus delicti conscientia populum timet; lege Sempronia pro-

E 2

CAP. XXVII. *idem illi ministri regis* — iidem illi, qui fa-
vebant Iugurthae, ejusque cau-
sam agebant.

saepe gratia, interdum jurgiis
— saepe lenibus verbis, et ea,
qua pollebant, gratia, inter-
dum vehementiori disceptatio-
ne tempus decreti prolatare stu-
debant.

dilapsa erat. Saepissime hi-
storicos, nostrum imprimis, in-
dicativo in propositione con-
ditionali usos esse, neminem
facile fugiet. Sic Florus IV.

2. „Et peractum erat, inquit,
bellum sine sanguine, si Pom-
pejum opprimere Brundisii
potuisset.“

lege Sempronia — C. Sem-
pronii Gracchi, qua praecipie-
batur, ut quotannis ante co-
mitia consularia designandis
consulibus duae provinciae de-
cernerentur, quas propterea
consulares vocabant. Decretis
autem a senatu copiis rebusque
necessariis, Consules provin-
cias illas pro lubitu comparare
inter se, aut sorte dividere
poterant.

vinciae futuris Consulibus, Numidia atque Italia decretae: Consules declarantur P. Scipio Nasica, L. Bestia Calpurnius; Calpurnio Numidia, Scipioni Italia obvenit. Deinde exercitus, qui in Africam portaretur, scribitur: stipendium, alia, quae bello usui forent, decernuntur.

CAPUT XXVIII.

[Iugurtha iterum, audita rerum Romae gestarum fama, filium duosque ejus familiares ad Senatum mittit, qui frustra in Africam revertuntur. Sequitur mox, Calpurnio duce, victor exercitus.]

At Iugurtha, contra spem nuncio accepto, quippe cui, Romae omnia venum ire, in animo haeserat; filium, et cum eo duo familiaris ad Senatum legatos mittit: hisque, ut illis, quos, Hiempsale interfecto, miserat, praecepit, *omnis mortalis pecunia adgrediantur*. Qui postquam Romam adventabant, Senatus a Bestia consultus: PLACERETNE LEGATOS IUGURTHAE RECIPERE MOENIBUS, iique decrevere: *nisi regnum, ipsumque deditum venissent, uti in diebus (proximis) decem Italia decederent*. Consul Numidis ex Senati decreto nunciari jubet. Ita infectis rebus illi domum discedunt. Interim Cal-

CAP. XXVIII. Senatus consultus — iique decrevere. Meminerint legentes similis ver-

borum constructionis in Cat. XVI: „Iuventutem mala facinora edocebat. Ex illis“ etc.

purcius, parato exercitu, legat sibi homines nobilis, factiosos, quorum auctoritate, quae deliquisset, munita fore sperabat: in quis fuit Scaurus, cujus de natura et habitu supra memoravimus. Nam in Consule nostro multae bonaeque artes animi et corporis erant: quas omnis avaritia praepediebat. Patiens laborum, acri ingenio, satis providens, belli haud ignarus, firmissimus contra pericula et insidias. Sed legiones per Italiam Rhegium, atque inde Siciliam, porro ex Sicilia in Africam transvectae. Igitur Calpurnius initio, paratis commeatibus, acriter Numidiam ingressus est, multos mortalis, et urbis aliquot pugnando capit.

CAPUT XXIX.

[Attamen et Calpurnius, cujus virtutes avaritia su-

Cujus de natura et habitu.
Et naturalem hominis conditionem, et consuetudine usque partam significat vox *habitus*, de qua hisce verbis disserit Cicero I. de invent. p. 50. „*habitus* adpellamus animi aut corporis constantem et absolutam aliqua in re perfectionem, aut virtutis, aut artis perceptionem alicujus, aut quamvis scientiam. Et item corporis aliquam commoditatem, non natura datam, sed studio et industria comparatam.“
in Consule nostro multae bo-

naeque artes animi et corporis erant: quas omnis avaritia praepediebat. Tam bonos, quam malos animi habitus, sive a natura sive a consuetudine profectos, *artium* nomine significari, pluribus belli Catilinaris locis supra probatum est. *Praepedire* τὸ ἐμπεδῶν εἶναι Graecorum respondet. Quo minus bona Calpurnii indoles conspicuam se redere posset, impediabat avaritia. Interdum habet significationem verbi *prohibere*. Dicitur I. 10. desiderium a recto consilio praepediebat.

perabat, pecunia regis corruptus, cum Scauro, qui ad illius partes traductus erat, consiliis communicatis, Iugurtham in deditionem accipit, multisque muneribus acceptis Romam revertitur.]

Sed ubi Iugurtha per legatos pecunia tentare, bellicae, quod administrabat, asperitatem ostendere coepit: animus aeger avaritia facile conversus est. Ceterum socius et administer omnium consiliorum adsumitur Scaurus: qui tametsi a principio, plerisque ex factione ejus corruptis, acerrime regem impugnaverat; tamen magnitudine pecuniae a bono honestoque in pravum abstractus est. Sed Iugurtha primum tantummodo belli moram redimebat, existumans, sese aliquid interim Romae pretio, aut gratia effecturum: postea vero quam participem negotii Scaurum acceperat, in maxumam spem adductus recuperandae pacis, statuit cum eis de omnibus pactionibus praesens agere. Ceterum interea, fidei causa, mittitur a Consule Sextius Quaestor in

CAP. XXIX. *pecunia tentare* — — *Calpurnium*, sive illum, sive aliud quoddam nomen omissum est.

belli, quod administrabat, asperitatem ostendere coepit — Vox *administrabat* ad Consulem Rom. referenda est, cui, quam molestum esset illud bellum, Iugurtha ostendebat.

adsumitur Scaurus — a Consule. Nam Iugurtha, ut e sequentibus vides, serius cognovit Scaurum consiliorum participem factum esse.

fidei causa — obsidis loco, quo facilius rex Numidarum fidem consuli haberet.

oppidum Iugurthae Vagam: cuius rei species erat acceptio frumenti, quod Calpurnius palam legis imperaverat: quoniam deditionis mora induciae agitabantur. Igitur rex, uti constituerat, in castra venit: ac pauca, praesenti consilio, locutus de invidia facti, atque in deditionem uti acciperetur; reliqua cum Bestia et Scauro secreta transigit: dein postero die, quasi per saturam exquisitis sententiis, in deditionem accipitur. Sed, uti pro consilio imperatum, elephantum triginta, pecus atque equi multi, cum parvo argenti pondere Quaestori traduntur. Calpurnius Romam ad magistratus rogandos proficisci-

Vagam — quae urbs a nonnullis *Vacca*, ab aliis *Vaca* scribitur.

species h. e. praetextus, obtentus.

deditionis mora — quamdiu deditio retardabatur.

induciae agitabantur. — Usitatum Sallustii verbum. Pax enim, bellum, induciaeque agitari dicuntur.

praesenti consilio, sc. deliberantium; sive: coram ducibus, quibuscum res agebatur. Monemus autem hoc, ne quis praesens consilium vertat per: *Klugheit und Geistesgegenwart*.

de invidia facti — de odiosa, seu inimica facti sui interpretatione, quam Romani in malam partem accepissent.

quasi per saturam exquisitis

sententiis: non observatis nempe iustis in perroganda, seu exquirenda cujusque sententia ritibus; sine ordine et modo. Nam satura erat *vas*, in quo gentiles diis vel variorum animalium carnes, vel de omni frugum genere, offerebant. Hinc metaphorice dicitur: *quasi per saturam* pro: confuse. Itaque (sunt Festi verba) in sanctione legum adscribebatur: neve per saturam abrogato, aut derogato.

pro consilia. Coram consiliantibus ducibus. Sic etiam supra Cap. VIII. „donatum atque laudatum magnifice pro concione.

ad magistratus rogandos. Nam Scipio, qui, cum Italiam sortitus esset, comitia ha-

tur. In Numidia et exercitu nostro pax agitabatur.

C A P V T XXX.

[Quo facto plebs Romana Consulem, infectis rebus redeuntem, graviter reprehendere coepit. Et quamquam Senatus propter auctoritatem Scauri, qui particeps fuerat Bestiae consiliorum, suo jure uti cunctabatur, Memmius tamen, trib. pl., populum ad libertatem defendendam acriter incitabat.]

Postquam res in Africa gestas, quoque modo actae forent fama divulgavit, Romae per omnis locos et conventus de facto Consulis agitari: apud plebem gravis invidia; Patres, probarentne tantum flagitium, an decretum Consulis sub-

bere debuisset, mortuus erat. *Rogantur* autem magistratus, qui per populum comitiis centuriatis rogatum creantur. Habebantur autem *comitia consularibus rogandis* a. d. XII Calendas Martias, et solemnis in rogationibus formula erat: *Velitis, jubeatis* — rogo, *Quirites*.

CAP. XXX. quoque modo actae forent: nam agendi modus propter simulationem et cunctationem viri, qui hostis muneribus in reip. ignominiam corrumpi se patiebatur, quam maxime vituperandus erat.

per omnis locos et conventus. Hae voces ita h. l. distingui videntur, ut altera publicos in foro, porticibus, plateis,

altera privatos hominum congressus significet; quamvis per conventum omnino „*locus, ubicumque conveniunt homines*,“ intelligi possit.

apud pl. gravis invidia — sc. Bestiae coorta est.

patres, probarentne tantum flagitium, an d. C. subverterent, parum constabat — Rectius et minus ambigue scripisset: *patribus* — — — *parum constabat*. Itaque adjecta erant in aliquo libro verba: *patres solliciti erant*, quae diligentiss. *Cor-tius* merito rejecit. — Nam interdum, ubi unam rem, sive unum *subjectum* alteri opponunt, nominandi casu utuntur scriptores, quamvis verbum

verterent, parum constabat. Ac maxume eos potentia Scauri, quod is auctor et socius Bestiae ferebatur, a vero, bono impediabat. At C. Memmius, cuius de libertate ingenii et odio potentiae nobilitatis supra diximus, inter dubitationem et moras Senati, concionibus populum ad vindicandum hortari: monere, ne rempublicam, ne libertatem suam defererent: multa superba, crudelia facinora nobilitatis ostendere: prorsus intentus omni modo plebis animum accendebat. Sed quoniam ea tempestate Memmii facundia clara pollensque fuit, decere existumavi, unam ex tam multis orationem perscribere: ac potissimum, quae in concione post reditum Bestiae huiuscemodi verbis disseruit.

CAPVT XXXI.

[Memmii praestantissima ad plebem oratio, qua civium indignationem suscitare, et optimates, Consulem inprimis, qui putido lucri studio ductus officia boni ducis neglexerat, invisos reddere studet. Digna profecto est prae multis, quam juvenes, verae eloquentiae studiosi, diligentissime contemplantur, imitentur, ediscant!]

subsequens ad eundem non semper referant. Sic Plautus Poen. Act. III. Sc. III. 46. „Tu, si Te dii ament, agere Tuam rem occasio est.“ — Igitur *τὸ* patres h. l. nihil aliud est, quam: quod ad patres attinet.

pollensque fuit, vim suam in omnem remp. habuit. *Pollere*, cui nonnunquam adjiciuntur voces *gratia*, *auctoritate*, est nostrum: sich geltend machen, wirksamen Einfluss oder Bedeutung im Staate haben.

*Multa dehortantur a vobis, Quirites, ni-
studium reipublicae omnia superet: opes
factionis, vestra patientia, jus nullum; ac
maxume, quod innocentiae plus periculi,
quam honoris, est. Nam illa quidem piget
dicere, his annis XV. quam ludibrio fueritis
superbiae paucorum; quam foede quamque
inulti perierint vestri defensores; ut vobis ani-
mus ab ignavia atque secordia corruptus sit:
qui ne nunc quidem, obnoxiiis inimicis, ex-
surgitis, atque etiam nunc timetis, quibus de-
cet terrori esse. Sed quamquam haec talia*

CAP. XXXI. *Multa dehortan-
tur a Vobis, Quirites etc.* Mul-
ta mihi dissuadere possent con-
siliū coram Vobis verba fa-
ciendi. — Vide, quanta cum
arte congregatorum civium
oculos animosque in se con-
vertat! Nam et suum de civi-
bus bene promerendi studium
declarat eo luculentius, quo
plura sibi obstacula vincenda
esse confitetur, et Romanis,
siquidem erubescere poterant,
tristissimam profecto et erube-
scendam, qua premebantur, ser-
vitutem ob oculos ponit.

patientia — non illa, quae
in laude est, magnosque viros
decet, sed humilis injuriarum
patientia, quae animum ab-
jectum prodit.

*ut Vobis animus — corruptus
sit; h. e. quantopere.*

*ab ignavia atque secordia cor-
ruptus.* Praepositionem pleo-
nastice adjectam esse, seu re-
dundare, vides. Similis ver-
borum abundantia non admo-
dum infrequens est apud opti-
mos scriptores. In tironum
gratiam repeto exempla a Cor-
tio citata: Lucret. III. v. 833.
„Quod letalibus *ab* rebus mu-
nita tenetur.“ Et Horat. I.
Sat. IV. v. 26. Aut *ab* avari-
tia, aut misera ambitione la-
borat.

obnoxiiis inimicis — quum
inimicis, qui delictum a se
commissum negare nequeunt,
nocere possitis.

timetis — sc. eos, quod pro-
pterea moneo, ne quis tiro-
num sequens pronom. relati-
vum ad Romanos, qui erant
in concione, referat.

sunt: tamen obviam ire factionis potentiae animus subigit. Certe ego libertatem, quae mihi a parente tradita est, experiar: verum id frustra, an ob rem faciam, in vestra manu situm, Quirites. Neque ego hortor, quod saepe majores vestri fecere, uti contra injurias armati eatis. Nihil vi, nihil secessione opus: necesse est, suomet ipsi more praecipites eant. Occiso Tiberio Gracco, quem regnum parare aiebant, in plebem Romanam quaestiones habitae sunt. Post C. Gracchi et M. Fulvii caedem, item multi vestri ordinis in carcere necati sunt; utriusque cladis non lex, verum lubido eorum finem fecit.

animus subigit. Vel invitum se ad impugnandam factionem, Romanorum libertati noxiam, rapi, seu cogi profitetur vir fortissimus, quo facilius fidem faciat verbis.

ob rem — h. e. non frustra; cum utilitate.

Neque ego hortor etc. En virum prudentem, qui, cum sciret, quantas armata civium turba calamitates reip. adferre potuisset, ne civitatem miseram redderet, nec sibi invidiam contraheret, vim atque secessionem disuaderet!

suomet ipsi more — suis vitiis atque sceleribus, quibus boni cujusque civis invidiam sibi

conflabunt, — *praecipites eant* in summam miseriam festinanter sese projiciant.

regnum parare, regiam potestatem, Romanis quam maxime invisam, sibi arrogare. Cfr. Cic. Lael. C. XII. et I. Cat. C. II et IV.

multi v. o. in carcere necati sunt — Cfr. Cat. C. LV. Confer locum Appiani haec illustrantem I. Civ. καὶ τὰς συμφορήσαντας ὁ Ὀπίμιος συλλαβὼν, εἰς τὴν φυλακὴν ἐνέβαλέ τε καὶ ἀποπνιγῆναι.

non lex, verum lubido — lubido est voluntas, seu arbitrium sine certa ratione.

Sed sane fuerit regni paratio, plebi sua restituere. Quidquid sine sanguine civium ulcisci nequitur jure factum sit. Superioribus annis taciti indignabamini, aerarium expilari; reges et populos liberos paucis nobilibus vectigal pendere; penes eosdem et summam gloriam, et maxumas divitias esse: tamen haec talia facinora impune suscepisse, parum habuere. Itaque postremo leges, majestas vestra, divina et humana omnia hostibus tradita sunt. Neque eos, qui fecere, pudet aut poenitet:

Sed sane fuerit regni paratio, plebi sua restituere — Ita fere etiam supra Cap. XXIV. ad concessionem significandam eodem usus est tempore, dicens: „*quae sane fuerint nostrae injuriae, nihil ad vos.*“ Sensus igitur est: Concedamus autem, eum, qui plebi sua restituere velit, non injuria regnum (regiam dominationem) adfectare videri. Sensus: Aber freylich mag man es als ein Streben nach Alleinherrschaft angesehen haben, daß man dem Plebejer das Seinige wiedergeben wollte. Mag denn, was ohne Bürgerblut nicht konnte gestraft werden, mit Recht so gestraft seyn. Quod autem infinitivus h. l. ad substantivum: *parationem regni* refertur, id nec a Sallustii, nec ab aliorum loquendi more abhorret, quum etiam supra

scriptum inveniamus: idem velle atque idem nolle ea demum firma amicitia est.

Quidquid s. s. civium u. n. jure factum sit — h. e. Concedamus ~~omnium~~ sanguinem tum jure fultum esse, sumto de reis supplicio, quum aliter crimen *ulcisci* (h. e. puniri) nequit. Nam *deponens ulciscor* passivi loco posuit.

tamen h. t. facinora impune suscep. parum habuere — Perspicuitatis gratia addendum fuisse videtur illi. Nam a priori subjecto statim ad aliud sese convertit oratio, sensusque est: tamen *illis* (paucis optimatibus) non suffecit; sed majora ausi sunt.

divina et humana omnia, quaecunque ad sacra facienda, sive ad ritus religiosos, et ad remp. gubernandam pertinent.

sed incedunt per ora vestra magnifice; sacerdotia et consulatus, pars triumphos suos ostentantes: perinde quasi honori, non praedae habeant. Serui aere parati imperia injusta dominorum non perferunt: vos, Quirites, imperio nati, aequo animo servitutem toleratis. At qui sunt hi, qui rempublicam occupavere? homines sceleratissimi, cruentis manibus, immani avaritia, nocentissimi, idemque superbissimi; quis fides, decus, pietas, postremo honesta atque inhonesta omnia quaestui sunt. Pars eorum occidisse tribunos plebis; alii quaestiones injustas; plerique caedem in vos fecisse, pro munimento habent. Ita quam quisque pessime fecit, tam maxime tutus est.

incedunt. Verbum, quod alias, praesertim a poetis, ad augustum deorum habitum gressumque significandum usurpatur, h. l. aptissimum est ad insolentiam et ostentationem impudentium notandam. Quae quantum valere debuerit ad augendam oppressorum civium indignationem, facile vides.

per ora vestra — in vestro conspectu, seu publice, coram Vobis.

s. et cons., pars triumphos suos ostentantes. Animadvertant juvenes, latinitatis studiosi, non opus esse, ut in distributione vox pars repetatur.

aere parati — pecunia redempti.

imperio nati — ad imperandum nati. Dativus enim non commodum modo et damnum, sed *finem* quoque significat.

quis (quibus) fides, d. p. p. h. a. i. o. quaestui sunt — qui, dummodo pecuniam quaerant, nec fidem servant, nec decus, sed qualibet ratione, siue honesta sit, siue turpis, eam comparare student. — Nam in omni utriusque belli narratione potissimum ante oculos ponere, et vividis coloribus depingere studeat, quam abjectus

Metum a scelere suo ad ignaviam vestram transtulere: quos omnis eadem cupere, eadem odisse, eadem metuere in unum coegit; sed haec inter bonos amicitia est, inter malos factio. Quod si tam libertatis curam haberetis, quam illi ad dominationem accensi sunt; profecto neque res publica, sicuti nunc, vastaretur; et beneficia vestra penes optimos, non audacissimos, forent. Majores vestri, parandi juris et majestatis constituendae gratia, bis, per secessionem, armati Aventinum occupavere: vos pro libertate, quam ab illis accepistis, non summa ope nitimini? atque eo vehementius, quod majus dedecus est, parata amittere, quam omnino non paravisse. Dicet aliquis. Quid igitur censes? vindican-

fuerit ac vilis suorum aequalium animus.

metum a scelere suo ad ignaviam vestram transtulere — metum, quo ipsi propter scelera, crudelissimo supplicio digna, perturbati esse deberent, Vobis incutiunt, quum Vos ad ulciscendum legnes et ignavos esse animadverterint. Sensus: Sie haben die Furcht, welche sie um ihres Verbrechens willen hegen sollten, euch Feigen eingeflößt. Simillimus supra est locus C. I. „suam quisque culpam auctores ad negotia transferunt.

beneficia vestra penes optimos, non audacissimos, forent: Summos in rep. honores, quos illi insolenter ostentant, quales sunt Consulatus, Praetura, Sacerdotia, non, metu coacti, ad illos, sed pro vestro arbitrio ad dignissimum quemque deferretis. Eure Wohlthaten würden den Besten, nicht den Verwegensten zu Theil werden.

parandi juris et maj. c. g. um sich ein Recht zu erwerben, und ihre Hoheit (Unverletzbarkeit) zu begründen.

dum in eos, qui hosti prodidere rempublicam: non manu, neque vi; quod magis fecisse, quam illis accidisse indignum; verum quaestionibus et indicio ipsius Iugurthae. Qui si dediticius est, profecto jussis vestris obediens erit: sin ea contemnit; scilicet existumabitis, qualis illa pax, aut deditio, ex qua ad Iugurtham scelerum impunitas, ad paucos potentis maxumae divitiae, in rempublicam damna, dedecora pervenerint. Nisi forte nondum etiam vos dominationis eorum satietas tenet, et illa, quam haec tempora, magis placent, cum regna, provinciae, leges, jura, iudicia, bella, paces; postremo divina et humana omnia penes paucos erant: vos autem, hoc est, populus Romanus, invicti

quod magis fecisse, quam illis accidisse indignum — quod si faceretis, major esset Vestra, quam illorum, qui talia paterentur, ignominia.

indicio — testimonio.

scilicet. Hac particula rem, quae per se intelligitur, cum emphasi quadam confirmat. Certe, profecto, sane eandem fore habent vim adfirmandi. Nun so werdet ihr daraus natürlich leicht erachten.

qualis illa pax aut deditio — int. foret. Facile, inquit, intelligetis, quam debilis illa

pax, quam turpis illa deditio fuerit, si ex ea etc.

Nisi — — vos d. satietas tenet — nisi forte dominationis eorum pertaesi estis. Es müßte denn seyn, daß Euch noch nicht Ueberdruß ihrer Tyran-nengewalt (Herrschaft) anwandelte.

Vos autem, populus Romanus etc. Mira inest huic epitheto vis atque efficacia. Nam Romanis civibus adscriptum esse summo honori ducebatur, et populus Quiritium singularem quandam habebat majestatem.

ab hostibus, imperatores omnium gentium, satis habebatis animam retinere: nam servitutem quidem quis vestram recusare audebat? Atque ego tamen etsi viro flagitiosissimum existumo impune injuriam accepisse; tamen vos hominibus sceleratissimis ignoscere, quoniam cives sunt, aequo animo paterer, nisi misericordia in perniciem casura esset. Nam et illis, quantum importunitatis habent, parum est, impune male fecisse, nisi deinde faciundi licentia eripitur: et vobis aeterna sollicitudo remanebit, cum intellegitis, aut serviundum esse, aut per manus libertatem retinendam. Nam fidei quidem, aut concordiae quae spes? Dominari illi volunt; vos liberi esse: facere illi injurias; vos prohibere: postremo sociis vestris veluti hostibus; hostibus pro sociis utuntur. Potestne in tam divor sis mentibus pax, aut amicitia esse? Quare moneo hortorque, ne tantum scelus impunitum omittatis. Non peculatus aerarii factus

quantum importunitatis habent — pro ipsorum importunitate. Latinismus cuilibet e syntaxi notus.

Non peculatus aerarii factus est etc. Postquam in antecedentibus demonstravit, pacem nullo modo sperandam esse,

nunc demum, quam atrox crimen Calpurnius Bestia et Scaurus commiserint, per oppositionem leviorum delictorum probare studet. Non igitur publicas aerarii pecunias ab iis expilatas, sed sanctissimi Senatus auctoritatem laesam esse ostendit.

est, neque per vim sociis ereptae pecuniae: quae quamquam gravia; tamen consuetudine jam pro nihilo habentur. Hosti acerrumo prodita Senati auctoritas, proditum imperium vestrum: domi militiaeque respublica venalis fuit. Quae nisi quaesita erunt, ni vindictum in noxios: quid reliquum, nisi ut illis, qui ea fecere, obedientes vivamus? nam impune quae libet facere, id est Regem esse. Neque ego, Quirites, hortor, ut malitis civis vestros perperam, quam recte fecisse; sed ne, ignoscendo malis, bonos perditum eatis. Ad hoc in republica multo praestat beneficii, quam maleficii immemorem esse. Bonus tantummodo segnior fit, ubi neglegas; at malus improbior. Ad hoc si injuriae non sint, haud saepe auxilii egeas.

C A P V T XXXII.

[Memmio suadente, L. Cassius, praetor, Iugurtham, quo facilius Scauri et reliquorum delicta patefierent, interposita fide, Romam ducit.]

Haec atque alia hujuscemodi saepe dicundo, Memmius populo persuadet, uti L. Cassius, qui

Peculatus per se est aerarii direptio, et publicorum omnino bonorum dilapidatio. Hic autem cum genitivo conjungitur.

PARS II.

CAP. XXXII. L. Cassius, quem non multo post Consullem ab Helvetiis occisum esse refert Caesar in bello Gall. l. 7.

F

tum Praetor erat, ad Iugurtham mitteretur, interposita fide publica, Romam duceret; quo facilius indicio regis, Scauri et reliquorum, quos pecuniae captae arcessebant, delicta patefierent. Dum haec Romae geruntur, qui in Numidia relictī a Bestia exercitui praeerant, secuti morem imperatoris, plurima et flagitiosissima facinora fecere. Fuere, qui auro corrupti elephantos Iugurthae traderent; alii perfugas vendere; pars ex pacatis praedas agebant. Tanta vis avaritiae in animos eorum, veluti tabes, invaserat. At Cassius, perlata rogatione a C. Memmio, ac percussa omni nobilitate, ad Iugurtham proficiscitur; ei timido et ex conscientia diffidenti

interposita fide publica. Ante haec verba tirones forsitan desiderabunt vocem *eumque*, in libris quibusdam obviam. Sed eos monuisse sufficiat, pronomen illud, tam auctoritate optimorum codicum, quam propter usum loquendi Sallustianum a doct. Cortio rejectum esse. — Ceterum *interponere*, quod bis h. l. occurrit, est quasi *pignoris loco dare*.

quos pecuniae captae arcessebant. Vocem *crimine* vel *causa* omissam esse, quis est qui nesciat? Suetonius in Tib. Cap. LIII. habet haec verba: *simulans, se veneni crimine arcesse*.

plurima et flagitiosissima. Sic supra: *multae bonaeque artes*.

traderent; alii vendere; pars agebant. Similem modorum diversitatem vides in Catil. C. XVII. *increpat; laudare; admonerat; dimisit.*

ex pacatis sc. regionibus, quae hostilibus opponuntur.

tanta. — invaserat. En iterum generalem istam notionem, cuius explanandae pluribusque exemplis confirmandae gratia utrumque librum scripisse videtur! Conf. quae monuimus in praefat.

rebus suis persuadet: *quo se populo Romano dedidisset, ne vim, quam misericordiam, experiri mallet.* Privatim praeterea fidem suam interponit, quam ille non minoris, quam publicam ducebat. Talis ea tempestate fama de Cassio.

C A P V T XXXIII.

[Iugurtha Romam deductus Cajum Baebium, tr. pl., corrumpit; Memmius contra plebem regi infestam sedare studet: quo facto illum, coram accusatum, hortatur, ut verum aperiatur.]

Igitur Iugurtha, contra decus regium, cultu quam maxime miserabili, cum Cassio Romam venit. Ac tamen etsi in ipso magna vis animi erat, confirmatus ab omnibus, quorum potentia aut scelere cuncta gesserat; C. Baebium tribunum plebis magna mercede parat, cujus im-

F 2

quo se dedidisset pro: quia, quoniam etc.

talis ea temp. fama de Cassio
— tam clara tunc erat Cassii fides, ut eam non minoris, quam totius reip. duceret.

CAP. XXXIII. Cultu quam maxime miserabili. Sordida enim veste, barba capilloque promissis, supplices, qui vel misericordiam excitare vel poenam deprecari vellent, incodere solebant.

confirmatus ab omnibus. Est Nominativus absolutus, qui ad prius periodi membrum pertinet. Eandem fere verborum constructionem habemus C. I. perniciose lubidine paullisper usus, naturae infirmitas accusatur. Facilius tamen omnis loci difficultas expediretur, si duobus punctis (:) post erat positus, *confirmatus* apodofin inciperet, referreturque ad parat.

111	111
171	171
310	310
111	111
171	171
310	310
111	111

pudentia contra jus et injurias omnis munitus foret. At C. Memmius, advocata concione, quamquam regi infesta plebes erat, et pars *in vincula duci* jubebat, pars *ni socios sceleris aperiret, more majorum, de hoste supplicium sumi*; dignitati, quam irae, magis consulens, sedare motus, et animos mollire; postremo confirmare, *fidem publicam per sese inviolatam fore*. Post, ubi silentium coepit, producto Iugurtha, verba facit: *Romae Numidiaequae facinorae ejus memorat; scelera in patrem fratresque ostendit: quibus iuvantibus quibusque ministris egerit, quamquam intelligat populus Romanus; tamen velle manifesta magis ex illo habere: si vera aperiret, in fide et clementia populi Romani magnam spem illi sitam: sin reticeat, non sociis saluti fore; sese suasque spes corrupturum.*

dignitati — tam suae ipsius, quam populi R.

irae consulere — sumpta vindicta, seu punito hoste, iracundiae satisfacere.

dignitati consulere, dignitatem tueri, servata scilicet fide civitatis, qua fretus Iugurtha Romam venerat, sedatisque adfectibus, quorum violentia hominis dignitas facillime laeditur.

fidem publicam per sese invio-

latam fore. Se (Memmium), quantum possit, prohibiturum, ne publica fides violetur. Hoc tironum gratia moneo, ne voces *per sese* putent esse nostrum *an sich*.

producto Iugurtha. De iis, qui in concionem, aut conspectum judicantium ducantur, hoc proprie dici, monet praestantiss. Cortius.

Numidiaequae. Animadvertant juvenes, omnem provin-

C A P V T XXXIV.

[C. Baebius, pecunia corruptus, regem tacere jubet, efficitque, ut populus frustra discedat.]

Dein, ubi Memmius dicundi finem fecit, et Iugurtha respondere jussus est, C. Baebius tribunus plebis, quem pecunia corruptum supra diximus, regem tacere jubet: ac tamen etsi multitudo, quae in concione aderat, vehementer accensa, terrebat eum clamore, voltu, saepe impetu atque aliis omnibus, quae ira fieri amat: vicit tamen impudentia. Ita populus ludibrio habitus ex concione discessit: Iugurthae Bestiaeque et ceteris, quos illa quaestio exagitabat, animi augescunt.

C A P V T XXXV.

[Massiva, Masinissae nepos, qui tum forte, ex Africa profugus, Romam se contulerat, suadente Sp. Albino, regnum Numidiae a senatu petit. Hunc autem, Iugurtha imperante, Bomilcar, regis amicus, obtruncat; sed paulo inconsultius eum adgressus deprehenditur. Paulo post, quum esset accusatus, clam a rege in Numidiam mittitur. Ipse Iugurtha, Senatu jubente, Italiam relinquit.]

ciam h. l. eodem, quo urbium nomina, casu significatam esse, cujus constructionis plura inveniuntur apud veteres exempla.

oris minitantis, vel toto corporis habitu. Nam utrumque illa voce significatur. Sic Cap. CXIII. „*voltu corporis* pariter, atque animo varius.“

CAP. XXXIV. *Voltu*, vel *amat fieri* — Φίλει γιγνεσθαι.

Ea erat tempestate Romae Numida quidam, nomine Massiva, Gulussae filius, Masinissae nepos: qui, quia, in disensione regum, Jugurthae aduersus fuerat; dedita Cirta et Adherbale interfecto, profugus ex Africa abierat. Huic Sp. Albinus, qui proximo anno post Bestiam cum Q. Minucio Rufo Consulatum gerebat, persuadet, quoniam ex stirpe Masinissae sit, Jugurtham ob scelera invidia cum metu urgeat; regnum Numidiae ab Senatu petat. Avidus Consul belligerundi movere, quam senescere omnia malebat. Ipsi provincia Numidia; Minucio Macedonia evenerat. Quae postquam Massiva agitare coepit, neque Jugurthae in amicis satis praesidii est: quod eorum alium conscientia, alium mala fama et timor impediabat: Bomilcari, proximo ac maxime fido sibi, imperat, *pretio, sicuti multa confecerat, insidiatores Massivae paret, ac ma-*

CAP. XXXV. *Jugurtham ob scelera — h. e. et quoniam Jug. rel.* Est igitur cum priori periodi membro jungendum. Nam cum metu pro et metus a Sallustii more neutiquam abhorret; e. g. Cat. XII. *Iuventutem luxuria atque avaritia cum superbia invadere.*

Bomilcari, proximo ac maxime fido sibi. Sic enim falso sibi persuadebat; nam isse Bomilcar fuit homo nullius fidei,

corruptelae obnoxius, nec ulla in re sibi constans, qui postea Jugurthae exercitui praefectus a Metello corrumpi se patitur; Jugurtham ad deditionem impellit, et, cum regem, cui propterea suspectus erat, interficere conatus esset, ab eodem necatur.

pretio, sicuti multa confecerat, insidiatores Massivae paret. Pretium pro; mercede, parare pro; conducere, redimere.

xume occulte: sin id parum procedat, quovis modo Numidam interficiat. Bomilcar mature regis mandata exsequitur: et per homines talis negotii artifices itinera egressusque ejus, postremo loca atque tempora cuncta explorat: deinde, ubi res postulabat, insidias tendit. Igitur unus ex eo numero, qui ad caedem parati, paullo inconsultius Massivam adgreditur, illum obtruncat: sed ipse deprehensus, multis hortantibus et inprimis Albino consule, indicium profitetur. Fit reus magis ex aequo bonoque, quam ex jure gentium, Bomilcar; comes ejus, qui Romam fide publica venerat. At Iugurtha manifestus tanti sceleris, non prius omisit contra verum

t. n. artifices — qui in tali negotio, quod cum arte quadam, seu tanquam artem, quae ipsos aleret, tractaverant, exercitati erant. Sic Prudent. 1. Symmach. v. 99. „*artificem scelerum dixit.*“

egressus — tam extra urbem, quam extra domum. Nam utrumque significare docet, exemplisque confirmat Cortius. Hoc loco tamen vox *itinera* longiores ex urbe progressus, altera simpliciter progressum in publicum denotare videtur.

ubi res postulabat — ubi commodum interficiendi Massivae tempus expectaverat. Alias

enim illa verba: *res postulat* — necessitatem significant, cujus notio nec ab hoc loco aliena est, cum justo tempore Numidam interfici necesse esset.

Fit reus — sc. Bomilcar.

magis ex aequo bonoque, quam ex jure gentium — Aequitas enim postulat, ut civium secura sit vita, et sceleratorum delicta, nullo personae respectu habito, puniantur. Bomilcarem vero, qui comes Iugurthae, publica fide data, Romam venisset, puniri et omnino accusari per jus gentium illicitum fuisse falso sibi persuadere videtur Noster.

ii et 39

6139 ii 6139

et 39 ii et 39

6139 ii 6139

et 39 ii et 39 ii et 39

niti, quam animum advortit, supra gratiam atque pecuniam suam invidiam facti esse. Igitur, quamquam in priore actione ex amicis quinquaginta vades dederat; regno magis, quam vadibus consulens, clam in Numidiam Bomilcarem dimittit; veritus, ne reliquos popularis metus invaderet parendi sibi, si de illo supplicium sumtum foret. Et ipse paucis diebus profectus est, iussus ab Senatu Italia decedere. Sed postquam Roma egressus est, fertur saepe eo tacitus respiciens, postremo dixisse: **VRBEM VENALEM ET MATVRE PERITVRAM, SI EMTOREM INVENIRIT.**

CAPVT XXXVI.

[Sp. Albinus, post Bestiam cum Minucio consul, cui

animum advortit — animadvertit.

supra gratiam atque pec. suam invidiam facti esse — illo facto nimis magnam sibi invidiam conflata esse, quam ut gratia pecuniaque eam mitigare posset.

in priore actione sc. forensi, quum primo accusatus esset.

regno magis quam vadibus consulens — magis tamen sollicitus, ne regnum amitteret, quam ne vadibus mulcta imperaretur. Male enim consulunt vadibus, qui dicto ad causam dicendam die praesto

non sunt. Quinquaginta igitur homines, eosque sibi amicos, in perniciem adducere, quam de regno sollicitus esse malebat.

Urbem venalem etc. Ad depingendam miseriam urbis, quam venalem et omni vitiorum genere corruptam fuisse ipse Sallustius sexcenties adfirmat, scite utitur verbis Iugurthae, qui, cum ipse esset sceleribus contaminatus, Romam, olim egregiarum virtutum matrem, ab illo excelsitatis gradu in summam miseriam delapsam esse testabatur.

Numidia evenerat, cito in Africam profectus, bellum ante comitia componere studet; verum tamen hic etiam, vel Iugurthae dolis ludibrio habitus, vel nec ipse satis fidus, infectis rebus, Aulo fratre relicto, Romam revertitur.]

Interim Albinus, renovato bello, commeatum, stipendium, alia, quae militibus usui forent, maturat in Africam portare; ac statim ipse profectus, uti ante comitia, quod tempus haud longe aberat, armis, aut deditioe, aut quovis modo bellum conficeret. At contra Iugurtha trahere omnia, et alias, deinde alias morae causas facere: polliceri deditioem, ac deinde metum simulare: instanti cedere, et paullo post, ne sui diffiderent, instare: ita belli modo, modo pacis mora Consulem ludificare. Ac fuere, qui tum Albinum haud ignarum consilii regis existumarent; neque ex tanta properantia tam facile tractum bellum secordia magis, quam dolo crederent. Sed postquam, dilapso tempore, comitiorum dies adventabat, Albinus, Aulo fratre in castris pro Praetore relicto, Romam decessit.

CAP. XXXVI. *stipendium*, aerarium, ex quo militibus stipendium numeraret,

trahere omnia, moram facere, tergiversari, cunctandoque — omnia, tam deditioem, quam pugnam, differre.

ac fuere, qui — existumarent etc. Nostrum vero etiam hanc

suspicionem non prorsus inanem judicare, ex adjecta ejusdem opinionis causa patet. Nam verisimile non erat, Albinum „ex tanta properantia,“ (qui tantopere initio festinasset) rem sine dolo gessisse.

pro Praetore — quem infra Cap. XXXVIII. legatum nominat.

CAPUT XXXVII.

[Romae interim seditiones tribunorum, de magistratu decedere nolentium, comitia impediunt. Aulus interim Iugurtham urget, ejusque thesauros, in urbe Suthul reconditos, sibi vindicare studet.]

Ea tempestate Romae seditionibus tribunicis atrociter res publica agitabatur. P. Lucullus et L. Annius, tribuni plebis, resistantibus collegis, continuare magistratum nitebantur: quae dissen- sio totius anni comitia impediēbat. Ea mora in spem adductus Aulus, quem pro Praetore in castris relictum supra diximus, aut conficiundi belli, aut terrore exercitus ab rege pecuniae capiundae, milites mense Ianuario ex hibernis in expeditionem evocat; magnis itineribus, hieme aspera, pervenit ad oppidum Suthul, ubi regis thesauri erant. Quod quamquam et saevitia tem- poris, et opportunitate loci neque capi, neque

CAP. XXXVII. *Continuare magistratum suum, sc. tribuna- tum. Nam et hunc magistra- tum appellari et Nostri et Livii auctoritate probavit Cortius, ideoque falsam esse eorum in- terpretationem, qui de proro- gando Consulatu haec dicta esse sibi persuaserint.*

totius anni comitia, tam ea, quibus tribuni plebis creari so- lebant, quam reliquorum ma- gistratum comitia.

ubi regis thesauri erant — Pluribus autem in oppidis Iu- gurthae thesauros reconditos fuisse, ex eo verisimile est, quod Strabo aliam urbem regis γαζοφυλάκιον nominat.

saevitia temporis, hiemali tempestate.

opportunitate loci. Defen- dentibus nempe oppidanis erat opportunus.

obsideri poterat: (nam circum murum, situm in praerupti montis extremo, planicies limosa hiemalibus aquis paludem fecerat) tamen aut simulandi gratia, quo regi formidinem adderet; aut cupidine caecus, vineas agere, aggerem jacere, alia, quae incepto usui forent, properare.

CAPUT XXXVIII.

[Sed Iugurthae dolo ac simulatione ab oppido in loca iniqua retractus, corruptis centurionibus ducibusque, noctu repente circumventus, ad pacem ignominiosam incundam compulsus, Numidiae fines relinquere cogitur.]

At Iugurtha, cognita vanitate atque imperitia legati, subdolus augere amentiam: missitare supplicantis legatos: ipse, quasi vitabundus, per saltuosa loca et tramites exercitum ductare. Denique Aulum spe pactionis perpulit, uti, relicto Suthule, in abditas regiones sese, veluti cedentem, insequeretur. Interea per homines callidos die noctuque exercitum tentabat: cen-

aggerem jacere, quo et fossas expleret, et murorum altitudinem aequaret, ut e turribus super aggere exstructis telo oppidani peterentur. Videatur hujus vocis explicatio in *Bergstraesferi Real-Wörterbuche*. Confer. Lipsius in *Poliorcet.* II. Cap. III.

CAP. XXXVIII. *Vanitate* — temeritate et inconsiderantia. Vani enim non tantum sunt, qui praestare vel nolunt vel nequeunt promissa, sed etiam, qui temere opus difficile aggrediuntur. Confer. Catil. Cap. XXIII.

augere amentiam — sc. Auli.

turiones ducesque turmarum, partim uti transfugerent, (corrumpere;) alii, signo dato, locum uti defererent: ita delicta occultiora fore. Quae postquam ex sententia instruit, intempesta nocte, de improvviso multitudine Numidarum Auli castra circumvenit. Milites Romani, tumultu perculsi insolito, arma capere alii, alii se abdere, pars territos confirmare; trepidare omnibus locis: vis magna hostium, coelum nocte atque nubibus obscuratum; periculum anceps: postremo fugere, an manere, tutius foret, in incerto erat. Sed ex eo numero, quos paullo ante corruptos diximus, cohors una Ligurum, cum duabus turmis Thracum, et paucis gregariis militibus, transiere ad regem: et centurio primi pili tertiae legionis per munitionem, quam, uti de-

Centuriones, qui pedestribus copiis, et *turmarum duces*, qui equestribus praeerant.

Postquam instruit — Sic infra Cap. LII. „*postquam* Rutilium confedissem jam, et animo vacuum accipit.

ex sententia — sicuti voluerat.

Ligurum. De Liguribus, populi Romani sociis, vide Florum II. Cap. 3. Confer. Livius XLII. Cap. 35. Ex eo tempore, quo ab Aemilio Scauro in deditiorem fuerant accepti, *Ligures*; *Thracum* autem inde a Macedonico bello in

exercitu Romanorum fuere, de quibus vid. Florum III. Cap. 4.

Centurio primi Pili — alias *primus Pilus*, seu *Primipilus* dictus. Nam tertium genus militum, quibus legio constabat, non *Triarii* tantum, sed *Pilani* etiam vocabantur. His vero, sicuti *hastatis* atque *principibus*, decem centuriones erant praefecti, secundum totidem cujusque generis ordines. Primus autem *Triariorum*, non *primus Triarius*, sed *Primipilus*, sive *Centurio primi Pili* dictus, reliquos omnes dignitate anteibat.

fenderet, acceperat, locum hostibus introeundi dedit: eaque Numidae cuncti irrupere. Nostri foeda fuga, plerique abjectis armis, proximum collem occupavere. Nox atque praeda castrorum hostes, quo minus victoria uterentur, remorata sunt. Dein Iugurtha postero die cum Aulo in colloquio verba facit: *tametsi ipsum cum exercitu fame, ferro clausum tenet: tamen se humanarum rerum memorem; si secum foedus faceret, incolumis omnis sub jugum missurum: praeterea, uti diebus decem Numidia decederet.* Quae quamquam gravia et flagitii plena erant: tamen, quia mortis metu mutabant, sicuti regi libuerat, pax convenit.

Nox atque praeda remorata sunt. Observent juvenes, post duo feminina Neutrum plurale positum esse.

tametsi ipsum cum exercitu fame, ferro clausum tenet. Notandum est h. l. indicativum in oratione obliqua occurrere, cuius quidem constructionis plura citari possent e Cortii notis exempla. Ceterum *fame ferroque clausum tenere* nihil aliud est, quam ita clausum tenere exercitum, ut vel fame vel ferro opprimi possit.

si secum foedus faceret, si Aulus secum (cum Iugurtha) de liberando exercitu pacisci vellet.

incolumis omnis — omnes se milites incolumes.

sub jugum missurum. Foedissimum ignominiae genus, quo victi milites adiciebantur. Fiebat autem jugum tribus hastis, humi fixis duabus, superque eas transversa una deligata.

mutabant. Verbum hoc neutrius significationis, non ad Romanos, sed ad praecedentem Nominativum referri debet. Dicunt enim Latini *rem aliam alia mutare*, si altera duarum eligenda est. Recte vertit Höckius: Weil Furcht vor dem Tode in der andern Wagschale lag.

CAPUT XXXIX.

[Ignominiosa Auli fuga diversis adfectibus perturbat Romanos. Albinus Consul, sibi timens, auxilia, quibus fraternae invidiae medeatur, parat, sed a tribunis plebis impeditus, ne copias secum portaret, solus in Africam proficiscitur.]

Sed ubi ea Romae comperta sunt, metus atque moeror civitatem invadere: pars dolere pro gloria imperii: pars insolita rerum bellicarum timere libertati: Aulo omnes infesti, ac maxime, qui bello saepe praeclari fuerant; quod armatus dedecore potius, quam manu, salutem quaesiverat. Ob ea Consul Albinus ex delicto fratris invidiam, ac deinde periculum timens, Senatum de foedere consulebat. Et tamen interim exercitui supplementum scribere; ab sociis et nomine Latino auxilia arcessere: denique modis omnibus festinare. Senatus ita, uti par fuerat, decernit, SVO ATQUE POPULI INIVSSU NULLUM POTUISSE FOEDUS FIERI. Consul impeditus a

CAP. XXXIX. *dedecore potius, quam manu* — turpi pactione potius, quam armis.

ex delicto — propter delictum. Nam nisi ipse (Albinus) Romam festinans imprudentem reiue militaris ignarum fratrem in Numidia reliquisset, melius forsan gesta esset res pop. Rom.

Senatum de foedere consulebat, h. e. quaerebat a Senatu, utrum foedus cum Iugurtha factum comprobaret, an pro irritato haberet.

ab sociis et nomine Latino — h. e. tam ab exteris sociis, ultra Latii fines remotis, quam ab iis civitatibus, quae propius Romam in Latio sitae erant.

tribunis plebis ne, quas paraverat copias, secum portaret, paucis diebus in Africam proficiscitur. Nam omnis exercitus, uti convenerat, Numidia deductus, in provincia hiemabat. Postquam eo venit: quamquam persequi Iugurtham et mederi fraternae invidiae animus ardebat; cognitis militibus, quos praeter fugam, soluto imperio, licentia atque lascivia corruperat, ex copia rerum statuit, nihil sibi agitandum.

CAPVT XL.

[C. Mamilii Limetani, tr. pl., ad populum de quaestionibus, contra corruptos a Numida duces, instituendis rogatio — plebisque seditiosi contra Patricios motus.]

Interea Romae C. Mamilius Limetanus tribunus plebis rogationem ad populum promulgat, *uti quaereretur in eos, quorum consilio Iu-*

in provincia — sc. Romana, cujus descriptionem supra Cap. XIX. legimus.

praeter fugam, h. e. non fuga solum. Nam fugientes non dispersi tantum huc illuc vagari coeperant, sed propter ignominiam quoque, qua erant notati, omnem amiserant bellandi ardorem, atque honoris cupiditatem.

soluta imperio. Nam omnes quasi disciplinae habenas relaxaverat imprudens timidusque imperator, ut, quamvis

nondum revocatus esset, nulum omnino imperium exercere videretur. — Scite hoc loco perditae disciplinae causas enumerat Noster. Fuga enim exstinxerat sensum honoris, ducisque auctoritate sublata lasciviae se dabat miles, quam ipsa licentia genuerat.

ex copia rerum — ex praesenti rerum facie, seu conditione. Cfr. Cap. XCVIII. Depravatos autem militum istorum mores si quis vividis coloribus depictos legere vult, adeat Cap. XLIV.

gúrtha Senati decreta neglegisset; quique ab eo in legationibus, aut imperiis pecunias accepissent; qui elephantos, quique perfugas tradidissent; item qui de pace, aut bello cum hostibus pactiones fecissent. Huic rogationi partim conscii sibi, alii ex partium invidia pericula metuentes, quoniam aperte resistere non poterant, quin illa et alia talia placere sibi faterentur; occulte per amicos, ac maxime per homines nominis Latini et socios Italicos impedimenta parabant. Sed plebes, incredibile memoratu est, quam intenta fuerit, quantaque vi rogationem jusserit, decreverit, voluerit: magis

CAP. XL. *neglegisset* — Sic vetusto loquendi more ipse Tullius Phil. XIII. Cap. 16.

partim conscii sibi, h. e. qui perfidiae suae sibi conscii quæstionem timebant.

ex partium invidia pericula metuentes — In duas enim partes omnis resp. erat divisa, quas equidem h. l. intelligi opinor — in patricos nempe et plebejos. Plebeji autem nullam illos accusandi criminandique occasionem praetermittebant.

quoniam aperte resistere non poterant, quin illa et alia talia placere sibi faterentur — h. e. quoniam, si aperte, nec ulla fraude utentes, resistissent, his et similibus factis delectari viderentur.

illa et alia talia: Equidem vel mendam huc irrepsisse suspicor, quae facillime propter soni et litterarum similitudinem admitti poterat, vel Crispum euphoniae rationem h. l. non admodum diligenter habuisse. Similis autem locus est infra Cap. LXIV. ubi tamen, Corrio teste, quidam codd. vocem *talia* omittunt.

per homines nominis Latini et socios Italicos, qui jure suffragii, quo gaudebant, ad impediendam rogationem Mamilianam uti poterant.

intenta — nostrum *gespannt*; h. e. quantis viribus, quantoque animorum impetu rogationem adjuvare studuerit.

jusserit, decreverit, voluerit. Primum verborum horum non

odio nobilitatis, cui mala illa parabantur, quam cura reipublicae. Tanta lubido in partibus. Igitur ceteris metu perculsis, M. Scaurus, quem legatum Bestiae supra docuimus, inter laetitiam plebis, et suorum fugam, trepida etiam tum civitate, cum ex Mamilia rogatione tres quaesitores rogarentur, effecerat, uti ipse in eo numero crearetur. Sed quaestio exercita aspere violenterque ex rumore, et lubidine plebis: ut saepe nobilitatem, sic ea tempestate plebem ex secundis rebus insolentia ceperat.

CAPVT XLI.

[Quomodo Romae res se habuerint; quae fuerit plebis conditio; quam effrenata patriciorum licentia; quibusque paulatim vitiis factionibusque corrupta civitas in illo-

nullis sufficere visum est, ob eamque causam deleta sunt in quibusdam codd. duo posteriora. Et mihi quidem, cum decernendae quaestionis jus esset penes Senatum, vox: *decreverit* supervacanea certe, nec ita cum Cortio explicanda videtur, ut significet, populum ad Senatum retulisse de quaesitoribus decernendis. Verum, si omnino retinenda est, *ardoris atque vehementissimi impetus* significandi causa adjecta videtur.

et suorum fugam. Fuga h. l. denotat perturbationem animi delictorum sibi conscii.

PARS II.

ex rogatione — secundum rogationem, sive etiam post perlatam rogationem.

Quaesitores qui, antequam Sulla perpetuas quaestiones constitueret, iudiciis extraordinariis praeerant, quibus graviora crimina dijudicabantur, si vel nulla omnino lex, vel non satis distincta, quid faciendum esset, praecipiebat.

ex rumore. Non tam veri iustique rationem habebant, quam vani rumoris, et animadvertabant in eos, qui, nullis testimoniis convicti, delictorum participes fama ferebantur.

G

rum temporum miseriam delapsa sit, vividis coloribus depingitur.]

Ceterum mos partium popularium et Senati factionum, ac deinde omnium malarum artium paucis ante annis Romae ortus, otio et abundantia earum rerum, quae prima mortales ducunt. Nam ante Carthaginem deletam populus et Senatus Romanus placide modesteque inter se rempublicam tractabant: neque gloriae, neque dominationis certamen inter civis erat: metus hostilis in bonis artibus civitatem retinebat. Sed ubi illa formido mentibus discessit; scilicet ea,

CAP. XLI. *Mos partium popularium et Senati factionum.* Ad significandam auctoris mentem suffecisse credo voces: *mos partium*; et nisi reliqua verba multifariam variata passim occurrere testaretur Cortius, equidem illa, glossae loco adjecta, in libros paulatim irrepsisse putarem. — Ceterum observent juvenes loquendi modum. Alias enim subst. *mos*, quum actionis notionem involvat, cum Gerundio jungi solet.

malarum artium, vitiorum, quae ex partium studiis oriuntur. Saepius enim jam monuimus, *artem* significare quemlibet animi habitum, aequae bonum ac pravam.

earum rerum, quae prima. Ita saepissime Veteres pro: *quas primas*.

ante Carthaginem deletam. Cujus aemulae interitus atque excidium XXXV. annorum spatium abest a bello Jugurthino. Cfr. Cat. X. ubi post Carthaginis interitum saevire coepisse fortunam, et omnia miscuisse refert.

modeste — moderate; ita ut in adfectibus *modum* tenerent.

hostilis pro: *hostium*. Sic *partes populares* pro: *populi*. Eandem fere sententiam legimus apud Florum III. 12. Poenorum hostium imminens metus disciplinam veterem continebat.

in bonis artibus etc. — disciplinam tuebatur.

scilicet ea etc. h. e. tum vero, uti facile quisque colliget. Nostrum: da fanden sich natürlich die gewöhnlichen Gefährten

quae secundae res amant, lascivia atque superbia incessere. Ita, quod in adversis rebus optaverant, otium, postquam adepti sunt, asperius, acerbiusque fuit. Namque coepere nobilitas dignitatem, populus libertatem in lubidinem vertere: sibi quisque ducere, trahere, rapere. Ita omnia in duas partis abstracta sunt. Respublica, quae media fuerat, dilacerata. Ceterum nobilitas factione magis pollebat: plebis vis soluta atque dispersa, in multitudine, minus poterat: paucorum arbitrio belli domique agitabatur: penes eosdem aerarium, provinciae, magistratus, gloriae triumphique erant: populus militia atque inopia urguebatur; praedas bellicas imperatores cum paucis diripiebant. Interea parentes, aut parvi liberi militum, ut quisque potentiori

G 2

des Glückes — Luxus und Uebermuth — ein. Ea vero vitia, tamquam hostes, incedere dicuntur.

asperius acerbiusque — quam ipse ille metus hostilis.

in lubidinem vertere, h. e. ad explendam lubidinem abuti.

ducere, trahere, rapere, doli astutiaeque, et crescentis paulatim violentiae gradus hisce verbis significat.

quae media fuerat, inter seditiosas illas improborum civium partes.

agitabatur → absolute.

triumphique, quos pro lubitu imperatoribus decernebant.

praedas bellicas imp. c. p. diripiebant. Vel ex hoc loco licet colligere, praedas bellicas non imperatori proprias fuisse.

parentes, aut parvi liberi militum s. pellebantur Allegatum a Cortio locum Quintil. Declam. XIII nolo praetermittere: „Postquam, proximos quosque revellendo terminos, ager locupletis latius inundavit: aequatae solo villae, excisa pa-

confinis erat, sedibus pellebantur. Ita cum potentia avaritia, sine modestiaque invadere; polluere et vastare omnia; nihil pensi, neque sancti habere, quoad semet ipsa praecipitavit. Nam ubi primum (ex nobilitate) reperti sunt, qui veram gloriam injustae potentiae anteponerent; moveri civitas, et permixtio civilis, quasi discessio terrae, oriri coepit.

CAPUT XLII.

[Continuata factionum descriptio. Gracchorum imprimis actiones, illisque oppressis, multorum civium interitus.]

Nam postquam Tiberius et C. Graccus, quorum majores Punico atque aliis bellis multum reipublicae addiderant, vindicare plebem in libertatem et paucorum scelera patefacere coepere: nobilitas noxia, atque eo perculsa, modo

tria sacra, et cum conjugibus parvisque liberis, respectantes patrium Larem, migraverunt veteres coloni. Cfr. Horat. Odarum Lib. II. 18. „pellitur paternos in sinu ferens deos, et uxoret vir, sordidosque natos.

CAP. XLII. *quorum majores.* Patrem enim habebat Tiberium Gracchum, insignem virum; matrem P. Africani filiam. De quibus consulendus est Plutarchus in vitis Gracchorum, et Vellej. Paterc. II. Cap. 2.

multum reip. addiderant — reip. imperium latius extenderant, opesque auxerant.

noxia — delictorum sibi conscia. Nam et qui nocuerunt, et qui se aliis noxam attulisse sibi conscii sunt, noxii vocantur.

atque eo perculsa. Percussus est, qui ita affligitur, ut metu vehementique animi adfectu in medio actionum cursu impediatur.

per socios ac nomen Latinum, interdum per equites Romanos, quos spes societatis a plebe dimoverat, Graccorum actionibus obviam ierat: et primo Tiberium, dein paucos post annos eadem ingredientem Cajum, Tribunum alterum, alterum Triumvirum coloniis deducendis, cum M. Fulvio Flacco ferro necaverant. Et sane Graccis, cupidine victoriae, haud satis moderatus animus fuit. Sed bono vinci satius est, quam malo more injuriam vincere. Igitur ea victoria nobilitas ex lubricine sua usa, multos mortalis ferro, aut fuga exstinxit; plusque in reliquum sibi timoris, quam potentiae, addidit. Quae res plerumque magnas civitatis pessum dedit: dum alteri alteros vincere quovis modo, et

spes societatis, cum, ordine Patriciorum ineundae. Equites enim ad primum in civitate ordinem modo propius accedebant, modo ab eodem abalienabantur. Cicero eos cum Senatu conjunxerat, M. Cato autem abalienavit. Conf. Cic. Cat. IV. Cap. 7. Epistol. I. 8.

eadem ingredientem. Acute Cortius observavit, non modum agendi, sed ipsam actionem voce prioris significatam esse; itaque non sextum, sed quartum casum intelligi, ut eadem ingredientem sit: eadem actiones conantem.

Coloniis deducendis. Quod

negotium sibi demandatum, quo facilius effugeret suorum invidiam, et libenter suscepisse Cajum, et feliciter peregisse testatur Plutarchus.

bono — viro. Eandem fere sententiam legis apud Senecam de Benef. 32. — — „Vir bonus — qui in disensione civili — — vinci, quam vincere maluit.“ Satius mihi est pro malo.

aut fuga — ad quam capiendam eos cogeant, h. e. exilio. dum alteri alteros vincere etc. Quae eadem fuit causa exitus Graecorum, a Thucydide libro III. Cap. 82. exposita,

victos acerbius ulcisci volunt. Sed de studiis partium et omnibus civitatis moribus si singulatum, aut pro magnitudine parem disferere, tempus, quam res, maturius deferat. Quamobrem ad inceptum redeo.

C A P V T XLIII.

[Consules designati — Q. Metellus et M. Silanus de provinciis gubernandis inter se sine sortitione constituunt. Metellus, vir strenuus et moderatus, accepta Numidia, veteri exercitui diffidens, novos milites et omnia belli instrumenta comparat, hisque instructus in Numidiam proficiscitur.]

Post Auli foedus exercitusque nostri foedam fugam, Q. Metellus et M. Silanus Consules designati (provincias) inter se paraverunt: Metelloque Numidia evenerat, acri viro, et quamquam

quem locum a Cortio diligentissimo descriptum Noster imitatus esse videtur.

si — — parem disferere — si disferere instituerem; quod propterea moneo, ne Accus. pro verbo capiatur.

CAP. XLIII. *inter se paraverunt* — non ex vulgari more sortiti sunt provincias, sed inter se convenerunt, quam quisque susciperet administrandam.

Metelloque Numidia evenerat. Fuere, qui verbum *evenire* sortitionem significare putarent; in his Manutius. Hinc nonnulli *partiverunt* pro *paraverunt* legendum esse arbitrati sunt. Illius autem verbi longe aliam esse sententiam ex Livii XXVII. 7. probavit doctiss. Cottinus; τὸ *evenire* non de sorte tantum, sed de paratione etiam dici, Gronovio teste, e pluribus Livii locis, inter se comparatis, patet.

adverso populi partium, fama tamen aequabili et inviolata. Is ubi primum magistratum ingressus est, alia omnia sibi cum collega ratus, ad bellum, quod gesturus erat, animum intendit. Igitur diffidens veteri exercitui, milites scribere, praesidia undique arcessere: arma, tela, equos, cetera instrumenta militiae parare: ad hoc com-
meatum affatim: denique omnia, quae bello vario et multarum rerum egenti usui esse solent. Ceterum ad ea patranda Senati auctoritate socii nomenque Latinum, reges ultro auxilia mittere: postremo omnis civitas summo studio adnitebatur. Itaque, ex sententia omnibus rebus paratis compositisque, in Numidiam profiscitur, magna

adverso partium — pro usitatori: *partibus*. „Sic Noster, inquit Cortius, Catil. Cap. XXXVII. quicumque aliarum, atque Senati partium, erant.“ Sed neque hoc exemplo, nec aliis, quae attulit, compluribus, hanc lectionem nobis probare potuit.

fama aequabili — aequae apud plebem, ac reliquos populi ordines, bona. Sic Cicero IV. ad Attic. epistola: „veni in spectaculum; primum magno et aequabili plausu.“

alia omnia sibi cum collega ratus — ratus, alia omnia, praeter bellum cum Iugurtha, communi consilio sibi cum al-

tero consule agenda esse; auspicia nempe, prodigia, et quae praeter haec enumerat Livius XXI. 43.

bello vario. Cujus multiplices sunt formae, et quod tam late dispersum est, ut non uno alterove proelio confici possit. Cfr. Cap. LI. „facies totius negotii varia.“ Et Florus: „anceps, *variumque*, et cruentum in Hispania bellum cum legatis Cn. Pompeji.“

Senati auctoritate. Hic enim decernebat auxilia sociorum ad provincias tuendas constituendasque necessaria.

ultro — opponitur haec vox antecedentibus.

spe civium, cum propter bonas artis, tum maxime, quod advorsum divitias animum invictum gerebat: et avaritia magistratuum ante id tempus in Numidia nostrae opes contusae, hostiumque auctae erant.

CAP V T XLIV.

[Traditur Metello exercitus Proconsulis Spurii Albini, in Africa relictus, quem, cum ignaviae luxuriaeque deditus esset, ille, priusquam rem aggrediretur, ad laborem cogere statuebat.]

Sed ubi in Africam venit, exercitus ei traditur Sp. Albini pro Consule iners, imbellis, neque periculi, neque laboris patiens, lingua, quam manu, promptior, praedator ex lociis, et ipse praeda hostium, sine imperio et modestia habitus. Ita imperatori novo plus ex malis moribus sollicitudinis, quam ex copia militum auxilii, aut spei bonae accedebat. Statuit tamen Metellus, quamquam et aestivorum tempus comitiorum mora imminuerat, et expectatione eventum civium animos intentos putabat; non prius bellum adtingere, quam, majorum disciplina, mi-

CAP. XLIV. *lingua, quam manu, promptior* — gloriari, verbisque minacibus virtutem ostentare solitus.

praedator ex lociis, et ipse praeda hostium — qui, quae

ipse lociis eripuerat, hostibus reddere cogebatur.

aestivorum tempus — tempus rerum per aestatem gerendarum, seu belli gerendi,

lites laborare coegisset. Nam Albinus, Auli fratris exercitusque clade perculsus, postquam decreverat non egredi provincia, quantum temporis aestivorum in imperio fuit, plerumque milites stativis castris habebat: nisi cum odos, aut pabuli egestas locum mutare subegerat. Sed neque more militari vigiliae deducebantur: uti cuique lubebat, ab signis aberat. Lixae permixti cum militibus die noctuque vagabantur, et palantes agros vastare, villas expugnare, pecoris et mancipiorum praedas certantes agere: eaque mutare cum mercatoribus vino advectitio, et aliis talibus: praeterea, frumentum publice datum vendere, panem in dies mercari: postremo, quaecumque dici aut fingi queunt ignaviae luxuriaeque probra, in illo exercitu cuncta fuere, et alia amplius.

CAPVT XLV.

[Metelli severitate ac prudentia militum luxuries atque ignavia coërcentur.]

Sed in ea difficultate Metellum non minus, quam in rebus hostilibus, magnum et sapientem

odos quem officiebat hominum pecorumque diuturna congregatio.

frumentum publice datum,

quod publico sumtu, certis diebus, in singulos menses, ab imperatore militibus dabatur.

virum fuisse comperior, tanta temperantia inter ambitionem saevitiamque moderatum. Namque edicto primum adjumenta ignaviae sustulisse, *ne quisquam in castris panem, aut quem alium coctum cibum venderet; ne lixae exercitum sequerentur; ne miles gregarius in castris, neve in agmine servum aut jumentum haberet; ceteris arte modum statuisset.* Praeterea transvorsis itineribus quotidie castra movere, juxta, ac si hostes adessent, vallo atque fossa munire, vigiliis crebras ponere, et ipse cum legatis circumire: item in agmine in primis modo, modo in postremis, saepe in medio adesse, ne quispiam ordine egrederetur, uti cum signis frequentes incederent, miles cibum et arma portaret. Ita prohibendo a delictis magis, quam vindicando, exercitum brevi confirmavit.

CAP. XLV. *temperantia* idem hoc loco, quod alias temperamentum. Cfr. Iustinus II. 7. *Temperantia moderari est nostrum: durch Mäßigung die Mittelstrasse halten.*

Ambitionem vocat studium favoris militum.

neve in agmine servum etc. haberet. Hos enim tribuni tantum olim ducesque secum ducere solebant. Sub impera-

toribus autem, ingruente luxuria, gregarius quisque miles servum habebat.

arte modum statuisset parvum (arctum) servorum numerum permisisse.

transvorsis itineribus — non recta via, sed oblique huc illuc milites, ut paulatim labori se aduefacerent, incedere iussit.

frequentes denso, et nusquam interrupto ordine.

CAPUT XLVI.

[Iugurtha, de Metelli actionibus per nuntios certior factus, pacem vitamque sibi et liberis petit, reliqua omnia populo Romano dedit. Sed Metellus, promissis astuti hominis diffidens, legatos in suas partes trahere studet, ceterum omnia, quae ad debellandum hostem pertinerent, strenue peragit.]

Interea Iugurtha, ubi, quae Metellus agebat, ex nunciis accepit, simul de innocentia ejus certior Romae factus, diffidere suis rebus, ac tum demum veram deditionem facere conatus est. Igitur legatos ad consulem cum suppliciis mittit, qui tantummodo ipsi liberisque vitam peterent, alia omnia dederent populo Romano. Sed Metello jam antea experimentis cognitum erat genus Numidarum infidum, ingenio mobili, novarum rerum avidum. Itaque legatos alium ab alio diversos adgreditur; ac paullatim tentando, postquam opportunos cognovit, multa pollicendo persuadet, *uti Iugurtham maxume vivum,*

CAP. XLVI. *innocentia*, quae in eo potissimum cernebatur, quod munera oblata fortiter recusabat.

cum suppliciis. Supplicia vocat signa pacis, quam sibi expetebant. „Tenebant enim vel corollam, vel frondem ex oliva aut lauro;“ incedunt etiam apud Plautum *velatis manibus*, et apud Virgilium *ramis oleae velati*.

alium ab alio diversos — singulos viritim.

postquam opportunos cognovit. Opportuni dicuntur homines, quibus ad nostrum finem obtinendum uti possamus. Ceterum ejusmodi artificium priscis reip. temporibus infra dignitatem putabant.

maxume, ante omnia, siquidem ullo modo fieri posset.

sin id parum procedat, necatum sibi traderent: ceterum palam, quae ex voluntate forent, regi nunciari jubet. Deinde ipse paucis diebus, intento atque infesto exercitu, in Numidiam procedit: ubi, contra belli faciem, tuguria plena hominum, pecora cultoresque in agris: ex oppidis et mapalibus praefecti Regis obvii procedebant, parati, frumentum dare, commeatum portare, postremo omnia, quae imperarentur, facere. Neque Metellus idcirco minus, sed pariter, ac si hostes adessent, munito agmine incedere, late explorare omnia, illa deditiois signa ostentui credere, et insidiis locum tentare. Itaque ipse cum expeditis cohortibus, item funditorum et sagittariorum delecta manu apud primos erat; in postremo C. Marius legatus cum equitibus curabat: in utrumque latus auxilios equites tribunis legionum et praefectis cohortium

ceterum — — jubet. Aliud igitur responsum publice, aliud privatim dabat, pacemque nec pollicebatur, nec abnuebat.

intento atque infesto, hostilem animum gerente, et acriter stimulo.

contra belli faciem — h. e. aliter atque in bello fieri solet, quippe quum agri plerumque et tuguria deferantur.

mapalibus — de quibus vid.

Cap. XVIII. Sunt pagi Numidiae, quos propter aedificiorum agrestium formam mapalia vocat.

et insidiis locum tentare. Supplendum videtur: Numidas, vel Jugurtham. Nam tentari, quod Gronovius legit, mera est conjectura.

in postremo — curabat. Cfr. Cat. Cap. 59. „Faesulanum quendam in sinistra parte curare jubet.

dispertiverat, uti cum his permixti velites, quacumque accederent, equitatus hostium propulsarent. Nam in Iugurtha tantus dolus, tantaque peritia locorum et militiae erat, uti, absens, an praesens, pacem, an bellum gerens perniciosior esset, in incerto haberetur.

C A P V T XLVII.

[Metellus, *Vagae* urbi praesidio imposito, iterum supplices Iugurthae legatos, eadem, quae supra petiverant, repetentes, accipit, eosque ad prodicionem illectos, incertos domum dimittit.]

Erat haud longe ab eo itinere, quo Metellus pergebat, oppidum Numidarum, nomine Vaga, forum rerum venalium totius regni maxime celebratum; ubi et incolere, et mercari consueverant Italici generis multi mortales. Huc Consul, simul tentandi gratia, si paterent opportunitates

Velites, de quorum origine vid. Liv. XXVI. Cap. IV. et Valer. Max. II. 3. Genus militum levis armaturae, in subsidium equitatus inventum. Insiliebant in equos, et, cum ad hostem ventum esset, celeri saltu descendebant.

CAP. XLVII. *forum*. Sic enim locus adpellatur, ubi vel negotiorum omnino, vel juris exercendi, vel denique emtionis venditionisque causa frequentes conveniunt homines.

simul tentandi gratia, si paterent opportunitates loci. Quae rat aliquis, quomodo imposito praesidio Metellus explorare potuerit, an paterent illius loci opportunitates, quum ipse militum in urbem introitus certissimum fuerit hujus rei indicium. Sed *opportunitas* h. l. non est *opportunus ad defendendum loci situs*, sed *munitiones, turres, arcem*, et reliqua belli adminicula (in oppido et prope moenia) significat, quae occupata demum urbe ex-

loci, praesidium imposuit; praeterea imperavit frumentum, et alia, quae bello usui forent: ratus id, quod res monebat, frequentiam negotiatorum et commeatum (iuvaturum exercitum) etiam paratis rebus munimento fore. Inter haec negotia Iugurtha impensius modo legatos supplices mittere, pacem orare: praeter suam liberorumque vitam, omnia Metello dedere. Quos item, uti priores, Consul illectos ad proditio- nem domum dimittebat: regi pacem, quam postulabat, neque abnuere, neque polliceri, et inter eas moras promissa legatorum expectare.

CAP V T XLVIII.

[Compertis Iugurthae dolis, cognitaque Numidarum perfidia, Metellus armis certare statuit. Hostis autem exercitum Romanum per tramites occultos antevenit, et prope flumen Muthul confidet.]

plorari poterant. Ceterum *paterere* h. l. est *vacuum esse ab hostium praesidio*. Si *paterent* pro: *an paterent*. Id autem explorare voluit Metellus, quo facilius, an dolum sibi parasset hostis, cognosceret.

quod res monebat, quod ex ipsa mercatorum frequentia colligi poterat.

etiam paratis rebus, auch den schon getroffenen Einrichtungen. Mihi quidem verba, quae Curtius uncis inclusit: *iuvaturum exercitum*, a loci sen-

tentia minime abhorrire videntur, siquidem sequens *conjunctio* „*etiam*“ *divisa* legatur: *et jam*. Nam et belli adjumenta se facilius impetraturum et res jam paratas conservaturum sperabat.

impensius modo. Vocem *modo* Comparativo adjectam vides pluribus locis; e. g. Cap. LXXV.

promissa expectare — *expectare*, utrum promissa legatorum *expleantur*.

Iugurtha ubi Metelli dicta cum factis composuit, ac se suis artibus tentari animadvertit; quippe cui verbis pax nunciabatur, ceterum re bellum asperrimum erat: urbs maxuma alienata, ager hostibus cognitus, animi popularium tentati, coactus rerum necessitudine, statuit armis certare. Igitur explorato hostium itinere, in spem victoriae adductus ex opportunitate loci, quas maxumas copias potest omnium generum parat, ac per tramites occultos exercitum Metelli antevenit. Erat in ea parte Numidia, quam Adherbal in divisione possederat, flumen oriens a meridie, nomine Muthul; a quo aberat mons ferme millia passuum XX. tractu pari, vastus ab natura et humano cultu: sed ex eo medio quasi collis oriebatur, in immensum pertinens, vestitus oleastro ac mirtetis, aliisque generibus arborum, quae humi arido atque arenoso gignuntur.

CAP. XLVIII. Composuit — comparavit.

suis artibus — iisdem, quibus ipse usus erat, dolis.

quippe cui verbis pax nunc., ceterum; quamvis enim verbis ei pax nunciabatur, tamen etc.

hostibus cognitus — ab hostibus exploratus.

possederat h. l. possidendam acceperat.

tractu pari, h. e. ita situs,

ut juxta flumen in longitudinem porrigeretur.

vastus ab natura et humano cultu, neque natura sua fertilis, nec ab hominibus cultus. Sic apud Cic. X. Epist. 15. dux dicitur „ab equitatu firmus.“

quae humi arido etc. Qui haec verba retinenda censent ex opt. Mss. et. Codd. auctoritate, vocem *solo* omissam putant, eamque ita suppleant, ut

Media autem planicies deserta, penuria aquae: praeter flumini propinqua loca: ea confita arbutis pecore atque cultoribus frequentabantur.

CAPUT XLIX.

[Iugurtha cum suis in colle confidet, singulasque exercitus partes, ac multos adeo milites viritim ad virtutem bellicam hortatur. Metellus autem ex improvviso hostibus conspectis, ordines commutat, aciemque instruit.]

Igitur in eo colle, quem, transverso itinere, porrectum docuimus, Iugurtha, extenuata suorum acie, confedit: elephantis et parti copiarum pedestrium Bomilcarem praefecit, eumque edocet, quae ageret; ipse propior montem cum omni equitatu pedites dilectos collocat: dein singulas turmas atque manipulos circumiens monet atque obtestatur, *uti memores pristinae virtutis et victoriae seque regnumque suum ab Romanorum avaritia defendant: cum his certamen fore, quos antea victos sub jugum miserint: ducem illis, non animum mutatum: quae ab imperatore decuerint, omnia suis*

arenoso humi idem sit, quod: *solo arenoso humi*. Quod enim in quibusdam legitur: *humi in arido atque arenoso loco* — id pro glossa habent.

Media planicies inter collem et fluvium extensa.

CAP. XLIX. *transverso itinere*, ita ut esset a latere eorum, qui montem transibant.

sub jugum miserint. Confr. Cap. 38.

quae ab imperatore decuerint — sc. provideri.

*provisa; locum superiorem, uti prudentes cum imperitis, ne pauciores cum pluribus, aut rudes cum bello melioribus manum confere-
rent. Proinde parati intēntique essent, signo dato, Romanos invadere: illum diem aut omnis labores et victorias confirmaturum, aut maxumarum aerumnarum initium fore.*
Ad hoc viritim, uti quemque, ob militare facinus, pecunia aut honore extulerat, commonefacere beneficii sui, et eum ipsum aliis ostentare: postremo, pro cuiusque ingenio, pollicendo, minitando, obtestando, alium alio modo excitare: cum interim Metellus, ignarus hostium, monte degrediens cum exercitu conspicitur. Primo dubius, quidnam insolita facies ostenderet, (nam inter virgulta equi Numidaequē confederant, neque plane occultati humilitate arbo-

locum superiorem sc. se illis providisse.

prudentes — h. l. gnari locorum. Nam qui alicujus rei scientiam habet, *prudens* sapientissime dicitur.

Ad hoc — praeter hanc, quae ad universum exercitum pertinuerat, orationem, singulos quoque commonefaciebat.

extulerat. Verbum hoc, quod ad pecuniae largitionem significandam vix aptum videtur,

PARS II.

quum ad honorem proprie pertineat, eodem fere modo ad utrumque (pecuniam puta et honorem) retulit, quo Cap. XLII. dixit: multos mortales ferro aut fuga exstinxit.

aliis ostentare tanquam virtutis industriaeque exemplum, imitatu dignum.

quidnam insolita facies ostenderet — quidnam esset illud, quod praeter opinionem in colle positum spectaret.

H

rum, et tamen incerti, quidnam esset: cum natura loci, tum dolo ipsi atque signa militaria obscurati) dein, brevi cognitis insidiis, paullisper agmen constitit. Ibi commutatis ordinibus, in dextero latere, quod proximum hostis erat, triplicibus subsidiis aciem instruxit: inter manipulos funditores et sagittarios dispertit: equitatum omnem in cornibus locat: ac pauca pro tempore milites hortatus, aciem, sicuti instruxerat, transvorsis principiis, in planum deducit.

C A P V T L.

[*Summa Capitem L. LI. LII et LIII.* Rutilius legatus ad flumen, comitante expeditorum manu, praemissus locum castris idoneum antecapit; procedunt deinde Marius atque Metellus; montem ab iis relictum occupat Iugurtha; tum signo dato Romanos adgreditur atque con-

incerti h. l. vocantur Numidae propterea, quod distincte cerni nequibant. Passivam igitur involvit significationem, quum alias haesitantem, sive dubium animi significet. Et recte quidem Cortius vocabulum certus a cernendo derivat, ut certus amicus sit: spectatus, certe cognitus. Sic etiam alibi Noster infestum dicit eum, qui infestatur, ignarum, qui ignoratur. Igitur incerti, quidnam esset est nostrum: nicht deutlich zu erkennen.

commutatis ordinibus. Hastati enim, qui cum flumine

decurrente recta processerant, quum hostis a latere esset, dextrorsum vertebantur.

Inter manipulos h. e. inter manipulorum intervalla.

pauca hortatus. Sic Cat: XXVII. multa de ignavia eorum questus.

pro tempore — pro temporis brevitate.

transvorsis principiis. Non itaque statim in hostem ducebat, sed, sua via progressus, primas copiarum partes, latere ad Iugurtham converso, incedere jubebat.

turbat, qui ancipiti premuntur periculo. — Quum die fere praeterlapso, in summa conturbatione, eventus incertus, militumque omnium ardor languidior esset, Metellus quatuor cohortes adversus hostium pedites collocatas ad perseverantiam hortatur. Neque minus strenue Iugurtha suos milites circumire, et ipse cum dilectis omnia tentare. — Tandem Romani, et locorum asperitate, et hostium cunctatione in discrimen adducti, collem adversum adscendentes, Numidas loco pellunt, funduntque, paucos tamen interficiunt. Bomilcar autem, Rutilium sequutus, haud procul ab eo in planicie suos collocat, mox legatum securum, neque Numidas videntem, aggreditur. — Romani ex pulvere coorto hostis adventum cognoscunt. Magno utrimque clamore concurritur. Numidae, elephantorum, ramis impeditorum, auxilio destituti, fugam capiunt. Illi, dolum insidiasque timentes, instructo agmine, Metello obviam procedunt. Et quum, obscura nocte, parum abesset, quin suos pro hostibus haberent, tandem se invicem laeti agnoscunt.]

Sed ubi Numidas quietos, neque colle degredi animadvortit, veritus ex anni tempore et inopia aquae, ne siti conficeretur exercitus, Rutilium legatum cum expeditis cohortibus et parte equitum praemisit ad flumen, uti locum castris antecaperet: existumans, hostis crebro impetu et transvorsis praeliis iter suum remoratorios, et

H 2

CAP. L. *transvorsis proeliis* a latere collocatus *transverso*,
— Transversa proelia opponuntur adversis. Hostis enim *sive obliquo impetu pugnatur.*

quoniam armis diffiderent, lassitudinem et sitim militum tentaturos. Dein ipse pro re atque loco, sicuti monte descenderat, paullatim procedere: Marium post principia habere: ipse cum sinistrae alae equitibus esse, qui in agmine principes facti erant. At Iugurtha, ubi extremum agmen Metelli primos suos praetergressum videt, praesidio quasi duum millium peditum montem occupat, qua Metellus descenderat: ne forte cedentibus advorsariis receptui, ac post munimento foret. Dein, repente signo dato, hostis invadit. Numidae alii postremos caedere; pars a sinistra ac dextera tentare; insensi adesse atque instare: omnibus locis Romanorum ordines conturbare; quorum etiam qui firmioribus animis obvii hostibus fuerant, ludificati incerto praelio, ipsi modo eminus sauciabantur, neque contra feriundi, aut manum conferendi copia erat. Antea jam docti ab Iugurtha equites, ubicum-

lassitudinem et sitim militum tentaturos. Observent h. l. juvenes, verbum *tentare*, quod ad homines proprie pertineat, cum Accusativo *eius rei, qua tentantur illi*, conjunctum esse. Sic Cap. 46. insidiis *locum tentare*; et alibi saepissime.

pro re et loco, quatenus praesens rei conditio locique natura permittebat.

post principia. Principem

autem locum in hac nova agminis ordinatione occupaverant sinistrae alae equites, qui antea in sinistro latere collocati nunc in expeditarum cohortium locum successerant. Post principia, primam scilicet aciem curaturus, Marius incedebat.

qua sc. parte h. e. ubi.

ludificati — ludibrio habiti.

que Romanorum turba insequi coeperat, non confertim, neque in unum sese recipiebant, sed alius alio quam maxime divorsi. Ita numero priores, si ab persequendo hostis deterrere nequiverant, disiectos ab tergo, aut lateribus circumveniebant: sin opportunior fugae collis, quam campi fuerant; ea vero consueti Numidarum equi facile inter virgulta evadere: nostros asperitas et insolentia loci retinebat.

CAPVT LI.

Ceterum facies totius negotii varia, incerta, foeda atque miserabilis: dispersi a suis pars cedere, alii insequi; neque signa, neque ordines observare; ubi quemque periculum ceperat, ibi resistere ac propulsare: arma, tela, equi, viri, hostes, cives permixti; nihil consilio, neque im-

numero priores. Quicumque aliis antecellit, prior dicitur. Hinc *numero priores* i. q. plures.

disiectos ab tergo, aut lateribus circumveniebant. Quaeras h. l., cur acies Romanorum interrupta sit, et cur ita disiecti fuerint milites, ut Numidis circumveniendi eos data sit oportunitas. Sed omnis obscuritas tollitur, si cogitamus, militem Romanum, diu vexatum, tandem ad persequendum veloces dissipatosque Numidas ani-

mi ardore abreptum, ex ordine suo temere prodiisse. Sic dissipatam hostium curiam Numidae, subito ex locis, in quos se receperant, proruentes aggrediebantur.

CAP. LI. *facies totius negotii varia* etc. Negotium h. l. non pugnam tantum, et pugnandi modos, sed fugam quoque, et agminis utriusque conditionem significat. *Facies* rei est aspectus, quem praebet. *Facies varia* est variarum rerum aspectus.

perio agi: forsomni a regere. Itaque multum die processerat, cum etiam tum eventus in incerto erat. Denique omnibus labore et aestu languidis, Metellus ubi videt Numidas minus instare, paullatim milites in unum conducit, ordines restituit, et cohortes legionarias III. adversum pedites hostium collocat. Eorum magna pars superioribus locis fessa confederat. Simul orare, hortari milites, *ne deficerent, neu paterentur hostis fugientes vincere: neque illis castra esse, neque munimentum ullum, quo cedentes tenderent: in armis omnia sita.* Sed ne Iugurtha quidem interea quietus; circumire, hortari, renovare praelium, et ipse cum dilectis tentare omnia: subvenire suis, hostibus dubiis instare, quos firmos cognoverat, eminus pugnando retinere.

die — diei. Sic Cap. LIJ. „et jam die vesper erat.“

Cohortes legionarias III; dimidiam fere legionis partem. Nam decem cohortibus legionem constituisse notissimum est.

Neque illis — Romanis nempe militibus. Dicere potuisset *sibi*. Quamvis autem supra „locum castris antea ceptum esse“ dixit, tamen, quod nimis re-

motus erat iste locus, recte nulla sibi castra relictas esse dicit.

Sed ne Iugurtha quidem — Etsi locorum gnaro, et inter virgulta pugnae adsueto regi minus metuendum videbatur, tamen *ne hic quidem* etc.

dubiis, h. e. utrum resistent amplius, an fugiant, incertis. Nam *dubii firmis* opponuntur.

CAPUT LII.

Eo modo inter se duo imperatores summi viri, certabant: ipsi pares, ceterum opibus disparibus. Nam Metello virtus militum erat, locus adversus: Iugurthae alia omnia, praeter milites, opportuna. Denique Romani, ubi intellegunt, neque sibi perfugium esse, neque ab hoste copiam pugnandi fieri; et jam die vesper erat; adverso colle, sicuti praeceptum fuerat, evadunt. Amisso loco, Numidae fusi fugatique, pauci interiere; plerosque velocitas et regio hostibus ignara tutata sunt. Interea Bomilcar, quem elephantis et parti copiarum pedestrium praefectum ab Iugurtha supra diximus, ubi eum Rutilius praetergressus est, paullatim suos in aequum locum deducit: ac, dum legatus ad flumen, quo praemissus erat, festinans pergit, quietus, uti res postulabat, aciem exornat: neque remittit, quid ubique hostis ageret, explorare. Postquam Rutilium confedisse jam, et animo vacuum accepit, simulque ex Iugurthae praelio

CAP. LII. *Metello virtus militum erat* h. e. milites Metelli virtute Numidis praestabant.

adverso colle evadunt. Collem igitur ipsum vel adscendunt, vel propius subeunt. Nam ita evadunt loco, quem hucusque tenuerant, ut collis, in cuius parte superiore ho-

stium defessa manus confederat, iis adversus esset.

in aequum locum — in planitiem, superato colle.

neque remittit — *explorare* — semper explorat.

animo vacuum — securum, nihil timentem.

clamorem augeri; veritus, ne legatus, cognita re, laborantibus suis auxilio foret, aciem, quam diffidens virtuti militum arte statuerat, quo hostium itineri obficeret, latius porrigit; eoque modo ad Rutilii castra procedit.

CAP V T LIII.

Romani ex improvise pulveris vim magnam animadvortunt; nam prospectum ager arbuſtis conſitus prohibebat. Et primo rati humum aridam vento agitari: poſt ubi aequabilem manere, et, ſicuti acies movebatur, magis magisque adpropinquare vident, cognita re, properantes arma capiunt, ac pro caſtris, ſicuti imperabatur, conſiſtunt. Deinde, ubi propius ventum, utrimque magno clamore concurrunt. Numidae tantummodo remorati, dum in elephantis auxilium putant; poſtquam impeditos ramis arborum, atque ita diſiectos circumveniri vident, fugam faciunt: ac plerique, abjectis armis, collis, aut

laborantibus ſuis — in periculo verſantibus.

arte — denſis ordinibus.

CAP. LIII. *nam — prohibebat.* Haec verba rationem continent, cur dixerit: *ex improvise.* Nam ſi vacuus arbuſtis locus fuiſſet, e longinquo videre debuiffent pulverem.

tantummodo remorati, dum etc. tamdiu reſiſtebant etc. Nam *remorari* nihil aliud eſt, quam *loco*, ante pugnam occupato, manere. Alias autem, ſenſu transitivo, *retardandi* notionem involvit.

fugam faciunt. Obſervent juvenes hunc loquendi modum. Quippe non ii, qui alios fun-

noctis, quae jam aderat, auxilio integri abeunt. Elephantum quatuor capti, reliqui omnes, numero quadraginta, interfecti. At Romani, quamquam itinere, atque opere castrorum et praelio fessi laetique erant; tamen, quod Metellus amplius opinione morabatur, instructi intentique obviam procedunt. Nam dolus Numidarum nihil languidi, neque remissi patiebatur. Ac primo, obscura nocte, postquam haud procul inter se erant, strepitu, velut hostes adventare, alteri

dunt fugantque, sed *ipsi fugientes* fugam, sicuti peregrinantes iter, *facere* dicuntur. Hinc passive: „*fugam ad se vorsum fieri*“ dixit Cap. LVIII.

fessi laetique erant. Quamvis cogitari queat, milites labore fessos simul opere feliciter transacto laetos fuisse, tamen scribentis mendam in omnes fere codd., (quorum auctoritate nixus Curtius vocem *laeti* retinet) irrepsisse suspicor; *lassique* legendum opinor. Non enim *laetitia per se*, sed immoderata tantum et effusa, remorari poterat ab eundo et obviam procedendo. Immo laeti milites, siquidem, non sua salute contenti, Metellum quoque incolumem esse vellent, ipso animi gaudio facile impelli poterant ad subveniendum bono imperatori. — Deinde si Noster significare voluisset, laetitiam illos remorari potuisse, duas istas voces, parum inter

se congruentes, non tam arcte junxisset, quoniam in priori membro *eundi obstacula* memorantur, quibus *laetitia* moderata adnumerari nequit. Pleonasmos autem Nostro usitatos esse, patet e vocibus paulo post adjectis: *nihil languidi, neque remissi.* — Verum si quis lectionem vulgarem tuetur, fatendum ei certe erit, parum aptam esse vocum illarum combinationem.

haud procul inter se erant, Rutilii nempe et Metelli milites.

velut hostes adventare. Haec etiam verba obscura videbuntur tironibus, quum desit vox, quae regat infinitivum *adventare*. Hic autem a praecedente *strepitu* mihi quidem pendere visus est, ut: *strepitu velut hostes adventare* idem sit, quod: audito strepitu velut adventantium hostium.

apud alteros formidinem simul, et tumultum facere: et paene imprudentia admissum facinus miserabile, ni utrimque praemissi equites rem exploravissent. Igitur, pro metu, repente gaudium exortum, milites alius alium laeti adpellant, acta edocent atque audiunt: sua quisque fortia facta ad coelum ferre. Quippe res humanae ita sese habent: in victoria vel ignavis gloriari licet; adversae res etiam bonos detractant.

CAPUT LIV.

[Metellus, dum in castris moratur, per transfugas aliosque homines Iugurthae conditionem explorari jubet. Quem quum in loca saltuosa se recepisse, ibique exercitum coëgisse comperisset, statuit alio more, non proeliis, bellum gerere, Numidiamque vastare, loca munita incendere coepit. Quo facto Iugurtha, terrore perculsus, maximam agminis partem in iisdem locis relinquit, ipse cum delectis equitibus Romanos ex improvviso aggreditur, plurimos caedit, multos capit.]

Metellus in isdem castris quatrIduo moratus, saucios cum cura reficit, meritos in praeliis more militiae donat, universos in concione laudat atque agit gratias; hortatur, *ad cetera, quae*

CAP. LIV. *saucios cum cura reficit.* Quanta comitate imperatores haec et alia huiusmodi officia militibus praestare soliti sint, cognoscere licet e

Caes. III. Civ. Cap. 75. et Liv. II. 47.

more militiae donat. Cujus bellici moris exemplum adfert Liv. XXVI. 48.

levia sunt, parem animum gerant: pro victoria satis jam pugnatum, reliquos labores pro praeda fore. Tamen interim transfugas et alios opportunos, Iugurtha ubi gentium, aut quid ageret; cum paucisne esset, an exercitum haberet; ut sese victus gereret, exploratum misit. At ille sese in loca saltuosa et natura munita receperat: ibique cogebat exercitum numero hominum amplio-rem, sed hebetem infirmumque, agri ac pecoris magis, quam belli, cultorem. Id ea gratia eveniebat, quod praeter regios equites nemo omnium Numidarum ex fuga regem sequitur; quo cujusque animus fert, eo discedunt: neque id flagitium militiae ducitur: ita se mores habent. Igitur Metellus ubi videt regis etiam tum animum ferocem; bellum renovari, quod, nisi ex

quae levia sunt. Indicativus ex more priscorum positus. Exempla vide Cap. LXIII. et Catil. Cap. XXVII. Terent. Eun. A. III. Sc. 3., ut innu-mera alia taceam.

ad cetera, quae levia sunt, parem etc. reliqua belli negotia, leviora transactis, eodem animo peragant.

transfugas — quippe qui locorum gnari Iugurtham explorare possent.

cultorem (exercitum) ut alibi victorem. Recte etiam ad pecora hoc verbum referri docet doct. Cortius ad Cap. LXXXV. Nam colore est idem quod tra-

ctare et habere; unde Cap. V. legimus: Iugurtham eodem cultu, quo liberos suos habuit. Et loco supra citato: „neque illos arte (arcte) colam, me opulenter.“

ea gratia. Sic: *ea* causa Plaut. Trucul. Prol. v. 9. pro: *eius rei causa*, eam ob rem.

ita se mores habent. Non apud Numidas solum, sed etiam apud complures gentes antiquas, praesertim Asiaticas. Testantur libri sacri, Herodotus, Thucydides, Herodianus. Et Germanos Tacitus, refert, „sine pudore flagitii, sine cura ducum abiisse.“

illius lubidine, geri posset; praeterea iniquum certamen sibi cum hostibus, minore detrimento illos vinci, quam suos vincere: statuit non praeliis, neque acie, sed alio more bellum gerendum. Itaque in Numidia loca opulentissima pergit, agros vastat, multa castella et oppida temere munita, aut sine praesidio capit incenditque, puberes interficit, alia omnia militum praeda esse. Ea formidine multi mortales Romanis dediti obsides, frumentum et alia, quae usui forent, adfatim praebita: ubicumque res postulabat, praesidium impositum. Quae negotia multo magis, quam praelium male pugnatum (ab suis) regem terrebant. Quippe cui spes omnis in fuga sita, sequi cogeatur; et qui sua loca defendere nequiverat, in alienis bellum gerere. Tamen ex copia, quod optimum videbatur, consilium capit: exercitum plerumque in isdem locis opperiri jubet; ipse cum delectis equitibus Metellum sequitur, nocturnis et aviis itineribus ignoratus Romanos palantis repente adgreditur. Eorum plerique inermes cadunt, multi capiuntur: nemo omnium intactus profugit. Et Numidae, priusquam ex castris subveniretur, sicuti iussi erant, in proximos collis discedunt.

ex copia, pro illo rerum statu. Nam copia h. l. est oportunitas, occasio.

exercitum plerumque, majorem exercitus partem. Sic *pleraque nobilitas* occurrit supra.

CAPVT LV.

[Magnam sibi interim, rebus feliciter gestis, laudem apud cives suos comparaverat Metellus. Supplicia Romae decernebantur, cives exultabant gaudio. Sed quo clarior apud suos evaserat Consul, eo circumspectius in negotio bene coepto perseverabat.]

Interim Romae gaudium ingens ortum, cognitio Metelli rebus: ut seque et exercitum more majorum gereret; in adverso loco, victor tamen virtute fuisset; hostium agro potiretur; Iugurtham magnificum ex Auli secordia, spem salutis in solitudine, aut fuga coegisset habere. Itaque Senatus OB EA FELICITER ACTA DIS IMMORTALIBVS SUPPLICIA DECERNERE: civitas trepida antea et sollicita de belli eventu, laeta agere: fama de Metello praeclara esse. Igitur eo intentior ad victoriam niti, omnibus modis festinare, cavere tamen, necubi hosti opportunus

CAP. LV. *in adverso loco, victor tamen.* Videmus particulam *tamen* poni posse, etiam si non praecedat *licet*, sive alia hujus generis conjunctio. Latet enim in antecedentibus.

magnificum — h. l. *arrogantem, jactabundum*, cum alias magnificus animus laudi ducatur, et in praestantissimis magnorum hominum virtutibus numeretur. Vide Cic. I. Offic. 23.

Supplicia, quae supplicatio-

nes quoque, et gratulationes, ac deorum salutationes dicuntur, vel mali imminentis deprecandi, vel, re feliciter gesta, grati animi testificandi causa instituebantur.

laeta est Nominat. sing.

necubi — ne alicubi. Particulam istam ex ne aliquo ubi conflatam esse docet Cort. eruditissimus, idemque exemplis probat, Veteres Adverbiis etiam pronomina junxisse.

necubi hosti opportunus fieret,

fieret: meminisse, post gloriam invidiam sequi. Ita quo clarior erat, eo magis animi anxius: neque post insidias Iugurthae effuso exercitu praedari: ubi frumento, aut pabulo opus erat, cohortes cum omni equitatu praesidium agitabant: exercitus partim ipse, reliquos Marius ducebat. Sed igni magis, quam praeda, ager vastabatur. Duobus locis, haud longe inter se, castra faciebant. Vbi vi opus erat, cuncti aderant: ceterum, quo fuga atque formido latius crescerent, divorsi agebant. Eo tempore Iugurtha per collis sequi: tempus, aut locum pugnae quaerere: qua venturum hostem audierat, pabulum et aquarum fontis, quorum penuria erat, corrumpere: modo se Metello, interdum Mario ostendere; postremos in agmine tentare, ac statim in collis regredi, rursus aliis, post aliis minitari: neque praelium facere, neque otium pati; tantummodo hostem ab incepto retinere.

CAPUT LVI.

[Metellus Zamam oppugnare statuit; Iugurtha, cognito illius consilio, eum antevenit, praesidiumque urbis firmat. Quo facto cum delectis equitibus Siccam pergit,

ne opportunitatem cum successu
invadendi Iugurthae praeberet.

post gloriam invidiam sequi.

Cfr. Corn. Nep. in Chabria III.

neque post insidias Iugurthae

*effuso exercitu praedari: post
factas ab I. insidias noluit mi-
lites dispersos atque palantes
praedari.*

praeda — praedando.

ubi parum abfuit, quin Marium, frumenti quaerendi causa eo profectum, opprimeret.]

Romanus imperator ubi se dolis fatigari videt, neque ab hoste copiam pugnandi fieri; urbem magnam, et in ea parte, qua sita erat, arcem regni, nomine Zamam, statuit oppugnare: ratus d', quod negotium poscebat, Iugurtham laborantibus suis auxilio venturum, ibique praelium bre. At ille, quae parabantur, a perfugis edocus, magnis itineribus Metellum antevenit; oppidanos hortatur, moenia defendant, additis auxilio perfugis; quod genus ex copiis regis, qua fallere nequibant, firmissimum. Praeterea pollicetur, in tempore semet cum exercitu adfore. Ita compositis rebus, in loca quam maxime occulta discedit, ac post paullo cognoscit, Marium ex itinere frumentatum cum paucis cohortibus Siccam missum: quod oppidum primum

Cap. LVI. *arcem regni.* Discat hic juvenes, *arcem* ab *arando* (hoste) sic dictam non modo esse *castellum* in fine regnis, propulsandi hostis causa exstructum, sed etiam quodvis oppidum munitum.

laborantibus suis, in discrimine ab exercitu oppugnante additis.

uia fallere nequibant etc. Non quum de transfugis, si foe in popularium manus in-

cidissent, gravissimum supplicium sumeretur, metu poenarum fideles esse cogebantur. Manus autem eis praecisas, ipsos interdum in crucem actos, aut bestiis objectos esse accepimus.

in tempore — justo tempore. *frumentatum* — frumenti quaerendi causa. Sic Cap. XCIII. castris *aquatum* egredius. Dicitur etiam *materiari*, *lignari*.

omnium post malam pugnam ab rege defecerat. Eo cum dilectis equitibus noctu pergit, et jam egredientibus Romanis in porta pugnam facit simul magna voce Siccenses hortatur, *uti cohortis ab tergo circumveniant: fortunam praeclari facinoris casum dare; si id fecerint postea sese in regno, illos in libertate sine metu aetatem acturos.* Ac ni Marius signa inferre atque evadere oppido properavisset, profecto cuncti, aut magna pars Siccensium fidem mutavissent. Tanta mobilitate sese Numidae agunt. Sed milites Iugurthini paullisper ab rege sustentati, postquam majore vi hostes urgunt, paucis amissis, profugi discedunt.

CAPUT LVII.

[Confociatis ad urbem Zamam Marii Metellicae copiis, oppidum illud undique cingitur. Fit proelium, cujus diversi ex utraque parte modi describuntur.]

Marius ad Zamam pervenit. Id oppidum in campo situm, magis opere, quam natura munitum erat: nullius idoneae rei egens, armis vi-

casum — occasionem.

fidem mutavissent, a Romanis descivissent.

CAP. LVII. *ad Zamam.* Praepositio nomini urbis praeter consuetudinem adjecta videri possit. Sed apud historicos si-

milia passim exempla inveniri probavit Cortius.

magis opere quam natura, muris, turribus et reliquis hujusmodi operibus, arte factis, munitius erat oppidum, quam situ, rupibus, montibus etc.

risque opulentum. Igitur Metellus, pro tempore atque loco paratis rebus, cuncta moenia exercitu circumvenit. Legatis imperat, ubi quisque curaret: deinde, signo dato, undique simul clamor ingens oritur. Neque ea res Numidas terret; infensi intentique sine tumultu manent; praelium incipitur. Romani, pro ingenio quisque, pars eminus glande, aut lapidibus pugnare; alii succedere, ac murum modo subfodere, modo scalis adgredi: cupere praelium in manibus facere. Contra ea oppidani in proximos saxa volvere; sudas, pila, praeterea picem sulphure et taeda mixtam ardentia mittere. Sed nec illos, qui procul manserant, timor animi satis muniverat. Nam plerosque jacula tormentis, aut manu emissa vulnerabant: parique periculo, sed fama impari, boni atque ignavi erant.

C A P V T LVIII.

[Iugurtha interim, Romanos ex improvviso aggressus, vehementer eos perturbat, magnamque eorum partem occidit. Pauci Romanorum fortiter resistunt. Metellus, suos ad se fugientes conspiciens, omnem equitatum, et C. Ma-

legatis imperat, ubi quisque curaret, legatorum cuique suum assignat locum, sua tribuit negotia.

glande — globulis plumbeis,

PARS II.

quos funda aliisque machinis jaculabantur.

ardentia ad picem, sulphur et taedam refertur.

I

rium delegat, quo facto Numida, multis amissis, in loca munita se recipere cogitur.]

Dum apud Zamam sic certatur, Iugurtha ex improvviso castra hostium cum magna manu invadit: remissis, qui in praesidio erant, et omnia magis, quam praelium expectantibus, portam irrumpit. At nostri, repentino metu perculsi, sibi quisque pro moribus consulunt: alii fugere, alii arma capere: magna pars volnerati, aut occisi. Ceterum ex omni multitudine non amplius quadraginta, memores nominis Romani, grege facto, locum cepere, paullo, quam alii, editiorem; neque inde maxuma vi depelli quiverunt: sed tela eminus missa remittere, pauci in pluribus minus frustrati: sin Numidae propius accessissent, ibi vero virtutem ostendere et eos maxuma vi caedere, fundere atque fugare.

CAP. LVIII. *remissis, qui in praesidio erant* — dum animo remisso erant, neque quidquam timebant milites in praesidio collocati. Nam *remissus* dicitur, qui non est intentus in hostem.

pro moribus idem quod supra: pro ingenio — pro sua cujusque vel audacia, vel timiditate.

memores nominis Romani — gloriae Romanorum, sive: Romanos se esse. Nomen enim saepe ipsum populum significat,

adjecta notione dignitatis. Vid. Horat. III. Od. v. 10. „ancilliorum, et nominis, et togae oblitus.“

pauci in pluribus minus frustrati, quum eorum pauci essent, non frustra mittebant tela in densius hostium agmen.

ibi vero, elegantissime ad fortem incensi animi conatum significandum.

fundere atque fugare. Funduntur enim, qui ita dissipantur, aut propelluntur, ut reverti possint. Itaque pleonas-

Interim Metellus cum acerrume rem gereret, clamorem hostilem ab tergo accepit: dein, converso equo, animadvortit, fugam ad se vorsum fieri: quae res indicabat popularis esse. Igitur equitatum omnem ad castra propere mittit, ac statim C. Marium cum cohortibus sociorum; eumque lacrumans *per amicitiam perque rempublicam obsecrat, ne quam contumeliam remanere in exercitu victore, neve hostis inultos abire sinat*: ille brevi mandata efficit. At Iugurtha munimento castrorum impeditus, cum alii super vallum praecipitarentur, alii in angustiis ipsi sibi properantes obficerent, multis amissis, in loca munita sese recepit. Metellus, infecto negotio, postquam nox aderat, in castra cum exercitu revortitur.

C A P V T LIX.

[Redintegrata postero die urbis oppugnatione, Iugurtha ex occulto Romanos invadit, qui perterriti adspectu inopinato, post a suis adjuti, fortiter quidem aliquamdiu resistunt, postea tamen, mixto peditibus Numidarum equitatu, paene vincuntur.]

Igitur postero die, prius, quam ad obpugnandum egrederetur, equitatum omnem in ea parte,

I 2

mus non inesse videtur in hac
verborum conjunctione:

popularis — suos cives:

qua regis adventus erat, pro castris agitare iubet: portas et proxima loca tribunis dispertit: deinde ipse pergit ad oppidum, atque, ut superiore die, murum adgreditur. Interim Iugurtha ex occulto repente nostros invadit. Qui in proximo locati fuerant, paullisper territi perturbantur: reliqui cito subveniunt. Neque diutius Numidae resistere quivissent, ni pedites cum equitibus permixti magnam cladem in congressu facerent. Quibus illi freti, non, ut equestri praelio solet, sequi, dein cedere, sed advorsis equis concurrere, implicare ac perturbare aciem:

CAP. LIX. qua regis adventus erat, unde regis adventus expectabatur.

pro castris — ante castra. Cfr. Cap. XCIV. „pro muro dies noctesque agitare.“

qui in proximo locati fuerant. Non oppido proximi, sed advenienti Iugurthae. Idem quod primi, quos primos offendebat.

diutius. Supplendum videtur: quam usque ad reliquorum adventum. Saepissime tamen comparativo pro gradu primo utuntur scriptores, ita quidem, ut ellipsis aliqua cogitari possit, non autem necessario cogitetur.

pedites cum equitibus permixti. Ante Q. Navii, centurionis, tempora equites a peditibus segregati in proelium ibant. Illum autem has exer-

citus partes miscere coepisse docet Livius XXVI. 4. Numidae vero et Germani eundem morem, vel sponte sua, vel Romanorum exemplo docti, sequebantur.

illi. Pronomen hoc ad equites Numidarum, non ad remotius substantivum, uti solet, refertur.

non, ut equestri proelio solet etc. Hunc equestris proelii morem describit Livius XXXI. 35. „Crediderunt regii, genus pugnae, quo adsueverant, fore, ut equites invicem insequentes, refugientesque, nunc telis uterentur, nunc terga darent.“

advorsis equis concurrere — recta via, nec unquam revertentes, in hostem inveli.

ita expeditis peditibus suis, hostis paene victos dare.

CAPVT LX.

[Apud Zamam interim ardentissimo utrimque animo pugnatur. Marius, simulata paulisper rei diffidentia (quasi capere urbem se posse desperaret) murum vehementer adgreditur. Parum abest, quin occupetur; sed oppidanorum concursus milites, tantum non summa murorum fastigia tenentes, repellit. Nox intervenit.]

Eodem tempore apud Zamam magna vi certabatur. Vbi quisque legatus, aut tribunus curabat, eo acerrume niti; neque alius in alio magis quam in sese spem habere: pariter oppidani agere. Oppugnare, aut parare omnibus

hostis paene victos dare. Cortius verba: *victos dare* sumit pro: *vincere*, pluribus Terentii Plautique, exemplis hanc phrasin illustrans; e. g. *exornatum dare* Ter. Heautont. A. V. Sc. i. extr. ut intelligendum sit: per expeditos suos pedites hostes paene vincebant. Quae quidem interpretatio cum propterea verisimilis mihi videatur, quod difficultatem quandam adfectare solet Crispus, tamen aliter exponi posse locum idem ille vir doct. concedit. Quippe ita fregerat hostes equitatus Numidarum, ut expeditis peditibus paene victos illos traderet. — Observent interim juvenes, *hostium nomi-*

ne h. l. Romanos, praeter consuetudinem, significatos esse.

CAP. LX. *acerrume niti.* Omnes intendebat vires acerrime pugnando.

pariter — aequè fortiter.

oppugnare, aut parare omnibus locis. Illud de Romanis, hoc de oppidanis intellige. *Parabant* obsessi, quidquid contra oppugnantes Romanos moenia defendere posset. Acute observavit Cortius, Sallustium, ubi de pluribus narret, commemorare primum singula cuiusque partis facta, tum subijcere aliquid solere, quod ad utramque simul partem spectet. V. c. Cap. LXXVI. „Contra

locis: avidius alteri alteros sauciare, quam semet tegere. Ciamor permixtus hortatione, laetitiae, gemitu: item strepitus armorum ad coelum ferri: tela utrimque volare. Sed illi, qui moenia defendebant, ubi hostes paullulum modo pugnam remiserant, intenti praelium equestre prospectabant. Eos, uti quaeque Iugurthae res erant, laetos modo, modo pavidos animadvorteres: ac, sicuti audiri a suis, aut cerni possent, monere alii, alii hortari, aut manu significare, aut niti corporibus, et huc, illuc, quasi vitabundi, aut jacentes tela, agitare. Quod ubi

haec oppidani festinare, parare: prorsus ab utrisque nihil reliquum fieri. Et eodem fere modo sexcenties.

avidius alteri alteros sauciare, quam semet tegere. Sic Liv. II. 6. „neuter dum hostem vulneraret, sui protegendī corporis memor.“

hortatione — militum inter se, pugnam remiserant — lentius adgrediebantur. Sic Caesar VII. Gall. 14. „diligentiam in perdiscendo ac memoriam remittunt.“

intenti — expectatione suspensi, exitum videre cupientes.

uti quaeque Iugurthae res erant: prout vel favebat ei, vel adversabatur fortuna. Res enim h. l. est conditio regis, exercitusque ab eo ducti.

sicuti audiri a suis, aut cerni possent etc. Elegantissima profecto, et vividissimis coloribus adumbrata descriptio hominum, animo intento atque sollicito procul suorum pericula spectantium, et qui oculos mentemque ita defigunt, ut, sui ipsorum obliti, ne absentes quidem se esse meminerint. Idem fere accidit his, quod iis, qui miserorum casus in theatro spectantes, animi dolore abrepti, exclamant, et fictam esse rem omnem obliviscuntur. Sic oppidani movent atque hortantur suos procul pugnantes,

niti corporibus, huc illuc movere corpora cum vi et impetu, quasi et ipsi pugnantes, aut defendentes.

Mario cognitum est (nam is in ea parte curabat) consulto lenius agere, ac diffidentiam rei simulare: pati Numidas sine tumultu regis praelium visere. Ita illis studio suorum adstrictis, repente magna vi murum adgreditur: et jam scalis egressi milites prope summa ceperant, cum oppidani concurrunt, lapides, ignem, alia praeterea tela ingerunt. Nostri primo resistere: deinde, ubi unae atque alterae scalae comminutae, qui supersteterant, adflicti sunt; ceteri quoquo modo potuere, pauci integri, magna pars confecti vulneribus abeunt. Denique utrimque praelium nox diremit.

CAPVT LXI.

[Metellus, urbem capi posse desperans, ab Zama discedit, praesidioque reliquis oppidis imposito, exercitum in hiberna dimittit. Quo facto Bomilcarem multa pollicendo corrumpit.]

Metellus, postquam videt frustra inceptum, neque oppidum capi, neque Iugurtham, nisi ex

lenius, mitigato impetu acerrimo, quo coeperat.

consulto — eo nempe consilio, ut nihil timentes adversarios, dum ad equitem extra muros pugnantem oculos unice converterent, repente cum successu aggrederetur.

diffidentiam rei. Res h. l.

est urbis occupatio, de qua desperare se simulabat.

alia praeterea tela. Quaelibet defensionis instrumenta, ne dentibus quidem exceptis, tela vocari notissimum est.

CAP. LXI. *frustra inceptum* — f. obsideri urbem.

insidiis, aut suo loco pugnam facere, et jam aestatem exactam esse, ab Zama discedit: et in his urbibus, quae ad se defecerant, satisque munitae loco, aut moenibus erant, praesidia imponit. Ceterum exercitum in provinciam (quae proxima est Numidiae) hiemandi gratia collocat. Neque id tempus, ex aliorum more, quieti, aut luxuriae concedit: sed, quoniam armis bellum parum procedebat, insidias regi per amicos tendere, et eorum perfidia pro armis uti parat. Igitur Bomilcarem, qui Romae cum Iugurtha fuerat, et inde, vadibus datis, clam Massivae de nece iudicium fugerat, quod ei per maxumam amicitiam, maxuma copia fallendi erat, multis pollicitationibus adgreditur; ac primo efficit, uti ad se colloquendi gratia occultus veniat: dein

suo loco — sibi opportuno.
Cfr. Cap. LIV. Sic Horat. Epod. IX. 30. ventis iturus non suis h. e. contrariis. Et Virg. Aen. II. alicubi; numine non nostro,

quae proxima est Numidiae.
Verba otiosa, rem notissimam insulse explanantia, ideoque suspecta.

per amicos sc. Iugurthae.

vadibus datis etc. Acute observat Curtius, nimis longum hic esse Nostrum in repetenda narratione, et ipsum verborum ordinem suspectum vide-

ri posse, quod *vades* a Bomilcare dati prius, quam ipsum capitis iudicium, memorentur. Sed e repetitione vix equidem colligi posse arbitror, locum interpolatum esse. Erat enim necessaria, quo facilius intelligeretur Bomilcarem, promissa impunitate, capi potuisse.

quod ei per maxumam amicitiam, maxuma copia fallendi erat — quod is, cum regi esset amicissimus, ob eamque causam solus interdum esset cum illo, facillime necis dolique occasionem inveniebat.

fide data, si Iugurtham vivum aut necatum tradidisset, fore, ut illi Senatus impunitatem, et sua omnia concederet, facile Numidae persuadet, cum ingenio infido, tum metuenti, ne, si pax cum Romanis fieret, ipse per conditiones ad supplicium traderetur.

CAPUT LXII.

[Bomilcar precibus lacrymisque Iugurthae animum ad deditionem impellit. Qui quum sine ulla pactione in Romanorum fidem se tradidisset, magnamque pecuniae summam, cum elephantis, equis, armis perfugisque victis, Metelli jussu, misisset, ipse tamen, poenarum metu, venire dubitavit, et bellum, multis diebus per dubitationem consumptis, de integro reparavit.]

Is, ubi primum opportunum, Iugurtham anxium ac miserantem fortunas suas accedit: monet atque lacrumans obtestatur, *uti aliquando sibi liberisque et genti Numidarum, optume merenti, provideat: omnibus praeliis sese victos, agrum vastatum, multos mortalis captos aut occisos, regni opes comminutas esse: satis saepe jam et virtutem militum, et fortunam tentatam: caveret, ne, illo cun-*

sua omnia — bona, quae possederat olim, et delicti causa amiserat.

CAP. LXII. ubi primum op-

portunum sc. fuit — simulac loquendi cum Iugurtha et rei cum successu agenda occasio oblata erat.

ctante, Numidae sibi consulant. His atque talibus aliis ad deditionem regis animum impellit. Mittuntur ad imperatorem legati: *Iugurtham imperata facturum, ac sine ulla pactione sese regnumque suum in illius fidem tradere.* Metellus propere cunctos Senatorii ordinis ex hibernis arcessiri jubet: eorum atque aliorum, quos idoneos ducebat, consilium habet. Ita more majorum, ex consilii decreto, per legatos Iugurthae imperat, argenti pondo ducenta millia, elephantos omnis, equorum et armorum aliquantum. Quae postquam sine mora facta sunt, jubet omnis perfugas vinctos adduci. Eorum magna pars, ut jussum erat, adducti: pauci, cum primum deditio coepit, ad regem Bocchum in Mauretanium abierant. Igitur Iugurtha, ubi armis virisque et pecunia spoliatus, cum ipse ad imperandum

imperata facturum. Formula sollemnis, qua deditionem nunciare solebant. Eandem legimus apud Curtium VIII, 10. Cfr. supra Cap. XLVI.

Senatorii ordinis. Hujus enim ordinis plerisque legatorum, Quaestores etiam, et Tribunos ex parte, fuisse constat. Centuriones quoque primorum ordinum, rarissime tamen omnium, in hujusmodi consilia vocabantur. Conf. Iul.

Caes. Gall. XXVIII et XXXVII. Ib. XL.

argenti pondo h. e. libras, vel librarum argenti pondo, quarum singulae centum drachmis constabant, qui, si drachmam tribus grossis aestimemus, duodecim fere et dimidium thaleros efficiunt, ut ducenta millia sint 2,500,000 thaleri.

ad imperandum. Passiva inest huic verbo sententia. Vocabatur enim Iugurtha, ut ipsi

Tifidium vocaretur, rursus coepit flectere animum suum, et ex mala conscientia digna timere. Denique multis diebus per dubitationem consumtis, cum modo taedio rerum adversarum omnia bello potiora duceret; interdum secum ipse reputaret, quam gravis casus in servitium ex regno foret; multis magnisque praesidiis nequidquam perditis de integro bellum sumit, Romae Senatus de provinciis consultus Numidiam Metello decreverat,

CAPVT LXIII.

[Cajo Mario, viro omni virtutum genere ornato, ab haruspice magna portenduntur. De moribus ejus, rebusque gestis praemittuntur ea, quae sequentibus lucem adferant.]

imperaretur. Sed Activi sensus manet, si modo verbum referas ad imperatorem Romanum. Non autem corrupta esse Sallustii verba, quod multi interpretes putaverunt, pluribus exemplis probavit Cortius, quorum duo, quae sufficiunt, (non enim omnia sunt apta) recensimus. Cicero IX, Ep. 25: „nunc ades, inquit, ad imperandum, vel ad parendum potius.“ Idem I, Or. in Verrem Cap. XVIII. „Cum haec frequentia totius Italiae Roma discofferit; quae convenit uno

tempore undique comitiorum, judiciorum, censendique causa,

Tifidium, Thisicam, aut Thisdrum scriptum fuisse conjicit Cortius, quae urbs haud procul ab Utica sita fuerit,

omnia bello potiora — quidvis melius quam bellum,

quam gravis casus etc. quanta foret calamitas, si ex regno in servitutem dejiceretur.

multis magnisque praesidiis — pecunia nempe, armis, equis etc.

Per idem tempus Vticae forte C. Mario per hostias dis supplicante, *magna atque mirabilia portendi* haruspex dixerat: *proinde, quae animo agitabat, fretus dis ageret: fortunam quam saepissime experiretur; cuncta prospera eventura.* At illum jam antea consulatus ingens cupido exagitabat: ad quem capiundum, praeter vetustatem familiae, alia omnia abunde erant: industria, probitas, militiae magna scientia, animus belli ingens, domi modicus, lubricinis et divitiarum victor, tantummodo glo-

CAP. LXIII. *Per idem tempus h. e. circa idem tempus; eodem fere tempore.* His enim vocibus incerti notionem plerumque inesse, raro autem definitum temporis momentum significari docet Cortius, quamvis idem concedat, apud Terentium Andr. A. IV. Sc. 4. definite dictum esse: per tempus advenis.

Vticae. Erat autem Vtica Africae propriae urbs maritima, caput provinciae, cuius originem narrat Iustin. XVIII. 4.

per hostias dis supplicante — mentem deorum scrutaturus, ut e sequentibus recte colligitur. Hostiarum igitur diis oblatarum exta inspicere et futura praedici iusserat. Tales autem hostias *harugas* sive *harvigas* adpellatas esse, praeeunte Festo,

docet Cortius. Idemque ex Plutarcho refert, Marium nimis superstitiosum fuisse, adeo ut *sagam* e Syria secum duxerit. Cfr. Valer. Max. l. 5. Ovid. XV. Met. v. 136, ubi eiusmodi hostiarum usus describitur.

portendi sc. a diis per exta. Vid. Liv. XXXI. 7.

agitabat. Ecce iterum indicativi exemplum, ubi recentiores Conjunctivum ponere non dubitassent. Plura hac pertinentia citavimus ad Cap. LIV.

prospera eventura. Eodem fere modo in Cat. cap. XXVI. dixit: *aspera foedaque* evenerant, non adverbio, sed adjectivo usus.

praeter vetustatem familiae. Erat enim homo novus, obscuris parentibus natus.

riae avidus. Sed is natus et omnem pueritiam Arpini altus, ubi primum aetas militiae patiens fuit, stipendiis faciundis, non Graeca facundia, neque urbanis munditiis sese exercuit: ita inter artis bonas integrum ingenium brevi adolevit. Ergo ubi primum tribunatum militarem a populo petit, plerisque faciem ejus ignorantibus, facile notus per omnis tribus declaratur. Deinde ab

Arpini. In urbe Latii, Plauti etiam et Ciceronis patria.

natus et omnem pueritiam Arpini altus. Rectior verborum constructio fuisset: natus Arpini, et omnem ibi pueritiam altus. Sed inverfam orationem amat Crispus.

non Graeca facundia etc. Quod nostrae aetatis juveni, etiamsi militaribus studiis operam navans virtute excellat, dedecori ducitur — rudem esse in literis humanioribus — id Mario laudi a Nostro ductum esse vides. Bellica enim virtus illo tempore, et in ea gente quae pugnando imperium orbis terrarum nacta erat, plurimi aestimabatur. Quid? quod ipse Marius hanc Graecarum litterarum ignorantiam fateri non erubescit infra Cap. LXXXV. Cfr. Livius X. 22. „Etevenit in Mario, inquit, quod in plerisque viris, militiae atis, qui factis sunt magni, ad verborum linguaeque certamina rudes. Cfr. Cic. pro Ardia Cap. IX. ubi videbis,

eum, quamvis durior fuerit ad studia illa, ingeniis favisse.

urbanis munditiis. Quas Marius enumerat Cap. LXXXV. Omnia enim luxuriae molli-tiaeque fomenta hic intelligi e sequentibus colligere licet.

integrum ingenium — animum incorruptum, mores castos, nullis vitiis effeminatos. Ipsa autem facundia Graeca et studium litterarum omnino (quatenus assiduitate, quam requirebat, corporis incrementum impediabatur, maxime vero, quod subtilitate quadam simplicitas morum tolli poterat) cum severa illa disciplina, quae viros militiae natos decebat, parum congruere videbatur. Sed h. l. ad urbanas munditias potissimum respicitur.

plerisque faciem ejus ignorantibus — quamvis plerique, propter longam ejus absentiam generisque novitatem, faciem ejus ignorarent.

per omnis tribus — quorum quinque et triginta tunc erant.

ego magistratu alium post alium sibi peperit: semperque in potestatibus eo modo agitabat, uti ampliore, quam gerebat, dignus haberetur. Tamen is ad id locorum talis vir (nam postea ambitione praeceps datus est) petere non audebat. Etiam tum alios magistratus plebes, consulatum nobilitas inter se per manus tradebat. Novus nemo tam clarus, neque tam egregiis factis erat, quin is indignus illo honore et quasi pollutus haberetur.

CAPUT LXIV.

[Marius, haruspiciis cujusdam responso confirmatus, consulatus adipiscendi spem fovet, missionemque, seu immunitatem a militia sibi expetit. Qui quum superbum a Metello responsum tulisset, ira atque cupidine incensus, militum atque mercatorum favorem sibi conciliavit, Me-

agitabat — se gerebat.

Tamen is ad id locorum talis vir — Tamen, quamvis ad illud usque tempus, quo legatus erat Metelli, talem, h. e. tam bonum integrumque prorsus virum se praestiterat. — Sunt, qui *locum* putent *dignitatem ipsam*, nempe legati munus, quo fungebatur, significare. Neque dubium est, hanc interdum apud optimos scriptores illius vocabuli esse notionem. „Sed Gronovius ad Liv. XXVII, 7. pluribus probavit: *ad id locorum* esse: *ad id*

tempus,“ et *locum* saepe pro tempore poni. „Optime amen scriptorem interpretamur ipsius verbis. Noster e. g. Cap. IXXII. dixit: Neque *post id locorum* Iugurthae dies, aut non ulla quieta fuit“ — ubi sine dubio *tempus* intelligit.

ambitione — nam *inextinguibilem honorum famem* Forus ei tribuit III. 21.

inter se per manus — ita empe, ut *de nobilium manu* semper *in manus* nobilium traderetur, nec plebei, aut homines novi eum adipiscerentur.

telli vero ambitionem atque cunctationem suspectam red-
dere studuit.]

Igitur ubi Marius haruspiciis dicta eodem in-
tendere videt, quo cupido animi hortabatur; ab
Metello petundi gratia missionem rogat: cui
quamquam virtus, gloria atque alia optanda bo-
nis superabant, tamen inerat contemptor animus
et superbia, commune nobilitatis malum. Ita-
que primum commotus insolita re, mirari ejus
consilium, et quasi per amicitiam monere, *ne
tam prava inciperet, neu super fortunam
animum gereret: non omnia omnibus cupi-
unda esse: debere illi res suas satis placere:
postremo caveret id petere a populo Romano,
quod illi jure negaretur.* Postquam haec at-
que talia dixit, neque animus Marii flectitur;
respondit, *ubi primum potuisset per negotia
publica, facturum sese, quae peteret.* Ac
postea saepius eadem postulanti, fertur dixisse,
*ne festinaret abire: satis mature illum cum
filio suo consulatum petiturum.* Is eo tem-

CAP. LXIV. *petundi gratia* —
consulatus intell.

optanda bonis — quae bonus
quisque sibi optat, seu optare
debet.

superabant — abunde erant:
animus contemptor — alios

prae se contemnens. Similis
vocum combinatio saepissime
invenitur, e. g. animus victor,
rector, rex, dominus etc.

super fortunam h. e. super
eam, qua natus esset, condi-
tionem. Generis enim vetus-
tate non gaudebat.

pore contubernio patris ibidem militabat, annos natus circiter XX. quae res Marium cum pro honore, quem adfectabat, tum contra Metellum vehementer accenderat. Ita cupidine atque ira, pessumis consultoribus, grassari: neque facto ullo, neque dicto abstinere, quod modo ambitiosum foret: milites, quibus in hibernis praeerat, laxiore imperio, quam antea, habere: apud negotiatores, quorum magna multitudo Vticae erat, criminose simul, et magnifice de bello loqui: *dimidia pars exercitus sibi permetteretur, paucis diebus Iugurtham in catenis*

contubernio patris militabat — sub auspiciis patris, rei militaris cognoscendae gratia, expeditioni Africanæ intererat, sicut Hannibal olim ab Hamilcare in Hispaniam ductus fuerat. Non enim milites tantum octo, vel undecim conjuncti, qui familiariter sub uno papillione degebant, sed adolescentes quoque nobiles, imperatorem comitantes, et sub auspiciis ejus rudimenta facientes, *contubernales*, adpellantur.

annos circiter natus XX. Itaque, quum legitimum tempus, quo consulatum petere licebat, esset annus aetatis quadragesimus tertius, XXIII annos Milonem expectare debere innuebat.

pro honore — accenderat. Ve-

hementiorem petendi consulatus cupiditatem ei injecerat. Nam verbum accendere cum praepositionibus *ad, in, contra* pro conjungi potest. Sic Tacitus IV. Hist. 78. „Gallos pro libertate, Batavos pro gloria Germanos *ad* praedam instigantes.

quod modo ambitiosum esse — h. e. dummodo ambitionis suae satisfaceret, populi quoque favorem sibi acquireret.

laxiore imperio habere minus severe iis imperare; majorem libertatem iis concedere.

criminose simul et magnifice, ita, ut Metellum cunctantem criminaretur, et magnifice simul gloriaretur, se maturius bellum conficere posse.

habiturum: ab imperatore consulto trahi, quod homo inanis et regiae superbiae imperio nimis gauderet. Quae omnia illis eo firmiora videbantur, quod diuturnitate belli res familiaris corruperant, et animo cupienti nihil satis festinatur.

C A P V T LXV.

[Vtitur etiam Marius *Gaudae* cujusdam, hominis parum sani, qui Metello ob repulsam ab eo latam infensus erat, auxilio. Hunc enim blanditiis vanisque promissis sibi devincit, et Romanos praeterea spe pacis, hortando, gloriando, criminandoque impellit, ut in litteris, ad suos scriptis, Metellum accusent, Marium imperatorem flagitent. Neque haec frustra conatur.]

Erat praeterea in exercitu nostro Numida quidam, nomine Gauda, Mastanabalis filius, Masinissae nepos, quem Micipsa testamento secundum heredem scripserat, morbis confectus, et ob eam causam mente paulum imminuta. Cui Metellus petenti, more regum uti sellam juxta

regiae superbiae. Aptissima verba ad augendam civium Romanorum indignationem! Nam inde a Tarquinii temporibus invisum erat regium nomen adeo, ut quaevis intolerabilia et immodica significaret. Conf. Liv. III. 19.

firmiora — credibilia.
res familiaris corruperant —

PARS II.

aliquantum rei familiaris inter belli tumultus amiserant.

CAP. LXV. *secundum heredem scripserat* — qui hereditatem adiret, si primus heres vel mortuus esset, vel nollet illam adire.

uti sellam juxta poneret, ut permetteret sibi, juxta impe-

K

poneret; item postea custodiae causa turmam equitum Romanorum, utrumque negaverat: honorem, quod eorum modo foret, quos populus Romanus reges adpellavisset; praesidium, quod contumeliosum in eos foret, si equites Romani satellites Numidae traderentur. Hunc Marius anxium adgreditur atque hortatur, uti contumeliarum imperatoris cum suo auxilio poenas petat. Hominem ob morbos animo parum valido secunda oratione extollit: *illum regem, ingentem virum, Masinissae nepotem esse: si Iugurtha captus, aut occisus, imperium Numidiae sine mora habiturum: id adeo mature posse evenire, si ipse consul ad id bellum missus foret.* Itaque et illum, et equites Romanos, milites et negotiatores alios ipse, plerosque spes pacis impellit, uti Romam ad suos necessarios aspere in Metellum de bello scribant, Marium imperato-

ratoris sellam regum more sedere. Ista autem sella *castrensis* vocabatur, ad quam proxime sedebant *reges*, si qui vel supplices venissent, vel societate cum Romanis essent conjuncti (cfr. Sueton. Ner. Cap. XIII.); secundum a regibus locum tenebant legati, et honoratissimus quisque. Vid. Tac. II. 59.

custodiae causa, forsan, ne

Iugurthae insidiis, ut olim Romae Massiva, periret.

reges adpellare est nostrum: den Königstitel zugestehen.

anxium — hoc Metelli responso perturbatum, et, quid faceret, incertum.

secunda oratione. Oratio nihil aliud h. l. est quam colloquium.

alios ipse, suis nempe verbis, plerosque spes pacis, quam ipsi sponte conceperant.

rem poscant. Sic illi a multis mortalibus honestissima suffragatione consulatus petebatur. Simul ea tempestate plebes, nobilitate fusa per legem Mamiliam, novos extollebat. Ita Mario cuncta procedere.

CAPUT LXVI.

[Iugurtha, bello strenue reparato, *Vagenſes* precibus fatigatos in suam partem trahit. Igitur, conjuratione principum facta, tertio post eam die, qui festus erat per Africam, praefectus oppidi cum centurionibus tribunisque ad epulas, diversis locis celebrandas, invitatur. Occiduntur inter epulas plerique, praeter Silanum; milites quoque passim sine armis palantes obtruncantur.]

Interim Iugurtha postquam, omiſſa deditio-
ne, bellum incipit, cum magna cura parare
omnia, festinare, cogere exercitum: civitates,
quae ab se defecerant, formidine, aut ostentan-
do praemia adfectare: communire suos locos,

K 2

honestissima suffragatione —
studiosa commendatione, quae
honorem illius (quum non
ipse, sed optimus quisque pro
eo ambiret,) valde augebat.
Hoc monendum duximus, ne
juvenes *suffragationem* cum
suffragii notione confundant.

per legem Mamiliam, quam
supra Cap. XL. exposuit, quam-
que fusius tractavit Cic. in
Bruto.

novos — homines, quorum
maiores non inclaruerant ma-
gistratibus administrandis.

CAP. LXVI. *omissa deditio-
ne*, mutato consilio non amplius
dedere se cupiens.

bellum incipit. Incipere h. l.
idem quod *renovare* propter
Ablativos absolutos, qui ante-
cedunt.

adfectare: in suas partes tra-

arma, tela, alia, quae spe pacis amiserat, reficere, aut commercari: servitia Romanorum adlicere, et eos ipsos, qui in praesidiis erant, pecunia tentare: prorsus nihil intactum, neque quietum pati: cuncta agitare. Igitur Vagenes, quo Metellus initio, Iugurtha pacificante, praesidium imposuerat, fatigati regis suppliciis, neque antea voluntate alienati, principes civitatis inter se conjurant: nam volgus, uti plerumque solet, et maxime Numidarum, ingenio mobili, seditiosum atque discordiosum erat, cupidum novarum rerum, quieti et otio adversum: dein, compositis inter se rebus, diem tertium constituunt; quod is festus celebratusque per omnem Africam ludum et lasciviam magis, quam formidinem ostentabat. Sed ubi tempus fuit, centu-

here, suas facere studere. Hanc esse verbi notionem rectissime cognoscitur e loco Vell. Patere. quem Cortius citavit: „Gallias saepe et *adfectavimus*, et amissimus.“ II. 39.

quae spe pacis amiserat, i. q. tradiderat hostibus, sperans fore, ut, his acceptis, pacem sibi concederent. Habet igitur *τὸ amittere* activam h. l. significationem.

intactum — inexpertum.

quo — in quorum oppidum. Cfr. Cap. XLVII, ubi res narratur.

Iugurtha pacificante. — Cfr. Cap. XLVI.

Suppliciis. Videmus, non formidine tantum, et „ostentando praemia,“ sed *precibus* quoque usum esse Iugurtham, quod patet e Cap. LVI, ubi „magna voce hortabatur Siccenses.“

discordiosum — Vox rarior, apud Sidonium tamen IX. ep. 3. obvia, facta ad similitudinem adjectivorum: *vinosus*, *ventosus*. Nam a Nominibus recte talia fingi docet Gellius III. 12. et excessum quendam iis denotari. A Verbis autem

riones tribunosque militares, et ipsum praefectum oppidi T. Turpilius Silanum, alius alium domos suas invitant: eos omnis, praeter Turpilius, inter epulas obtruncant: postea milites palantis, inermos, quippe in tali die ac fine imperio, adgrediuntur. Idem plebes facit, pars edocti ab nobilitate, alii studio talium rerum incitati: quis acta consiliumque ignorantibus tumultus ipse et res novae satis placebant.

CAPVT LXVII.

[Continuata caedis, quam frustra milites effugere studebant, descriptio. Turpilius unice servatus vitam ignominiosam morti praefert.]

Romani milites, improvise metu, incerti ignarique, quid potissimum facerent, trepidare ad arcem oppidi, ubi signa et scuta erant: prae-

derivata hujusmodi vocabula reprehendit, e. g. bibosus.

praefectum oppidi — militibus praepositum — den Commandanten.

Turpilius Silanus. „Hic, praefectus antea fabrum, capitis damnatus, a Metello occisus est, adnitente Mario, qui noverat, hospitem esse Metelli.“

inermos, quippe in tali die. Nam die festo milites arma deposuisse docet Herodianus II. 13.

acta consiliumque — factam inter epulas caedem, et consi-

lium de omni praesidio necando. Posset vero etiam *acta et consilium* per pleonasmum conjunctionem principum significare. Vix enim credibile est, caedem istam non esse divulgatam, praesertim die festo.

CAP. LXVII. *trepidare ad arcem.* Duplex intelligi potest sensus. Nam *trepidare* est *anxium esse*. Involvit vero etiam festinationis notionem, ut *trepidare ad arcem* possit esse: *trepide ad arcem fugere, seu festinare.*

sidium hostium, portae ante clausae fugam prohibebant; ad hoc mulieres puerique pro tectis aedificiorum laxa, et alia, quae locus praebebat, certatim mittere. Ita neque caveri anceps malum, neque a fortissimis infirmissimo generi resisti posse: juxta boni malique, strenui et imbelles inulti obtruncati. In ea tanta asperitate, saevissimis Numidis et oppido undique clauso, Turpilius unus ex omnibus Italicis profugit intactus: id misericordiane hospitis, an pactione, an casu ita evenerit, parum comperimus; nisi, quia illi in tanto malo turpis vita fama integra potior, improbus intestabilisque videtur.

pro tectis. Ne quis tironum putet: *pro tectis* esse nostrum: zum Schutze, zur Vertheidigung ihrer Häuser, quod credere possent vertentes: für ihre Wohnungen, *locum* hic denotari monemus, quo positi domos defendebant, quippe in superiori aedium parte, paulum prominente, quasi *ante tecta*, stantes. Sic etiam *pro cornibus*, *pro suggestu*, *pro tribunali* dicitur. Ceterum similia fortitudinis muliebris exempla narrant Thucyd. II. 4. et Curtius IV. 4.

anceps malum, quod a viris, tam principibus quam plebejis, et a mulieribus puerisque imminabat.

boni, idem fere h. l. quod

sequens strenui significat. Habet enim, sicut Graecum ἀγαθὸς fortitudinis notionem.

saevissimis Numidis, quum Numidae summam saevitiam crudelitatemque exercent.

nisi h. l. eandem, quam supra Cap. XXIV, vim habet. Reliqua enim se nescire profitetur, nec quidquam certi de fugae modo proferre posse, nisi hoc unum, quod, quum in tanta suorum calamitate turpem vitam praetulerit famae integrae, improbus intestabilisque videatur. *Intestabilis* autem dicitur, qui adeo fide indignus est, ut nec in testimonium advocari, nec testamentum facere possit.

CAPVT LXVIII.

[Metellus ad vindictam tantae contumeliae celeriter accurrit.]

Metellus, postquam de rebus Vagae actis comperit, paullisper moestus e conspectu abit: deinde, ubi ira et aegritudo permixta, cum maxuma cura ultum ire injurias festinat. Legionem, cum qua hiemabat, et, quam plurimos potest, Numidas equites pariter cum occasu solis expeditos educit: et postera die circiter horam tertiam pervenit in quamdam planitiem, locis paullo superioribus circumventam. Ibi milites fessos itineris magnitudine, et jam abnuentis omnia docet, *oppidum Vagam non amplius mille passuum abesse: decere illos reliquum laborem aequo animo pati, dum pro civibus suis, viris fortissimis atque miserrimis, poenas caperent.* Praeterea praedam benigne ostentat. Sic animis eorum arrectis, equites in primo late, pedites quam artissime ire, signa occultare jubet.

CAP. LXVIII. *e conspectu* — militum nempe suorum.

circiter horam tertiam h. e. secundum nostram computandi rationem, *hora nona.* Sexta enim hora, tam vespertina, quam matutina, Romanis prima erat.

circumventam — circumdatam.

abnuentis omnia — laborem quemcunque detrectantes.

ostentat — promittit, offert, *in primo* sc. ordine; ut alibi: *in extremo.*

late, intell. extensos. Oppo-

CAPVT LXIX.

[Equites Numidae, quos Metellus in primo agminis ordine collocaverat, Vagenſes, Iugurtham advenisse opinantes, vana laetitia complent. Portas igitur jam clauſas iterum aperiunt, egressique caeduntur, oppidum expugnatur, et agmini diripiendum traditur. Turpilius condemnatus poenas solvit.]

Vagenſes ubi animum advortere, ad se vorſum exercitum pergere: primo, uti erat res, Metellum rati, portas clauſere: deinde, ubi neque agros vaſtari, et eos, qui primi aderant, Numidas equites vident; rurſum Iugurtham arbitrati, cum magno gaudio obvii procedunt. Equites peditesque, repente ſigno dato, alii volgum effuſum oppido caedere; alii ad portas feſtinare; pars turris capere: ira atque praedae ſpes amplius, quam laſſitudo poſſe. Ita Vagenſes biduum modo ex perfidia laetati: civitas magna et opulens poenae cuncta, aut praedae fuit. Tur-

nitur enim τῷ *artiſſime*. Quod quum non animadvertiſſent librarii, deſideraſſentque nomen Subſtant., plerique ſcripſerunt *latere*. Haec autem vox nec auribus placeret, quia duo ſequuntur ejusdem terminationis verba, nec ad ſententiam auctoris apta foret.

CAP. LXIX. *rurſum Iugurtham arbitrati* h. e. non

amplius Metellum, ſed Iugurtham veniſſe putantes.

amplius, quam laſſitudo poſſe — plus valebat, quam laſſitudo; h. e. quod in ea, qua laborabant, laſſitudine facere nequiviſſent, id ira praedaeque ſpe incitati perficere valebant.

poenae cuncta. Rectius ordo verborum, pleriſque Mss. conſentientibus, invertitur: *cun-*

pilius, quem praefectum oppidi unum ex omnibus profugisse, supra ostendimus, jussus a Metello causam dicere, postquam sese parum expurgat, condemnatus, verberatusque capite poenas soluit. Nam is civis ex Latio erat.

C A P V T LXX.

[*Bomilcar* interim, *Iugurthae*, quem ad deditionem compellere studuerat, suspectus, cum *Nabdassa*, homine opulento nobilique, societatem inibat, regi insidiaturus. Facta conjuratione *Nabdassa*, metu tanti facinoris perculsus, rem aggredi dubitat. *Bomilcar* autem labantem ejus animum literis per nuntios fideles missis confirmare studet.]

Per idem tempus *Bomilcar*, cujus impulsu *Iugurtha* deditionem, quam metu deseruit, inceperat, suspectus regi, et ipse eum suspiciens, novas res cupere: ad perniciem ejus dolum quaerere; diu noctuque fatigare animum. Denique omnia tentando, socium sibi adjungit *Nabdassam*, hominem nobilem, magnis opibus, carum acceptumque popularibus suis: qui plerum-

cta poenae, aut praedae. Nam adject. *cuncta* ad poenam simul et praedam respicit, quum non omnes, sed nonnulli tantum cives (illi nempe, qui porta egressi fuerant) poenae, h. e. supplicio, omnes autem poenae aut praedae traditi sint. Qui enim mortem effugerant, eorum bona diripiebantur.

nam is civis ex Latio erat. Romanos igitur cives non morte, sed exilio mulctari potuisse, hic locus perspicue docet, quamvis Val. Max. praefectum quendam virgis caesum esse ref. L. II. Cap. 7. Enarrantur h. l. tironibus leges Porcia atque Sempronia.

que seorsum ab rege exercitum ductare, et omnes res exsequi solitus erat, quae Iugurthae fesso, aut maioribus adstricto superaverant: ex quo illi gloria opesque inventae. Igitur utriusque consilio dies insidiis statuitur: cetera, uti res posceret, ex tempore parari placuit. Nabdalla ad exercitum profectus, quem inter hiberna Romanorum iussus habebat, ne ager, inultis hostibus, vastaretur. Is postquam, magnitudine facinoris percussus, ad tempus non venit, metusque rem impediēbat; Bomilcar simul cupidus incepta patrandi, et timore loci anxius, ne, omisso veterē consilio, novum quaereret, litteras ad eum per homines fidelis mittit, *mollitiem secordiamque viri accusare, testari deos, per quos juravisset; praemia Metelli in pestem ne converteret; Iugurthae exitium adesse, ceterum suane, an virtute Metelli periret, id modo*

CAP. LXX. *exercitum ductare*. Hanc lect. recte tuetur Cortius doctiss. contra subtilitatem eorum, qui ἀσχρολογίαν in verbo *ductare* inesse putabant. Tacitus enim II. Hist. Cap. C. eadem formula usus est. Illis autem *ductare* idem, quod *sine ordine ducere*, videbatur.

cetera, u. r. p., ex tempore parari placuit — de ceteris nihil certi constitutum est, sed ea

in posterum, prout res posceret, statuenda esse arbitrati sunt.

inultis hostibus. Passive *inultis* dixit pro *impunitis*.

magnitudine facinoris percussus h. e. tam atrox et nefandum facinus, quod et difficile et periculosum foret, pertimescens.

ad tempus sc. constitutum.

praemia Metelli, pro rege capto traditoque speranda.

agitari: proinde reputaret cum animo suo, praemia, an cruciatum mallet.

CAPVT LXXI.

[Literae, ad Nabdassam missae, dormiente illo, quum in pulvino temere positae essent, a Numida quodam ablatae perleguntur. Nabdassa, experrectus, regem, ad quem ille abierat, placare studet.]

Sed cum hae litterae adlatae, forte Nabdassa, exercito corpore fessus, in lecto quiescebat. Vbi, cognitis Bomilcaris verbis, primo cura, deinde, uti aegrum animum solet, somnus cepit. Erat ei Numida quidam negotiorum curator, fidus acceptusque, et omnium consiliorum, nisi novissimi, particeps. Qui postquam adlatas litteras audivit, ex consuetudine ratus opera aut ingenio suo opus esse, in tabernaculum introivit: dormiente illo epistolam, super caput in pulvino temere positam, sumit ac perlegit. Dein propere, cognitis insidiis, ad regem pergit. Nabdassa, post paullo experrectus, ubi neque epistolam reperit, et rem omnem, uti acta, cognovit; primo indicem persequi conatus; postquam

CAP. LXXI. *cum adlatae* sc. essent. Durior ellipsis.

aegrum — curis anxium, dubitantemque.

negotiorum curator — quales principibus adesse sole-

bant. Cfr. Ammian. XXI. 26. Ejus generis homines litteras ad principes scriptas legere, argumenta earum enarrare, et intima cum illis consilia communicare debebant.

id frustra fuit, Iugurtham placandi gratia accedit, *quae ipse paravisset, perfidia clientis sui praeventa*: lacrumans obtestatur *per amicitiam, perque sua antea fideliter acta, ne super tali scelere suspectum sese haberet.*

CAPUT LXXII.

[Iugurtha, animi quiete simulata, Nabdassam securum reddit; Bomilcarem vero cum sociis multis interfici jubet. Postea terribili formidine, vesani hominis instar, exagitatur.]

Ad ea rex aliter, atque animo gerebat, placide respondit. Bomilcare aliisque multis, quos socios insidiarum cognoverat, interfectis, iram oppresserat: ne qua ex eo negotio seditio oriretur. Neque post id locorum Iugurthae dies, aut nox ulla quieta fuere: neque loco, neque mortali cuiquam, aut tempori satis credere: civis, hostis juxta metuere: circumspectare omnia, et

CAP. LXXII. *aliter, atque animo gerebat* — veros animi sensus dissimulans, quietem adfectans. Interdum enim *gerere pro habere* dici observat doct. Cortius.

post id locorum — post id temporis. Quum enim locorum aequae ac temporum intervalla cogitari possint, et certum quoddam tempus sit quasi definitus in omni temporum patio locus, vocabula ista saepe

pius inter se permutantur. Cfr. supra Cap. LXIII. et infra Cap. CII. init.

Sequitur nunc egregia perturbati, et curis vehementissimis exagitati animi effigies, quam juvenes diligenter contemplantur. Eadem fere animi anxietate Cromwellium, Angliae tyrannum, perturbatum esse narrant.

civis, hostis juxta etc. cives

omni strepitu pavescere; alio atque alio loco, saepe contra decus regium noctu requiescere: interdum somno excitus, arreptis armis tumultum facere. Ita formidine, quasi vecordia, excitari.

CAPVT LXXIII.

[Metellus, comperto Bomilcaris casu, ad bellum cuncta iterum parat; Marium Romam dimittit, qui, plebi in dies gratior, rogante Manilio Mancino, trib. plebis, invito Senatu, in Metelli locum succedit, bellumque gerendum suscipit.]

Igitur Metellus, ubi de casu Bomilcaris et indicio patefacto ex perfugis cognovit, rursus, tamquam ad integrum bellum, cuncta parat festinatque. Marium, fatigantem de profectione, simul et invitum, et offensum sibi, parum idoneum ratus, domum dimittit. Et Romae plebes, litteris, quae de Metello ac Mario missae erant, cognitis, volenti animo de ambobus ac-

non minus quam hostes pertimescebat.

alio atque alio — modo hoc, modo illo.

CAP. LXXIII. *tamquam ad integrum bellum* — non aliter ac si nunc denuo bellum restaurandum esset.

fatigantem de profectione, iterum iterumque petentem, ut sibi Romam proficisci liceret.

invitum, qui invitatus remanebat, propterea, quod Consulatum petiturus erat.

litteris cognitis, non lectis quidem litteris, sed cognito litterarum argumento.

volenti animo Mihi quidem praestant. Cortius in hisce vocibus interpretandis nimium argutiarum proferre videtur. Tertium enim, non sextum casum, intelligit, et ellipsin

ceperant. Imperatori nobilitas, quae antea decori, invidiae esse: at illi alteri generis humilitas favorem addiderat. Ceterum in utroque magis studia partium, quam bona, aut mala sua moderata. Praeterea seditiosi magistratus vulgum exagitare, Metellum omnibus concionibus capitis arcessere, Marii virtutem in majus celebrare. Denique plebes sic accensa, uti opifices agrestesque omnes, quorum res fidesque in manibus sitae erant, relictis operibus, frequentarent Marium, et sua necessaria post illius honorem ducerent. Ita, perculsa nobilitate, post

suspiciatur, ut: *volenti animo* sit: „quae erant animo illorum volenti h. e. grata. Quid autem vetat, has voces per *lubenter*, *lubenti animo* interpretari? Quippe lubenter *amborum* nomina resque gestas audiverat plebes, propterea quod Mario — homini obscuris parentibus nato — favebat.

in utroque, nempe in vituperando Metello, laudandoque Mario.

bona mala — virtutes et vitia.

moderata sc. sunt h. e. vigerunt, vim habuerunt atque momentum. Sic Livius: „neque suam cuique jus modum faciebat“ etc. III. 11.

seditiosi magistratus — tribu-

ni plebis, patriciorum dignitati gloriaeque invidentes. Cfr. Cat. Cap. I. Cic. II. Epist. 12. Flor. III. 23.

capitis — sc. crimine, aut iudicio. Vid. supra XXXII. init.

in majus celebrare — exaggerare.

res fidesque — Nostrum: Vermögen und Credit.

in manibus sitae erant, manuum opera, et labore sustentabantur.

post illius honorem ducerent — illius honori postponerent. Non tam suarum rerum, quae ad vitam sustentandam erant necessariae, quam consulatus ad Marium deferendi curam gerebant.

multas tempestates novo homini consulatus mandatur. Et postea populus a Tribuno plebis Manilio Mancino rogatus, QVEM VELLE ET CVM IVGVRTHA BELLVM GERERE? frequens Marium iussit. Senatus paullo ante Metello decreverat: ea res frustra fuit.

C A P V T LXXIV.

[Iugurtha interim, anxius ac fere desperans, cum Metello, repente obviam facto, pugnare coactus, pulsus fugatisque militibus, nonnihil signorum armorumque amittit.]

Eodem tempore Iugurtha, amissis amicis, quorum plerosque ipse necaverat, ceteri formidine, pars ad Romanos, alii ad regem Bocchum profugerant; cum neque bellum geri sine administris posset, et novorum fidem in tanta perfidia veterum experiri periculosum duceret, varius incertusque agitabat: Neque illi res, neque consilium aut quisquam hominum satis placebat: itinera praefectosque in dies mutare: modo ad-

post multas tempestates. Non urbae civiles sunt intelligendae, sed *tempora*. Hanc enim notionem apud historicos melioris notae illi vocabulo subesse recte observat doct. Cort. Idem ergo est, quod: post longam annorum seriem. Similis honor contigit longo post Ma-

rium intervallo Ciceroni. Vid. Cat. XXIII. 6.

CAP. LXXIV. *ad regem Bocchum* — Mauritaniae regem cfr. Cap. XIX.

Neque illi res, neque consilium — h. e. neque id quod factum erat, neque quod fieri placuerat.

vorsum hostes, interdum in solitudines pergere: saepe in fuga, ac post paullo spem in armis habere: dubitare, virtuti popularium, an fide minus crederet. Ita, quocumque intenderat, res adversae erant. Sed inter eas moras repente sese Metellus cum exercitu ostendit. Numidae ab Iugurtha pro tempore parati instructique: dein praelium incipitur. Qua in parte rex adfuit, ibi aliquamdiu certatum: ceteri omnes (ejus milites) primo concursu pulsi fugatique. Romani signorum et armorum aliquanto numero, hostium paucorum potiti. Nam ferme Numidas in omnibus praeliis pedes magis, quam arma tuta sunt.

CAPUT LXXV.

[*Summa Capitum LXXV et LXXVI.* Rex, iterum victus, eoque magis rebus suis diffidens, urbem *Thalam*, longo desertorum locorum intervallo ab illis regionibus, ubi pugnatum erat, distantem, fuga petit. Metellus sequitur fugientem, impedimentisque itineris feliciter victis, oppidum illud, quod Iugurtha, adventu Cos. cognito, reliquerat, obsidione cingit, atque expugnat. Incolae autem se ipsi in flammam projiciunt.]

fide pro *fidei*, ut alibi: *die*,
acie pro: *diei*, *aciei*. Conf.
Cap. XVI.

quocumque intenderat — quocumque se converteret, seu, quodcumque consilii caperet.

pro tempore, quantum licuit per temporis angustiam.

pedes magis quam arma tuta sunt Numidas h. e. Numidae pedum celeritate magis, quam armorum usu incolumes se praestiterunt.

Ea fuga Iugurtha impensius modo rebus suis diffidens cum perfugis et parte equitatus in solitudines, dein Thalam pervenit, in oppidum magnum et opulentum, ubi plerique thesauri, filiorumque ejus multus pueritiae cultus erat. Quae postquam Metello comperta, quamquam inter Thalam flumenque proximum, spatio milium quinquaginta, loca arida atque vasta esse cognoverat; tamen spe patrandi belli, (si ejus oppidi potitus foret) omnis asperitates supervadere, ac naturam etiam vincere adgreditur. Igitur omnia jumenta sarcinis levare jubet, nisi frumento dierum decem: ceterum utres modo, et alia aquae idonea portari. Praeterea conquirat ex agris, quam plurimum potest, domiti pecoris; eoque imponit vasa cujusque modi, pleraque lignea, collecta ex tuguriis Numidarum. Ad hoc finitumis imperat, qui se post regis fugam Metello dederant, quam plurimum quisque aquae

CAP. LXXV. *Impensius modo non est nostrum: nur desto heftiger, sed: nimis impense, h. e. nimis vehementer.*

multus p. cultus, ein glänzender Hofstaat. *Pueritiae cultus* filiorum, atque liberorum omnino, splendidam educationem significat.

patrandi — conficiendi.

naturam etiam — naturam

PARS II.

ipsam, h. e. arida et aspera loca.

vincere sc. consilio, dum aquam, a natura sibi denegatam, adferri curabat.

nisi frumento dierum decem, excepto frumento, quod ad iter decem dierum requirebatur.

utres — vasa e corio facta.

eoque tamquam Adverbio utitur pro usitatori *eique*. Cfr. Cap. LXVI.

L

portarent, diem locumque, *ubi praesto fuerint praedicat*. Ipse ex flumine, quam proxumam oppido aquam supra diximus, jumenta onerat: eo modo instructus ad Thalam proficiscitur. Deinde ubi ad id loci ventum, quo Numidis praeceperat, et castra posita munitaque sunt; tanta repente coelo missa vis aquae dicitur, ut ea modo exercitui satis superque foret. Praeterea commeatus spe amplior: quia Numidae, sicuti plerique in nova deditione, officia intenderant. Ceterum milites religione pluvia magis usi: eaque res multum animis eorum addidit. Nam rati sese dis immortalibus curae esse. Deinde postero die, contra opinionem Iugurthae, ad Thalam perveniunt. Oppidani, qui se locorum asperitate munitos crediderant, magna atque insolita re perculsi, nihilo segnius bellum parare: idem nostri facere.

ubi praesto fuerint praedicat etc. pro quo alii: *forent*. „Vtrumque suspectum videtur et a sciolis infartum.“

quam ad sequ. aquam re-feras.

proxumam oppido — non ita proximam, ut ex urbe prodeuntes ad flumen statim pervenirent, sed longo intervallo

proxumam, ut inter urbem flumenque remotum nihil medium exstaret.

officia intenderant — auxerant. Studiosius commeatum adtulerant, quam exspectari poterat.

religione — grato pioque erga deos, quos pluviam demisisse autumabant, animo.

CAPVT LXXVI.

Sed rex nihil jam infectum Metello credens, quippe qui omnia, arma, tela, locos, tempora, denique naturam ipsam, ceteris imperitantem, industria vicerat, cum liberis et magna parte pecuniae ex oppido noctu profugit: neque postea in ullo loco amplius una die, aut una nocte moratus, simulabat sese negotii gratia properare; ceterum prodicionem timebat, quam vitare posse celeritate putabat. Nam talia consilia per otium, et ex opportunitate capi. At Metellus ubi oppidanos praelio intentos, simul oppidum et operibus, et loco munitum videt, vallo fossaque moenia circumvenit. Deinde locis ex copia maxime idoneis vineas agere, aggerem jacere, et super aggerem impositis turribus opus et administratos tutari. Contra haec oppidani festinare, parare: prorsus ab utrisque nihil reliquum fieri. Denique Romani, multo ante labore praeliisque fatigati, post dies quadraginta, quam eo ventum erat, oppido modo potiti: praeda

L 2

CAP. LXXVI. *nihil jam infectum Metello* — nihil non (omnia) Met. perficere posse. Sic Latini *invictus* pro *invincibili*, *inaccessus* pro: *inaccessibili*.

talia consilia sc. prodicionis. Simillimus Caesaris locus legitur II. Civ. Cap. 30.

nihil reliquum fieri — nihil negligi, quod ad defensionem expugnationemque pertineret.

omnis ab perfugis corrupta. Ii postquam murum arietibus feriri, resque suas adflictas vident, aurum atque argentum, et alia, quae prima ducuntur, domum regiam comportant: ibi vino et epulis onerati, illaque, et domum, et semet igni corrumpunt; et quas victi ab hostibus poenas metuerent, eas ipsi volentes pependere.

CAPUT LXXVII.

[Leptitanorum legati ad Metellum venientes, contra Hamilcarem quemdam, civem factiosum, auxilium petunt. Quatuor eo cohortes, quibus C. Annius praeerat, sine mora mittuntur.]

Sed pariter cum capta Thala legati ex oppido Lepti ad Metellum venerant, orantes, *uti praesidium praefectumque eo mitteret; Hamilcarem quemdam, hominem nobilem, factiosum, novis rebus studere; adversum quem neque imperia magistratuum, neque leges valerent: ni id festinaret, in summo periculo suam salutem, illorum socios fore.* Nam

prima. Vid. de h. vocis significato Cat. Cap. XXXVI.

CAP. LXXVII. Pariter cum capta Thala. Simulac T. capta erat.

ni id festinaret — ni celeriter milites cum praefecto mitteret.

illorum socios. Moneantur h. l. juvenes, adpositam vocem

non semper antecedentis casu proferri. Vulgaris enim constructio Genitivum requireret: „suam — sociorum P. R. — salutem.“ Verum plura huiusmodi anomaliae exempla et apud Nostrum et alibi reperiuntur. Vnum e Livio citatum adjungimus: Il. 3. „Erant adolescentes, quorum in regno

Leptitani jam inde a principio belli Iugurthini ad Bestiam consulem, et postea Romam miserant, amicitiam societatemque rogatum. Deinde, ubi ea impetrata, semper boni fidelesque mansere, et cuncta a Bestia, Albino Metelloque imperata navi fecerant. Itaque ab imperatore facile, quae petebant, adepti. Emissae eo cohortes Ligurum quatuor, et C. Annius praefectus.

CAPVT LXXVIII.

[Inserta est oppidi Leptis, a Sidoniis conditi, brevis historia.]

Id oppidum ab Sidoniis conditum, quos accepimus profugos ob discordias civilis, navibus in eos locos venisse: ceterum situm inter duas Syrtis, quibus nomen ex re inditum. Nam duo sunt sinus prope in extrema Africa, impares ma-

libido solutior fuerat, *aequales sodalesque adolescentium Tarquiniorum.*

Nam Leptitani etc. Bene cum anteced. haec conjuncta videbis, siquidem ad voces illorum *socios* respicies, quae nihil aliud significant, quam: „cum sint illorum socii, dignique praee aliis, qui defendantur.

boni fidelesque. Sic etiam supra de Masinissae erga P. R. animo: „amicitia Masinissae bona atque honesta nobis permansit. V. Cap. 5.

navi i. q. gnavi — strenui, diligentes. Alii *nave* legunt, quod adverbium occurrit apud Plautum, sicut *ignave* apud Ciceronem II. Tusc. Quae est. 23. Noster autem Adjectiva pro Adverbiis ponere amat.

CAP. LXXVIII. *ab Sidoniis conditum.* Plinius Tyrios vocat conditores, facili populorum ejusdem originis permutatione.

quibus nomen ex re inditum, nempe a *trahendo*, ἀπὸ τῆς αἰτίας.

gnitudine, pari natura: quorum proxima terrae praealta sunt; cetera, uti fors tulit, alta; alia in tempestate vadosa. Nam ubi mare magnum esse, et saevire ventis coepit, limum arenamque et saxa ingentia fluctus trahunt: ita facies locorum cum ventis simul mutatur. Ejus civitatis lingua modo conversa connubio Numidarum: leges, cultusque pleraque Sidonica. Quae eo facilius retinebant, quod procul ab imperio regis aetatem agebant. Inter illos et frequentem Numidiam multi vastique loci erant.

CAPUT LXXIX.

[Regionum, de quibus paulo ante locutus erat, situ admonitus Sallustius noster memorabile facinus duorum Carthaginiensium historiae intexit, qui voluntariam pro patria mortem, eamque acerbissimam, intrepidi oppetiverunt.]

Sed quoniam in has regiones per Lepitano-

quorum proxima terrae —
quorum ea pars, quae ad terram continentem proxime jacet,
alia in tempestate, alio rursus tempore.

modo pro tantummodo, ut supra Cap. LXXVI.

leges, cultusque pleraque.
Duplex horum vocabulorum conjunctio cogitari potest. Nam vel tō pleraque ad utramque vocem antecedentem referre, vel cultus pro secundo casu ac-

cipere licet, ut *cultus pleraque* idem sit quod: *plerique cultus*. Suis autem legibus vixisse Leptitanos vel ex eo liquet, quod, bello incipiente, „Romanam miserunt, amicitiam societatemque rogatum.“

procul a. i. r. a. agebant,
procul aberant a rege.

frequentem, oppidis nempe et cultoribus.

CAP. LXXIX. *Sed quoniam* etc. Conferantur cum elegan-

rum negotia venimus; non indignum videtur egregium atque mirabile facinus duorum Carthaginiensium memorare. Eam rem locus admonuit. Qua tempestate Carthaginienses pleraeque Africae imperitabant, Cyrenenses quoque magni atque opulenti fuere. Ager in medio arenosus, una specie: neque flumen, neque mons erat, qui finis eorum discerneret; quae res eos in magno diuturno bello inter se habuit. Postquam utrimque legiones, item classes fusae fugataeque, et alteri alteros aliquantum adtriverant, veriti, ne mox victos victoresque defessos alius adgrederetur, per inducias sponsonem faciunt, *uti certo die legati domo profiscerentur; quo in loco inter se obvii fuissent, is communis utriusque populi finis haberetur.* Igitur Carthagine duo fratres missi, quibus nomen Philaenis erat, maturavere iter pergere: Cyrenenses tardius iere. Id secordiane, an casu accide-

tissima hac digressionem ordinandi formula similes loci Cat. Cap. V. Iug. C. XVII. Corn. Nep. Pelop. Cap. III. Caesar Gall. VI. XI.

pleraeque Africae. Ne quis singularem h. Adjectivi suspectum temere putet, in memoriam revocamus, supra C. LIV. *plerumque exercitum* scriptum esse.

Cyrenenses; quorum oppidum Cyrene descriptum vides C. XIX. Cyrenaica ab iisdem nomen duxit.

una specie — neque flumine, neque monte ullo distinctus, ut fines utriusque ditionis naturali termino nusquam discerni possent.

alius — externus hostis.

rit, parum cognovi. Ceterum solet in illis locis tempestas haud secus, atque in mari retinere. Nam ubi per loca aequalia et nuda gignentium ventus coortus arenam humo excitavit, ea magna vi agitata, ora oculosque implere solet: ita prospectu impedito, morari iter. Postquam Cyrenenses aliquanto posteriores se vident, et ob rem corruptam domi poenas metuunt; criminari, Carthaginienses ante tempus domo digressos, conturbare rem: denique omnia malle, quam victi abire. Sed cum Poeni aliam conditionem, tantummodo aequam, peterent, Graeci optionem Carthaginiensium faciunt, *vel illi, quos finis populo suo peterent, ibi vivi obruerentur; vel eadem conditione sese, quem in locum vellent, processuros.* Philaeni, conditione probata, seque vitamque reipublicae condonavere. Ita vivi obruti. Carthaginienses in eo loco Philaenis fratribus aras consecravere;

Ceterum — -- *retinere.* Cfr. Curt. IV. 7. Senec. Herc. Fur. v. 319.

retinere i. e. retardare euntem.

a. e. nuda gignentium — plana et arboribus atque fruticetis carentia.

morari iter suppl. ex antec. *solet ventus.*

aliquanto posteriores, paulo tardius progressos.

optionem C. faciunt, ex dua-

bus propositis conditionibus alteram eligere jubent Carthaginienses.

quos finis p. f. peterent etc. illic, ubi fines ditionis suae constitui vellent.

eadem conditione sc. ut vivi obruerentur.

aras consecravere. „Strabonis aetate, inquit Cortius, illae arae non existabant; Plinius ex arena fuisse testatur.

aliique illis domi honores instituti. Nunc ad rem redeo.

C A P V T LXXX.

[Iugurtha, suis rebus non amplius confidens, Gae-
tulorum catervos conquirat, muneribusque et promissis re-
gem Bocchum, cujus filiam in matrimonium duxerat, ad
societatem belli contra Romanos pellicere studet.]

Iugurtha postquam, amissa Thala, nihil satis
firmum contra Metellum putat, per magnas soli-
tudines cum paucis profectus, pervenit ad Gae-
tulos, genus hominum ferum incultumque, et
eo tempore ignarum nominis Romani. Eorum
multitudinem in unum cogit: ac paullatim con-
suefacit ordines habere, signa sequi, imperium
observare, item alia militaria facere. Praeterea
regis Bocchi proximos magnis muneribus, et
majoribus promissis ad studium sui perducit.
Quis adiutoribus regem adgressus, impellit, uti
advorsum Romanos bellum suscipiat. Id ea gra-
tia facilius proniusque fuit, quod Bocchus initio

CAP. LXXX. *proximos — i.*
q. alias consiliarios, amicos.

ad studium sui perducit — in
suas partes trahit.

regem adgressus. Adgredi
idem fere est, quod tentare.

ea gratia — propterea. Ean-
dem vocum combinationem
vidimus Cap. LIV: „id ea gra-

tia eveniebat, quod praeter re-
gios equites — nemo regem
sequitur.

facilius proniusque — h. e.
facilius factu propter Bocchi
proram ad bellum suscipien-
dum voluntatem. Recte igitur
negat doctiss. Curtius pleonas-
mum his vocibus inesse.

hujusce belli legatos Romam miserat, foedus et amicitiam petitem. Quam rem opportunissimam incepto bello pauci impediverant, caeci avaritia, quis omnia honesta atque inhonesta vendere mos erat. Etiam antea Iugurthae filia Bocchi nupserat. Verum ea necessitudo apud Numidas Maurosque levis ducitur: quod singuli, pro opibus quisque, quam plurimas uxores, denas alii, alii plures habent; sed reges eo amplius. Ita animus multitudinem distrahitur; nulla pro socia obtinet: pariter omnes viles sunt.

CAPUT LXXXI.

[Vtriusque regis exercitus loco destinato conveniunt. Ibi Iugurtha Bocchum Romanis infestiores reddere studet. Ad urbem Cirtam progredi constituunt.]

Igitur in locum ambobus placitum exercitus conveniunt. Ibi, fide data et accepta, Iugurtha

opportunissimam incepto bello — quamvis in belli initio tale foedus utilissimum Romanis fuisset.

quis — quibus.

quis o. h. atque inh. vendere mos erat. Ecce iterum sententiam ad taedium usque repetitam, cujus frequentissima repetitio mihi quidem persuasit, praecipuum Nostri finem in historia conscribenda huic fuisse, ut corruptos civitatis

mores depingeret, Romamque venalem fuisse demonstraret.

animus multitudine distrahitur. — Multitudo uxorum facit, ut amoris constantia fidelitasque tollatur; ut vaga sit torpeatque charitas.

nulla pro socia obtinet — nulla obtinet sociae locum; seu: nulla uxoris unice dilectae obtinet locum ac dignitatem.

viles sunt — contemnantur.

Bocchi animum oratione accendit: *Romanos injustos, profunda avaritia, communis omnium hostis esse: eandem illos causam belli cum Boccho habere, quam secum et cum aliis gentibus, lubidinem imperitandi; quis omnia regna advorsa sint: tum sese, paullo ante Carthaginenses, item regem Persen, post, uti quisque opulentissimus videatur, ita Romanis hostem fore.* His atque aliis talibus dictis ad Cirtam oppidum iter constituunt: quod ibi Metellus praedam captivosque et impedimenta locaverat. Ita Iugurtha ratus, aut, capta ur-

CAP. LXXXI. *profunda.* Hoc vocabulo insatiabilis lubido, quae ob vastitatem atque profunditatem expleri nequit, notatur. Eadem fere sententia subest verbis supra Cap. V. Catil. obviis: „*Vastus* animus immoderata, incredibilia, nimis alta semper cupiebat.“ Sic Apulej. ventrem edacis „*profundum*“ nominat. — Sed habendi inprimis cupido, quae modum excedit, *profunda* vocatur.

eandem i. causam belli cum Boccho habere — h. e. eadem impelli eos posse ad bellum B. inferendum. Nondum enim bellare coeperant adversus Bocchum. Ceterum vox „*causam*“ ad Accusativum sequentem, non ad avaritiam, referenda est. *quis etc.* — quibus, sc. in-

justis Romanis, omnia regna advorsa sint, propter aemulationem, ab aliis quoque auctoribus reprehensam. Vid. Flor. III. 7. quibus adjicio, quae Cortius citavit, Mithridatis verba: „Omnia non serva, et maxume *regna* hostilia ducunt. Namque pauci libertatem, pars magna justos *dominos* volunt: nos suspecti sumus *aemuli*, et in tempore *vindices* adfuturi.

tum — nunc, eo sc. quo loquatur, tempore.

uti q. o. videatur sc. Romanis. Opulenti autem non divites tantum, sed omnino ii, qui opibus imperioque polent, vocantur.

His atque a. t. dictis, i. q. post haec atque a. talia dicta; nisi forte supplere velis: incensi.

be, operae pretium fore; aut, si Romanus auxilio suis venisset, praelio sese certaturos. Nam callidus id modo festinabat, Bocchi pacem imminuere; ne moras agitando, aliud, quam bellum, mallet.

CAPUT LXXXII.

[Metellus, cognita regum societate, castra prope Cirtam metatur, hostes expectaturus. Interim Numidiam Mario demandatam esse comperit, eoque nuntio graviter commovetur.]

Imperator postquam de regum societate cognovit, non temere, neque, uti saepe jam victo Iugurtha consueverat, omnibus locis pugnandi copiam facit: ceterum haud procul ab Cirta, castris munitis, regis opperitur; melius ratus, cognitis Mauris, quoniam is novus hostis accesserat, ex commodo pugnam facere. Interim Roma per litteras certior fit, provinciam Numidiam Mario datam. Nam consulem factum, jam an-

operae pretium — earum nempe rerum, quas Metellus ibi locaverat, direptione.

id m. festinabat — id abundanter additum est, ex more Sallustii.

CAP. LXXXII. *saepe jam victo Iugurtha* — ob victoriam, quam saepe de I. reportaverat.

Fortuna enim audaciorem ac fere temerarium reddiderat Consulem.

regis — reges.

cognitis Mauris — explorata Maurorum virtute. Nam cognoscere h. l. idem est quod tentare, seu experiri, quid hostes virtute possent. Cfr. Caes. Gall. II. 8.

tea acceperat. Quis rebus supra bonum atque honestum perculsus, neque lacrimas tenere, neque moderari linguam: vir egregius in aliis artibus, nimis molliter aegritudinem pati. Quam rem alii in superbiam vortebant: alii bonum ingenium contumelia accensum esse: multi, quod jam parta victoria ex manibus eriperetur. Nobis satis cognitum, illum magis honore Marii, quam injuria sua excruciatum, neque tam anxie laturum fuisse, si adempta provincia alii, quam Mario, traderetur.

CAPVT LXXXIII.

[Itaque, ne diutius vitae periculum frustra subiret, missis ad Bocchum de pace legatis, tempus terit.]

Igitur eo dolore impeditus, et quia stultitiae videbatur alienam rem periculo succurrere, legatos ad Bocchum mittit, postulatum, *ne sine caussa hostis populo Romano fieret: habere eum magnam copiam societatis amicitiaeque conjungendae, quae potior bello esset; quam-*

supra bonum atque honestum
— tam vehementer, ut et officium viri fortis, et dignitatem imperatoriam laederet. Nam honestum h. l. idem est, quod decorum.

accensum esse sc. ducebant, cujus verbi notio latet in antecedenti: *vortebant.*

bonum ingenium c. a. e. virum ceteroqui bonum contumelia incensum esse, non igitur in superbiam verti debere ejus vehementem adfectum.

multi sc. hanc esse doloris causam arbitrabantur.

CAP. LXXXIII. *quae potior*

quam opibus confideret, non debere incerta pro certis mutare: omne bellum sumi facile, ceterum aegerrume desinere: non in ejusdem potestate initium ejus et finem esse: incipere cuivis, etiam ignavo licere: deponi, cum victores velint. Proinde sibi regnoque consuleret; neu florentis res suas cum Iugurthae perditis misceret. Ad ea rex satis placide verba facit: sese pacem cupere, sed Iugurthae fortunarum misereri. Si eadem illi copia fieret, omnia conventura. Rursus imperator contra postulata Bocchi nuncios mittit. Ille probare, partim abnuere. Eo modo saepe ab utroque missis remissisque nunciis tempus procedere, et, ex Metelli voluntate, bellum intactum trahi.

bello esset — quae bello esset praeferenda.

omne bellum sumi facile — h. e. incipi. Vid. supra Cap. XX. cfr. Tacit. Hist. IV. Cap. LXIX. ubi eadem fere sententia.

non in ejusdem pot. initium ejus et finem esse, non ab eodem, qui inceperit, bellum finiri posse. — Adponere juvat similem Lactantii locum (VI. 6.) „Id suscipere facile est, implere difficile, quia, cum te certamini, congressionique com-

miseris, in arbitrio Dei, non tuo, posita victoria est.

si eadem illi copia fieret, si Iugurthae similis daretur in gratiam cum Romanis redeundi opportunitas.

omnia conventura, omnem belli causam sublatum iri — in omnibus facile se consensuros esse. Nam „conveniunt illa, in quibus utraque pars consentiant.“

partim abnuere. Discant ex h. l. tirones, non duas semper particulas relativas sibi invicem opponi.

CAPVT LXXXIV.

[Marius interim Consul creatus nobilitatem sibi inviam vehementius infestat, milites undique, non abnuente Senatu, conquirat, et coram populo congregato verba facit, ad exagitandos patricos aptissime composita.]

At Marius, ut supra diximus, cupientissima plebe Consul factus, postquam ei provinciam Numidiam populus iussit, antea jam infestus nobilitati, tum vero multus atque ferox instare: singulos modo, modo universos laedere: dictitare, *sese consulatum ex victis illis spolia cepisse*; alia praeterea magnifica pro se, et illis dolentia. Interim, quae bello opus erant, prima habere: postulare legionibus supplementum, auxilia a populis et regibus sociisque arcessere: praeterea ex Latio fortissimum quemque, ple-

CAP. LXXXIV. *Cupientissima plebe*, cum summo plebis favore. Cupere enim h. l. idem est, quod: *studere alicui, favore.*

jussit, sc. *dari*, quod verbum in hac dictione semper omitunt scriptores optimae notae. Sed pronomen *ei*, quod antecessit, pendet a verbo omisso.

multus atque ferox h. e. multum ferociter, seu: saepe et ferox. Nam hoc loco *iterationis* tantum et *contentionis* notio in voce priori latere videtur; mit *wiederholter Hestig-*

keit, quamvis inveniuntur passim loci, in quibus τὸ *multus* pro *moroso* ac *gravi* accipiendum est.

consulatum ex victis illis spolia cepisse, se invitis patriciis cons. obtinuisse, et victis illis, tamquam spolia, e certamine reportasse.

alia praeterea sc. dictitabat.

magnifica pro se, h. e. quae suam laudem augerent, et illis *dolentia*, illis dolorem adferrent.

prima habere — ante alia omnia curare (pro: habebat).

rosque militiae, paucos fama cognitos accire, et ambiendo cogere homines emeritis stipendiis (secum proficisci). Neque illi senatus, quamquam adversus erat, de ullo negotio abnuere audebat; ceterum supplementum etiam laetus decreverat; quia neque plebi militia volenti putabatur, et Marius aut belli usum, aut studium volgi amissurus. Sed ea res frustra sperata tanta lubido cum Mario eundi plerosque invaserat. Sese quisque praeda locupletem, victorem domum rediturum, alia hujusmodi animis trahebant. Et eos non paullum oratione sua Marius arrexerat. Nam postquam, omnibus, quae postulaverat, decretis, milites scribere volt, hortandi causa simul, et nobilitatem, uti consue-

pl. militiae, paucos fama cognitos. Sic diversos casus conjungere amat Noster. Vtrumque enim dici posse: alicujus rei (sc. nomine, laude, gloria) et aliqua re cognitum esse — nemo ignorat. Similium dictionum exempla attulit doctissimus Cortius. Ceterum hic est verborum sensus: plerosque commilitones in bello habuerat, paucos etc. etc.

ambiendo cogere. Non de vi cogitandum est, quae in emeritis locum non habebat, sed *a. c.* nihil aliud est, quam *persuadendo, rogando, pollicendo compellere.*

plebi volenti, ex Graecismo positum videtur pro: plebi volens, h. e. grata, cupita. Simili soloecismo, Graecum sermonem imitantes, utimur, quum dicimus: „liceat mihi loquenti, pro loqui,“ et: illi est Nomen Cajo.

belli usum — emolumenta ex bello sperata.

animis trahebant — sibi persuadebant, fingeant.

omnibus decretis — cum S. omnia, quae postulaverat, ei concessisset.

verat, exagitandi, concionem populi advocavit. Deinde hoc modo disseruit.

CAPUT LXXXV.

[Sequitur Marii praestantissima, omnique orationis nitore abundans oratio, qua, suscepti muneris gravitate ac difficultate exposita, suas virtutes, suam belli peritiam, corporis firmitatem, animi praesentiam, non sine ostentatione et acrimonia, nobilitati generis, qua freti patriciorum plerique summos sibi honores deposcant, opponit. Et quo facilius populi amorem sibi conciliaret, iterum dat optionem praesentibus, utrum se malint, an alium contra Iugurtham mittere. Sciebat enim, comparatione facta, neminem se peritiorum inventum iri. Quae praeterea de generis nobilitate tam graviter, quam vere profitetur, ea juvenibus majorum virtute superbientibus non satis possunt commendari. Vt breviter dicam, omnis oratio digna est, quae iterum iterumque legatur.]

Scio ego, Quirites, plerosque non isdem artibus imperium a vobis petere, et, postquam adepti sunt, gerere: primo industrios, supplicis, modicos esse; dehinc per ignaviam et superbiam aetatem agere. Sed mihi contra

CAP. LXXXV. *non isdem artibus*, cfr. Cat. Cap. II., imperium facile iis artibus retinetur, quibus initio partum est. Et locum Plauti simillimum in Capt. A. II. Sc. I. v. 36.

Sensus est: Scio, plerosque non iisdem virtutibus, quas,

dum petunt imperium, simulare solent, munera sibi demandata gerere.

modicos — moderatos, alienos a superbia.

Sed mihi contra ea videtur, h. e. mihi id videtur, quod est contra ea. Sensus est: Non idem

ea videtur. Nam quo universa respublica pluris est, quam consulatus aut praetura, eo majore cura administrari, quam haec peti debere. Neque me fallit, quantum cum maximo beneficio vestro negotii sustineam. Bellum parare, simul et aerario parcere; cogere ad militiam, quos nolis offendere; domi forisque omnia curare; et ea agere inter invidos, occursantis, factiosos, opinione, Quirites, asperius est. Ad hoc, alii si deliquere, vetus nobilitas, majorum facta fortia, cognatorum et adfinium opes, muliae clientelae, omnia haec praesidio adsunt: mihi spes omnes in memet sitae, quas necesse est et virtute, et innocentia tutari. Nam alia infirma sunt. Et illud intellego, Quirites: omnium ora in me conversa esse: aequos bonosque favere: quippe benefacta mea reipublicae procedunt; nobilitatem locum invadendi quae-

mihi est propositum. Ego contra, quam spem nunc de me excito, ei satisfacere studebo.

quo u. r. pluris est, quanto gravius sanctiusque est, de universa republica bene mereri, quam praeturae aut consulatus honorem sibi quaerere.

dabere sc. mihi videntur. Nam Infinitivus hic pendet a periodo antecedente.

quantum c. m. b. v. negotii

sustineam — quanta et quam gravia sint imperatoriae dignitatis officia.

occurantis — contra nites, inimico animo resistentes.

praesidio adsunt, ad excusationem delictorum in promptu sunt.

alia — sc. adminicula, praesidia mea.

procedunt, quod alias est: prospere cedunt, prosunt, idh.

rere. Quo mihi acrius adnitendum est, ut neque vos capiamini, et illi frustra sint. Ita ad hoc aetatis a pueritia fui, ut omnis labores, pericula consueta habeam. Quae ante vestra beneficia gratuito faciebam, ea uti, accepta mercede, deferam, non est consilium, Quirites. Illis difficile est in potestatibus temperare, qui per ambitionem sese probos simulavere: mihi, qui omnem aetatem in optimis artibus egi, benefacere jam ex consuetudine in naturam vertit. Bellum me gerere cum Iugurtha jussistis; quam rem nobilitas aegerru-

M 2

I. pro: computantur, considerantur dictum videtur. Cfr. Ovid. Heroid. Ep. IX. v. 109.

locum invadendi, opportunitatem accusandi, et reprehendendi.

neque Vos capiamini, sc. ab invida nobilitate, quae obtrectatione et calumniosa factorum meorum interpretatione Vestrum favorem a me abalienare studebunt.

neque — et ex more Sallustii, et aliorum. Ceterum frustra esse idem est quod: spe excidere, decipi, incassum laborare. Vid. Plaut. Merc. A. III. Sc. I. v. 30.

Ita — — fui. Conjunctio pronominis demonstrativi loco posita est. Plerumque enim

dicitur: is fui. Dicas etiam: fui pro vixi positum esse.

a. mercede. Mercedem vocat beneficia, h. e. imperium sibi delatum.

deferam. Deferere h. l. est negligere, non amplius exercere.

consilium — animo propositum.

per ambitionem, sc. quo facilius simulata moderatione summos honores adipiscerentur.

benefacere. Huic verbo hoc certe loco non inest munificentiae, quam inopibus praestamus, notio; sed idem est, quod honeste agere.

quam rem nobilitas etc. — idque patricii aegerrume tulerunt.

me tulit. Quaeso, reputate cum animis vestris, num id mutare melius sit, si quem ex illo globo nobilitatis ad hoc, aut aliud tale negotium mittatis, hominem veteris prosapiae ac multarum imaginum, et nullius stipendii: scilicet ut in tanta re, ignarus omnium, trepidet, festinet, sumat aliquem ex populo monitorem officii. Ita plerumque evenit, ut quem vos imperare iussistis, is imperatorem alium quaerat. Ac ego scio, Quirites, qui postquam Consules facti sunt, acta majorum

num id mutare melius sit — num imperii summam ad me delatam in alium conferre malitis. — Ceterum verba: *id mutare* abundant, salvoque sensu abesse possent.

globo nobilitatis — aus dem Kreise, dem Haufen d. A. „Est enim globus multitudo, seu manus conglobata.“ Contemnere autem videtur nobilitatem, dum hisce vocibus multitudinem patriciorum notat.

veteris prosapiae. Quum vetustate generis plerumque gloriaretur illius aequae ac nostri aevi nobilitas, et majorum virtutes velut hereditate sibi traditas esse autumaret, non sine causa *veteris prosapiae et imaginum* (der Ahnenbilder), quas in atrio positas sanctissime colebant, meminit Noster, et „in re veteri vetusto etiam vocabulo utitur.“ Obsoletam

enim fuisse vocem *prosapiam* (ut nostrum: Sippschaft) testatur Cicero.

et nullius stipendii. Salluste haec verba, tanquam et iis quaedam vis ad laudandum inesset, adjungit antecedentibus, quum dedecori potius quilibet vir bonus sibi ducere debeat, stipendia non meruisse. Cfr. supra Cap. XII.

ignarus omnium — eorum sc. quae imperatorem decent.

postquam Coss. facti sunt — tum demum, quum jam Coss. essent facti. Ex hoc loco patet, eos tantum ad consularem dignitatem bene praeparatos Mario visos esse, qui res gestas majorum, et militaria praecepta, qualia Xenophon scripserat, quorumque majorem tum copiam exstitisse verisimile est, assidue legerint. Cfr. Quint. II. Cap. 5, in primis autem

et Graecorum militaria praecepta legere coeperint; homines praeposteri. Nam gerere, quam fieri posterius, re atque usu prius est. Comparete nunc, Quirites, cum illorum superbia me hominem novum. Quae illi audire et legere solent eorum partim vidi, alia egomet gessi: quae illi litteris, ego militando didici. Nunc vos existumate, facta an dicta pluris sint. Contemnunt novitatem meam; ego illorum ignaviam: Mihi fortuna, illis probra objectantur; quamquam ego natu-

Plin. Paneg. Cap. 13. Cic. IV. Acad. quaeft. C. I. Tacit. Agric. Cap. 5.

homines praeposteri — die verkehrten Menschen. Sic merito eos adpellat, qui, cum doctrina et rei militaris scientia imbuti ad rem gerendam accedere debuissent, nunc demum libros legere inciperent.

Nam gerere — sc. consulatum, *quam fieri* sc. consulem *posterius est* sc. tempore, (nemo enim Consulatum gerit, nisi qui antea sit adeptus).

re atque usu prius est — h. e. si autem ad rem ipsam, Consulisque peritiam respicis, fateri debebis, neminem, nisi qui antea Consulari virtute ornatus rerumque gerendarum scientia imbutus sit, Consulatum administrare posse. — *Observent juvenes rō fieri nāt' ēξο-*

χῆν pro: *Consulem fieri* — dictum esse.

me hominem novum — mich, den Mann ohne Ahnen.

partim — *alia* i. q. *partim* — *partim*.

litteris — *militando* jene aus Büchern, ich im Felde.

Nunc vos existumate. — Vobis ego jam censendum iudicandumque relinquo.

Mihi fortuna etc. Non possum, quin praestantissimum Senecae locum, a Cortio citatum, in gratiam tironum adponam: „Cum voles, inquit Ep. LXXVI, veram hominis aestimationem inire, et scire, qualis sit, nudum inspice; ponat patrimonium, ponat honores et alia fortunae mendacia; corpus ipsum exuat, animum intueri, qualis quantusque sit: alieno, an suo magnus.“

ram unam et communem omnium existimo, sed fortissimum quemque generosissimum. Ac si jam ex patribus Albini, aut Bestiae quaeri posset, mene, an illos ex se gigni maluerint; quid responsuros creditis, nisi, sese liberos quam optimos voluisse? Quod si jure me despiciunt, faciunt idem majoribus suis, quibus, uti mihi, ex virtute nobilitas coepit. Invident honori meo; ergo invideant et labori, innocentiae, periculis etiam meis, quoniam per haec illum cepi. Verum homines corrupti superbia ita aetatem agunt, quasi vestros honores contemnant; ita hos petunt, quasi honeste vixerint. Ne illi falsi sunt, qui divorsissimas res pariter expectant, ignaviae voluptatem, et praemia virtutis. Atque etiam cum apud vos, aut in senatu verba faciunt, pleraque oratione majores suos extolunt; eorum fortia facta memorando clario-

naturam unam et communem omnium existimo h. e. si ad originem hominis principiumque respicimus, neminem altero nobiliorem puto. Cfr. Senec. III. Benef. Cap. XXVIII.

sese liberos quam optimos voluisse — Paulo modestius, quam si dixisset: illos Marium suis liberis atque nepotibus praelatos esse.

faciunt idem majoribus suis — majores quoque suos despiciant, necesse est, qui ipsi post comprobata domi bellicae virtutem nobilitari coepere.

quasi honeste vixerint, ac propterea jure suo illos petere possint.

Ne illi falsi sunt. Profecto isti homines decipiuntur, in errore versantur.

res sese putant: quod contra. Nam quantum vita illorum praeclarius, tanto horum seordia flagitiosior. Et profecto ita se res habet: majorum gloria posteris lumen est, neque bona neque mala in occulto patitur. Hujusce rei ego inopiam patior, Quirites; verum id, quod multo praeclarius est, meamet facta dicere licet. Nunc videte, quam iniqui sint. Quod ex aliena virtute sibi adrogant, id mihi ex mea non concedunt: scilicet, quia imagines non habeo, et quia mihi nova nobilitas est; quam certe peperisse melius est, quam acceptam corrupisse. Equidem ego non ignoro, si jam respondere velint, abunde illis facundam et compositam orationem fore. Sed in maximo vestro beneficio, cum omnibus locis me vosque maledictis lacerent, non placuit reticere: ne quis modestiam in conscientiam duceret. Nam me quidem, ex animi senten-

neque bona, neque mala etc. nec virtutes eorum, nec vitia in occulto patitur, sed mores eorum et res gestas latius conspiciendas praebet.

Hujusce rei — majorum gloriae.

Sed in maximo Vestro beneficio — nunc, cum Consulatum, maximum illud, quo cives exornare potestis, beneficium in me contulistis.

reticere — nec mea in remp. merita, nec illorum iniquitatem.

in conscientiam duceret, ita interpretaretur, ut vera esse illorum opprobria concedere viderer.

ex animi sententia, h. e. sic equidem mihi persuasum habeo. Idem quod alias: profecto, mehercle, et similia.

tia, nulla oratio laedere potest. Quippe vera necesse est bene praedicet; falsam vita moresque mei superant. Sed quoniam vestra consilia accusantur, qui mihi summum honorem, et maximum negotium imposuistis: etiam atque etiam reputate, num id poenitendum sit. Non possum fidei causa imagines, neque triumphos, aut consulatus majorum meorum ostentare; at, si res postulet, hastas, vexillum, phaleras, alia militaria dona; praeterea cicatrices advorso corpore. Hae sunt meae imagines, haec nobilitas, non haereditate relictas, ut illa illis, sed quae ego plurimis laboribus et periculis quaesivi. Non sunt composita verba mea: parum id facio; ipsa

quippe vera — Nam si vera est, int. oratio.

superant — falsam esse evincunt, refutant.

Sed quoniam etc. Hisce verbis, non admodum modeste quidem, satis prudenter tamen ad dicendum pro civium honore se coactum esse profitetur.

Vestra consilia. Eure Malsregeln, oder Absichten.

fidei causa — quo maiorem verbis meis, Vestraeque de me spei fidem faciam.

hastas — quae pro re fortiter gesta militibus praemii loco dabantur. „Nam primis temporibus, qui primum in pro-

lio vicisset, hasta pura donabatur, deinde qui hostem vulneraverat, aut strenue prae reliquis egerat.“

Similia virtutis praemia fuisse vexilla et phalerae. De phaleris autem dubitarunt nonnulli, equorumne an et equitum fuerint ornamenta.“

Non sunt composita etc. Non est elegans oratio mea, nec ad persuadendum apte composita.

parum id facio — parum id curo; non nimis studiosus sum elegantiae sermonis. — Igitur h. l. verbum *facere* non est idem quod *existimare*, quam significationem falso intellexit

se virtus satis ostendit: illis artificio opus est, uti turpia facta oratione tegant. Neque litteras Graecas didici: parum placebat eas discere, quippe quae ad virtutem doctoribus nihil profuerunt. At illa multo optuma rei-publicae doctus sum: hostem ferire, praesidia agitare; nihil metuere, nisi turpem famam; hiemem et aestatem juxta pati; humi requiescere; eodem tempore inopiam et laborem tolerare. His ego praeceptis milites hortabor:

Gruterus, qui, „Soloecismum in lectione vulgata timens,“ parvi id facio edidit. Sed facere idem hic est, quod laboro, curo.

artificio — composita oratione; verbis fallacibus; fucio sermonis.

Neque litteras Graecas didici. Eandem fere vim habent ista verba, ac si quis Nostrum, postquam summos in rep. honores accepisset, Gallicae linguae prorsus ignarum se esse confiteretur. Nam omnes fere juvenes nobiliorum gentium, et quicumque liberaliter educati erant, Graecis litteris operam navaverant.

ad virtutem doctoribus nihil profuerunt. Dupliciter hic locus intelligi potest; nam doctores sunt vel Graeci omnino, vel illi, quos nomine parum honesto Graeculos adpellabant, a quibus juvenes Romani in-

sistuebantur. Sed omnes Graecos intelligendos esse, ex Plutarchi Mario probat doctiss. Cortius.

multo optuma — longe utilissima. Bonum enim pro utili interdum dicitur.

praesidia agitare — inter eos esse, qui praesidio mittebantur. Nam *praesidium agitare* nihil aliud est, quam praesidio esse vel frumentantibus, vel impedimentis, vel urbi oppugnatae. Vid. sup. Cap. LV.

hiemem et aestatem juxta pati — aequè patienter hiemis frigus, atque calorem aestatis tolerare.

His ego praeceptis milites hortabor. Vt idem faciant, meumque exemplum sequantur, milites hortabor. Cur autem istas virtutes *praecepta* vocet, ex antecedentibus intelligitur. Non Graecis litteris, inquit, sed hisce meis virtutibus, longe utilioribus reip., milites ad

neque illos arte colam, me opulenter; neque gloriam meam laborem illorum faciam. Hoc est utile, hoc civile imperium. Namque cum tute per mollitiem agas, exercitum supplicio cogere, id est, dominum, non imperatorem esse. Haec atque talia majores vestri faciundo seque remque publicam celebravere. Quis nobilitas freta, ipsa dissimilis moribus, nos illorum aemulos contemnit; et omnis honores non ex merito, sed quasi debitos a vobis repetit. Ceterum homines superbissimi procul errant. Majores eorum omnia, quae licebat,

fortitudinem bellicam excitabo.

neque illos arte colam, me opulenter: non illos asperere, et rigide tractabo, me indulgenter. *Arte* enim i. q. arcte. *Colere* i. q. tractare.

neque — faciam — — neque res multo labore ab illis gestas mihi gloriae ducam.

civile imperium — mite, moderatum. Tale, inquit, imperium civis exercere debet in cives.

tute — tu ipse.

per mollitiem agas sc. vitam (nam absolute dicitur *agere* pro: vitam agere) h. e. molli-ter vivas.

supplicio cogere — acerbissimis poenis ad officium cogere.

dominum. Vide, quantam civilitatem, prudentiamque

Mario tribuat auctor. Domini enim regisque nomen tam vehementer adversabantur Romani, ut, qui a dominandi cupiditate se prorsus alienum profiteretur, gratissimus iis esset.

celebravere — clarissimam reddidere.

Quis — quibus sc. majoribus, seu majorum virtutibus. *procul errant.* Nostrum: ver-irren sich weithin; h. e. vehementer falluntur.

omnia, quae licebat. Haec verba cum sequentibus „virtutem non reliquere“ jungenda sunt. Sensus est: *quamvis majores eorum omnia, quae ad vitam commode agendam pertinent, iis reliquerunt: tamen virtutem relinquere non potuerunt.*

*illis reliquere, divitias, imagines, memoriam
sui praeclaram: virtutem non reliquere; ne-
que poterant: ea sola neque datur dono, ne-
que accipitur. Sordidum me et incultis mo-
ribus ajunt; quia parum scite convivium ex-
orno, neque histrionem ullum, neque pluris
pretii coquum, quam villicum, habeo. Quae
mihi lubet confiteri. Nam ex parente meo,
et ex sanctis viris ita accepi, munditias mu-
lieribus, viris laborem convenire, omnibus-
que bonis oportere plus gloriae, quam divi-
tiarum; arma, non supellectilem decori esse.
Quin ergo quod iuvat, quod carum aestu-
mant, id semper faciant: ament, potent;
ubi adolescentiam habuere, ibi senectutem
agant, in conviviis, dediti ventri et turpissi-
mae parti corporis: sudorem, pulverem et
alia talia relinquant nobis, quibus illa epulis
iucundiora sunt. Verum non est ita. Nam
ubi se omnibus flagitiis dedecoravere turpissu-*

*neque datur dono, neque ac-
cipitur. Similiter supra Cap. I.
Cfr. Senec. Ep. XXVII. ad fin.*

*parum scite, minus eleganter.
Exornabant autem convivia
adhibitis comoedis, lyristis,
psaltriis, aliisque luxuriae in-
strumentis.*

histrionem. De isto homi-

*num genere narrat Liv. VII.
Cap. II.*

*bonis — viris honestis, pa-
triae salutem suo commodo
praeferentibus.*

*Verum non est ita: non con-
tenti suis voluptatibus amplif-
simos etiam honores concupi-
scunt.*

mi viri, bonorum praemia ereptum eunt. Ita injustissime luxuria et ignavia, pessumae artes, illis, qui coluere eas, nihil obficiunt; reipublicae innoxiae cladi sunt. Nunc quoniam illis, quantum mores mei, non illorum flagitia, poscebant, respondi; pauca de re publica loquar. Primum omnium de Numidia bonum habetote animum, Quirites. Nam quae ad hoc tempus Jugurtham tuta sunt, omnia removistis, avaritiam, imperitiam, superbiam. Deinde exercitus ibi est, locorum sciens; sed mehercule magis strenuus, quam felix. Nam magna pars avaritia, aut temeritate ducum adtrita est. Quamobrem vos, quibus militaris aetas, adnitimini mecum et capeffite rempublicam: neque quemquam ex calamitate aliorum, aut imperatorum superbia metus ceperit. Egomet in agmine, in

Nunc, quoniam etc. Sequitur nunc altera pars orationis, qua reipublicae faciem, bellique Jugurthini naturam depingit.

quantum mores mei, n. i. f. p. — hoc est: aperte quidem et ingenue, sed breviter et cum aliqua moderatione; non enim omnia, quae de flagitiis eorum dici potuissent, notavi.

tuta sunt — tutum praestiterunt.

magis strenuus, quam felix: Felicius enim fuisset, nisi imperatorum avaritia et temeritas victoriam saepe e manibus dimisisset.

militaris aetas, quae ab aetatis anno decimo septimo ad sexagesimum usque procedebat. Verbum est non hic tantum, sed multis quoque aliis in locis omittit; e. g. Victoria nobis in manu Cat. XX.

praelio consultor idem, et socius periculi vobiscum adero; meque vosque in omnibus rebus juxta geram. Et profecto, dis iuvantibus, omnia matura sunt, victoria, praeda, laus: quae si dubia aut procul essent, tamen omnis bonos reipublicae subvenire decebat. Etenim ignavia nemo immortalis factus: neque quisquam parens liberis, uti aeterni forent, optavit; magis, uti boni honestique vitam exigerent. Plura dicerem, Quirites, si timidis virtutem verba adderent: nam strenuis abunde dictum puto.

C A P V T LXXXVI.

[Ita confirmato plebis animo, A. Manlium legatum praemittit; ipse milites promiscue, plerosque ex infima

consultor idem et socius periculi, et consilia Vobis suppeditabo, et ipse Vobiscum pericula subibo. Observent juvenes vocabula: idem et, quae intimum sequentis cum antecedente nexum significant.

meque Vosque i. o. r. juxta geram — omnes fortunae vicissitudines Vobiscum subire paratus sum, nec ullum discrimen inter nos esse patiar.

omnia matura sunt h. e. in promptu sunt, maturi fructus instar, qui manum decerpentis expectat.

si etc. etiam si.

neque quisquam etc. Non video, cur nemo mortalium aeternam liberis vitam optare potuerit — forsan, quia mors omnibus instat, et quilibet facile praevidet, tale votum irritum fore. — Curtius *neque* interpretatur per: non tam. Manutius vero docet, Sallustium h. l. sequi Platonis verba: ὅ γὰρ ἀθανάτους σφίσι παίδας εὐχόμενα γενέσθαι, ἀλλ' ἀγαθὸς καὶ εὐκλεεῖς

virtutem verba adderent. Similimus est in orat. Catil. locus supra Cap. LVIII.

plebe, conquirat, quibuscum paucis diebus Vticam advehitur.]

Hujusmodi oratione habita, Marius postquam plebis animos arrectos videt, propere commeatu, stipendio, armis, aliis utilibus navis onerat: cum his A. Manlium legatum proficisci jubet. Ipse interea milites scribere non more majorum, neque ex classibus, sed uti cuiusque libido erat, capite censos plerosque. Id factum alii inopia bonorum, alii per ambitionem consulis memorabant; quod ab eo genere

CAP. LXXXVI. *Commeatu, stipendio*: Nostrum: Proviant, Kriegs-Casse.

scribere — conscribit, conquirat.

ex classibus — intellige sex illas classes, a Servio Tullio descriptas, quarum sexta proletarios, et capite censos, complectebatur, qui eum in modum contempti erant, ut ne civium quidem classibus adnumerarentur. Alias enim Sallustius scribere nequivisset: neque ex classibus, sed — — — capite censos. Mihi quidem verba modo citata, explicandis antecedentibus adjecta, unam eandemque sententiam, negando adfirmandoque, declarare videntur. Cortius autem duplici modo Marium contra morem majorum peccasse putat, neque ex classibus eligentem milites, nec quales scriberet, quidquam

pensi habentem. Quod mihi quidem non liquet. Nam, si haec esset verborum sententia, scribere debuisset Noster: et non modo non ex classibus, sed etc. — Nam propositio, quae a voce *sed* incipit, est opposita antecedenti, adfirmatque quod altera negat.

Capite censos plerosque — Hos a militia liberos fuisse constat. „Neque proletarii, neque capite censi (inquit A. Gellius XVI. 10.) milites, nisi in tumultu maximo, scribebantur; quia familia pecuniaque his aut tenuis, aut nulla esset.

Id factum — sc. esse — memorabant.

Inopia bonorum — civium ditiorum.

Per ambitionem sc. captandae benevolentiae, gratiarumque agendarum causa. Cortius acute observat, Valerium Maxi-

celebratus auctusque erat; et homini potentiam quaerenti egentissimus quisque opportunissimus: cui neque sua curae, quippe quae nulla sunt, et omnia cum pretio honesta videntur. Igitur Marius cum majore aliquanto numero, quam decretum erat, in Africam profectus, diebus paucis Vticam advehitur. Exercitus ei traditur a P. Rutilio legato. Nam Metellus conspectum Marii fugerat: ne videret ea, quae audita animus tolerare nequiverat.

CAPVT LXXXVII.

[Marius militem praeda locupletat, oppida parum firma occupat, tirones illos nuper scriptos pugnae adsuefacit, ut brevi tempore a veteranis vix possent discerni. Reges, audito ejus adventu, loca aspera atque difficilia petunt.]

Sed consul, expletis legionibus cohortibusque auxiliariis, in agrum fertilem et praeda onustum proficiscitur. Omnia ibi capta militibus

mum II. 3. 1. hanc vocem minus recte interpretatum esse, ideoque aliam facti illius rationem — sc. novitatis conscientiam — attulisse. Marius nempe sui generis homines cohonestare voluisse Valerio visus est.

Omnia cum pretio — h. e. omnia, quibus pretium propositum est.

a. P. Rutilio legato, cujus Cap. L et LII. mentio facta est.

Cap. LXXXVII. *auxiliariis.* Hoc Adject. supervacaneum videtur Cortio, propterea quod cohortes additae legionibus semper *auxiliae* sint.

Omnia i. c. milit. donat. Numidas vero etiam Gaetulosque variis modis a versuto Consu-

donat. Dein castra et oppida natura et viris parum munita adgreditur: praelia multa, ceterum alia levia aliis locis facere. Interim novi milites sine metu pugnae adesse: videre fugientis capi, occidi; fortissimum quemque tutissimum: armis libertatem, patriam parentesque et alia omnia tegi: gloriam atque divitias quaeri. Sic brevi spatio novi veteresque coaluere, et virtus omnium aequalis facta. At reges, ubi de adventu Marii cognoverunt, divorsi in locos difficilis abeunt. Ita Iugurthae placuerat, speranti, mox effusos hostis invadi *posse*; Romanos, sicuti plerosque, remoto metu, laxius licentiusque futuros.

CAPUT LXXXVIII.

[Metellus Romae a plebe patribusque benigne excipitur. Marius interim, explorata utriusque exercitus conditione, cognitoque regum itinere, Iugurtham armis exuit; tum vero, belli citius finiendi causa, singulas urbes circumvenire statuit. Bocchus per nuntios amicitiam populi Romani implorat.]

le adlectos esse probat Cortius scriptorum testimoniis.

viris — praesidio.

alia levia aliis locis. Legendum procul dubio: ceterum levia, alia aliis locis.

effusos — palantes, dispersos, huc illuc temere vagantes.

invadi posse. Verbum *posse*

suspectum videtur Cortio, propterea quod verbis *spei* fiduciaequae *praesens* tempus plerumque adjungatur; idemque observat, in cod. Guelf. 3. illud resecatum esse.

sicuti plerosque i. e. per Syllepsin: sicuti plerique esse soleant.

Metellus interea Romam profectus, contra spem suam, laetissimis animis excipitur: plebi patribusque, postquam invidia decesserat, juxta carus. Sed Marius impigre prudenterque suorum et hostium res pariter adtendere; cognoscere quid boni utrisque, aut contra esset; explorare itinera regum, consilia et insidias antevenire: nihil apud se remissum, neque apud illos tutum pati. Itaque et Gaetulos, et Iugurtham ex lociis nostris praedam agentes, saepe adgressus itinere fuderat, ipsumque regem haud procul ab oppido Cirta armis exuerat. Quae postquam gloriosa modo, neque belli patrandi cognovit, statuit urbis, quae viris aut loco pro hostibus, et adversum se opportunissimae erant, singulas circumvenire: ita Iugurtham aut praesidiis nudatum, si ea pateretur, aut praelio certaturum.

CAP. LXXXVIII. *Laetissimis animis excipitur.* Imo postea triumphavit, teste Eutropio IV. 11. Alterum de Iugurtha triumphum Marius egit.

juxta — aequae.

nihil apud se remissum, neque apud illos tutum pati — h. e. nihil a suis negligi, nec hostes ullo loco tutos esse passus est. *Tutum* vero etiam dicitur id, quo se tuentur hostes.

armis exuerat, tam strenue persecutus erat, ut arma relin-

quere coactus esset. Sic *exuere* aliquem urbe, castris, provinciis dicitur.

neque belli patrandi h. e. ad bellum patrandum, sive conficiendum, idonea. Eandem vim Genitivi cognosces ex his verbis in bello Catilin. Cap. VI. *occurrentibus: „regium imperium, quod initio conservandae libertatis et augendae reip. fuerat, in superbiam etc. convertit.“* Nec vero necesse est, ut *causa, gratia* similesque voces addantur.

Nam Bocchus nuncios ad eum saepe miserat, *velle populi Romani amicitiam, ne quid ab se hostile timeret.* Id simulaveritne, quo improvulus gravius accideret, an mobilitate ingenii pacem atque bellum mutare solitus, parum exploratum.

CAPV T LXXXIX.

[Consul interim, oppidorum aliquot vi doloque potitus, quum Iugurtham procul abesse cognovisset, urbem Capsam, arte ac situ inter deserta munitissimam, occupare, eoque facto Metellum, qui Thalam expugnaverat, aequiparare studet.]

Sed Consul, uti statuerat, oppida castellaque munita adire: partim vi, alia metu, aut praemia ostentando avortere ab hostibus. Ac primo mediocria gerebat, existumans, Iugurtham ob suos tutandos in manus venturum. Sed ubi procul abesse, et aliis negotiis intentum accepit;

accideret pro: *accederet*, *irrueret*.

mobilitate ingenii, *inconstantia*.

pacem atque bellum mutare, modo pacem petere, modo bellum renovare.

CAP. LXXXIX. *mediocria gerebat*. Non ad oppida referri potest adjectivum, sed *facta* subintell. *Mediocria facta sunt*

res non admodum difficiles, minus asperae. Conf. XCII, „postquam tantam rem (sc. Caplae expugnationem) paravit.

in manus venturum pro: manus confecturum. Simili dictione, quam ex Thucydide desumptam esse probat doctissimus Cortius, usus est Noster infra CI, et supra Cap. LVII.

majora et aspera adgredi tempus visum. Erat inter ingentis solitudines oppidum magnum atque valens, nomine Capla: cujus conditor Hercules Libys memorabatur. Ejus cives apud Iugurtham immunes, levi imperio, et ob ea fidelissimi habebantur: muniti advorsum hostis non moenibus modo, et armis atque viris, multo magis locorum asperitate. Nam, praeter oppido propinqua, alia omnia vasta, inculta, egentia aquae, infesta serpentibus: quarum vis, sicuti omnium

N 2

majora et aspera. Ne quis tironum putet, ante vocem *aspera* adverbium *magis* omis- sum esse, Cortius monet, exem- plisque probat, vocem *majora* involvere Comparativum [Ad- jectivi sequentis. Nam et su- pra Cap. XVI. legimus: quae portuosior, et aedificiis *magnis* (non majoribus) exornata erat.

Adgredi. Cave putes Geni- tivum Gerundii h. l. aptius fore. Nam sexcenties ita et Nostrium, et alios bonae notae scriptores, scripsisse probat Cortius. Conf. Cat. Cap. IV. in. „non fuit consilium — — contererere.“

Hercules Libys. Florus ur- bem Caplam „*Herculi*“ (nullo gentis nomine addito); Orosius eandem „*ab Hercule Phoenice*,“ qui forte idem est cum Libye, conditam scribit. — Quod si cum Crispo Nostro Cap. XVIII.

B. I. unum tantummodo hujus nominis heroem fuisse statuas, a transitu ejus per Africam il- lud cognomen derivari posset. — Sed Tullius L. III. de Na- tura Deor. Cap. XVI. sex Her- cules nominat, in quibus ta- men Libyen haud recenset; Servius autem ad VIII. Aen. v. 564. omnes viros fortes Her- cules dictos esse docet, addit- que: „*Licet eos primo XLIV. enumeraverint*, quorum non- nulla nomina adlegans *Libyum* quoque recenset.

levi imperio, et ob ea fide- lissimi habebantur. Duplex h. l. est verbi *habere* significatio. Nam *levi imperio habere* idem fere est, quod *leniter alicui im- perare*, tractare quem.

praeter oppido propinqua — praeter ea loca, quae oppido propinqua sunt.

infesta serpentibus — pericu-

ferarum, inopia cibi acrior. Adhuc natura serpentium ipsa perniciofa siti magis, quam alia re, accenditur. Ejus potiundi Marium maxuma cupiditas invaserat; cum propter usum belli, tum quia res aspera videbatur; et Metellus oppidum Thalam magna gloria ceperat, haud dissimiliter situm munitumque: nisi quod apud Thalam haud longe a moenibus aliquot fontes erant; Capsenses una modo, atque ea intra oppidum, jugi aqua, cetera pluvia utebantur. Id ibique, et in omni Africa, qui procul a mari incultius agebant, eo facilius tolerabatur, quia Numidae plerumque lacte et ferina carne vescebantur, neque salem, neque alia irritamenta gulae quaerebant: Cibus illis adversum famem atque sitim, non lubidini, neque luxuriae erat.

CAPUT XC.

[Marius, extrema aestate, A. Manlium legatum ad oppidum Laris ire jubet; ipse, illum secuturus, ad flumen Tanam pergit.]

losa propter serpentes. Harum pestiferam vim cecinit Silius Ital. I. v. 212.

natura serpentium ipsa h. e. per se ipsa.

oppidum Thalam etc. De cujus occupatione repetas, quae Cap. LXXV et LXXVI, narrata sunt.

jugi ab Adject. jugis. Est autem jugis aqua — profluens e terra.

cetera pluvia. Vtraque vox sexto casu posita ad aquam referenda est.

qui procul a mari incultius agebant. Aut supplendum est ante haec verba: „ab iis gen-

Igitur Consul, omnibus exploratis, credo, dis fretus, nam contra tantas difficultates consilio satis providere non poterat: quippe etiam frumenti inopia tentabatur, quod Numidae pabulo pecoris magis, quam arvo student, et quodcumque natum fuerat, jussu regis in loca munita contulerant, ager autem aridus et frugum vacuus ea tempestate, nam aestatis extremum erat; tamen pro rei copia satis providenter exornat: pecus omne, quod superioribus diebus praedae fuerat, equitibus auxiliariis agendum adtribuit; A. Manlium legatum cum cohortibus expeditis ad oppidum Laris, ubi stipendium et commeatum locaverat, ire jubet, se praedabundum post

tibus," aut (suspicio) a Sallustio scriptum: tolerabant.

CAP. XC. Credo, dis fretus — deorum, seu fortunae, auxilio confisus. Haec vel propterea, quod rem per se nimis difficilem humano consilio geri potuisse dubitaret, vel ad significandam Marii superstitionem addidit. Aruspices enim sagisque nimium deditus erat Consul. Vid. sup. Cap. LXIII.

frumenti inopia tentabatur, periculum inopiae Consuli imminabat.

arvo studere, i. e. quod: agrum colere. Hujus autem cultura ab hominibus illis, qui lacte et ferina carne vesci solebant, negligebatur.

quodcumque natum fuerat — h. e. e terra provenerat. Nam inanima etiam nasci gigni que dicuntur.

pro rei copia, quantum licuit in illo rerum statu.

ad oppidum Laris. Dubitari possit, secundusne sing. an quartus pluralis casus intelligendus sit. Vt enim dixere: *oppidum Patavii, flumen Rheni*, sic *oppidum Laris* Genit. casu scribere potuisset Noster. Sed Cortio, cujus auctoritas plurimum mihi valet, Accusativus placet.

ubi — — locaverat — quo vehi jusserat.

Stipendium et commeatum. — Nostrium: die Kriegscasse und

paucos dies eodem venturum. Sic incepto suo occulto pergit ad flumen Tanam.

CAPUT XCI.

[Quum aliquantis per praedam egisset, ac die sexto, multis in itinere utribus e corio confectis, ad flumen pervenisset, Marius, interdiu quiescens, noctu iter faciens, tertia die, postquam a flumine discesserat, Caplam inopinatus adgreditur, factaque deditione, oppidum incendit, Numidas puberes interficit, alios omnes venundat, praedam militibus dividit.]

Ceterum in itinere quotidie pecus exercitui per centurias, item turmas aequaliter distribuebat, et ex coriis utres uti fierent, curabat: simul et inopiam frumenti lenire, et, ignaris omnibus, parare, quae mox usui forent. Denique sexto die, cum ad flumen ventum est, maxima vis utrium effecta. Ibi castris levi munimento positus, milites cibum capere, atque, uti simul cum occasu solis egrederentur, paratos esse jubet:

den Proviant. Haec in tiro-
num gratiam adnotasse non
piget.

se praedabundum — — — *ven-*
turum h. e. se nunc, priusquam
sequatur, praedaturum, tum
vero, praeda facta, eodem
venturum.

CAP. XCI. *pecus* — — *aequa-*
liter distribuerat — non ut, age-
rent, quod interpretes quidam

intellexere, sed ut eo pro cibo
uterentur, propter frumenti
inopiam.

aequaliter — ita, ut si cen-
turia quaeque acceperat v. g.
decem oves, singulae turmae
acciperent tres. Cort.

quae mox usui forent — sc.
aquae receptacula.

vis — i. q. multitudo, nu-
merus, copia.

omnibus sarcinis abjectis, aqua modo seque et jumenta onerare. Dein, postquam tempus visum, castris egreditur, noctemque totam itinere facto, confedit. Idem proxuma facit. Dein tertia, multo ante lucis adventum, pervenit in locum tumultuosum, ab Capsa non amplius duum millium intervallo: ibique, quam occultissime potest, cum omnibus copiis opperitur. Sed ubi dies coepit, et Numidae nihil hostile metuentes multi oppido egressi; repente omnem equitatum, et cum his velocissimos pedites cursu tendere ad Capsam, et portas obsidere jubet: deinde ipse intentus propere sequi, neque milites praedari sinere. Quae postquam oppidani cognovere; res trepidae, metus ingens, malum improvisum, ad hoc pars civium extra moenia in hostium potestate, coegere, uti deditionem facerent. Ceterum oppidum incensum: Numidae puberes interfecti; alii omnes venum dati: praeda militibus divisa. Id facinus contra jus belli, non avaritia, neque scelere Consulis admissum; sed quia locus Iugur-

opperitur sc. lucis ortum, sive, ulterius progrediendi tempus.

res trepidae — status rerum, in quo, quid consilii capiendum sit, ignorant homines perturbati.

coegere. Hoc verbum ad om-

nes, qui antecedunt, Nominativos, quibus deditionis causae continentur, referendum est.

interfecti — Eandem in deditos crudelitatem ipse Iugurtha exercuerat. Vid. supra Cap. XXVI.

thae opportunus, nobis aditu difficilis: genus hominum mobile, infidum, neque beneficio, neque metu coercitum.

C A P V T X C I I .

[*Summa Capitem XCII. XCIII et XCIV.* Marius, ingenti gloria praedaeque auctus, hostibus terribilis, militi carus alia quoque oppida facili negotio capit, luctu omnia complet. Tum vero difficillimam rem adgressus, montem saxeum, haud longe a flumine Mulucha situm, quod ibi regis thesauros esse cognoverat, occupare, Numidisque defendentibus eripere summa vi conatur. Diu frustra laborat: tandem, adjuvante fortuna, per Ligurem quendam tramite invento, castellum munitissimum capit.]

Postquam tantam rem Marius, sine ullo suorum incommodo patravit; magnus et clarus antea, major et clarior haberi coepit. Omnia non bene consulta in virtutem trahebantur: Milites modesto imperio habiti simul, et locupletes ad coelum ferre: Numidae magis, quam mortalem timere: postremo omnes socii atque hostes credere illi aut mentem divinam, aut deorum nutu

CAP. XCII. *Omnia non bene consulta — male deliberata — nicht sorgfältig überlegte, unreife Anschläge.* Haec autem propterea, quod castelli obsidionem, pessime deliberatam, memoraturus erat, praemonuit.

in virtutem trahebantur. Notum: es ward ihm zum Verdienste angerechnet. Idem fere

est, quod: in bonam partem accipere, in gloriam vertere, laudi ducere.

modesto imperio habiti simul, et locupletes; h. e. quibus non tantum modeste imperaverat, sed qui praeda etiam locupletati erant.

illi aut mentem divinam sc. inesse, quod pro more suo Cris-

cuncta portendi. Sed Consul, ubi ea res bene evenit, ad alia oppida pergīt: pauca, repugnātibz Numidis, capit; plura deserta, propter Capsensium misērias, igni corrumpit: luctu atque caede omnia complentur. Denique multis locis potitus, ac plerisque exercitu incruento, ad aliam rem adgreditur, non eadem asperitate, qua Capsensium, ceterum haud secus difficilem. Namque haud longe a flumine Mulucha, quod Iugurthae Bocchique regnum disjungebat, erat inter ceteram planiciem mons saxeus, mediocri castello satis patens, in immensum editus, uno perangusto aditu relicto: nam omnis natura, velut opere atque consulto praeceps. Quem lo-

pus omisit. Nam Verbum subst., sequente alio, saepe ab eo intermitteri, pluribus exemplis confirmat doct. Cortius, quorum unum adfero Cap. XXXI. „quae quamquam gravia; tamen consuetudine jam pro nihilo habentur.“

non eadem asperitate, q. C. c. h. s. difficilem, quae minus periculosa quidem, quam Cap-sae obsidio, sed aequae difficilis erat.

inter ceteram planiciem — in medio planicie.

mediocri castello satis patens. Iungenda sunt haec verba, non autem, commate post secundam vocem interjecto, dirimenda. Nam patens castello

(i. e. ad castellum) dicitur mons, qui, satis lato cacumine, castellum excipere potest. Bene Höckius ita vertit: „ein Fels, der für ein mäßiges Kastell hinlänglichen Raum, eine unermessliche Höhe, und nur einen einzigen sehr schmalen Zugang hatte.“

Nam omnis natura. Vel τὸ omnis pro Nominativo, et vocem: *natura* pro sexto casu accipias, vel etiam utrumque subst. primo casu positum videri potest, ut supplendum sit montis. Sed Ablativus est verisimilior propter sequentia.

velut opere atque consulto h. e. non aliter ac si arte ita factum esset.

cum Marius, quod ibi regis thesauri erant, summa vi capere intendit. Sed ea res forte, quam consilio melius gesta. Nam castello virorum atque armorum satis, magna vis frumenti et fons aquae: aggeribus turribusque et aliis machinationibus locus importunus: iter castellanorum angustum admodum, utrimque praecisum. Vineae cum ingenti periculo frustra agebantur. Nam cum eae paullum processerant, igni, aut lapidibus corrumpebantur: milites neque pro opere consistere, propter iniquitatem loci; neque inter vineas sine periculo administrare: optimus quisque cadere, aut sauciari; ceteris metus augeri.

CAP V T XCIII.

At Marius, multis diebus et laboribus consumptis, anxius trahere cum animo, omitteretne inceptum, quoniam frustra erat; an fortunam operiretur, qua saepe prospere usus. Quae cum

Sed ea res forte, quam consilio melius gesta — Haec verba defunt in rec. Cortiana anni 1724, operarum culpa: nam notae editoris infra textum reperiuntur.

Castellanorum — in castello habitantium.

praecisum — praeruptum.

pro opere — ante vineas, quibus succedebant.

administrare — laborare — Verbum de bellicis laboribus usitatum.

CAP. XCIII. *trahere cum animo* — dubitare, haerere, secum reputare.

multos dies, noctes aestuans agitare, forte quidam Ligus, ex cohortibus auxiliariis miles gregarius, castris aquatum egressus, haud procul ab latere castelli, quod avorsum praeliantibus erat, animum advortit inter saxa repentis cochleas: quarum cum unam atque alteram, dein plures peteret, studio legundi paullatim prope ad summum montis egressus est. Vbi postquam solitudinem intellexit, more humani ingenii, cupido ignara visundi invadit. Et forte in eo loco grandis ilex coaluerat inter saxa, paullulum modo prona, dein flexa atque aucta in altitudinem, quo cuncta gignentium natura fert; cujus ramis modo, modo eminentibus saxis nisus Ligus, castelli planitiem perscribit; quod cuncti Numidae intenti praeliantibus aderant. Exploratis omnibus, quae mox usui fore ducebat, eadem regre-

aestuans — animo vehementer perturbato.

aquatum — aquae hauriendae causa.

solitudinem — Quum illam cacuminis partem hominibus vacuum intelligeret, nec discursantium strepitum ibi audiret. — — Equidem fateor mihi parum probabile videri, hominem, cochleas per otium legentem, ad summum prope montis, qui „in immensum editus“ fuisse supra dictus est,

tam facili negotio pervenire potuisse.

quo i. e. ad quam altitudinem — *cuncta gignentium*, omnes plantas, omnia genita natura evehit.

perscribit sc. in mente, h. e. perdiscit, observat. Sic Virg. „perlegere oculis;“ Valer. Max. „mandere oculis;“ Horat. „percurrere animo polum.“

„*intenti praeliantibus aderant*“ oculos animumque in adversam proeliantibus partem intenderant.

ditur, non temere, uti escenderat, sed tentans omnia et circumspiciens. Itaque Marium propere adit; acta edocet, hortatur, ab ea parte, qua ipse escenderat, castellum tentet: pollicetur sese itineris periculique ducem. Marius cum Ligure, promissa cognitum, ex praesentibus misit: quorum uti cujusque ingenium erat, ita rem difficilem aut facilem nunciavere. Consulis animus tamen paullum arrectus. Itaque ex copia tubicinum et cornicinum, numero quinque quam velocissimos delegit, et cum his, praesidio qui forent, quatuor centuriones: omnis Liguri parere jubet, et ei negotio proximum diem constituit.

CAP V T XCIV.

Sed ubi ex praecepto tempus visum, paratis compositisque omnibus ad locum perguit. Ceterum illi, qui centuriis praeerant, praedocti ab

promissa cognitum, ut promissorum veritas exploraretur; ut viderent, quatenus pollicenti fides habenda sit.

uti cujusque ingenium erat, prout vel suis viribus confidebat, vel ob animi infirmitatem rem tam difficilem peragi posse desperabat.

tubicinum et cornicinum. Tubam directam, cornu incurvum fuisse, ad figuram bubuli

cornu, docet Ovid. I. Metam. v. 98.

„Non tuba directi, non aeris cornua flexi.

Conf. Varro IV. de Ling. Lat. Ceterum tuba non in bello tantum, sed etiam in conviviiis, ludis et funeribus utebantur.

CAP. XCIV. *ex praecepto* sc. imperatoris.

paratis compositisque omnibus supplend. *rebus*, non homini-

duce, arma ornatumque mutaverant, capite atque pedibus nudis, uti prospectus nifusque per saxa facilius foret: super terga gladii et scuta; verum ea Numidica ex coriis, ponderis gratia simul, et offensa quo levius streperent. Igitur praegrediens Ligus saxa, et si quae vetustate radices eminebant, laqueis vinciebat, quibus adlevati facilius escenderent. Interdum timidos insolentia itineris levare manu: ubi paullo asperior adscensus, singulos prae se inermos mittere; deinde ipse cum illorum armis sequi: quae dubia nifu videbantur potissimum tentare, ac saepius eadem adscendens descendensque, dein statim digrediens, ceteris audaciam addere. Igitur diu multumque fatigati, tandem in castellum perveniunt, desertum ab ea parte: quod omnes, sicuti aliis diebus, adversum hostis aderant. Marius,

bus — nachdem alle nöthigen Voranstalten getroffen waren.

pedibus nudis. Non ocreis indutos fuisse, sed soleas tantum gestasse, quo expeditiores in montem escenderent, mihi quidem verisimile est. Vix enim mihi persuadeo, faciliorem fuisse nudis pedibus nifum.

Nifus — das Hinanklimmen.

ponderis gratia simul et etc. quo et leviora essent, et etc. Nam *levioris* supplendum est.

insolentia itineris, aus Unkunde des Weges.

dubia nifu — bedenklich zu erklimmen.

potissimum — h. e. ipse primus omnium, et summa vi adnitens. Vlitatius esset: potissimum.

dein statim digrediens — Locus difficilis, qui forsan ita exponendus est: Ligus postquam eadem, qua praegressus erat, via reversus comitibus animum auxerat, statim tramitem ulterius persequabatur; ut *digredi* nihil aliud sit, quam progredi, illosque relinquere.

ubi ex nunciis, quae Ligus egerat, cognovit, quamquam toto die intentos praelio Numidas habuerat, tum vero cohortatus milites et ipse extra vineas egressus, testudine acta succedere, et simul hostem tormentis sagittariisque et funditoribus eminus terrere. At Numidae saepe antea vineis Romanorum subvorsis, item incensis, non castelli moenibus sese tutabantur; sed pro muro dies noctesque agitare: maledicere Romanis ac Mario vecordiam objectare; militibus nostris Iugurthae servitium minari; secundis rebus feroces esse. Interim omnibus Romanis hostibusque praelio intentis, magna utrimque vi pro gloria atque imperio his, illis pro salute certantibus, repente a tergo signa canere: ac primo mulieres et pueri, qui visum procellerant, fugere; deinde, uti quisque muro proximus erat, postremo cuncti armati inermesque. Quod ubi accidit, eo acrius Romani instare, fundere, ac

toto die intentos praelio Numidas habuerat — i. e. omni studio fecerat, ut sibi intenti essent, quo facilius, dum illi adversus se pugnarent, Ligus et socii in montem escenderent.

pro muro — ante murum; extra castelli moenia.

M. vecordiam objectare, utpote qui tam firmum castellum temere obsideret.

Iugurthae servitium — servitutem apud Iugurtham. Nam *servitium* pro *servitatis jugo* supra etiam dixit Cap. LXII.

secundis rebus — sua ipsorum fortuna.

qui visum procellerant h. e. qui proelium suorum cum Mario videre cupientes e moenibus castelli procellerant.

plerosque tantummodo fauciare, dein super occisorum corpora vadere, avidi gloriae certantes murum petere, neque quemquam omnium praeda morari. Sic forte correcta Marii temeritas, gloriam ex culpa invenit.

CAPVT XCV.

[Interim L. Sulla cum equitatu in castra venit, cujus viri ingenium moresque paucis delineantur.]

Ceterum dum ea res geritur, L. Sulla Quaestor cum magno equitatu in castra venit: quos uti ex Latio et a lociis cogeret, Romae relictus erat. Sed quoniam tanti viri res admonuit; idoneum visum est, de natura cultuque ejus paucis dicere. Neque enim alio loco de Sullae rebus dicturi sumus: et L. Sisenna optime et diligentissime omnium, qui eas res dixere, persecutus, parum mihi libero ore locutus videtur. Igitur Sulla

ac pl. tant. fauciare, quoniam terribili illi nimis celeriter fugam capessabant, quam ut trucidari possent.

praeda h. l. non est casus sextus, sed Nominat., ad infinit. hist. *morari* pertinens.

forte — fortuito casu.

CAP. XCV. *cogeret* — conscriberet. De Sulla, Marii quaestore, vid. Vellej. II. 12.

Sed quoniam t. v. r. admonuit. Eadem fere via in exor-

dio belli Catil. procedit oratio. Ibi enim: „quoniam, inquit, de moribus civitatis tempus admonuit etc.“ Observent autem juvenes, pronomen personale plerumque omitti.

de natura cultuque etc. Bene Höckius vertit: seinen Character, so wie ihn Natur und Kunst gebildet hatten.

L. Sisenna, qui de bello Marfico, et bello civili Sullano scripsit, quorum operum fragmenta supersunt.

gentis patriciae, familia prope jam extincta majorum ignavia, litteris Graecis atque Latinis juxta atque doctissime eruditus, animo ingenti, cupidus voluptatum, sed gloriae cupidior: otio luxurioso; tamen ab negotiis numquam voluptas remorata, nisi quod de uxore potuit honestius

gentis patriciae — nempe *Corneliae*, quam supra in b. Cat. C. LV. clarissimam vocat. „Ceterum *gens* recte a *familia* distinguitur; illa ad *Nomen*, haec ad *Cognomen* pertinet. Itaque familia potest ex aliqua gente, non autem gens ex familia ortum ducere. Sic apud Suetonium Iul. C. 6. „Cujus gentis familia est nostra.“

familia prope j. extincta sc. si ad *gloriam* spectes, quod ex adjectis verbis „*majorum ignavia*“ colligi potest.

Graecis atque Latinis juxta — Graecis aequae ac Latinis. Sic supra in exord. belli Catil.: „Eorum ego vitam mortemque juxta aestumo.“ — Adjicit autem consulto: *atque doctissime*, ne quis legentium suspicetur: Sullam aequae Latinarum ac Graecarum literarum imperitum fuisse.

otio luxurioso. Nolint mirari juvenes, otium h. l. luxuriosum dici, cum homines ipsi plerumque in otio luxuriosi dicantur. Nam hominum virtutes aequae ac vitia, omnisque eorum conditio, saepe in Casu sexto, brevitatis gratia, prae-

misso eorum nomini adjiciuntur; e. c. „Homines maximi nominis, non minus *optimis majorum exemplis*“ — quamvis majorum exempla hominum qualitatibus adnumerari non possint. — Est autem otium luxuriosum ejusmodi otium, in quo quis liberalius sibi indulget. Cfr. de Sullae luxuria Cat. Cap. XI, ubi dicit: „L. Sulla exercitum — — contra morem majorum luxuriose nimisque liberaliter habuerat.“

nisi — — *consuli* h. e. tamen, si ad uxorem spectes, famae suae melius consulere potuisset. Credat igitur lector, Sullam uxorem infamia notatam in matrimonium duxisse. Sed Plutarchus in vita ejus narrat, Sullam, etsi uxorem domi habuerit, tamen cum mulieribus minimis, citharistis et thymelicis rem habuisse. Idemque refert, illum, senem jam, nimis blandientem in theatro Valeriam uxorem duxisse. Igitur ad utrumque respexisse videtur Noster, quem Plutarchus interpretatus est, ita tamen, ut ex aliis fontibus hausta nonnulla adjiceret.

consuli: facundus, callidus, et amicitia facilis: ad simulanda negotia altitudo ingenii incredibilis: multarum rerum, ac maxime pecuniae largitor. Atque felicissimo omnium ante civilem victoriam, numquam super industriam fortuna fuit: multique dubitavere, fortior, an felicioꝝ esset. Nam postea quae fecerit, incertum habeo, pudeat magis, an pigeat disserere.

CAPVT XCVI.

[Sulla brevi tempore vigilantia, labore, comitate, consilio, iustitia — Consul ac militum favorem sibi conciliat.]

Igitur Sulla, ut supra dictum, postquam in Africam atque in castra Marii cum equitatu venit, rudis antea et ignarus belli, solertissimus omnium in paucis tempestatibus factus est. Ad

amicitia facilis, ad amicitiam propensus — leicht zu gewinnen. Idem quod alias: aditu facilis. Est autem amicitia Casus sextus.

altitudo ingenii — βάθος διανοίας — βάθυτης, profunditas ingenii tribuitur illis, quorum consilia nemo facile detegit, qui summa arte celant animi proposita.

felicissimo — quamquam fuisset felicissimus —

numquam super industriam fortuna fuit, numquam tamen

non meruerat fortunae dona labore industriaque.

Nam — disserere. Industriam viri, multasque ejus virtutes tantopere admiratur Noster, ut seriora ejusdem facta crudelia, quorum mentione priorum laudem obscuratum iri praevidet, vel reverentia vel indignatione ductus, memorare nolit.

CAP. XCVI: Igitur etc. Hac particula, centies occurrente, rem tractatam resumit.

in paucis tempestatibus — brevi temporis spatio. Particu-

hoc milites benigne adpellare; multis rogantibus, aliis per se ipse dare beneficia, invitus accipere: sed ea properantius, quam aes mutuum reddere; ipse ab nullo repetere: magis id laborare, ut illi quam plurimi deberent: ioca atque seria cum humillumis agere: in operibus, in agmine atque ad vigilias multus adesse: neque interim, quod prava ambitio solet, Consulis, aut cuiusquam boni famam laedere: tantummodo neque consilio, neque manu priorem alium pati; plerosque antevenire. Quis rebus brevi Mario militibusque carissimus factus.

CAPUT XCVII.

[Iugurtha Bocchi auxilium implorat; quem cunctantem dubitantemque quum praemio promisso illexisset, uterque, exercitu conjuncto, sub vesperam Marium catervatim, et latronum instar, invadunt.]

At Iugurtha, postquam oppidum Capsam aliosque locos munitos et sibi utilis simul, et magnam pecuniam amiserat, ad Bocchum nuncios

lam in, quam plerique Codd. servant, legimus etiam in Cat. Cap. XLVIII. „in tali tempore.“ Nolint igitur tirones autumare, eam esse rejiciendam. *rogantibus* — auf ihre Bitte — *per se* — i. q. ultro, sponte sua.

repetere sc. tamquam debi-

tum. Vid. sup. Cap. LXXXV. omnes honores non ex merito, sed quasi debitos a vobis repetit.

in operibus — in munitione castrorum et reliquis belli laboribus.

multus — saepe adesse.

mittit, *quam primum in Numidiam copias adduceret; praelii faciundi tempus adesse*. Quem ubi cunctari accepit, dubium belli atque pacis rationes trahere: rursus, uti antea, proximos donis corrumpit, ipsique Mauro pollicetur Numidiae partem tertiam, si aut Romani Africa expulsi, aut, integris suis finibus, bellum compositum foret. Eo praemio illectus Bocchus, cum magna multitudine Iugurtham accedit. Ita amborum exercitu conjuncto, Marium jam in hiberna proficiscentem, vix decima parte die reliqua, invadunt: rati noctem, quae jam aderat, victis sibi munimento fore; et, si vicissent, nullo impedimento, quia locorum scientes erant: contra Romanis utrumque casum in tenebris difficiliorem. Igitur simul Consul ex multis de hostium adventu cognovit, et ipsi hostes aderant, et priusquam

O 2

CAP. XCVII. *dubium belli a. p. r. t. h. e.* dubitantem, bellumne continuaret, an pacem peteret. Nam *rationes trahere* est: deliberare, haesitare — rationes inter cunctandum ponderare.

proximos — Bocchi amicos, ministros.

integris suis finibus — ita, ut nullam imperii sui provinciam amitteret.

die — *diei* — Genit. antiquus.

victis — si forte victi essent. *nullo pro: nulli*. Sic et Terent. Andr. A. III. Sc. V. 2. Quandoquidem tam iners, tam *nulli* consilii sum — *pro: nullius*.

utrumque casum — sive vincerent Numidae, seu vincerentur.

simul — simulac. Hostium celeriter irruentium repentinum tumultum describit aptissime vocibus: *simul* — et, ita

exercitus aut instrui, aut sarcinas colligere, denique antequam signum, aut imperium ullum accipere quivit, equites Mauri atque Gaetuli, non acie, neque ullo more praelii, sed catervatim, uti quosque fors conglobaverat, in nostros concurrunt. Qui omnes trepidi improvise metu, ac tamen virtutis memores, aut arma capiebant, aut capientis alios ab hostibus defendebant: pars equos escendere, obviam ire hostibus: pugna latrocinio magis, quam praelio similis fieri: sine signis, sine ordinibus equites, pedites permixti; caedere alios, alios obtruncare, multos, contra adversos acerrume pugnantis, ab tergo circumvenire: neque virtus, neque arma satis tegere; quod hostes numero plures et undique circumfusi. Denique Romani veteres, novique, et ob ea scientes belli, si quos locus, aut casus conjunxerat, orbis facere: atque ita ab omnibus partibus simul tecti et instructi hostium vim sustentabant.

ut nuntio vix audito hostes adfuisse videas.

signum. — Si de aquila, vexillis aut similibus, quae, cum instrueretur exercitus, militi tradebantur, capiendum esset, repetiisset Sallustius semel jam dicta. Igitur aut *signum tuba datum*, aut nostrum: *Parole*, intellige. Quod autem nostratibus *Parole*, id Romanis est

signum aut *symbolum*, aut *tessera*.

sine signis, sine ordinibus, hoc loco vexilla intelligenda sunt.

et ob ea scientes belli. Mihi quidem cum aliis valde suspectus videtur locus, quamvis Cortius retinendum ducat eundem, et interpretetur: „ob id, quod conjungerentur veteribus, facile morem militiae

CAPVT XCVIII.

[*Summa Capitum XCVIII et XCIX.* Marius autem alacri animo ad finem usque diei suis succurrere, hostem invadere pergit; postremo sub noctem duos colles occupat, regesque a proelio deterret. Hi, collibus multitudine circumdatis, per totam noctem, quasi jam parta esset victoria, in conspectu Consulis (nam ignes erant facti) immodice laetantur. Marius quietem simulat; orto autem diluculo magno clamore portis erumpere suos jubet, hostesque nimis securos, ac somno oppressos fundit fugatque.]

Neque in eo tam aspero negotio territus Marius, aut magis, quam antea, demisso animo fuit; sed cum turma sua, quam ex fortissimis magis, quam familiarissimis, paraverat, vagari passim; ac modo laborantibus suis succurrere, modo hostis, ubi confertissimi obstiterant, invadere: manu consulere militibus, quoniam impe-

discebant. “ Ego contra belli scientiam paulo difficiliorem esse arbitror, quam ut in repentino militum novorum cum veteribus concursu addisci queat.

CAP. XCVIII. *Neque — territus M., aut magis — — demisso animo.* Attendant juvenes ad constructionis varietatem. Nam Germanus forsan scripisset: neque territo — neque magis demisso etc.

quam — — familiarissimis. Si quid sentio pulchri, non admodum numerosa sunt haec verba, quum particulae *quam*

et *magis* in primo periodi membro antecesserint.

laborantibus suis. Laborant milites, quum non multum abest, ut fugam capebant. Laborare est nostrum: im Gedränge seyn.

manu consulere militibus, quoniam imperare conturbatis omnibus non poterat. Nonnulli interpretes ita intelligunt hunc locum, ut *manu consulere* sit: *nutum manibus dare, imperare autem: clara voce, quid faciendum sit, praecipere.* Cor-tius ineptam vocat hanc interpretationem, cum *τὸ consulere*

rare, conturbatis omnibus non poterat. Iamque dies consumtus erat, cum tamen barbari nihil remittere; atque, uti reges praeceperant, noctem pro se rati, acrius instare. Tum Marius ex copia rerum consilium trahit, atque, uti suis receptui locus esset, collis duos propinquos inter se occupat. Quorum in uno, castris parum amplo, fons aquae magnus erat: alter usui opportunus, quia magna parte editus et praeceps pauca munimento quaerebat. Ceterum apud aquam Sullam cum equitibus noctem agitare jubet. Ipse paullatim disperfos milites, neque minus hostibus conturbatis, in unum contrahit: dein cun-

nequeat simpliciter opponi τῷ imperare, et manifestum esse dicit, Marium virtute, auxilio suo suaeque turmae consuluisse militibus. Vtrumque autem ferri posse, et ambiguitas quaedam huic loco inesse videtur. Nam significatio verbi *consulere* latius patet, quam notio verbi imperare.

noctem pro se rati i. e. sibi commodam fore.

ex copia rerum nach Beschaffenheit der Umstände; nach der Lage der Dinge. Hoc enim loco vox *copia* facultatem, opportunitatem, quae sese offert, denotat; sicut etiam in Cat. Cap. VIII. ubi legimus: At populo Romano numquam ea copia fuit. Igitur antiquum

verbum, inde natum: *copiari*, idem significat, inquit doct. Cortius, quod *nancisci*, *potiri*.

Castris parum amplo i. e. ad castra capienda non satis amplo.

usui opportunus, zu diesem Zwecke (castris faciendis) brauchbar.

quaerebat — h. e. egebat, requirebat. Nam *quaerere* interdum dicitur pro: *desiderare*. Cujus significationis exemplum habemus in versu illo, quem Cort. citavit ad Cap. LXXXV. „Tunc di quoque magnos quaesivere deos.“

neque minus hostibus conturbatis — quum interim eodem tempore hostes essent conturbati.

ctos pleno gradu in collem subducit. Ita reges, loci difficultate coacti, praelio deterrentur. Neque tamen suos longius abire sinunt, sed, utroque colle multitudine circumdato, effusi confedere. Dein crebris ignibus factis, plerumque noctis barbari suo more laetari, exsultare, strepere vocibus: ipsi duces feroces, quia non fugerent, pro victoribus agere. Sed ea cuncta Romanis ex tenebris et editioribus locis facilia visu magnoque hortamento erant.

CAPVT XCIX.

Plurimum vero Marius imperitia hostium confirmatus, quam maxumum silentium haberi iubet: ne signa quidem, uti per vigilias solebant, canere: deinde, ubi lux adventabat, defessis jam hostibus et paullo ante somno captis, de improvviso vigiles, item cohortium, turmarum, le-

pleno gradu. Eadem dictio est apud Livium IV. 32. et in quibusdam aliis veterum locis. Nostrum; *in vollem Marsche* — mit beschleunigtem Schritte.

plerumque noctis — plurimam noctis partem.

pro victoribus, tamquam essent victores.

ex tenebris etc. Nempe dum e colle tenebroso castra ho-

stium, igne collucentia, viderent.

CAP. XCIX. *imperitia hostium.* Illi enim, quum quiescere debuissent, imprudenter semet ipsi fatigabant.

ne signa quidem, uti per vigilias. Finita nempe una vigilia, buccinae aut tubae sonitu alius miles, qui succederet, excitabatur. Cfr. Tacit. V. Hist. Cap. 22.

gionum tubicines simul omnis signa canere, milites clamorem tollere atque portis erumpere. Mauri atque Gaetuli ignoto et horribili sonitu repente exciti, neque fugere, neque arma capere, neque omnino facere aut providere quidquam poterant. Ita cunctos strepitu, clamore, nullo subveniente, nostris instantibus, tumultu, terrore, formido, quasi vecordia, ceperat. Denique omnes fusi fugatique. Arma et signa militaria pleraque capta: pluresque eo praelio, quam omnibus superioribus interemti. Nam somno et metu insolito impedita fuga.

CAPUT C.

[Fugatis tandem hostibus Consul in hiberna tendit, in eoque itinere tam prudenter copias disponit, ut ad excipiendum hostilem impetum semper esset paratus.]

Dein Marius, uti coeperat, in hiberna: quae, propter commeatum, in oppidis maritumis agere decreverat. Neque tamen secors victoria, aut insolens factus; sed pariter ac in conspectu hostium, quadrato agmine incedere. Sulla cum

CAP. C. *in hiberna* suppl. proficiscitur, abit, tendit, quae verba ab optimis scriptoribus saepe reticentur. Plura huiusmodi ellipseos exempla attulit Cortius ex immensa, qua gaudet, eruditionis copia.

quadrato agmine „quod tum instituebatur, quum in regione infesta, aut adversus hostem ducerent.“ Sic enim undique tati sibi videbantur.

equitatu apud dextumos, in sinistra A. Manlius cum funditoribus et sagittariis, praeterea cohortes Ligurum curabat; primos et extremos cum expeditis manipulis tribunos locaverat. Perfugae, minime cari et regionum scientissimi, hostium iter explorabant: simul Consul, quasi nullo imposito, omnia providere: apud omnes adesse: laudare, increpare merentis. Ipse armatus intentusque, item milites cogebat: neque secus, atque iter facere, castra munire, excubitu in portas cohortis ex legionibus, pro castris equites

dextumos. Haec vox non alias occurrit. Schellorus eam pro superlativo $\pi\gamma$ dexter habet.

Curabat — praeeerat iis, dux erat. Nam qui aut militibus praepositi sunt, aut praefecti administrantibus, e. g. legati, tribuni, praefecti — hi omnes *curare* dicuntur apud Nostrum.

minime cari, et regionum scientissimi — h. e. non solum quia vita perfugarum minoris, quam civium, aestimabatur, periculosum hoc negotium minore damno iis demandari poterat, sed etiam, quod regionum illi erant scientissimi, tutius iter faciebat omnis exercitus.

quasi nullo imposito — h. e. quasi nullum militibus ducem praeposuisse, praefecisset. Vid. Cat. Cap. LI. Lacedaemonii, devictis Atheniensibus, trigin-

ta viros imposuere. Cfr. Tacit. VI. Ann. Cap. XI.

merentis — ad utrumque verbum anteced. referendum. Sensus: ut quisque vel culpam vel laudem meruerat.

Ipse armatus intentusque sc. erat, *item milites cogebat* sc. esse armatos atque intentos. Nam quod ipse, tamquam perfecti militis exemplar, fecerat, idem jure suo reliquos etiam facere cogebat. Cfr. Cat. Cap. XXVII. „ipse cum telo esse, item alios jubere.“

neque secus, atque iter facere, castra munire: eadem cura, qua iter faciebat, etiam castra muniebat. Sic recte sententiam h. l. explanat Cortius, observans simul: „*particulam atque*, etiam ubi pro *quam* posita sit, eadem tempora, eosdem casus etc. jungere.

auxiliarios mittere. Praeterea alios super vallum in munimentis locare, vigilias ipse circumire, non diffidentia futuri, quae imperavisset, quam uti militibus exaequatus cum imperatore labos volentibus esset. Et sane Marius illo et aliis temporibus belli pudore magis, quam malo, exercitum coercebat: quod multi per ambitionem fieri aiebant; pars quod a pueritia consuetam duritiam, et alia, quae ceteri miseras vocant, voluptati habuisset. Nisi tamen res publica

alios sc. vigiles, aut custodes.

*non diffidentia futuri, quae imperavisset, h. e. non propterea, quod diffideret militibus, metueretque, ne morem sibi non gererent. Sententia verborum intellectu haud admodum difficilis est. Verum credat lector, scribentis culpa aut *τὸ futuri in futurorum*, aut *quae in quod* mutatum esse. Hinc nonnulli, quos indignabundus Cortius grammaticellos vocat, *futurorum* reponi iusserunt. Sed doctiss. ille interpretes laudat Perizonii expositionem ad Sanct. II. Min. Cap. 9: „non diffidentia futuri *negotii eorum*, quae imperavisset — pluresque partim ab illo citatos, partim a se repertos veterum locos adducit, quibus huiusmodi verborum ordo probetur; v. e. Cic. XVI. pist. XXVII. „*incredibile est,**

quae ego illos scio fecisse. Reliqua praetereo.

exaequatus cum imperatore labos — i. e. labos, cujus partem imperator aequae ac miles susciperet.

militibus — — — *volentibus esset*, milites lubentes volentesque laborem perferrent. — Notum dicendi genus, supra etiam Cap. LXXXIV. obvium.

malo — poenis.

a pueritia consuetam duritiam — de qua legend. Cap. LXIII et LXXXV.

Nisi tamen. Hujus particularum conjunctionis sensum acute explicuit Cort. ad Cap. XXIV. Idem proprie significant, quod: Si non, tamen. Hoc est: Sive per ambitionem, sive quod voluptati haberet duritiam et laborem, fecerit: tamen eventus, quem habuit viri imperium, nobis sufficit. Nostrum: Genug dafs die Angele-

pariter, ac saevissimo imperio, bene atque decore gesta.

C A P V T CI.

[Haud procul ab urbe Cirta subito iterum hostes adparent. Fit proelium adversus Iugurtham simul et Bocchum. Romani fortiter resistunt, et, quamvis territi aliquantisper Numidae dolo, cruentum gladium ostentantis, quo Marius se interfecisse gloriabatur, ad postremum tamen undique hostes prosternunt.]

Igitur quarto denique die, haud longe ab oppido Cirta undique simul speculatores citi sese ostendunt: qua re hostis adesse intellegitur. Sed quia divorsi redeunt, alius ab alia parte, atque omnes idem significabant; Consul incertus, quonam modo aciem instrueret, nullo ordine commutato, adversum omnia paratus, ibidem opperitur. Ita Iugurtham spes frustrata, qui copias in quatuor partis distribuerat: ratus ex om-

genheit des Staates mit ebenso gutem Erfolge, und eben der Würde verwaltet ist, als wenn er das strengste Commando geführt hätte.

CAP. CI. *speculatores citi sese ostendunt*, illi nempe, qui a Romanis praemissi erant, ut hostium iter explorarent, celerime advolant.

Qua re — quorum adventu et properantia.

divorsi — alius ab alia parte; haec enim verba statim addita, et pleonasmo similia, pro glossatoris additamento habitant. Sed ejusmodi sermonis abundantia non semel occurrit in scriptis Sallustii.

adversum omnia — adv. omnes hostium impetus, ita ut quadrato agmine undique irruentes excipere posset.

nibus aequae aliquos ab tergo hostibus venturos. Interim Sulla, quem primum adtigerant, cohortatus suos, turmatim et quam maxime confertis equis ipse alique Mauros invadunt: ceteri in loco manentes ab jaculis eminus emissis corpora tegere, et, si qui in manus venerant, obtruncare. Dum eo modo equites praeliantur, Bocchus cum peditibus, quos Volux filius ejus adduxerat, neque in priore pugna, in itinere morati, adfuerant, postremam Romanorum aciem invadunt. Tum Marius apud primos agebat, quod ibi Iugurtha cum plurimis. Dein Numida, cognito Bocchi adventu, clam cum paucis ad pedites convortit: ibi Latine (nam apud Numan- tiam loqui didicerat) exclamat: *nostros frustra pugnare; paullo ante Marium sua manu interfectum; simul gladium sanguine oblitum*

aeque al. ab tergo. Cortius verba: *aeque ab tergo* conjungit, et germanice reddit: gerade von hinten zu. Et quamvis Vir doctissimus solita exemplorum copia confirmare nequit illum particulae sensum, tamen reliquorum interpretum emendationibus hanc ejus interpretationem longe praefendam censeo. Nam optime congruit cum Iugurthae consilio.

ipse alique. Supervacanea verba et ab interprete forsan, qui parum ad antecedentia: *cohortatus suos*, attendisse videtur, adjecta.

in itinere morati — propterea quod i. i. morati erant.

apud primos agebat, in primis ordinibus pugnabat. Nam *agere* et *agitare* saepius pro *esse*, *versari*, *commorari* occurrit. Et alacritatis simul notio illis verbis subesse videtur.

ostendere, quem in pugna, satis impigre occiso pedite nostro, cruentaverat. Quod ubi milites acceperere, magis atrocitate rei, quam fide nuncii terrentur: simulque barbari animos tollere et in perculsos acrius incedere. Iamque paulum ab fuga aberant, cum Sulla, profligatis, quos advorsum ierat, Mauris ab latere incurrit. Bocchus statim advortitur. At Iugurtha, dum sustentare suos et prope jam adeptam victoriam retinere cupit, circumventus ab equitibus, dextra, sinistra omnibus occisis, solus inter tela hostium vitabundus erumpit. Atque interim Marius, fugatis equitibus, occurrit auxilio suis, quos pelli jam acceperat. Denique hostes undique fusi. Tum spectaculum horribile campis patentibus sequi, fugere; occidi, capi; equi, viri adflitti: ac multi, vulneribus acceptis, neque fugere posse, neque quietem pati; niti modo, ac statim concidere: postremo omnia, qua visus erat, con-

satis impigre — i. e. fortiter atque celeriter, ita ut ab Romanis illa militis caedes non animadverteretur.

atrocitate rei, ipsa caedis cogitatione, quam sine terrore ne repraesentare quidem animo poterant.

quam fide nuncii, quam quod

fidem haberent regi caedem nuntianti.

aberant, int. nostri.

vitabundus. h. e. anxie diligenterque vitans, cum telis undique peteretur.

niti modo — surgere atque, si possent, resistere tentabant.

qua visus erat — quocunque oculus se convertere peterat.

strata telis, armis, cadaveribus; et inter ea humus infecta sanguine.

C A P V T CII.

[Marius, Cirtam victor ingressus, et a Bocchi legatis rogatus, ut duo quam fidissimos ad regem mitteret, Sullam et Manlium ablegat. Verbis a Sulla placide factis Bocchus benigne respondet. Sed paulo post vir infidus iterum amicis, a Iugurtha corruptis, aurem praebebat.]

Postea loci Consul, haud dubie jam victor, pervenit in oppidum Cirtam, quo initio profectus intenderat. Eo post diem quintum, quam iterum barbari male pugnaverant, legati a Boccho veniunt, qui regis verbis ab Mario petivere, *duo quam fidissimos ad eum mitteret; velle de se, et de populi Romani commodo cum is disferere.* Ille statim L. Sullam et C. Manlium ire jubet. Qui quamquam acciti ibant: tamen placuit verba apud regem facere: ingenium aut avorsum uti flecterent; aut cupidum pacis vehementius accenderent. Itaque Sulla, cujus fa-

CAP. CII. *Postea loci* — nihil aliud, quam *postea*. Sic et: *ubique gentium, locorum, terrarum; tunc temporis.*

quo initio profectus intenderat — proficisci, antequam hostes eum denuo ingrederentur, statuerat, inceperat.

regis verbis, im Namen des Königs.

acciti — regis jussu, invitati a rege.

ingenium avorsum sc. a pacis consiliis — Abneigung vom Frieden.

cundiae, non aetati a Manlio concessum, pauca verba hujusmodi locutus.

Rex Bocche, magna nobis laetitia, cum te talem virum di monuere, uti aliquando pacem, quam bellum, malles; neu te optimum cum pessimo omnium Iugurtha miscendo commaculares; simul nobis demeres acerbam necessitudinem, pariter te errantem et illum sceleratissimum persequi. Ad hoc populo Romano jam inopi visum, amicos, quam servos quaerere: tutius rati, volentibus, quam coactis imperitare. Tibi vero nulla opportunior nostra amicitia: primum, quod procul absumus, in quo offensae minimum, gratia par, ac si prope adessemus; dein quod parentes abunde habemus, amicorum neque nobis, neque cuiquam omnium satis. Atque hoc utinam a principio tibi placuisset! profecto ex populo Romano multo plura bona accepisses, quam mala perpeffus esses. Sed quoniam humanarum rerum fortuna pleraque regit; cui

cujus facundiae concessum — i. e. qui etsi aetate minor, facundior tamen erat Manlio.

optimum cum pessimo — te errantem et illum sceleratissimum. Vide, quantam lenitatem astutiamque adhibeat Sulla!

„populo Romano jam inopi“ jam tum, quum inops esset, „visum,“ placuit, „amicos“ int. potius, quam servos quaerere.

parentes — populos imperio subjectos.

scilicet placuisse et vim, et gratiam nostram experiri: nunc, quando per illam licet, festina, atque, ut coepisti, perge. Multa atque opportuna habes, quo facilius errata officiis superes. Postremo hoc in pectus tuum demitte, numquam populum Romanum beneficiis victum. Nam bello quid valeat, tute scis.

Ad ea Bocchus placide et benigne; simul pauca pro delicto verba facit: *se non hostili animo, sed regnum tutatum arma cepisse: nam Numidiae partem, unde vi Iugurtham expulerat, jure belli suam factam, eam va-*

cui scilicet placuisse. Ne quis infinitivum miretur, meminerint legentes tamen scilicet idem esse, quod scias licet, seu patet enim. Admodum leniter Sulla fortunam accusat, qua velut coactus rex vim Romanorum expertus sit.

quo facilius errata officiis superes — ut plura nobis officia praestes, quam mala nobis, errore ductus, intulisti.

Nam bello quid valeat, tute scis. Nam eadem arma, quorum vim tu jam hostis expertus es, ad te defendendum capiet. — Sic vir callidissimus iisdem verbis, quibus minari voluisse videatur, spem excitabat jucundissimam. — Simil-

limus locus legitur apud Horat. IV. Od. XIV. v. 7. „Quem legis expertes Latinae — Vindelici didicere nuper — quid Marte posses.

pro delicto suo — delicti sui excusandi gratia.

unde vi I. expulerat suppl. Marius. Germanus forsan scripisset: unde Marius vi Iugurtham expulerit. — Sed non eodem semper loco, quo nobis requiri videtur, a scriptoribus Latinis etiam Coniunctivum poni solere — alibi demonstravimus. — Bocchus illam Numidiae partem, quam nunc Marius tenebat, sibi promissam esse a Iugurtha simulat. E superioribus tamen satis con-

stari ab Mario pati nequivisse: praeterea missis antea Romam legatis, repulsum ab amicitia. Ceterum vetera omittere, ac tum, si per Marium liceret, legatos ad Senatum missurum. Dein, copia facta, animus barbari ab amicis flexus, quos Iugurtha, cognita legatione Sullae et Manlii, metuens id, quod parabatur, donis corruerat.

CAPVT CIII.

[Attamen Bocchus, mutato consilio, quinque viros, ex familiarissimis suis delectos, ad Marium, qui, locato in hibernis exercitu, castellum Iugurthae obsidebat, belli componendi gratia mittit, qui, cum Consulem in hibernis esse putarent, ad Sullam proficiscuntur, ibique quadraginta circiter dies, benigne ac liberaliter habiti, commorantur.]

Marius interea, exercitu in hibernis composito, cum expeditis cohortibus et parte equitatus proficiscitur in loca sola, obsessum turrin regiam,

stat, tertiam Numidiae partem hac conditione: si Romani Africa expulsi, aut integris suis finibus bellum compositum foret — Boccho promissam esse. — Sed illa benignior foederis interpretatio satis apia erat, acuteque inventa ad excusationem.

missis — amicitia — se, cum antea legatos, amicitiae petendae gratia, Romam misisset, tulisse repulsam.

vetera omittere, non amplius recordari velle, quae olim facta sint.

copia facta, data legatos mittendi permissione.

quo Iugurtha perfugas omnis praesidium impo-
 fuerat. Tum rursus Bocchus, seu reputando,
 quae sibi duobus praeliis venerant, seu admoni-
 tus ab amicis, quos incorruptos Iugurtha reli-
 querat, ex omni copia necessariorum quinque
 delegit, quorum et fides cognita, et ingenia va-
 lidissima erant. Eos ad Marium, ac dein, si
 placeat, Romam legatos ire jubet: agendarum
 rerum, et quocumque modo belli componendi
 licentiam permittit. Illi mature ad hiberna Ro-
 manorum proficiscuntur; deinde itinere a Gae-
 tulis latronibus circumventi spoliatique, pavidi,
 sine decore ad Sullam perfugiunt; quem Consul
 in expeditionem proficiscens pro Praetore reli-
 querat. Eos ille non pro vanis hostibus, ut me-
 riti erant, sed adcurate ac liberaliter habuit.

CAP. CIII. *perfugas omnis*
pr. imp. Non sine consilio.
 Sperabat enim, fore, ut per-
 fugae, supplicia timentes, si
 turris expugnaretur, eam for-
 tissime defenderent.

venerant — *evenerant*; ut su-
 pra Cap. VIII: „si permanere
 vellet in suis artibus, ultro illi
 et gloriam et regnum *venturum*.

ex omni copia nec. — *ex om-*
ni familiarium numero.

mature — — *statim, sine*
mora.

hiberna Rom. ubi nempe Ma-
 rium, de cujus abitu nondum

certiores facti erant, esse pu-
 tabant.

sine decore — habitu tristi.

non pro vanis hostibus, ut
meriti erant, i. e. non ita, ut
 par erat, tamquam mendaces,
 infidosque hostes. Sulla igitur
 de Bocchi inconstantia nun-
 tium accepisse videtur. Alias
 enim ejusdem regis, quocum
 ipse paulo antea placide collo-
 cutus erat, legatos benigne
 excipere debuiſſet.

adcurate habuit: omni cura
et studio tractavit.

Qua re barbari et famam Romanorum avaritiae falsam, et Sullam, ob munificentiam in sese, amicum rati. Nam etiam tum largitio multis ignara: munificus nemo putabatur, nisi pariter volens: dona omnia in benignitate habebantur. Igitur Quaestori mandata Bocchi patefaciunt; simul ab eo petunt, uti fautor consultorque sibi adsit: copias, fidem, magnitudinem regis sui, et alia, quae aut utilia, aut benevolentiae credebant oratione extollunt: dein Sulla omnia pollicito, docti, quo modo apud Marium, item apud Senatum verba facerent, circiter dies XXXX. ibidem opperiantur.

CAPVT CIV.

[Marius interim, infecto negotio reversus, auditis, praesente Sulla, Bocchi mandatis, Romam proficiscendi potestatem Numidis concedit, quorum tres, comitante Rufo, ad Senatum abeunt, deprecatique regis scelus veniam impetrant.]

P 2

Largitio, simulata illa beneficentia, qua corrumpere alios et in suas partes trahere studebant plerique optimates. Munificentia, quae non ab animo benevolo proficiscitur, quod statim ipse indicat.

aut benevolentiae credebant — ad benevolentiam captandam idonea. Eadem ver-

borum structura C. LXXXVIII. usus est: „*Quae* postquam gloriosa modo, neque belli patrandi cognovit.

Sulla omnia pollicito — postquam Sulla omnia, sc. quae ad confirmandum animum spemque pacis augendam pertinerent, pollicitus erat.

Marius postquam infecto, quo intenderat, negotio Cirtam redit; de adventu legatorum certior factus, illosque et Sullam venire jubet, item L. Bellienum Praetorem Utica, praeterea omnis undique Senatorii ordinis, quibuscum mandata Bocchi cognoscit. Legatis potestas eundi Romam fit ab Consule: interea induciae postulabantur. Ea Sullae et plerisque placuere: pauci ferocius decernunt, scilicet ignari humanarum rerum, quae fluxae et mobiles semper in adversa mutant. Ceterum Mauri, impetratis omnibus rebus, tres Romam profecti cum Cn. Octavio Rufo, qui Quaestor stipendium in Africam por-

CAP. CIV. *quo intenderat* — i. e. cujus perficiendi causa, sive, ad quod perficiendum profectus erat. Negotium enim illud tamquam scopus ei propositus fuerat. Itaque non simpliciter *quo pro quod* dictum putarem. Sed uti recte dicimus: *aliquo proficisci*, ita etiam *aliquo* (negotio) i. e. *ad negotium intendere* — seu nris, et cum contentione virium proficisci, — Neutiquam vero adsentior doctissimo meo duci — Cortio, qui: „Exponendum, inquit, *infecto negotio, quo confecto redire intenderat.*“ Nam ad reditum in illa dictione omnino non respicitur.

Utica. Suspectum est Cortio nomen urbis, idque ab edito-

ris manu insertum ei videtur propter anteced. *venire jubet.*

mandata Bocchi, alterum nempe, ut Marius legatis Romam proficiscendi veniam concederet, alterum ut induciae fierent, donec illi reverterentur.

placueret sc. induciae,

ferocius — non ita leniter — decernunt; i. e. non adsentuntur reliquorum mitiori sententiae.

ignari rerum humanarum — non considerantes fortunae inconstantiam, rerumque humanarum vanitatem. Cfr. Cat. C. I.

mutant legendum est; non: mutantur. Nam *mutare* est Nostrum: *übergessen, sich umwandeln.*

taverat: duo ad regem redeunt. Ex his Bocchus cum cetera, tum maxime benignitatem et studium Sullae lubens accepit. Romae legatis ejus, postquam errasse regem et Iugurthae scelere lapsum, deprecati sunt, amicitiam et foedus petentibus hoc modo respondetur.

Senatus et populus Romanus beneficii et injuriae memor esse solet. Ceterum Boccho, quoniam poenitet, delicti gratiam facit. Foedus et amicitia dabuntur, cum meruerit.

CAPVT CV.

[Bocchus cum Sulla de suis rebus colloqui cupit, cui ad regem ablegato Volux, Bocchi filius, in campis patentibus adparet. Romani ad pugnam se adcingunt. Frustra! Vis nemini infertur.]

Quis rebus cognitis, Bocchus per litteras a Mario petivit, uti Sullam ad se mitteret: cujus arbitrato de communibus negotiis consulereetur. Is missus cum praesidio equitum atque peditum, funditorum Balearium: praeterea sagittarii et cohors Peligna cum velitaribus armis, itineris

lapsus — errasse, deliquisse.

erant praestantissimi. Confr. Flor. III. 8.

CAP. CV. Cujus arbitrato — Non tamen ita, ut Quaestoris arbitrio totum se permetteret; sed: praesente Sulla, et pro Quiritibus deliberante.

cohors Peligna — Gens Pelignorum, quae a Frentanis Sagro flumine sejuncta erat, per Ovidium, Sulmone natum, inclaruit.

funditorum Balearium, qui

cum velitaribus armis. Ut

properandi causa: neque his secus, atque aliis armis, adversum tela hostium, quod ea levia sunt, muniti. Sed itinere, quinto denique die, Volux filius Bocchi, repente in campis patentibus cum mille non amplius equitibus sese ostendit: qui temere et effuse euntes Sullae aliisque omnibus et numerum ampliorem vero, et hostilem metum efficiebant. Igitur sese quisque expedire, arma atque tela tentare, intendere: timor aliquantus, sed spes amplior, quippe victoribus, et adversum eos, quos saepe vicerunt. Interim equites, exploratum praemissi, rem, uti erat, quietam nunciant.

enim dicitur: esse cum telo, ita etiam recte: cum armis esse. Velitaria arma, inquit Cortius, sunt: quae gestantur ab velitibus — parma tripedalis, et brevior quam equestris, septem hastae in manibus, quibus eminus uterentur, et gladius Hispaniensis. “

neque his secus muniti — et his aequae bene muniti.

Itinere — Omissa, ut supra Cap. XCI., praepositione in,

cum mille non amplius equitibus. — Observent juvenes verba interposita, quae idem valent quod: tantummodo. Sensus enim est: cum equiti-

bus, quorum numerus non excedebat millenarium.

temere — sine ordine.

numerum ampliorem vero i. e. quam verus. Scilicet equitum effuse palantium adspectus metum injiciebat Sullae et comitibus, ne major esset eorum numerus, quam erat revera.

arma atque tela — omnia pugnae instrumenta, ne arcu quidem excepto.

timor aliquantus sc. eos cepit; non erant omni timore vacui.

quippe victoribus — nimirum quum paulo ante vicissent. Respondet particula quippe nostro: ja; da sie ja erst gesiegt hatten.

C A P V T CVI.

[Nam Volux comitem se a patre missum Romanis offert. Qui cum in itinere Iugurtham haud procul abesse cognovissent, subito metu perterritis omnibus, praeter Quaestorem, suadente Numida, noctu proficiscuntur, castrisque sub lucis ortum positis, eundo fessi, Iugurtham modico locorum intervallo a se distare audiunt, Volucem haud immerito perfidiae accusantes.]

Volux adveniens Quaestorem adpellat: *se a patre Boccho obviam illis simul, et praesidio missum.* Deinde eum et proximum diem sine metu conjuncti eunt. Post, ubi castra locata, et die vesper erat, repente Maurus incerto vultu ad Sullam adcurrit: *sibi ex speculatoribus cognitum, Iugurtham haud procul abesse: simul, uti noctu clam secum profugeret, rogat atque hortatur.* Ille animo feroci negat *se toties fusum Numidam pertimescere; virtuti suorum satis credere: etiam si certa pestis adesset, mansurum potius, quam proditis, quos ducebat, turpi fuga incertae ac forsitan post paullo morbo interiturae vitae parceret.* Ceterum ab eodem monitus, *uti noctu proficisce-*

CAP. CVI. *Obviam — simul et praesidio — i. e. honoris et praesidii causa.*

die — diei. Eadem verba vide supra LII,

incerto vultu — qui et anxi-

um et male sibi conscium animum prodere videbatur, Bene Höckius: mit einer verlegenen Miene.

certa pestis — interitus non evitandus.

rentur, consilium adprobat; ac statim milites caenatos esse; in castris ignis quam creberrimos fieri, dein prima vigilia silentio egredi jubet. Iamque nocturno itinere fessis omnibus, Sulla pariter cum ortu solis castra metabatur, cum equites Mauri nunciant, *Iugurtham circiter duum millium intervallo ante consedisse*. Quod postquam auditum, tum vero ingens metus nostros invadit: credere proditos a Voluce et insidiis circumventos. Ac fuere, qui dicerent, manu vindicandum, neque apud illum tantum scelus inultum relinquendum.

C A P V T CVII.

[Tum vero animum magnum fortemque exhibuit Sulla; nam confirmatis oratione militibus, Voluci pepercit, et, Iugurthae obviam eundum ratus, Numidam sibi suspectum castris excedere iussit. Qui cum lacrimis obortis istam ignominiam deprecaretur, seque, si per media hostis castra ire vellent, comitem Quaestori offerret, repulsam non tulit. Ita sine ulla clade profisciscuntur.]

At Sulla, quamquam eadem aestumabat, tamen ab injuria Maurum prohibet: suos hortatur, *uti fortem animum gererent: saepe antea*

caenatos esse — i. e. coenam quam celerrime facta paratos adesse. Sic Cicero: *habere leges promulgatas*; ut unum e

pluribus exemplis, a Cortio citatis, adferam.

manu vindicandum — ilico morte puniendum, non expectato iudicio.

*paucis strenuis advorsum multitudinem bene pugnatum: quanto sibi in praelio minus percissent, tanto tutiores fore: nec quemquam decere, qui manus armaverit, ab inermis pedibus auxilium petere, in maximo metu nudum et caecum corpus ad hostis vortere. Deinde Volucem, quoniam hostilia faceret, maximum Iovem obtestatus, ut sceleris atque perfidiae Bocchi testis adesset, castris abire jubet. Ille lacrumans orare, ne ea crederet: nihil dolo factum, magis calliditate Iugurthae, cui speculanti iter suum cognitum esset. Ceterum, quoniam neque ingentem multitudinem haberet, et spes opesque ejus ex patre suo penderent; illum nihil palam ausurum, cum ipse filius testis adesset; Quare optimum factum videri, per media ejus castra palam transire: sese, vel praemissis, vel ibidem relictis Mauris, solum cum Sulla iturum. Ea res, ut in tali negotio, probata, ac statim profecti; quia de improvviso acciderant, dubio atque haesitante Iugurtha, incolumes transeunt. Deinde paucis diebus, quo ire intenderant, per-
ventum,*

CAP. CVII, *ea res, ut in tali negotio, probata* — Consilium Volucis, quum ad praesentem

rei statum accommodatissimum videretur, nec alia salutis via pateret, acceptum,

CAPUT CVIII.

[*Dabar, Massugrae filius, ex gente Masinissae, qui cum Aspare, Iugurthae familiari, apud Bocchum erat, praemissus ad Sullam, ut placidum amicumque regis animum testificaretur, mandata perficit. Sed Bocchum necessitate coactum talia fecisse suspicatur Sallustius.*]

Ibi cum Boccho Numida quidam, Aspar nomine, multum et familiariter agebat: praemissus ab Iugurtha, postquam Sullam accitum audierat, orator, et subdole speculatum Bocchi consilia: praeterea Dabar, Massugrae filius, ex gente Masinissae, ceterum materno genere impar; pater ejus ex concubina ortus erat; Mauro ob ingenii multa bona carus acceptusque: Quem Bocchus fidum Romanis multis antea tempestatibus expertus, illico ad Sullam nunciatum mittit, *paratum sese facere, quae populus Romanus vellet: colloquio diem, locum, tempus ipse dilegeret: consulta sese omnia cum illo integra habere, neu Iugurthae legatum pertime-*

CAP. CVIII. *subdole speculatum* etc. ut subdole exploraret.

impar, minus nobilis. Optime illustrat hunc locum, ne quis legendum putet: mater ejus etc. etc. doctissimus Curtius his Nostri verbis, quae supra Cap. V. de Manastabale dicta sunt: „Matres sint licet ex concubinis ortae, nullam

ibi dissimilitudinem generis inserunt.“

fidum Romanis — — *expertus*. Vide similem locutionem in Cat. Cap. XX.

paratum sese facere — *paratum se esse ad faciendum*.

Consulta sese o. c. i. integra habere — nihil adhuc in iis rebus, de quibus inter se collo-

sceret; quo res communis licentius gereretur; nam ab insidiis ejus aliter caveri nequivisse. Sed ego comperior, Bocchum magis Punica fide, quam ob quae praedicabat, simul Romanos

qui vellent, nec a se (Boccho) pro certo constitutum, nec a legato Iugurthae corruptum. — — Observent tirones 1) rem integram esse eam, quae in suo statu, sine ulla mutatione, permansit; 2) res deliberandas h. l. dici *consulta*, quasi jam perfecta sit deliberatio: alle mit ihm zu überlegenden Plane wären noch unverändert dieselben.

quo res communis licentius gereretur etc. Aut supplendum est ante haec verba: illum enim admissum (accitum, advocatum) esse — aut particula *nam* e conjectura Cortii delenda, et uterque locus hunc in modum combinandus videtur; quo res communis licentius gereretur, (ab insidiis ejus) aliter caveri nequivisse. — Quam conjecturam etsi vir modestissimus non receperit, verissimam equidem loci medelam esse arbitror. Eandemque secutus est Höckius, qui vertit: „denn er habe, wenn man die gemeinschaftlichen Angelegenheiten ungehindert abthun wolle, seinen heimlichen Ränken auf keine andre Weise ausweichen können.

Et si genuina textus verba retinenda ducerem, equidem non eodem modo, quo Cortius, lacunam supplerem sed vocem *legatum* repeterem ex antecedentibus, ut sit: *ne pertimesceret I. legatum, qui legatus esset, quo etc.* — Ceterum quaeras, quomodo Bocchus, accito Iugurthae legato, tutior sibi ab illius insidiis videri potuerit. Recte respondet Cortius: Non ita invalidus erat Iugurtha, ut non consiliis Bocchi insidiari potuisset, qui jam saepe proximos ejus donis corruerat, ut regem ab optimis consiliis abstraherent. Id effugiebat, praesenti legato benigne omnia pollicendo.

magis Punica fide, quam ob quae praedicabat — simulata magis, quam vera fide. Discant h. l. juvenes, *Atticam fidem* pro sincera, *Punicam* pro fucata in proverbio dictam esse. De Attica fide cfr. Vellej. Pat. II. 23. Flor. II. 2. Sed Romanos, Poenorum aemulos, falsa interdum crimina his intulisse, nec vero ipsos fidem servasse Carthaginensibus, quis ignoret?

et Numidam spe pacis adtinuisse, multumque cum animo suo voluere solitum, Iugurtham Romanis, an illi Sullam traderet: lubidinem advorsum nos, metum pro nobis suasisse.

CAPUT CIX.

[Sulla, remisso cum responsis *Dabare*, ipsum regem adit, qui, interrogatus an pacem praeferret bello, decem sibi dies deliberandi causa petit, postea vero noctu Quaestorem, in castra sua regressum, clanculum arcessit.]

Igitur Sulla: *pauca coram Aspare locuturum; cetera occulte, aut nullo, aut quam paucissimis praesentibus: simul edocet, quae responderentur. Postquam, sicuti voluerat, congressi, dicit: se missum a Consule venisse quaesitum ab eo, pacem, an bellum agitaturus foret. Tum rex, uti praeceptum, post diem decimum redire jubet; ac nihil etiam nunc decrevisse, sed illo die responsurum. Deinde ambo in sua castra digressi. Sed ubi plerumque*

adtinuisse pro usitatori: retinuisse.

CAP. CIX. *coram Aspare, qui cum Dabare, ut mihi quidem verisimile est, ad Sullam missus erat; nam sequentia: „simul edocet, quae responderentur,“ ad Dabarem refero. Sed huic loco, fateor, subest aliqua*

obscuritas, propterea quod non satis patet, quisnam ad Sullam missus sit. Nam in Cap. CVIII. verba illa: quem Bocchus etc. ad Dabarem potius quam ad Asparem referenda esse mihi persuadeo, cum non intelligam, quomodo, qui Romanis fidus fuerat, Iugurthae simul familiaris esse potuerit.

noctis processit, Sulla a Boccho occulte arcessitur: ab utroque tantummodo fidi interpretes adhibentur: praeterea Dabar internuncius, sanctus vir et ex sententia ambobus. Ac statim sic rex incipit.

CAPVT CX.

[Sequitur pacifica Bocchi oratio, qua belli hactenus gesti necessitatem, animumque erga Romanos benevolum declarat, simul pollicitus, se neque ipsum Mulucham flumen transiturum, nec passurum ut Iugurtha hunc imperii terminum transgrediatur.]

Numquam ego ratus sum fore, uti rex maxumus in hac terra, et omnium, quos novi, privato homini gratiam deberem. Et hercle, Sulla, ante te cognitum, multis orantibus, aliis ultro egomet opem tuli, nullius indigui. Id imminutum, quod ceteri dolere solent, ego laetor: fuerit mihi eguisse

CAP. CX. *omnium, quos novi* — Ecce hominis superbi vanitatem! Sed nota est illa barbarorum principum vana insolentia, qua fit, ut etiam hodie nonnulli Afrotum tetrarchae omnium regum maximi sibi videantur. Sed forsan potentiores semet ipso non cognoverat.

ante te cognitum, antequam te cognovi.

Id imminutum etc. Quod

PARS II.

haec aliis opitulandi opportunitas, imminutis opibus meis, sublata est — id non doleo, ut ceteri solent, sed laetor potius.

fuerit mihi eguisse etc. i. e. „acciderit mihi, ut aliquando eguerim amicitiae tuae. Cfr. supra Cap. XXXI: Sed sane fuerit, plebi sua restituere“ —

— — Mag ich denn wirklich in den Fall gekommen seyn, Deiner Freundschaft zu bedürfen!

Q

aliquando amicitiae tuae, qua apud animum meum nihil carius habeo. Id adèò experiri licet: arma, viros, pecuniam, postremo quidquid animo lubet, sume, utere: et, quoad vives, numquam redditam gratiam putaveris; semper apud me integra erit: denique nihil, me sciente, frustra voles. Nam, ut ego aestumo, regem armis, quam munificentia, vinci, minus flagitiosum. Ceterum de re publica vestra, cujus curator huc missus es, paucis accipe. Bellum ego populo Romano neque feci, neque factum umquam volui: finis meos adversum armatos armis tutus sum. Id omitto, quando vobis ita placet: gerite, uti voltis, cum Iugurtha bellum. Ego flumen Mulucham, quod inter me et Micipsam fuit, non egrediar, neque Iugurtham id intrare sinam. Praeterea si quid meque vobisque dignum petiveris, haud repulsus abibis.

CAPUT CXI.

[Sulla, de se modeste locutus, Iugurthae traditionem, tamquam verum amicitiae documentum, flagitat. Ali-

experiri licet — Tibi nempe, h. e. ejus documenta licet cognoscas.

numquam redditam gratiam putaveris sc. a me Tibi. Semper

tamen ego Tibi gratias debebo.

minus flagitiosum — minus dedecet, armis vinci, quam etc.

haud repulsus abibis — haud foret repulsam.

Quamdiu cunctatus rex tandem consentit, dolumque, quo gener capiat, cum eo componit.]

Ad ea Sulla pro se breviter et modice; de pace et de communibus rebus multis disseruit. Denique regi patefacit, *quod polliceatur, Senatum et populum Romanum, quoniam amplius armis valuissent, non in gratiam habituros: faciundum aliquid, quod illorum magis, quam sua, retulisse videretur; id adeo in promptu esse, quoniam Iugurthae copiam haberet: quem si Romanis tradidisset, fore, uti illi plurimum deberetur; amicitiam, foedus, Numidiae partem, quam nunc peteret, ultro adventuram.* Rex primo negitare: *adfinitatem, cognationem, praeterea foedus intervenisse: ad hoc metuere, ne fluxa fide usus, popularium animos avorteret; quis et Iugurtha carus, et Romani invisi erant.* De-

Q 2

CAP. CXI. *pro se* — quod ad suam ipsius, hominis privati, conditionem adtinebat, breviter tantum et modeste etc.

non in gratiam habituros — suppl. sed jure belli tamquam debitum postulatu-ros.

retulisse — interfuisse. Dicitur enim: hoc illorum refert sc. commoda.

quod Iugurthae copiam etc.

h. e. quod Iugurtham in potestate haberet.

ne fluxa fide usus — ne, si tam perfide ageret contra generum.

erant — Observes iterum, semper in oratione, quam dicunt indirectam, nempe si aliorum verba citantur, Conjunctivum ponendum esse.

nique saepius fatigatus, leniter et ex voluntate Sullae omnia se facturum promittit. Ceterum ad simulandam pacem, cuius Numida, defessus bello, avidissimus, quae utilia visa, constituunt. Ita, composito dolo, digrediuntur.

CAPVT CXII.

[Aspar, a Boccho ad Iugurtham delegatus, post diem octavum redit, atque ex praecepto sui regis postulat, ut per dolum Sulla, securitatis ergo, illi tradatur.]

At rex postero die Asparem, Iugurthae legatum adpellat: *sibi per Dabarem ex Sulla cognitum, posse conditionibus bellum poni: quamobrem regis sui sententiam exquireret.* Ille laetus in castra Iugurthae venit. Deinde ab illo cuncta edoctus, properato itinere, post diem octavum redit ad Bocchum, et ei nunciat, *Iugurtham cupere omnia, quae imperarentur, facere; sed Mario parum confidere: saepe antea cum imperatoribus Romanis pacem conventam frustra fuisse. Ceterum si ambo-* bus consultum et ratam pacem vellet, daret operam, *ut una ab omnibus, quasi de pace,*

CAP. CXII. *conditionibus* — non ex mero hostium arbitrio, sed ita, ut nonnihil utrique parti concederetur.

pacem conventam — de qua utraque pars convenerit,

si ambobus consultum etc. si et suam et Iugurthae utilitatem curare vellet,

quasi de pace — En iterum punicam fidem!

in colloquium veniretur; ibique sibi Sullam traderet. Cum talem virum in potestatem haberet, fore, uti jussu Senatus atque populi Romani foedus fieret; neque hominem nobilem, non sua ignavia, sed ob rempublicam in hostium potestate relictum iri.

CAPVT CXIII.

[Maurus, diu quid faceret incertus, tandem Iugurtham, cui Sullam se traditurum paulo ante promiserat, Quaestori prodit.]

Haec Maurus secum ipse diu volvens tandem promisit. Ceterum dolo, an vere, parum comperimus. Sed plerumque regiae voluntates, ut vehementes, sic mobiles, saepe ipsae sibi advorae. Postea tempore et loco constituto, (in colloquium uti de pace veniretur) Bocchus Sullam modo, modo Iugurthae legatum adpellare,

neque h. n. etc. Sensus est; neque hominem nobilem in hostium potestate, inquam non sua ignavia, sed ob rempublicam venerit, relictum iri. — Sed parum accurate constructa mihi quidem haec Sallustii verba videntur. Quamvis enim infinitivus *relictum iri* continuat praecedens: *fore* — tamen in ultimo periodi membro durior est ellipsis.

CAP. CXIII. *Voluntates.* Acute observat Cortius, vo-

luntatem interdum favorem atque benevolentiam significare, cum *velle* alicui nihil aliud sit, quam *favere*. Addit vero etiam locum e Caesaris b. Gall. de promptum, e quo patet, pluralem numerum hujus vocis usurpatum esse.

In colloquium uti de pace etc. Haec verba e cap. antecedenti repetita, et propter Ablat. absolutum ab interprete aliquo adjecta esse, diligenter observat Cortius.

benigne habere, idem ambobus polliceri. Illi pariter laeti, ac spei bonae pleni. Sed nocte ea, quae proxima fuit ante diem, colloquio decretum, Maurus adhibitis amicis, ac statim immutata voluntate, remotis, dicitur secum ipse multa agitavisse, voltu corporis pariter, atque animo varius: quae scilicet, tacente ipso, occulta pectoris patefecisse. Tamen postremo Sullam arcessiri jubet, et ex ejus sententia Numidae insidias tendit. Deinde, ubi dies advenit, et ei nunciatum est, Iugurtham haud procul abesse; cum paucis amicis et Quaestore nostro, quasi obviis honoris causa, procedit in tumulum, facillum visu insidiantibus. Eodem Numida cum plerisque necessariis suis, inermis, ut dictum, accedit; ac statim, signo dato, undique

adhibitis amicis sc. in consilium. Nam *in consilium adhibere*, et simpliciter: *adhibere*, idem est quod: *consultare aliquem*.

Ac statim — remotis. Summam animi inconstantiam et levitatem optime paucis his verbis depinxit.

voltu corporis. Omnem corporis habitum — nempe et oris lineamenta, oculorumque nutum, et gestus atque gressum hac voce (*voltus*) significari credo. — Genitivum corporis adiecisse videtur, quo directius

sibi invicem corpus animusque opponerentur, quamquam et *pleonastice* interdum sedes, tam lubricum, quam indiciorum, animi adjicitur.

tacente ipso — etiamsi ipse veram animi sententiam, seu potius animi trepidi aegritudinem et inconstantiam, celaret.

ex ejus sententia — sicut ille antea postulaverat.

ut dictum — ut inter eos antea convenerat, ne armatus insidiantibus se opponeret Iugurtha.

simul ex insidiis invaditur. Ceteri obtruncati: Jugurtha Sullae vinctus traditur, et ab eo ad Marium deductus.

CAPUT CXIV.

[Marius, Romanorum, qui male adversus Gallos pugnaverant, unica spes, absens iterum Consul creatur, Galliamque provinciam obtinet.]

Per idem tempus adversum Gallos ab ducibus nostris, Q. Caepione et M. Manlio, male pugnatum. Quo metu Italia omnis contremuerat. Illique et inde ad nostram memoriam Romani sic habuere: alia omnia virtuti suae prona esse; cum Gallis pro salute, non pro gloria certare. Sed postquam bellum in Numidia confectum, et Jugurtham vinctum adduci Romam nunciatum est; Marius Consul absens factus, et ei decreta

CAP. CXIV. *adversum Gallos* — Rectius: *Germanos, Cimbro-
bro- nempe, Teutonos, Tiguri-
nos. De Manlii Caepionis-
que adversa pugna vid. Flor.
III. Cap. 3.*

quo metu. Observent juvenes hunc loquendi modum pro: ob quam cladem metu exorto.

Illique et inde etc. Illius aevi cives et ab illo tempore ad nostram usque aetatem.

sic habuere — sibi persuaserunt, sive: pro certo statuerunt.

virtuti suae prona esse, virtute

sua facile perfici posse; seu: virtuti s. prospere cedere.

cum Gallis — suppl. autem.

absens — quod favorem civium optime declarat, cum plerique praesentes largitionibus ad Consulatum pervenire studerent, absentis autem haud facile ratio haberetur. Non possum, quin ex copiosissima Cortii penu insigne hujus rei testimonium depromam, quod est in veteri inscriptione ab illo citata:

provincia Gallia. Isque Kalendis Ianuariis magna gloria Consul triumphavit. Ea tempestate spes atque opes civitatis in illo sitae.

C. MARIUS IUGVRTHAM CEPIT, ET TRIUMPHANS IN SECVNDO CONSVLATV ANTE CVRRVM SVVM DVCI IVSSIT.
e triumphis legere cupien-

tem ad Nieuportum (p. 280. in succincta rituum Rom. explic.) relegamus. Cfr. splendida triumphimagō, a Nasōne delineata 1. Amor. Eleg. VII. 35.

EMENDANDA ATQVE MVTANDA.

Pag. xv lin. 20 Pharfalica leg.

— xxx lin. 11 post *nato* ponatur comma.

— xxxix lin. 9 addatur

Sallusti Werke lateinisch und teutsch von J. C. Schlüter,
Prof. auf der Univ. zu Münster. 1ster Theil 1806. 8.

(Textus conjecturarum ope hinc inde emendatus est
a Schlütero.)

Conf. Ephem. Lit. Götting. 1806. St. 113.

— 17 lin. 6 infra post voces *ante* et *suspicionē* commata
ponantur.

— 21 lin. 6 in textu post vocem *pulcherruma* adde; *et*
optuma.

— 27 lin. 8 in notis dextri marginis pro: *laudibus sunt*
legas: non sunt.

— 37 *privignum* *mutes* in *filium.*

— 40 lin. 4 in not. sinistri marginis post *Catilinae* scribas
filium.

— 41 lin. 8 in not. marg. dextri pro *edocuit* rectius sup-
plemus *Sallustianum; imperabat.*

— 56 lin. 16 in not. marg. dext. vox *cum* deleatur.

— 61 lin. 15 in not. m. s. *ferrentur* leg. pro *ferentur.*

— 77 lin. 9 in not. m. s. *festinationem* pro *festinantiam.*

— 81 prima notula s. m. deleatur, vel post *ut* addatur *etiam.*

— 83 lin. 3 in not. m. s. *tabulis* legatur.

— 86 lin. 20 in not. m. s. *soleant* pro *solent.*

— 87 lin. 5 in not. m. s. *deflectit.*

— 89 lin. ultima *hoc* pro *haec.*

— 91 lin. 2 *debellasset* pro *debellaverat.*

— 97 lin. 8 in not. *fuisse* pro *esse.*

— 104 lin. 7 *magistratu.*

— 106 lin. 16 *mallem muniis mutasset* Nieup. in *muneribus.*

— 160 l. 6 *Nam* pro *nam.*

THE UNIVERSITY OF CHICAGO

1. Die erste Gruppe ist die der
 2. Die zweite Gruppe ist die der
 3. Die dritte Gruppe ist die der
 4. Die vierte Gruppe ist die der
 5. Die fünfte Gruppe ist die der
 6. Die sechste Gruppe ist die der
 7. Die siebte Gruppe ist die der
 8. Die achte Gruppe ist die der
 9. Die neunte Gruppe ist die der
 10. Die zehnte Gruppe ist die der

[Faint, illegible text from the reverse side of the page.]

1. The first of these is the fact that the
2. second is the fact that the
3. third is the fact that the
4. fourth is the fact that the
5. fifth is the fact that the
6. sixth is the fact that the
7. seventh is the fact that the
8. eighth is the fact that the
9. ninth is the fact that the
10. tenth is the fact that the

ИЗДАТЕЛЬСТВО АН УССР

1. Die ...
 2. Die ...
 3. Die ...
 4. Die ...
 5. Die ...
 6. Die ...
 7. Die ...
 8. Die ...
 9. Die ...
 10. Die ...

1. The first of these is the fact that the
2. second of these is the fact that the
3. third of these is the fact that the
4. fourth of these is the fact that the
5. fifth of these is the fact that the
6. sixth of these is the fact that the
7. seventh of these is the fact that the
8. eighth of these is the fact that the
9. ninth of these is the fact that the
10. tenth of these is the fact that the

17

Sallustius Crispus, Gaius,

C. Crispi Sallustii opera exceptis fragmentis omnia

Bd.: 2

Lipsiae 1812

A.lat.b. 1620 a-1/2

urn:nbn:de:bvb:12-bsb10246314-0